



CONSELLERÍA DE PRESIDENCIA, XUSTIZA E DEPORTES

SECCIÓN 05

I. ESTRUCTURA ORGÁNICA E COMPETENCIAS

I.1. ESTRUCTURA ORGÁNICA

O Decreto 49/2024, do 22 de abril, fixa a estrutura orgánica das consellerías da Xunta de Galicia. De conformidade con este, aprobouse o Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, tendo en conta os criterios de eficacia e economía que deben inspirar a actuación e a organización administrativa e coa finalidade de conseguir o máximo nivel de calidade na prestación de servizos.

A Consellería de Presidencia, Xustiza e Deportes, baixo a superior dirección da persoa titular, contará para o exercicio das súas funcións coa seguinte estrutura orgánica:

- A Secretaría Xeral Técnica.
- A Secretaría Xeral para o Deporte.
- A Dirección Xeral de Xustiza.
- A Dirección Xeral de Administración Local.
- A Dirección Xeral de Relacións Institucionais e Parlamentarias.
- A Dirección Xeral de Emerxencias e Interior.
- A Dirección Xeral de Relacións Exteriores e coa Unión Europea.
- A Dirección Xeral de Mobilidade.

Quedan adscritos á Consellería de Presidencia, Xustiza e Deportes, o Instituto de Medicina Legal de Galicia, órgano técnico ao servizo da Administración de xustiza, creado polo Decreto 119/2005, do 6 de maio, e os órganos colexiados que se establecen no artigo 3 do Decreto 136/2024, do 20 de maio.

Tamén quedan adscritas á Consellería de Presidencia, Xustiza e Deportes as seguintes entidades:

- a) A Academia Galega de Seguridade Pública, que se axustará nos seus fins, estrutura e funcionamento ao disposto na Lei 1/2007, do 15 de xaneiro, da Academia Galega de Seguridade Pública, e demais normas de aplicación.
- b) A Axencia Galega de Emerxencias, que se axustará nos seus fins, estrutura e funcionamento ao disposto na Lei 5/2007, do 7 de maio, de emerxencias de Galicia, e demais normas de aplicación.

I.2. COMPETENCIAS

A Consellería de Presidencia, Xustiza e Deportes, configurada como órgano de apoio e asistencia á Presidencia, é o departamento da Xunta de Galicia ao cal lle corresponden a elaboración, a proposta e a execución da política do Goberno galego en materia de xustiza, administración local, relacións institucionais e parlamentarias, emerxencias e interior, relacións exteriores e coa Unión Europea, deportes e mobilidade, que exercerá no nivel de desenvolvemento que se indica no Decreto 136/2024, do 20 de maio, para cada un dos órganos que integran este departamento.

I.2.1. DA CONSELLERÍA DE PRESIDENCIA, XUSTIZA E DEPORTES

SECRETARÍA XERAL TÉCNICA

A Secretaría Xeral Técnica exercerá as competencias e funcións establecidas polo ordenamento xurídico vixente en relación coas diferentes unidades e servizos en que se estrutura a consellería, así como aquelas outras que lle sexan delegadas ou encomendadas pola persoa titular da Consellería de Presidencia, Xustiza e Deportes.

Correspóndenlle, en particular:

- a) A asistencia técnica, o apoio e asesoramento á persoa titular da Consellería de Presidencia, Xustiza e Deportes.
- b) As funcións de réxime interior e os asuntos xerais da Consellería de Presidencia, Xustiza e Deportes.
- c) A vicepresidencia da Comisión de Secretarios Xerais, de conformidade co establecido na disposición adicional cuarta do Decreto 48/2024, do 22 de abril, polo que se establecen os órganos superiores e de dirección dependentes da Presidencia da Xunta de Galicia.

Ademais do anterior e xunto co desenvolvemento de competencias de carácter xenérico, asume a xestión, entre outras, das seguintes materias:

- A dirección, a coordinación e o control das oficinas de asistencia en materia de rexistro e atención á cidadanía, así como das demais oficinas de rexistro da Administración autonómica e das entidades locais galegas vinculadas ao Sistema de interconexión de rexistros (SIR).
- A xestión e o mantemento do Rexistro Electrónico de Apoderamentos, así como a coordinación co Rexistro Electrónico de Apoderamentos da Administración xeral do Estado e demais administracións públicas.

- A recepción, a dixitalización e o envío aos órganos competentes dos documentos presentados nas oficinas de Rexistro e Atención á cidadanía.
- A xestión de asuntos relativos ás asociacións, fundacións de interese galego, colexios profesionais e academias de Galicia.
- A tramitación das respostas aos requirimentos e peticións formulados á Consellería de Presidencia, Xustiza e Deportes polos xulgados, tribunais, o Defensor do Pobo, o Valedor do Pobo, a cidadanía e outros órganos e institucións.
- A xestión dos expedientes de contratación administrativa.
- A xestión dos asuntos relativos aos proxectos e actuacións da Consellería de Presidencia, Xustiza e Deportes financiados ou susceptibles de ser financiados con fondos europeos.
- O impulso, a coordinación e a xestión das actuacións de carácter transversal que lle poidan afectar á Xunta de Galicia.
- A xestión de infraestruturas administrativas.
- A avaliación, a implantación e a planificación en materia de prevención de riscos laborais.
- A coordinación dos servizos que a Xunta de Galicia lle encomende para a xestión da prevención e asistencia en materia de accidentes de traballo e enfermidades profesionais.
- O seguimento e a supervisión das obras e proxectos de competencia da consellería.
- A dirección do Parque Móbil da Xunta de Galicia e a coordinación dos parques sectoriais pertencentes a outras consellerías.
- A coordinación da asistencia médica facultativa ao persoal dos servizos centrais.

SECRETARÍA XERAL PARA O DEPORTE

A Secretaría Xeral para o Deporte exercerá as competencias e funcións en materia de deportes, entre elas as seguintes:

- a) O deseño, a programación, o desenvolvemento e a execución da política deportiva de Galicia.
- b) A promoción e a difusión da actividade física e do deporte, con especial atención á promoción da igualdade entre homes e mulleres, actuando, se é o caso, en colaboración con outras administracións e entidades públicas e privadas.
- c) O apoio e a promoción das asociacións deportivas, sempre que o seu ámbito de actuación non exceda o propio da Comunidade Autónoma.
- d) O estudo e a planificación das liñas de actuación no ámbito das infraestruturas deportivas.
- e) A promoción e a execución de infraestruturas de titularidade municipal mediante convenios de colaboración coas administracións locais. A colaboración coas administracións

loais e coas entidades deportivas a través de axudas e subvencións nos ámbitos das infraestruturas e da adquisición de equipamentos.

- f) En relación cos centros, tanto propios como dependentes doutas entidades, corresponderalle coordinar e supervisar o seu funcionamento e prestarlles a asistencia técnica necesaria para o correcto desenvolvemento da súa actividade.
- g) A xestión das prestacións e programas en materias propias das Secretaría Xeral, así como a realización de todas aquelas accións encamiñadas á mellora da actividade física e deportiva e da infraestrutura deportiva galega. j
- h) A promoción e a difusión do deporte galego nos ámbitos supraautonómicos.
- i) Aqueloutras que lle atribúa a normativa vixente.

Ademais do anterior, asume, entre outras, as seguintes funcións:

- A coordinación e a asistencia técnica dos centros e instalacións deportivas para o correcto desenvolvemento da súa actividade.
- O seguimento da creación e custodia do Rexistro de Instalacións Deportivas de Galicia e a elaboración do Plan xeral de instalacións e equipamentos deportivos.
- A tramitación, a concesión e a xestión das axudas e subvencións a entidades públicas ou privadas para a práctica deportiva, a construción ou reparación de infraestruturas deportivas ou a adquisición de equipamentos deportivos.
- A tramitación e a execución de convenios que permitan a execución da liñas de actuación da Secretaría Xeral.
- A elaboración, o deseño e a execución dos plans de tecnificación deportiva e alto nivel.
- A elaboración de plans e programas relacionados co ámbito deportivo non competitivo, especialmente relativos á promoción da actividade física no conxunto da sociedade e ao desenvolvemento das funcionalidades económica, social e educativa do deporte.
- A xestión dos centros de tecnificación deportiva da Xunta de Galicia e a súa coordinación coas federacións deportivas e outras entidades para a súa utilización.
- A tramitación da axuda á Fundación Deporte Galego.
- A coordinación e a supervisión das funcións da Escola Galega do Deporte.
- A elaboración dos plans e programas relacionados co deporte en idade escolar, particularmente con relación ao programa Xogade.
- As actuacións relativas ao desenvolvemento do alto nivel deportivo, do alto rendemento deportivo e do rendemento deportivo de base, en especial no ámbito do recoñecemento da condición de alto nivel, alto rendemento e rendemento deportivo de base e dos núcleos de adestramento especializado.
- A realización e a análise de auditorías financeiras e operativas ou de xestión ás federacións deportivas galegas.

- O Rexistro de Entidades Deportivas de Galicia, asumindo as tarefas derivadas da Lei 3/2012, do 2 de abril, do deporte de Galicia e do Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia.
- Exercer as funcións de secretario do Comité Galego de Xustiza Deportiva.
- Levar o seguimento xurídico dos procesos electorais das federacións deportivas.

DIRECCIÓN XERAL DE XUSTIZA

A Dirección Xeral de Xustiza exercerá as competencias que lle corresponden á Comunidade Autónoma de Galicia, relativas aos medios persoais, económicos e materiais ao servizo da Administración de xustiza, á promoción e desenvolvemento do dereito civil de Galicia, á demarcación e planta xudicial, notarial e rexistral, e ao acceso da cidadanía á xustiza en igualdade de oportunidades.

No exercicio das súas competencias correspóndenlle a este órgano as relacións ordinarias cos órganos do poder xudicial, co Ministerio de Xustiza e coas demais institucións relacionadas co ámbito xurisdiccional.

En particular, son competencias da Dirección Xeral de Xustiza:

- A programación e a xestión dos medios persoais e materiais da Administración de xustiza de Galicia, agás as que lle correspondan á Axencia para a Modernización Tecnolóxica de Galicia, incluíndo a xestión das relacións sindicais e a actividade negociadora neste ámbito sectorial, a autorización da nómina referente ás súas retribucións, o exercicio das potestades disciplinarias respecto do dito persoal e a prevención de riscos laborais nos centros de traballo da Administración de xustiza.
- O impulso do uso do galego na Administración de xustiza en colaboración coa Secretaría Xeral de Política Lingüística.
- A promoción do acceso da cidadanía á xustiza en igualdade de condicións, a través da dirección, reforma e control do sistema de asistencia xurídica gratuíta.
- A presentación das propostas sobre demarcación e planta xudicial, sobre demarcación notarial e sobre convocatoria das prazas vacantes de maxistratura, xudicatura, letrados e letradas da Administración de xustiza; elevación á persoa titular da Consellería de Presidencia, Xustiza e Deportes dos nomeamentos de persoas titulares de notarías e rexistros da propiedade; a elaboración do modelo de oficina xudicial e a implantación de programas de modernización, mellora e promoción da calidade no funcionamento das oficinas e servizos da Administración de xustiza.
- A elaboración das relacións de postos de traballo do persoal funcionario ao servizo da Administración de xustiza, así como das súas modificacións, de conformidade co previsto na Lei orgánica do poder xudicial e demais normativa en vigor.

- A organización e a supervisión do funcionamento do Instituto de Medicina Legal de Galicia e a programación de actuacións para o establecemento de sistemas de xestión de calidade dos seus servizos e para o seu desenvolvemento científico e tecnolóxico.
- A coordinación, coa Secretaría Xeral Técnica e coas delegacións territoriais, para impulsar a prevención de riscos laborais nos centros de traballo da Administración de xustiza.
- A execución das competencias da Consellería de Presidencia, Xustiza e Deportes para o funcionamento e a mellora da xustiza de paz e das oficinas colaboradoras do Rexistro Civil.
- A implantación, o impulso e o desenvolvemento de programas e actuacións de desxudicialización de conflitos e de promoción da mediación.
- O impulso da formación en igualdade e prevención e loita contra a violencia de xénero na Administración de xustiza, en colaboración coa Secretaría Xeral de Igualdade.
- Aqueloutras que, dentro do seu ámbito competencial, lle sexan asignadas ou delegadas.

DIRECCIÓN XERAL DE ADMINISTRACIÓN LOCAL

A Dirección Xeral de Administración Local é o órgano encargado da xestión das competencias que se lle atribúen á Xunta de Galicia en materia de Administración local. Correspóndenlle a este órgano as relacións coas entidades locais e coas demais institucións relacionadas co ámbito do poder local.

En particular, son competencias da Dirección Xeral de Administración Local:

- A coordinación das políticas públicas en materia de Administración local, xestión en materia de pacto local e cooperación coas asociacións de municipios.
- A proposición das directrices en relación cos programas de cooperación e financiamento local e, en especial, co Fondo de Cooperación Local.
- A elaboración dos programas formativos en materia de Administración local.
- O fomento das liñas de colaboración coas entidades locais galegas no referente á convocatoria e execución das subvencións a elas destinadas.
- O fomento e a ordenación dos procesos asociativos e consorciais das entidades locais así como as propostas en materia de organización territorial.
- O fomento do asociacionismo veciñal.
- A execución das competencias que, con respecto aos funcionarios e ás funcionarias con habilitación de carácter nacional, lle correspondan á Comunidade Autónoma de Galicia.
- A elaboración, impulso e xestión de programas con financiamento da Unión Europea e de cooperación transfronteiriza con incidencia no mundo local e no ámbito das competencias da consellería competente en materia de Administración local, facendo especial fincapé nas accións enmarcadas no eido da cooperación Galicia-Norte de Portugal.

- O impulso, estudo e control do cumprimento da Lei de Administración local de Galicia e demais normativa de réxime local, así como o exercicio das competencias que nesa materia lle correspondan á Comunidade Autónoma de Galicia.
- O impulso do proceso de incorporación do galego á Administración local de forma coordinada coa Secretaría Xeral de Política Lingüística.
- A xestión do Portal Eido Local, así como o fomento e impulso da incorporación das novas tecnoloxías, en colaboración coa Axencia para a Modernización Tecnolóxica de Galicia, e de métodos de calidade nas administracións locais galegas.
- A tramitación dos expedientes de declaración de urxente ocupación nas expropiacións forzadas instados polas entidades locais.
- O Rexistro de Entidades Locais de Galicia.
- A tramitación dos expedientes de alteración e deslindamento de termos municipais; a tramitación dos expedientes suxeitos a intervención autonómica en materia de patrimonio das entidades locais e a tramitación dos expedientes de solicitude de disolución dos órganos das corporacións locais e de consultas populares en asuntos de competencia municipal.
- O impulso da formación en igualdade e prevención e loita contra a violencia de xénero nas accións formativas para membros e persoal da Administración local en colaboración coa Secretaría Xeral da Igualdade.
- Aquelas outras que, dentro do seu ámbito competencial, que lle sexan asignadas ou delegadas.

DIRECCIÓN XERAL DE RELACIÓNS INSTITUCIONAIS E PARLAMENTARIAS

A Dirección Xeral de Relacións Institucionais e Parlamentarias é o órgano encargado da xestión das competencias que se lle atribúen á Comunidade Autónoma galega nas seguintes materias:

- a) A asunción das relacións entre o Goberno e o Parlamento galego, para artellar de xeito fluído as comunicacións entre ambos os dous órganos da Comunidade Autónoma, facilitando o control parlamentario sobre o Goberno e a achega das propostas deste ao lexislativo.
- b) A representación ordinaria do Goberno na Xunta de Portavoces do Parlamento, sen prexuízo de que a poida asumir outra persoa, membro do Goberno galego, cando este o considere oportuno.
- c) A asistencia ou representación da persoa titular da Consellería de Presidencia, Xustiza e Deportes nas reunións da Xunta de Portavoces do Parlamento, cando o Goberno considere oportuno acudir a elas, de conformidade co previsto no artigo 38.2 do Regulamento.
- d) A información e asistencia ao Goberno nas súas relacións co Parlamento de Galicia.

- e) O seguimento do programa lexislativo do Goberno galego e dos acordos adoptados polo Parlamento de Galicia.
- f) A organización e coordinación dos procesos electorais en que sexa competente a Comunidade Autónoma de Galicia, así como a representación da Xunta de Galicia naqueles procesos electorais a que estea invitada como observadora.
- g) A xestión e a resolución das axudas ás formacións políticas con representación no Parlamento de Galicia, previstas no capítulo III do título I da Lei 9/2015, do 7 de agosto, de financiamento das formacións políticas e das fundacións e entidades vinculadas ou dependentes.
- h) O seguimento das iniciativas tramitadas nas Cortes Xerais ou noutras comunidades autónomas que puideren ter algunha relación coa Comunidade Autónoma de Galicia.
- i) A determinación do departamento da Xunta de Galicia que debe dar resposta ás iniciativas parlamentarias que se presenten na Cámara.
- j) A representación da Comunidade Autónoma no que atinxe ás relacións institucionais coa Administración e Goberno estatal, así como coas restantes administracións e gobernos doutras comunidades autónomas.
- k) O rexistro dos convenios subscritos pola Administración xeral da Comunidade Autónoma de Galicia e polas entidades instrumentais do sector público autonómico galego.
- l) A legalización de sinaturas de documentos da Administración da Comunidade Autónoma de Galicia e do sector público autonómico que vaian producir efectos no estranxeiro, conforme o establecido no Decreto 351/2009, do 9 de xullo, polo que se regula a legalización de documentos da Administración da Comunidade Autónoma de Galicia que deban producir efectos no estranxeiro.
- m) A representación da Comunidade Autónoma de Galicia na Comisión Mixta de Transferencias e nas comisións bilaterais de cooperación entre a Administración xeral do Estado e a Administración autonómica, así como naqueles foros en que sexa necesaria a súa presenza e non estea predeterminado o departamento que deba asistir por razón da materia que se vai tratar, cando así o acorde o Consello da Xunta de Galicia.
- n) O seguimento da participación da Xunta de Galicia nas conferencias sectoriais.
- o) A coordinación da actividade da Comisión de Seguimento de disposicións normativas do Estado e doutras comunidades autónomas.
- p) A coordinación e o seguimento de actuacións en materia de liberdade relixiosa e de culto, xunto cos órganos competentes dos demais departamentos, así como a colaboración coas institucións e organizacións interesadas no seu estudo e desenvolvemento.
- q) A coordinación, xunto cos órganos competentes dos demais departamentos, de programas de cooperación en materia de memoria democrática con outras comunidades autónomas, corporacións locais e outros organismos.
- r) A representación da Consellería de Presidencia, Xustiza e Deportes naqueles supostos en que lle sexa encomendada pola persoa titular.

- s) Aqueloutras que, dentro do seu ámbito competencial, que lle sexan asignadas ou delegadas.

DIRECCIÓN XERAL DE EMERXENCIAS E INTERIOR

A Dirección Xeral de Emerxencias e Interior exercerá as competencias que lle corresponden á Comunidade Autónoma de Galicia, relativas ás materias de protección civil e atención de emerxencias, e de interior e seguridade.

En particular, son competencias da Dirección Xeral de Emerxencias e Interior:

1. En materia de protección civil e emerxencias:

A planificación e coordinación das políticas de protección civil e emerxencias, no marco das competencias da Comunidade Autónoma de Galicia.

A dirección e a coordinación das funcións que ten atribuídas a Axencia Galega de Emerxencias nesta materia.
2. En materia de interior e seguridade:

A autorización da celebración de espectáculos públicos e actividades recreativas que se desenvolvan en máis dun termo municipal da Comunidade Autónoma de Galicia, así como a elaboración dos correspondentes estudos, informes e anteproxectos de disposicións xerais na materia.

A xestión do Rexistro de empresas e establecementos dedicados ao desenvolvemento de espectáculos públicos e actividades recreativas.

A tramitación dos procedementos de expedición da habilitación e do distintivo acreditativo como persoal de control de acceso a espectáculos públicos, actividades recreativas e establecementos abertos ao público.

O exercicio da xefatura dos servizos de seguridade baixo a superior autoridade da persoa titular da Consellería de Presidencia, Xustiza e Deportes.

A proposta e a execución dos plans de seguridade da Comunidade Autónoma de Galicia, así como a elaboración e proposta dos plans e proxectos de actuación, xestión e planificación operativa dos servizos policiais adscritos á Dirección Xeral de Emerxencias e Interior.

A planificación, a xestión e a distribución dos recursos humanos e materiais destinados á seguridade da Comunidade Autónoma de Galicia, e a proposta ou a resolución, se é o caso, das cuestións relativas á selección, formación e perfeccionamento do persoal adscrito aos servizos policiais da Comunidade Autónoma de Galicia.

As funcións de coordinación das policía locais que lle correspondan á Comunidade Autónoma.

O establecemento de mecanismos e fórmulas de cooperación coas forzas e corpos de seguridade do Estado para a coordinación e a realización das competencias en materia de prevención e seguridade.

A elaboración de cantos informes e estudos requira e exixa o exercicio das competencias que lle corresponden á Consellería de Presidencia, Xustiza e Deportes en materia de prevención e seguridade.

O impulso para garantir a formación en igualdade e prevención e loita contra a violencia de xénero, dentro das actividades formativas e de perfeccionamento do persoal de seguridade, policía e bombeiros, en colaboración coa Secretaría Xeral de Igualdade.

A preparación dos correspondentes estudos e anteproxectos de disposicións xerais.

3. Aqueloutras que, non estando incluídas neste artigo, lle atribúa a normativa vixente, así como as que, dentro do seu ámbito competencial, lle sexan asignadas ou delegadas.

DIRECCIÓN XERAL DE RELACIÓN EXTERIORES E COA UNIÓN EUROPEA

Entre as atribucións da Dirección Xeral de Relacións Exteriores e coa Unión Europea destacan as seguintes:

- A execución da actividade europea e da actividade exterior da Xunta de Galicia, sen prexuízo das competencias sectoriais que lle correspondan a cada departamento.
- A cooperación institucional e técnica en relación co proceso de integración europea, especialmente naquelas materias relacionadas coas políticas rexionais e sectoriais, e nas organizacións rexionais europeas non comunitarias.
- A coordinación entre os departamentos da Xunta de Galicia para os asuntos relacionados coa Unión Europea e coa acción e cooperación exteriores.
- A elaboración dos plans e estratexias no marco da Unión Europea, da acción exterior e da cooperación ao desenvolvemento, nos cales se determinarán as prioridades xeográficas e sectoriais de actuación da Xunta de Galicia.
- A representación da Comunidade Autónoma nos órganos que existan entre a Administración xeral do Estado e as comunidades autónomas, sobre acción exterior e cooperación ao desenvolvemento, sen prexuízo das competencias doutros órganos autonómicos.
- A promoción das relacións de cooperación con entidades e institucións non estatais ou subestatais estranxeiras, fomentando especialmente a dimensión de xénero en todas elas, sen prexuízo das funcións doutros departamentos ou centros directivos.
- A elaboración das propostas de desenvolvemento normativo nas materias da súa competencia.
- O fomento da imaxe integral de Galicia no exterior.
- O seguimento das actuacións da Fundación Galicia Europa.
- A tramitación das notificacións oficiais de axudas públicas e das correspondentes ás actuacións inherentes ás queixas e infraccións comunitarias en que o Ministerio de Asuntos

Exteriores, Unión Europea e Cooperación ou a Comisión Europea requiran un único centro de notificación e de interlocución.

- O desempeño das tarefas inherentes á súa condición de organismo intermedio para a xestión dos fondos comunitarios destinados á cooperación transfronteiriza, de conformidade co establecido nos regulamentos comunitarios, nas disposicións de aplicación do programa operativo e no acordo que se subscriba coa autoridade de xestión.
- A canalización da información que se xere no ámbito da Unión Europea e que sexa de interese para as distintas consellerías e órganos superiores da Xunta de Galicia, para as entidades integrantes do sector público autonómico e para a sociedade galega en xeral.
- A implementación e supervisión da execución da Estratexia galega de acción exterior (Egaex), así como a prospección do contorno exterior para propor a súa revisión puntual ou actualización integral, sen prexuízo das competencias que lle correspondan a outros centros directivos.
- O impulso da acción de cooperación ao desenvolvemento de conformidade coas prioridades xeográficas e sectoriais de actuación da Xunta de Galicia, e a intervención na determinación dos procedementos económicos e administrativos na materia.
- O fomento da cooperación ao desenvolvemento entre os diferentes axentes de cooperación galegos, promovendo o seu fortalecemento e a súa participación a través do Consello Galego de Cooperación para o Desenvolvemento.

DIRECCIÓN XERAL DE MOBILIDADE

Entre as atribucións da Dirección Xeral de Mobilidade destacan as seguintes:

- A planificación, a coordinación e o seguimento da política xeral de transportes e a execución dos servizos e das infraestruturas de transportes na Comunidade Autónoma.
- A promoción da investigación sobre transporte, loxística e mobilidade, e o asesoramento ao departamento nestas materias.
- A asistencia e a supervisión ao funcionamento da Xunta Arbitral de Transportes de Galicia, como instrumento de protección e defensa das partes intervinientes no transporte.
- A ordenación do transporte terrestre, por cable e marítimo no ámbito competencial da Comunidade Autónoma.
- A planificación e prestación dos servizos de transporte a escolares con dereito a transporte escolar gratuíto no ámbito das competencias da Administración xeral da Comunidade Autónoma.
- O exercicio das competencias que corresponden á Administración xeral da Comunidade Autónoma en relación co Servizo Galego de Apoio á Mobilidade Persoal, como transporte adaptado, programado e non urxente, para traslados puntuais, de persoas usuarias que se encontren en situación de discapacidade e/ou dependencia e de imposibilidade de utilización do transporte público colectivo.

- A planificación e a execución das políticas de control e inspección dos diversos modos de transporte.
- A tramitación e a resolución dos expedientes sancionadores en materia de transporte terrestre e marítimo, de conformidade coas normas de atribución de competencias vixentes. Así mesmo, e de acordo con esas mesmas normas, o estudo e a tramitación dos recursos administrativos que se formulen contra as resolucións ditadas en tal clase de expedientes, e a súa resolución, de ser o caso.
- O estudo, a análise e a implantación de plans e proxectos de fomento do transporte público e a mobilidade sustentable, o control e a supervisión dos sistemas de información e xestión automatizados, a coordinación dos transportes urbanos cos interurbanos e o fomento de melloras nos elementos móbiles do transporte.
- A planificación, a coordinación e a execución da oferta intermodal de transporte na Comunidade Autónoma e das infraestruturas do transporte de viaxeiros/as, e a proposta de adxudicación e explotación das terminais de transportes de viaxeiros/as.
- A planificación, a promoción, a proxección, a construción e a xestión dos centros integrados de transporte e de plataformas para as actividades do transporte e a operatividade loxística de mercadorías.
- A programación de investimentos, obras e instalacións de transportes por estrada, ferrocarril, aéreo e por cable e o réxime administrativo, dirección, inspección e control delas no ámbito das competencias da Comunidade Autónoma de Galicia.
- O desenvolvemento da xestión administrativa en materia de transporte.
- A coordinación da actividade dos servizos territoriais de mobilidade.

1.2.2. DOS ORGANISMOS AUTÓNOMOS

ACADEMIA GALEGA DE SEGURIDADE PÚBLICA

A Academia Galega de Seguridade Pública (AGASP), foi creada pola Lei 1/2007, do 15 de xaneiro, que regula, entre outros aspectos, os seus fins e as súas funcións:

A Academia Galega de Seguridade Pública orientará a súa actuación ao:

- Enriquecemento do capital humano dos servizos de seguridade pública mediante a súa capacitación a través da formación, a innovación e a excelencia.
- Compromiso de xerar e transferir as bases de coñecemento para a mellora das políticas en materia de seguridade pública.
- Impulso da calidade nos servizos de seguridade pública para unha mellor atención ao cidadán.

As funcións formativas da AGASP son as seguintes:

1. No ámbito da formación xudicial e penitenciaria e da seguridade privada:
Organizar e realizar nas materias de seguridade pública, en colaboración co Consello Xeral do Poder Xudicial e cos ministerios competentes en materia de xustiza e interior, así como con outros organismos, universidades ou centros de investigación, actividades dirixidas á formación de xuíces e fiscais, dos funcionarios de institucións penitenciarias e dos traballadores da seguridade privada, a través do asinamento dos oportunos convenios.
2. No ámbito da formación policial:
Elaborar os programas formativos e impartir os cursos dirixidos ao ingreso e á promoción interna nas distintas escalas dos corpos da policía de Galicia e das policía locais, así como a súa formación continua, perfeccionamento e especialización.
Colaborar coas administracións competentes na selección do persoal dos corpos da policía de Galicia e das policía locais.
Facilitarlles aos concellos os medios de coñecemento e información precisos para unha mellor execución dos servizos específicos das policía locais.
3. No ámbito da formación de protección civil, bombeiros e axentes forestais:
Elaborar os programas formativos e impartir os cursos de formación e perfeccionamento dirixidos aos integrantes dos servizos de protección civil e aos membros dos corpos de bombeiros das entidades locais coas que se formalice o correspondente convenio de colaboración.
Impartir os cursos dirixidos aos axentes forestais.
Colaborar coas entidades locais na selección e formación continua do persoal integrante dos corpos de bombeiros e de protección civil.
Facilitarlles aos concellos os medios de coñecemento e información precisos para unha mellor execución dos servizos específicos de bombeiros e protección civil, establecéndose os convenios oportunos.

Son tamén funcións da AGASP nas materias que lle son propias:

- Investigar, estudar e divulgar contidos, técnicas e documentación, con especial referencia á realidade galega.
- Promover relacións de intercambio e colaboración coas universidades e institucións de Galicia, así como con outros centros docentes e investigadores de ámbito autonómico, estatal ou internacional.
- Homologar, cando proceda, os títulos correspondentes aos cursos de formación impartidos por outras academias, escolas ou centros.
- Calquera outra que lle poida ser atribuída polas normas, de conformidade coa súa natureza.

I.2.3. DAS AXENCIAS PÚBLICAS AUTONÓMICAS

AXENCIA GALEGA DE EMERXENCIAS

A Axencia Galega de Emerxencias (AXEGA) se axustará nos seus fins estrutura e funcionamento ao disposto na Lei 5/2007, do 7 de maio, de Emerxencias de Galicia, ao Decreto 292/2008, do 30 de decembro, polo que se establece a estrutura orgánica da Axencia Galega de Emerxencias, e ao Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, que regula na súa disposición adicional primeira a integración na Axencia Galega de Emerxencias da Subdirección Xeral de Planificación e Protección Civil e dos servizos de Emerxencias dos Departamentos territoriais, establecendo as súas funcións.

Correspóndelle á AXEGA o exercicio das seguintes funcións:

- A coordinación e a execución das atribucións que ten asumidas a consellería en materia de atención de emerxencias e de protección civil, tales como a intervención e a atención das emerxencias e o restablecemento dos servizos esenciais para a cidadanía afectada por unha emerxencia, no marco das funcións atribuídas a esta pola Lei 5/2007, do 7 de maio, de emerxencias de Galicia.
- Xestionar o Centro de Atención de Emerxencias 112 Galicia e prestar materialmente a asistencia requirida polos cidadáns e polas cidadás a través del, ou dar traslado, segundo se estableza regulamentariamente, daquelas que lles corresponda atender a outros organismos competentes na materia.
- Xestionar os medios e recursos operativos que se poidan incorporar á axencia.
- Analizar os riscos e mais identificalos e localizalos no territorio co fin de elaborar o mapa e o catálogo de riscos de Galicia, así como os catálogos de medios e recursos e o catálogo de servizos.
- Desenvolver programas en materia de protección civil e xestión de riscos e de emerxencias consonte as directrices emanadas da Xunta de Galicia e establecer os medios para fomentar actuacións que contribúan á prevención de riscos, á atenuación dos seus efectos e, en xeral, á toma de conciencia e sensibilización dos cidadáns da importancia de protección civil.
- Levar a cabo os estudos necesarios para a elaboración do Plan territorial de protección civil de Galicia, dos plans especiais e das liñas directrices para a elaboración dos plans territoriais que correspondan.
- Avaliar e cualificar o risco cando lle sexa comunicada unha situación de emerxencia das que poden dar lugar á activación dun plan público de protección civil.
- Por á disposición dos órganos competentes da Xunta de Galicia os medios á súa disposición para a xestión das emerxencias de interese galego baixo a superior dirección da persoa titular da presidencia da Xunta ou da persoa titular da consellaría na que esta delegue e mais daqueloutras emerxencias que os plans especiais ou territoriais determinen.

- Estudar as actuacións necesarias para o restablecemento dos servizos esenciais para a comunidade e a restauración, a rehabilitación e o entorno a normalidade en casos de catástrofe ou calamidade.
- Fomentar, a vinculación voluntaria e desinteresada dos cidadáns as actividades de protección civil.

1.2.4. DOS CONSORCIOS PROVINCIAIS E COMARCAIS CONTRA INCENDIOS

A entrada en vigor da Lei 5/2007, do 7 de maio, de emerxencias de Galicia, supuxo o mandato do Parlamento de Galicia para que se acaden importantes obxectivos no ámbito da protección civil e a xestión de emerxencias, sendo un dos máis destacables a necesidade de acadar a maior homoxeneidade posible da prestación do servizo de extinción de incendios e salvamento en toda Galicia do xeito máis eficaz.

Neste senso a Xunta de Galicia, xunto coas deputacións provinciais de Galicia, a pesar de que é un servizo de competencia provincial ou local, participa na xestión e financiamento dos distintos consorcios contra incendios existentes na nosa comunidade.

A figura do consorcio contra incendios foi posta en marcha pola Xunta de Galicia, ao abeiro da lei de Administración local de Galicia, no ano 1999 coa finalidade de prestar este servizo esencial á poboación galega con independencia do seu lugar de residencia, garantindo a protección das súas vidas e patrimonios mediante a implementación de servizos profesionais de atención ás emerxencias as vinte e catro horas do día os 365 días do ano.

Estes consorcios, que inicialmente foron configurados con carácter comarcal, permitiron pasar dos 7 parques existentes na nosa comunidade no ano 1999 (parques municipais das grandes cidades galegas) á existencia neste intre, xa en funcionamento, de 32 parques en Galicia.

A fórmula de xestión destes servizos é a través dos consorcios contra incendios e de salvamento, que permiten unha xestión áxil e eficaz dos recursos, ao mesmo tempo que unha proximidade ao territorio cuberto polos mesmos e ás administracións implicadas no seu ámbito de actuación.

Estes consorcios que xestionan o servizo de extinción de incendios e salvamento, teñen actualmente todos eles, agás o consorcio comarcal Deza/Tabeirós con parque en Silleda, un carácter provincial nas catro provincias galegas, e, sen prexuízo da participación financeira da Xunta de Galicia, adscribíense ás respectivas deputacións provinciais de acordo coa Lei 27/2013, do 27 de decembro e a Lei 40/2015, do 1 de outubro.

1.2.5. DAS FUNDACIÓNS DO SECTOR PÚBLICO AUTONÓMICO

FUNDACIÓN GALICIA EUROPA

A Fundación Galicia Europa é unha entidade sen ánimo de lucro e ente instrumental do sector público autonómico, creada en 1988, que ten como obxectivo xeral promover o achegamento entre Galicia e Europa.

Ademais da previsión establecida no Decreto 178/2015 de acción exterior da Comunidade Autónoma de Galicia, a Fundación Galicia Europa aparece regulada na disposición adicional segunda da Lei 10/2021, do 9 de marzo, reguladora da acción exterior e da cooperación para o desenvolvemento de Galicia. Tal e como se prevé na citada norma, a Fundación Galicia Europa, configúrase como unha entidade instrumental do sector público autonómico sen ánimo de lucro que opera, ademais, sometida ao dereito local foráneo onde desenvolve as súas actividades. Ten o mandato da Administración autonómica para exercer a representación autonómica galega ante as institucións e os órganos da Unión Europea, seguindo as directrices do Goberno autonómico e respectando os principios de unidade de acción exterior do Estado. A Fundación estará adscrita e sometida á tutela funcional do órgano de dirección da Administración autonómica en que se encadren as competencias fundamentais de relacións coa Unión Europea e acción exterior da Administración autonómica.

Respecto das funcións que lle son propias á Fundación Galicia Europa, ao longo do seus máis de 30 anos de historia, o traballo da FGE tense materializado en catro grandes ámbitos de acción que responden aos seguintes obxectivos:

- a) Defender os intereses de Galicia perante a Unión Europea;
- b) Informar sobre a Unión Europea en Galicia;
- c) Formar e sensibilizar sobre a Unión Europea en Galicia,
- d) Promover a participación das entidades galegas en proxectos europeos.

A Xunta de Galicia é membro fundador da Fundación Galicia Europa xunto con outras institucións como ABANCA. Ambas son membros do actual padroado xunto co Consorcio da Zona Franca de Vigo, as deputacións de Coruña e Lugo e a Axencia Galega de Innovación.

A FGE ten a sede en Santiago de Compostela e dispón dunha oficina en Bruxelas.

FUNDACIÓN SEMANA VERDE DE GALICIA

A Fundación Semana Verde de Galicia é unha entidade sen ánimo de lucro, constituída mediante escritura pública outorgada o 16 de marzo de 1991. Foi declarada de interese galego por Orde da consellería do 10 de xullo de 1991 (DOG, núm. 140, do 23 de xullo). Figura inscrita no

Rexistro de fundacións de interese galego, Sección da actual Consellería de Presidencia, Xustiza e Deportes con número 1991/5.

A composición do padroado, establecida no artigo 12 dos estatutos (aprobados por acordo da Xunta de Galicia do 13 de decembro de 2018 e formalizados en escritura pública 20 de decembro de 2018) é a seguinte: O presidente e 6 patróns en representación da Xunta de Galicia; Dous patróns en representación da Deputación de Pontevedra; Dous patróns en representación da Asociación Feiral Semana Verde de Galicia; Un patrón en representación do Concello de Silleda e un patrón en representación de Abanca.

Entre os fins da Fundación atópanse:

- Contribuír ao desenvolvemento do sector agrario galego, a través de actividades feirais e mercados agropecuarios.
- Promover a cooperación público-privada no desenvolvemento de actividades feirais e promocionais no eido agrario, alimentario, industrial e comercial co obxecto de impulsar a mellora continua dos devanditos sectores.
- Reforzar a posición estratéxica de Galicia como plataforma feiral para o desenvolvemento de grandes eventos sectoriais de ámbito estatal e internacionais.
- O impulso e promoción do Recinto Feiral de Galicia en Silleda como enclave estratéxico para o desenvolvemento socioeconómico de Galicia, e en particular, como infraestrutura de promoción e exposición comercial.

Para a consecución destes fins, a Fundación realiza as seguintes actividades:

- Organización de actividades feirais, expositoras e promocionais relacionadas cos sectores agrario e industrial de Galicia, ben directamente ou ben en colaboración con administracións públicas ou outras entidades públicas ou privadas, con especial mención, neste último caso, á Asociación Feiral Semana Verde de Galicia.
- Colaboración co sector público e privado na realización de eventos sectoriais, exposicións e lonxas de contratación, que contribúan ao cumprimento dos fins fundacionais.
- Facilitar a implantación de actividades económicas públicas, privadas ou mixtas baixo o réxime de concertación, dentro das súas instalacións e terreos, que contribúan de forma significativa á elevación do nivel económico da zona e á viabilidade económica da Fundación.
- Prestación de servizos e aportación de medios técnicos e instalacións do Recinto Feiral de Galicia en Silleda en orde ao impulso e mellora da posición estrutural dos sectores agroalimentario e industrial, e así mesmo, en orde á garantía da viabilidade económica da Fundación, mediante a posta en valor das instalacións da mesma, para a mellora da xestión económico-administrativa e o mellor aproveitamento do patrimonio da Fundación.

- Apoio e difusión de boas prácticas que contribúan a mellorar o dinamismo e rendibilización do sector feiral de Galicia, e en particular, a avaliación e redución do impacto negativo do mesmo no medio ambiente.
- Patrocinio do certame anual “Semana Verde de Galicia” e subscrición de convenios de colaboración e patrocinio con aquelas entidades públicas ou privadas que contribúan de forma significativa ao cumprimento dos fins fundacionais, con especial mención, neste último caso, á Asociación Feiral Semana Verde de Galicia.

Así mesmo, a Fundación Semana Verde de Galicia realiza as tarefas resultantes das encomendas que se lle asignan.

FUNDACIÓN DEPORTE GALEGO

A Fundación Deporte Galego foi constituída pola Xunta de Galicia como fundación de interese galego para o fomento do deporte e a práctica deportiva no seu ámbito de actuación. A fundación, constituída sen ánimo de lucro, está declarada de interese galego por Orde do 19 de xuño de 2001.

O seu patrimonio está afectado de forma permanente á realización dos fins de interese xeral que constitúen o seu obxecto. Asemade, ten a consideración de medio propio e instrumental da Xunta de Galicia, o que implica a súa vinculación ao réxime dos artigos 47 e seguintes da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

A Fundación Deporte Galego está adscrita á Secretaría Xeral para o Deporte.

De acordo os seus estatutos, a fundación ten por finalidade a promoción e incentivo do deporte e da actividade física en Galicia, comprendéndose nestes ámbitos tanto as actividades deportivas competitivas como calquera outras vertentes do eido deportivo e da actividade física, como son os ámbitos educacional, a saúde ou, entre outros, os ligados á vertente económica do deporte e ás súas función sociais. No seu ámbito de actuación podemos destacar as seguintes tres grandes liñas.

I. Apoio ao deporte de alto nivel.

O obxectivo fundamental nesta liña é incrementar o número de entidades e recursos para elas. Asemade, desenvolver actuacións que favorezan ás persoas deportistas compaxinar estudos ou traballo e competición, así como a incorporación ao mundo laboral unha vez finalizada a súa carreira deportiva. Para o cumprimento desta liña lévanse a cabo distintas accións, entre as que podemos destacar as seguintes:

- A sinatura de convenios de patrocinio cos clubs galegos de alta competición.
- A convocatoria de axudas aos deportistas galegos de alto nivel.

- A posta en marcha da Oficina de Atención ao Deportista.

2. Plan Galicia Saudable

Co Plan Galicia Saudable preténdese o fomento da práctica de actividade física e a mellora da condición física en toda a poboación co obxectivo de reducir o risco de padecer enfermidades non transmisibles. As actuacións coordinadas coas diferentes consellerías é o eido principal na consecución deste obxectivo, colaborando coa comunidade científica na fundamentación das mesmas e consolidando as TIC como ferramentas imprescindibles.

3. Deseño de programas físico – deportivos nas instalacións xestionadas directamente pola Fundación.

Dentro desta liña podemos destacar a supervisión e o control das xestións e actuacións realizadas polas empresas concesionarias nas xestións indirectas.

Por último, cómpre mencionar que a Fundación integra os principios de igualdade e inclusión de maneira transversal nas súas actuacións, na práctica deportiva en xeral e na de alto nivel en particular.

II. PRINCIPAIS LIÑAS DE ACCIÓN

II.1. DA CONSELLERÍA DE PRESIDENCIA, XUSTIZA E DEPORTES

O papel central da Consellería de Presidencia, Xustiza e Deportes na súa acción para o ano 2025 é o de exercer a súa función como órgano de apoio e asistencia á Presidencia da Xunta de Galicia, así como de coordinación da mesma coas administracións locais, coas institucións do Estado e co Parlamento de Galicia. Ademais, a Consellería de Presidencia, Xustiza e Deportes exercerá a coordinación da acción exterior do Goberno galego, en todos aqueles ámbitos de interese estratéxico para Galicia e coa interlocución coas distintas institucións e organizacións implicadas.

Intégranse na Consellería de Presidencia, Xustiza e Deportes, a Secretaría Xeral Técnica (con funcións de coordinación de servizos transversais), a Secretaría Xeral para o Deporte, a Dirección Xeral de Xustiza, a Dirección Xeral de Administración Local, a Dirección Xeral de Relacións Institucionais e Parlamentarias, a Dirección Xeral de Emerxencias e Interior, a Dirección Xeral de Relacións Exteriores e coa Unión Europea e a Dirección Xeral de Mobilidade.

No ano 2025 a Consellería de Presidencia, Xustiza e Deportes, centrará os seus esforzos en mellorar a calidade de vida dos galegos e galegas, promovendo a actividade física e o deporte, contribuíndo a unha xustiza máis eficiente e próxima á cidadanía, atendendo ás demandas das entidades locais, procurando a mellora constante na atención ás emerxencias no territorio galego, dirixindo a acción exterior da Comunidade Autónoma cun esforzo renovado a prol da cooperación ao desenvolvemento, promovendo unha política activa no eido da mobilidade e achegando unha administración cada vez máis eficiente á cidadanía.

No marco da estratexia de mellora das infraestruturas administrativas, a Xunta de Galicia vén asignando importantes recursos económicos para poder contar cuns espazos de traballo e servizo público modernos e en óptimas condicións de utilización. Así, nos últimos anos, xa se puxeron en marcha distintos proxectos para diminuír o consumo enerxético asociado á utilización dos edificios, xa que dentro dos obxectivos prioritarios do goberno galego atópase a mellora da eficiencia enerxética no ámbito da Administración autonómica. Neste sentido, a Xunta de Galicia ven impulsando desde o ano 2014 actuacións de mellora enerxética co fin de converter as infraestruturas administrativas e xudiciais en infraestruturas saudables e eficientes, reducindo así, de forma significativa as emisións de CO₂, tal e como establece a Estratexia Galega de Cambio Climático e Enerxía 2050, cara a converxencia dunha economía limpa, que cumpra os mais rigorosos estándares de eficiencia enerxética.

As obras realizadas desde a Consellería de Presidencia, Xustiza e Deportes, supuxeron un investimento de máis de 25,8 millóns de euros, 18,9 millóns en edificios administrativos e de 6,9 millóns en edificios xudiciais, e están a producir grandes beneficios, tanto operativos, isto é, ligados á mellora das infraestruturas, dos servizos públicos e das condicións das traballadoras e

traballadores públicos; coma outros conexas coa eficiencia enerxética, e que supoñen na actualidade unha redución de 2.634 Tm/ano de emisións de CO₂ e uns aforros anuais nos consumos de 13.190.523 kWh/ano.

Cómpre salientar, dentro dos investimentos efectuados, a instalación dunha caldeira de biomasa no edificio administrativo de San Caetano, a mellora da eficiencia enerxética na Academia Galega de Seguridade Pública, a mellora da envolvente térmica en cinco dos principais edificios do Complexo Administrativo de San Caetano, a rehabilitación do Edificio Administrativo da Rúa Benito Corbal de Pontevedra, as obras de mellora enerxética na EGAP e no edificio que alberga a Dirección Xeral de Emerxencias e Interior ou nos edificios administrativos da Xunta de Galicia en Ourense, Lugo, Vigo, A Coruña e Ferrol, así coma no Pazo de Raxoi, entre outras.

As actuacións prioritarias en materia de deporte, diríxense ao fomento da práctica do deporte e da actividade física na Comunidade Autónoma en atención á súa importancia para o fomento da saúde e do benestar, o desenvolvemento, a educación e a inclusión social, ou a propia economía e o emprego, xunto á vertente competitiva deportiva.

A explotación das funcionalidades do deporte, a xeneralización e accesibilidade da práctica do deporte e da actividade física mediante a súa incorporación á vida cotiá da cidadanía; a mellora e dotación de equipamentos e infraestruturas; o apoio aos axentes deportivos na promoción e crecemento do deporte ou o perfeccionamento nas áreas de docencia, formación e tecnificación do deporte son, entre outros, obxectivos prioritarios.

Os beneficios que se esperan acadar da súa actuación atópanse ligados ás necesidades existentes no actual ámbito deportivo galego: o aproveitamento das funcionalidades do feito deportivo, a mellora da calidade de vida da cidadanía e o crecemento deportivo de Galicia, mediante o apoio ao tecido deportivo galego e a mellora da dotación de equipamentos e infraestruturas deportivas.

No ámbito da Administración de xustiza, tamén se seguirán estendendo as tarefas xa iniciadas en anos anteriores en materia de eficiencia enerxética, avanzando en novas actuacións nas envolventes de xulgados e instalando iluminación e equipos de ventilación e climatización ecoloxicamente sostibles.

Ademais, proseguirase coa construción e remate do novo edificio xudicial da Estrada, coa construción do novo edificio que albergará a sede do IMELGA en Santiago de Compostela e realízanse as obras de remodelación do Edificio Xudicial de Vilagarcía de Arousa. Con estas obras a Xunta de Galicia continúa a renovar as sedes da Administración de xustiza galega, tralo investimento de 127 millóns de euros no marco do Plan de Infraestruturas xudiciais, que acometeu desde o ano 2010 obras destacadas como a da nova Cidade da Xustiza de Vigo, novos edificios xudiciais en Santiago de Compostela, Pontevedra, Ourense, Tui e a Estrada ou a rehabilitación da Fábrica de Tabacos da Coruña ou o edificio da Parda en Pontevedra.

En paralelo, no ano 2025 continuaránse realizando distintas obras nos diferentes edificios xudiciais.

Por outra banda, daráselle continuidade á execución do Plan de renovación do equipamento dos arquivos e das oficinas xudiciais, no que xa foron executados máis de 6 millóns de euros, reforzase o apoio á prestación do servizo da xustiza gratuíta; seguiránse promovendo solucións alternativas para a resolución de conflitos, e seguirase apoiando o desenvolvemento da carreira profesional do persoal ao servizo da Administración de xustiza.

O apoio aos concellos para que poidan prestar os mellores servizos de proximidade á cidadanía continuará sendo unha prioridade para este departamento en 2025. Así, o Goberno galego manterá un foco especial no seguimento do desenvolvemento dos acordos acadados pola Comisión Galega de Cooperación Local, seguirase atendendo a carencia de persoal habilitado nacional, continuarase apoiando a dinamización da vida local dos concellos a través da consolidación da liña de apoio económico ás asociacións veciñais, que este ano reforzase con medio millón de euros ou a realización de investimentos en infraestruturas municipais e seguirase desenvolvendo, xunto coa FEGAMP, o plan coordinado, conxunto e global para toda Galicia para loitar contra a vespa velutina.

O diálogo cos propios concellos e as deputacións provinciais como institucións titulares da competencia, seguirá sendo fundamental para abordar ao longo do vindeiro ano un fortalecemento do sistema integrado de protección civil e emerxencias de Galicia que permita a mellora continua da atención ás emerxencias e a seguridade na Comunidade Autónoma, sobre a base do sólido mapa de recursos desenvolvido nos últimos anos.

O diálogo cos propios concellos e as deputacións provinciais como institucións titulares da competencia, seguirá sendo fundamental para abordar ao longo do vindeiro ano un fortalecemento do sistema integrado de protección civil e emerxencias de Galicia que permita a mellora continua da atención ás emerxencias e a seguridade na Comunidade Autónoma, sobre a base do mapa de recursos desenvolvido nos últimos anos.

Neste ámbito, de acordo cos compromisos acadados no Grupo de Traballo dependente da Comisión Galega de Protección Civil continuaron a súa operatividade os Grupos de Emerxencia Supramunicipais (en diante, GES) trala sinatura de convenios coas catro Deputacións provinciais e a Federación Galega de Municipios e Provincias (en diante, FEGAMP).

No ano 2025 continuarase a traballar no marco do sistema integrado de protección civil e emerxencias de Galicia para dar ampliar e completar os efectivos dos GES coa renovación e sinatura dos convenios de colaboración coas Deputacións provinciais e a FEGAMP co gallo de seguir avanzando na implementación dun mapa de emerxencias que abarque a totalidade do territorio de Galicia e que permita mellorar os tempos de resposta ás Emerxencias.

Ao mesmo tempo, e co mesmo obxectivo, continuarase a traballar na comarcalización dos parques de bombeiros das grandes cidades de Galicia, en colaboración coas deputacións provin-

ciais e cos concellos, para ademais de garantir a atención das emerxencias en Galicia se avance na coordinación operativa e se optimicen os recursos cos que a nosa comunidade conta.

Pola súa banda, dende a Axencia Galega de Emerxencias continuarase traballando co obxectivo de asegurar unha mellor resposta ante as emerxencias, perseguindo unha coordinación máis efectiva entre os diferentes servizos que forman parte do sistema integrado de protección civil e emerxencias de Galicia.

No ámbito da seguridade, continuarase a incidir de xeito particular na coordinación entre os distintos corpos e forzas de seguridade e emerxencias para garantir un maior índice de seguridade e protección para a cidadanía de Galicia.

Tamén a Academia Galega de Seguridade Pública continuará a potenciar a súa actividade dirixida á formación dos distintos colectivos que traballan nos ámbitos de seguridade e atención ás emerxencias, co obxectivo da súa permanente actualización e especialización e potenciando a coordinación das súas actuacións no noso territorio.

Cómpre destacar así mesmo, en relación á Academia, que durante o ano 2025 realizará a formación da 17ª promoción de policía local, xunto cos cursos selectivos de promoción interna ás categorías de oficial, inspector e inspector principal.

Así mesmo seguirase impulsado o proceso de selección centralizada das policía locais de Galicia, nos que 95 concellos delegaron xa na Xunta de Galicia a selección do seu persoal do Corpo da Policía Local, o que supón o 73% dos concellos galegos con corpo da policía local.

No ámbito da acción exterior galega, cómpre destacar a aplicación da Lei 10/2021 reguladora da acción exterior e cooperación para o desenvolvemento de Galicia. Esta lei determina os principios reitores da acción exterior galega, fixa obxectivos estratéxicos e concentra na Presidencia da Xunta de Galicia a representación exterior da comunidade autónoma e para subscribir acordos internacionais.

Ademais establece como regras xerais da acción exterior galega a transcendencia estratéxica alén do espazo dunha soa lexislatura e a busca do maior apoio parlamentario e social plasmados na Estratexia galega de acción exterior, e axustarse ao principio de unidade de acción, que incluírá o aliñamento coa Estratexia española de acción exterior e coa dirección da política internacional española.

O título II da lei regula a programación da acción exterior galega sinalando que se programará periodicamente por lustros nun documento estratéxico denominado Estratexia galega de acción exterior (Egaex), que prelación os obxectivos a longo prazo, tanto materiais coma xeográficos, e ordene e rexa as diversas iniciativas sectoriais na materia, dotándoas de congruencia e coherencia, aproveitando as súas complementariedades e velando pola eficiencia no uso dos recursos públicos, co obxecto de maximizar os retornos socioeconómicos, demográficos e culturais para a comunidade autónoma.

No ano 2025 prevese a implementación, no caso de ser aprobada, da Estratexia galega de acción exterior 2024-2028. Para a súa elaboración aténdese aos documentos previos de planificación da Xunta de Galicia que teñan unha proxección exterior e á vixente estratexia española, así como as achegas das consellarías, as entidades, os organismos, as institucións e os expertos con intereses e experiencia na materia.

Ao tempo, no ámbito europeo seguirase participando activamente nos debates da axenda comunitaria que máis afectan a Galicia.

Galicia traballará para facer valer as súas prioridades no novo ciclo institucional que comezou tralas eleccións ó Parlamento Europeo do 9 de xuño e para reforzar os intereses rexionais en Bruxelas nos distintos eidos de competencia autonómica. Entre outros temas, continuaremos traballando para asegurar unha transición xusta e ordenada dos sectores económicos galegos no marco do pacto verde europeo e facilitar a contribución de Galicia ao debate sobre a transición enerxética no ámbito da pesca e sobre a avaliación da Política Común de Pesca. O seguimento da aplicación en Galicia do mapa revisado da Rede Transeuropea de Transportes, o equilibrio entre a protección da biodiversidade e o desenvolvemento dos sectores produtivo e o desenvolvemento da regulación sobre Intelixencia Artificial son outros sectores nos que traballaremos para que as achegas de Galicia sexan escoitadas en Europa.

Todo isto, ao tempo que Galicia mantén a súa activa e frutífera cooperación transfronteiriza con Portugal, a través da presenza na Eurorrexión Galicia-Norte de Portugal co seguimento exhaustivo dende a Administración galega do Plan de Investimentos Conxuntos e da concreción dos fondos do POCTEP.

No eido da cooperación ao desenvolvemento no 2023 comezou un novo exercicio de planificación trala aprobación, co apoio unánime do sector, do V Plan Director 2023-2026 da cooperación galega, que permitirá neste 2025 avanzar nos Obxectivos de Desenvolvemento Sustentable da Axenda 2030 como a erradicación da pobreza, a promoción dos dereitos humanos, a igualdade de xénero e a loita contra o cambio climático. Preténdese tamén reforzar a identidade singular, as vantaxes comparativas e o valor engadido da cooperación galega no contexto da cooperación española e con respecto aos principios de coordinación e complementariedade coa Administración Xeral do Estado. Ademais, afondarase na concentración xeográfica da axuda galega, no fortalecemento das capacidades dos actores e axentes de cooperación na busca de maiores complementariedades e da xeración de sinerxías entre eles que permitan alianzas estratéxicas para a posta en marcha liñas de actuación novidosas.

SECRETARÍA XERAL TÉCNICA

A Secretaría Xeral Técnica exerce as competencias e funcións establecidas polo ordenamento xurídico vixente en relación coas diferentes unidades e servizos en que se estrutura a con-

sellería, correspóndelle en particular a asistencia técnica, apoio e asesoramento á persoa titular da Consellería de Presidencia, Xustiza e Deportes; as funcións de réxime interior e os asuntos xerais.

Os obxectivos e liñas fundamentais, dentro do ámbito das competencias da consellería, céntranse no apoio e na coordinación das actividades do resto dos órganos que a integran nos seguintes eidos:

- a) Na elaboración de estudos e propostas de actuación sobre aspectos relativos á estruturación, planificación, organización, métodos de traballo e de mellora da xestión.
- b) No seguimento e control dos expedientes de contratación, dos convenios e protocolos de colaboración.
- c) Nas obras e proxectos.
- d) E no seguimento e control dos expedientes de subvencións.

Estes últimos anos viñéronse adoptando un conxunto de medidas que, agrupadas, posibilitan acadar unha administración máis eficiente no uso dos recursos públicos e máis aberta, entendible e simplificada dende o punto de vista da relación cos cidadáns e tamén das empresas. O contexto de crise sanitaria fixo necesario afondar na eficiencia no uso dos recursos públicos e na realización de investimentos en infraestruturas que presten servizos básicos aos cidadáns cara a unha economía dixital e verde.

Xa se acometeron actuacións para a mellora da eficiencia enerxética nos edificios administrativos de Santiago de Compostela, A Estrada, Ourense, Pontevedra, Vigo, Lugo, A Coruña e Ferrol.

Continuaremos coas accións que permitan mellorar os edificios administrativos da Xunta de Galicia levando a cabo investimentos co obxectivo principal de mellorar as condicións de todo o persoal ao servizo da administración autonómica e dos cidadáns que acoden a estes edificios a realizar algún tipo de xestión e que suporán unha nova redución do consumo enerxético asociado á utilización destes edificios co conseguinte aforro económico, así como unha mellora ambiental, xa que continuarán a reducirse as emisións de gases contaminantes á atmosfera.

Para o ano 2025 continúaase apostando pola mellora da eficiencia enerxética nos edificios administrativos, así como actuacións de mellora de acondicionamento dos mesmos, sempre co fin de mellorar os servizos a cidadanía e mellorar as condicións de traballo dos empregados públicos.

No ámbito das infraestruturas administrativas, desde o 2015 veñen asignando tamén importantes recursos económicos ao mantemento e mellora continua dos edificios administrativos xestionados por esta Administración. Neste ámbito de actuación, nos últimos anos, puxéronse en marcha distintos proxectos de mellora das infraestruturas administrativas que acadan uns investimentos de máis de 20,8 millóns de euros.

Continuando nesta liña, en 2023 iniciáronse as obras para acondicionar novos espazos no edificio administrativo de Ferrol que rematarán no segundo semestre de 2024. No 2024 foron destinados a esta actuación un total de 491.074,60 euros.

Asemade, despois do concurso de ideas convocado para un novo edificio administrativo na cidade de Ourense, consígnase no orzamento 2.000.000 de euros, coa previsión de empezar a execución das obras da nova delegación no ano 2025. A construción do novo edificio administrativo de Ourense permitirá liberar os inmobles que actualmente ocupan as distintas dependencias administrativas na dita localidade e aforrar naqueles que están en aluguer.

Coa actuación prevista no edificio situado na Rúa Lalín en Vigo para poder albergar locais dedicados a asociacións, seguírase na senda de rehabilitación e recuperación do patrimonio e de establecemento de liñas de colaboración cos actores sociais e outras administracións e entidades públicas, coa finalidade de reverter o seu uso á cidadanía. Esta obra iniciárase previsiblemente a finais do 2024 e será financiada con Fondos FEDER 21-27.

Trátase dunha iniciativa xa probada con éxito en concellos como Pontevedra e A Coruña onde un número importante de asociacións dispoñen xa dun espazo propio. Os locais da Rúa Lalín paliarían o déficit existente no Concello de Vigo para que os colectivos municipais desenvolvan a súa actividade en boas condicións.

Así mesmo, dende o ano 2009, a Xunta de Galicia apostou pola mellora das infraestruturas xudiciais xa existentes e pola creación de novos edificios que permitisen uns medios máis adecuados para a Xustiza e con visión de futuro para a creación de novas unidades xudiciais.

Estas actuacións de mellora inclúen desde a construción de edificios xudiciais de nova planta ata a completa rehabilitación doutros; así como a realización de obras menores e traballos de mellora da eficiencia enerxética.

No 2025 continuarase coa execución das obras do novo edificio do IMELGA en Santiago e rematarase o edificio xudicial da Estrada xunto coa remodelación do antigo edificio xudicial da Parda en Pontevedra.

Por outra banda, coas obras de mellora da eficiencia enerxética realizadas ata o momento conseguíuse diminuír o consumo enerxético asociado á utilización dos edificios xudiciais, obténdose ademais importantes reducións de emisións de gases contaminantes á atmosfera, en liña co establecido na Estratexia Galega de Cambio Climático e Enerxía 2050.

Seguindo esta liña, continuarase coas tarefas xa iniciadas en anos anteriores en materia de eficiencia enerxética.

Todos estes investimentos tradúcense en beneficios reais para a cidadanía e para os empregados públicos, ao dispoñer de mellores infraestruturas, máis eficientes e menos espalladas e de medios que garanten unha mobilidade sostible e segura.

Por outra banda, nas oficinas de rexistro e información á cidadanía está a seguirse unha liña de actualización e innovación permanentes, tanto no eido da formación do persoal como no da innovación tecnolóxica.

Respecto ao primeiro, hai que destacar a impartición dun curso específico sobre as funcións que desenvolven as oficinas de rexistro e atención á cidadanía. Igualmente seguen a realizarse reunións telemáticas cos xestores das restantes oficinas da Xunta de Galicia e das Administracións do Estado e demais comunidades autónomas, co obxecto de ter enfoques comúns e abordar solucións para tódalas cuestións que xorden no día a día.

Con respecto á innovación tecnolóxica, cabería destacar tres actuacións efectuadas no último ano:

- En primeiro lugar, a implantación do Escritorio 360, que reúne nunha única icona o acceso a tódalas aplicacións a través das que se xestionan todas as funcións que desenvolven estas oficinas, permitindo un mais rápido acceso e unha significativa mellora na xestión e na atención á cidadanía.
- En segundo lugar, a implantación dunha aplicación para a recepción de notificacións dirixidas á Xunta de Galicia.
- Por último, tamén cabe destacar modificacións de mellora da aplicación do Rexistro Electrónico de Apoderamentos de Galicia (REAG), que fai mais accesible o acceso ás consultas e a inscrición neste Rexistro. A progresión de inscricións é moi significativa, neste momento e dende a súa entrada en funcionamento hai 13.279 inscricións en total. No que vai do ano 2024 os números son os seguintes: inscricións tipo A, poderes para tódalas Administracións públicas do estado español, 1.479; inscricións tipo B, poderes para actuacións ante a Xunta de Galicia e órganos dela dependentes, 1.222; inscricións tipo C, para procedementos concretos, 1.610.

Todas estas medidas están a conseguir unha relación mais áxil e mais segura entre a Administración galega e a cidadanía, aportando tamén unha mellor interrelación coas demais unidades xestoras.

SECRETARÍA XERAL PARA O DEPORTE

Seguindo coas liñas marcadas nos últimos exercicios, durante o 2025 as principais liñas de acción da Secretaría Xeral para o Deporte agruparanse nestas grandes áreas:

- En primeiro lugar, a explotación das distintas funcionalidades do feito deportivo, con especial referencia á función sanitaria, á educativa e á económica do deporte. Neste contexto, e dende a perspectiva da promoción da saúde, continuarase co desenvolvemento do Plan Galicia Saudable a través das actuacións que dinamicen a práctica da actividade física e deportiva

entre toda a poboación galega, en especial a actividade deportiva en idade escolar. Ademais, fomentárase a actividade física dende un punto de vista sanitario, como elemento preventivo das enfermidades non transmisibles facilitando a práctica a toda a cidadanía, consolidando as ferramentas TIC.

No ámbito educativo, de forma directa e en colaboración coas entidades deportivas de Galicia, continuarase cos programas de actuación destinados á consolidación da actividade física e o deporte entre os nosos escolares a través das actuacións encadradas na actividade física e deportiva na idade escolar: entre outros, o programa XOGADE ou Proxecto de Vida Activa e Deportiva (modalidades DAFIS, Milla diaria, Camiña/en bici á escola, Mais e mellor actividade física, etc.).

Na funcionalidade económica do deporte, a Secretaría Xeral para o Deporte potenciará, entre outras, actuacións encamiñadas ao impulso da achega económica do noso sector deportivo á economía galega, especialmente no ámbito do turismo, como son a organización de eventos deportivos e o patrocinio das principais entidades e eventos deportivos de Galicia.

- En segundo lugar, o apoio ao tecido asociativo deportivo galego e aos deportistas. Neste ámbito, destácanse como accións principais o plan de axudas ás federacións, mediante a subscrición de convenios de colaboración, así como o perfeccionamento no control do seu funcionamento; o plan de axudas aos clubs e a outras entidades deportivas; o desenvolvemento do deporte de alto nivel (apoio ás entidades deportivas e a concesión de becas a deportistas) e o apoio ou organización de eventos deportivos.

Continuarase coa aposta polos centros deportivos de tecnificación e alto nivel en Galicia: – Centro Galego de Tecnificación Deportiva, o Centro de Vela de Vilagarcía e a Pista de Piragüismo de Verducido – Complexo Náutico e Campo de Regatas de Verducido–David Cal, como pezas claves no crecemento da alta competición do deporte de Galicia. Neste punto, continuarase o apoio aos núcleos de adestramento deportivo especializado (NADE), e iniciaremos o proceso de ampliación do CGTD mediante a tramitación do Proxecto de Interese Autonómico (PIA) da parcela actualmente ocupada polo campo de tiro de Cerna-diñas Novas, o que permitirá a necesaria aplicación do centro e a súa final conversión nun Centro de Alto Rendemento.

- En terceiro lugar, a mellora da dotación de equipamentos e do mapa de infraestruturas deportivas de Galicia, tanto propias como de terceiros.

Todas estas actuacións serán abordadas dende unha perspectiva que afonde na mellora e optimización da calidade do eido deportivo galego.

DIRECCIÓN XERAL DE XUSTIZA

As principais liñas de actuación da Consellería de Presidencia, Xustiza e Deportes en materia de Administración de xustiza e no marco do programa de gasto I31A “Administración de xustiza”, baséanse en continuar co proceso de modernización da Administración de xustiza,

tanto dende o punto de vista dos seus medios materiais como da optimización dos seus recursos humanos.

En materia de infraestruturas, para o ano 2025 está prevista a realización das obras de remodelación do Edificio Xudicial de Vilagarcía de Arousa co obxectivo de mellorar a súa distribución espacial, habitabilidade e confortabilidade. Igualmente procederase á adecuación dos edificios xudiciais ao concepto de accesibilidade universal e á arquitectura da vítima. A finalidade é, por unha banda, mellorar a accesibilidade e usabilidade dos servizos da Administración de Xustiza garantindo que todos os espazos e servizos sexan accesibles para todas as persoas e, por outra banda, optimizar a asistencia, benestar, intimidade e seguridade das vítimas.

Estas obras seguen a senda iniciada no ano 2009 e con elas, a Xunta non só cumpriu os seus compromisos, senón que foi máis aló deles e aínda segue a mellorar as sedes xudiciais tanto con obras menores como con proxectos de eficiencia enerxética.

Durante o ano 2025 continuarase coa execución do plan plurianual de renovación do equipamento mobiliario dos arquivos e oficinas xudiciais, no que xa foron executados máis de 6 millóns de euros. Para afondar nesta liña de investimento, no orzamento para 2025 consignaranse 2.056.298 €, medrando así as previsións iniciais dos investimentos do Plan.

En materia tecnolóxica, no 2025, avanza-se na sede xudicial electrónica, nas medidas de dixitalización e catalogación de arquivos xudiciais e de expurgo.

Igualmente, segue a ser unha liña fundamental de actuación o apoio á prestación do servizo da xustiza gratuíta: para o ano 2025 incrementase esta partida para atender ás novas cantidades do baremo de compensación económica que poidan resultar da negociación dos novos baremos, que entrarían en vigor no cuarto trimestre do ano 2025. Así, a cantidade consignada nos orzamentos do 2025 é de 15.446.069 €, o que supón un incremento do 8,60 %.

Outras liñas de actuación serían a promoción dos métodos adecuados de solución de controversias, e a continuidade das actuacións amparadas polo Pacto de Estado Contra a Violencia de Xénero, que inclúen o funcionamento do persoal de Traballo Social das Oficina de Atencións ás Vítimas dos delitos e a formación especializada nesta materia dirixida aos operadores xurídicos.

Finalmente, a Xunta de Galicia abordou no 2020 a implantación dun sistema de carreira profesional para o persoal ao servizo da Administración de xustiza que continuará a desenvolver, permitindo aplicar un recoñecemento da súa traxectoria profesional. Así, a falta dun sistema de carreira profesional que tal e como establece a Lei orgánica do poder xudicial, debe ser aprobada por Real decreto, configurouse un sistema transitorio que permita retribuír ao persoal ao servizo da Administración de xustiza en condicións similares ás dos empregados públicos da Xunta de Galicia.

Cabe salientar que desde o ano 2009 o cadro do persoal incrementouse en máis dun 20%. Así, tras a aprobación de 15 novas prazas no ano 2024, para o ano 2025, está previsto incremen-

tar o cadro de persoal para dar servizo ás novas unidades xudiciais que o Ministerio de Xustiza autorice para Galicia, tras a proposta remitida pola Comisión Mixta Tribunal Superior de Xustiza-Xunta de Galicia de creación priorizada de 15 novas unidades xudiciais, entre as que se atopa un xulgado exclusivo de violencia sobre a muller en Santiago de Compostela.

DIRECCIÓN XERAL DE ADMINISTRACIÓN LOCAL

A Dirección Xeral de Administración Local, no marco e execución das súas competencias, como centro directivo encargado da colaboración coas entidades locais galegas, segue como obxectivos prioritarios:

- A optimización e mellora da xestión na prestación de servizos á cidadanía.
- O logro de melloras progresivas na cooperación coas entidades locais.
- O avance en dotacións e servizos prestados aos administrados.
- O fomento e o impulso da incorporación das novas tecnoloxías e da e-Administración ou administración electrónica nas entidades locais, en colaboración coa Axencia para a Modernización Tecnolóxica de Galicia.

A colaboración entre a Dirección Xeral de Simplificación Administrativa e do Patrimonio, a Axencia para a Modernización Tecnolóxica de Galicia e a Dirección Xeral de Administración Local permitiu a posta a disposición dos concellos de Galicia do Portal de Transparencia e a Guía de Transparencia Local de Galicia que se configuran coma unha ferramenta para que os concellos podan dar información a cidadanía e o mesmo tempo serve de vía de comunicación permanente a través da rede entre tódolos concellos e a Administración Autonómica e por suposto facilítalles o cumprimento das obrigas derivadas da Lei 19/2013, de 9 de decembro, de transparencia, acceso a información pública e bo goberno do Estado. Durante o exercicio 2025 manteranse permanentemente actualizados ambos instrumentos incorporando as novas obrigas derivadas da lexislación sectorial.

- O establecemento, dentro do marco básico estatal, dun réxime normativo propio para a administración local galega, efectuando as adaptacións e propostas, tanto a nivel lexislativo como regulamentario, que reflectan as particularidades e características propias, tanto da nosa Comunidade Autónoma, como das nosas entidades locais.

Un dos grandes retos deste centro directivo é o impulso dunha nova xestión pública local e a modernización das entidades locais de Galicia. Con este fin, a Xunta de Galicia, a través da Dirección Xeral de Administración Local, para a consecución deste obxectivo, estanse executando distintos proxectos que terán continuidade ao longo do ano 2025, entre estas actuacións destacamos:

- a) A nova Lei de Administración Local de Galicia.

Un dos retos desta norma é a articulación efectiva dun sistema de reparto de competencias que sexa claro e preciso así como o reforzo e concreción das competencias pro-

vinciais como garantía da apropiada prestación de servizos básicos a toda a poboación en condicións de equidade, tendo en conta que os concellos son o nivel de proximidade por excelencia e, por tanto o máis sensible ás necesidades dos noso veciños.

A Lei reguladora da Administración Local de Galicia, conta con máis de 25 anos, neste tempo, a realidade das entidades locais galegas ten mudado de xeito radical. As entidades locais galegas precisan dun novo marco normativo autonómico adaptado ás súas necesidades e as da veciñanza.

Neste ámbito, nos últimos 4 anos a Xunta de Galicia, a través da Dirección Xeral de Administración Local colaborou na realización de diversos estudos e traballos sobre o marco xurídico local:

- En 2020 a Vicepresidencia primeira asinou coa Universidade de Santiago de Compostela un convenio para o desenvolvemento dun estudo sobre a delimitación competencial no ámbito da Administración Local de Galicia.
- En 2021 colaborou coa Fundación Juana de Vega na realización dun estudo sobre a planta local galega e o impulso dos novos procesos de fusión.
- En 2022 asinouse un convenio coa Universidade de Vigo para o desenvolvemento do proceso de revisión, mellora e actualización do marco lexislativo en materia de Administración Local.
- En abril de 2023 constitúese a Comisión técnica de delimitación competencial integrada por representantes da Xunta de Galicia e da Federación Galega de Municipios e Provincias (FEGAMP) co obxectivo de avaliar os estudos de ambas entidades e avanzar na clarificación das competencias das administracións autonómica e local.

Neste ano 2025, seguiremos afondando no proxecto da nova Lei para que sexa aprobada neste mesma lexislatura. Esta norma, adaptará o marco normativo local a nova realidade social, económica e tecnolóxica, modernizará o seu réxime xurídico e potenciará autonomía local e a potestade de autoorganización.

Será unha norma adaptada á realidade demográfica galega actual que proporcionará aos municipios de menor poboación en risco de despoboación, ferramentas que garantan a calidade da prestación dos servizos municipais.

Esta norma incorporará aspectos de nova xestión administrativa actual, baseada no funcionamento electrónico e a necesaria adaptación organizativa de tal xeito que a prestación de servizos a cidadanía redunden na mellora da calidade de vida dos galegos e galegas.

E recollerá un sistema de reparto de competencias claro e preciso no que se reforzarán e concretarán as competencias de colaboración provinciais como garantía da apropiada prestación de servizos básicos a toda a poboación en condicións de equidade.

A delimitación competencial é un das cuestións máis controvertidas das relacións entre as administracións territoriais. A complexa tarefa de delimitar, en certas materias, as competencias entre a administración local e autonómica foi o obxecto do estudo sobre a delimitación competencial da Administración Local de Galicia, elaborado en

colaboración coa Universidade de Santiago de Compostela, que estase confrontando cos traballos realizados pola Fegamp no marco da Comisión técnica de delimitación competencial, constituída o 17 de abril de 2023.

No ano 2025 esta comisión continuará analizando os distintos ámbitos materiais nos que se proxectan as competencias dos concellos, co fin de acadar o consenso necesario nesta crucial tarefa para finalmente incorporar na nova regulación autonómica unha relación de competencias clara e sen incongruencias que poda ser coñecida e aplicada polos operadores xurídicos sen dificultades.

- b) Co aval dos bos resultados acadados co traballo desenvolvido pola Cátedra institucional de Bo Goberno Local, o éxito do Congreso celebrado no ano 2024 “ A reforma inconclusa das competencias locais” e o interese suscitado polas investigacións, publicacións e informes elaborados no marco da mesma, durante o ano 2024 o Goberno Galego continuará apoiando o traballo desta Cátedra coma marco de debate público sobre o mundo local e mecanismo para procurar a solución dos problemas do mundo local no momento no que se detectan.
- O fomento das liñas de colaboración coas entidades locais galegas no referente á convocatoria e execución de liñas de subvención destinadas a elas, con especial énfase no apoio aos concellos na prestación dos servizos que lles son propios, apoiando a creación e a mellora das infraestruturas, dotacións, instalacións e equipamentos vinculados á prestación de servizos municipais para que os concellos poidan contar con espazos dignos e adecuados para a prestación dos servizos que teñen encomendados.

Compre destacar que no ano 2024 a Xunta de Galicia volve a reforzar o apoio aos concellos con cifras históricas. Así este ano a Xunta de Galicia puxo a disposición dos concellos mais de 602 millóns de euros, 38 millóns mais que o ano pasado.

Nesta contía inclúense os 152 millóns de euros que recibiron os concellos galegos a través do Fondo de Cooperación Local (un 6,17% mais que o ano 23) dos que:

- 112 millóns de euros corresponden ao fondo base.
- e 39,3 millóns ao fondo adicional. En efecto, tras a suba histórica aplicada no ano 2023, o fondo adicional seguiu medrando ata chegar no 2024 aos 39,3 millóns de euros. Esta nova suba representa un 30 % máis de orzamento para os servizos que máis demanda a cidadanía.

No ano 2025 a través do fondo adicional ao Fondo de Cooperación Local a Xunta reforzará a cooperación cos concellos cunha dotación de 168 millóns de euros, 10 M€ máis que no ano 2024, incrementándose este importe nun 6,3€ por riba da suba media do Orzamento.

No ano 2025 a Xunta acolle a demanda da Fegamp de incrementar o fondo base ao Fondo de Cooperación Local, en concreto en 5,4 millóns de euros, que se repartirán entre os concellos de menos de 15.000 habitantes, que son os que teñen menos ingresos, os que máis dependen das transferencias doutras administración e os que teñen menos capacidade de aforro.

A Orde de infraestruturas de uso público, dotada con 3,5 millóns de euros permitiu neste no ano 2024 a 107 entidades locais mellorar as súas instalacións para a prestación de servizos básicos, de lecer infantil e familiar, deportivos ou culturais.

A orde de infraestruturas municipais, que constitúe unha das principais liñas de colaboración cos concellos cas que conta a Dirección Xeral de Administración Local ten coma obxectivo mellorar a cobertura do benestar da poboación rural, favorecer o reequilibrio territorial e facilitar a realización de actividades que poidan xerar emprego e fixar poboación.

Con relación a este último aspecto, cómpre subliñar que esta convocatoria se configura como un instrumento adecuado para fomentar os proxectos de cubrición de parques infantís xa existentes ou ben a construción de novos parques cubertos, contribuíndo cos concellos no desenvolvemento desta tipoloxía de proxectos de innegable repercusión nunha área tan sensible para a cidadanía como é o lecer infantil e a creación de ámbitos de convivencia e relación social na infancia.

No período 2009-2024 a Dirección Xeral de Administración Local destinou máis de 51 millóns de euros ao financiamento desta liña de axudas cos que se financiaron un total de 1.691 proxectos.

Pola súa banda, o Fondo de Compensación Ambiental facilitou, no ano 2024, cun investimento superior aos 8,6 millóns de euros, actuacións de mellora da contorna natural en 121 concellos ao abeiro da liña competitiva e en 109 ao da liña non competitiva, dirixida a concellos nos que hai parques eólicos.

A xestión do Fondo de Compensación Ambiental que tamén se empregará como ferramenta de reequilibrio territorial e de impulso ao funcionamento dos servizos e á dotación de infraestruturas e realización de investimentos produtivos e xeradores de emprego no ámbito local e no financiamento do gasto corrente ou de funcionamento das entidades locais en materia ambiental.

Para 2025, a orde reguladora do Fondo de Compensación Ambiental recollerá, igual que o fixera nas convocatorias dos últimos anos, un catálogo de actuacións subvencionables, agrupadas por categorías que se orientan ao fin sinalado pola Lei 8/2009, do 22 de decembro e ao cumprimento dos obxectivos marcados pola Unión Europea, é dicir, a redución das emisións de gases de efecto invernadoiro, o impulso e incremento da participación de enerxía procedente de fontes renovables e a mellora e o incremento da eficiencia enerxética.

Nesta orde recóllese un catálogo de proxectos subvencionables, agrupándoos en varias categorías, sen esquecer que se trata dunha enumeración non pechada susceptible de ampliación mediante as achegas que as propias entidades locais fagan no momento de materializar a súa solicitude.

A través do desenvolvemento de proxectos para a optimización enerxética dos edificios, instalacións e vehículos das entidades locais e para a implantación de tecnoloxías máis eficientes e respectuosas co ambiente e de menor consumo enerxético pode conseguirse unha redución das emisións de gases de efecto invernadoiro á atmosfera e asemade unha redución da factura enerxética das entidades locais. A isto engádese o efecto exemplarizante dos proxectos na medida en que contribúen a concienciar a veciñanza da repercusión sobre

o ambiente das medidas de eficiencia enerxética e impulso da sustentabilidade ambiental no sector público local.

Dende o ano 2020, ao abeiro desta orde fináncianse proxectos novidosos entre os que se destacan:

- As campañas divulgativas municipais para a sensibilización sobre a importancia das medidas de protección ambiental e de eficiencia enerxética: boas prácticas ambientais, divulgación de medidas de aforro e eficiencia enerxética.
- A elaboración e difusión de material divulgativo e recursos didácticos sobre valores ambientais ou espazos naturais concretos no ámbito municipal.
- Plans e estratexias de mellora ambiental nos edificios municipais: auditorías enerxéticas, certificación enerxética de edificios municipais ou plans para a implantación de estratexias enerxéticas municipais.
- Plans sustentables de mobilidade que fagan compatibles as necesidades do transporte local e a sustentabilidade ambiental.
- As actuacións nos núcleos rurais que permitan unha mellor integración paisaxística no contorno, particularmente o soterramento dos tendidos aéreos de cableado e a construción de pavimentos interiores de pedra.
- Adquisición de equipamento de alta eficiencia enerxética: equipos de climatización, ofimáticos e de alumeadado interior.
- Renovación sustentable das flotas municipais mediante a adquisición de vehículos con distintivo ambiental Cero emisións ou Eco.

Xunto a isto cabe salientar tamén a maior definición dos proxectos destinados a mellorar a eficiencia enerxética das instalacións e edificios municipais, establecendo diferentes niveis de actuación: mellora da eficiencia enerxética da envolvente do edificio, mellora de iluminación interior, instalación de sistemas eficientes de climatización, sistemas de aforro de auga, ascensores eficientes, e introdución de enerxías renovables para calefacción e auga quente sanitaria, con referencia expresa por primeira vez á instalación de paneis solares térmicos en edificios municipais.

Durante o período 2010-2024, a través das liñas competitiva e non competitiva do Fondo de Compensación Ambiental xestionadas pola Dirección Xeral de Administración Local, destináronse máis de 133 millóns de euros a actuacións de conservación, reposición e restauración do ambiente e ao reequilibrio territorial. No ano 2025 este fondo terá un papel moi importante na recuperación sostible dos nosos concellos.

Nos anos 2021 e 2022, no eido da Estratexia galega de cambio climático e enerxía 2050, aprobáronse dúas novas liñas de subvencións que teñen coma obxectivo a redución do incremento das emisións de gases con efecto invernadoiro (GEI) ca que se pretende a renovación en verde do parque de vehículos dos corpos de Policía Local de Galicia, contribuíndose a mudanza cara a un modelo de mobilidade e transporte facilitador de vida en condicións saudables, compatible coa sustentabilidade ambiental e conciliable coa promoción do desenvolvemento económico.

Estas ordes incardínase no Fondo de Compensación Ambiental dentro das actuacións globais destinadas á conservación, reposición e restauración do ambiente e do reequilibrio territorial, nas que se inclúen as actuacións que teñen por obxecto a prevención, extinción e xestión de situacións de sinistro ou risco.

Por medio de estas ordes, financiada co Fondo de Compensación Ambiental e dirixida aos concellos de Galicia de menos de 50.000 habitantes, estanse a financiar a subministración de vehículos eléctricos ou híbridos enchufables ou non enchufables que reúnan as condicións para obter o distintivo ambiental Cero emisións ou Eco, mediante o sistema de renting, con destino aos corpos de Policía Local para o exercicio das súas funcións.

Neste momento a Dirección Xeral de Administración Local está xestionando dúas convocatorias da orde de renting de vehículos da Policía Local, a primeira, convocada no ano 2021 abrangue o período 2021-2025, a segunda, convocada no ano 2022, abrangue o período 2022- 2026, estas convocatorias están dotadas cun crédito de 1.675.200 euros destinados ao pagamento das cotas mensuais que deba aboar o concello beneficiario polo renting do vehículo durante un máximo de 48 meses.

No ano 2024, con cargo ao programa Galicia - Feder 2021-2027 convocouse unha nova liña de financiamento destinada a realización de obras de eficiencia enerxética en edificios e infraestruturas vinculados coa prestación de servizos municipais, concretamente esta orde plurianual, financia tres tipos de actuacións: obras de mellora da envolvente térmica dos edificios e infraestruturas municipais, obras de instalación de sistemas de iluminación eficiente no interior dos edificios e infraestruturas municipais e obras de mellora dos sistemas de climatización e calefacción nos edificios e infraestruturas municipais, a esta orde destínanse 5,3 millóns de euros distribuídos entre as anualidades 2024 e 2025.

O obxectivo a longo prazo e a consecución de concellos climáticamente neutros mediante a modernización das infraestruturas municipais, a descarbonización e a búsqueda de alternativas as enerxías fósiles.

Mellorar o medio ambiente, promover o uso das enerxías renovables e fomentar a eficiencia enerxética deben ser os puntos crave de calquera xestión pública medio ambiental. Dentro da responsabilidade das institucións pola optimización do uso da enerxía e polo establecemento dun marco de sustentabilidade eficiente, xoga un papel moi relevante a eficiencia enerxética nas dependencias municipais e na iluminación pública. Para acadar os fitos establecidos por Europa, é necesario incorporar nas estratexias municipais un plan de acción sobre eficiencia enerxética.

Esta nova liña de axudas da Xunta de Galicia mellorará a eficiencia e o aforro enerxético, diminuírá o impacto ambiental e as emisións de CO₂ dos inmobles e infraestruturas municipais.

Non cabe dúbida de que a redución das emisións pasa tamén pola concienciación en materia de eficiencia enerxética e polo fomento de accións que impliquen unha diminución da demanda de enerxía. Así, a aplicación de criterios de sustentabilidade asociados á construción de edificacións novas e á rehabilitación dos edificios son aspectos nos que se debe fundamentar a redución de emisións.

Finalmente, no eido da cooperación económica cos concellos e especificamente na mellora da eficiencia enerxética e como xa ocorreu no ano 2023, o fondo adicional ao Fondo de Cooperación Local no ano 2024 reforzou especialmente a atención ás necesidades dos concellos de menor poboación, os concellos de menos de quince mil habitantes, aos que especificamente destináronse 5 millóns de euros para a mellora da eficiencia enerxética dos edificios de titularidade municipal, priorizándose as instalacións deportivas, achegas das que foron beneficiarios 93 concellos.

O obxectivo é claro, avanzar na igualdade de oportunidades contribuído á fixación de poboación e a prestación de servizos de calidade aumentado a capacidade de desenvolvemento dos territorios rurais.

- Outra das principais novidades do orzamento deste centro directivo para o ano 2025, tendo en conta a importante demanda, que incrementase ano a ano, e os resultados acadados polas convocatorias de axudas específicas destinadas as asociacións veciñais, asociacións de mulleres rurais e comunicades de usuarios de augas de Galicia nos exercicios anteriores, é o incremento en máis dun 33,33% da aplicación orzamentaria destinada á colaboración, fomento e dinamización do asociacionismo veciñal.

Efectivamente, tratase dunha liña de axudas que incrementa a súa demanda ano tras ano. Concretamente, na convocatoria do ano 2024, foron recibidas un total de 955 solicitudes, das que resultaron 341 concesións nas dúas liñas de axudas que recolle esta orde, tanto para obras como para equipamento.

A vista destes datos non cabe dúbida de que o reforzo destas liñas de axuda é fundamental para que estes colectivos poidan seguir mantendo a súa actividade como motor dinamizador da vida local. Polo que é importante incrementar o seu orzamento.

Concretamente, para o ano 2025, incrementarase nun millón de euros a aplicación orzamentaria destinada á colaboración, fomento e dinamización das asociacións veciñais, asociacións de mulleres rurais e comunicades de usuarios de augas de Galicia a que se destinarán 4 millóns de euros, recoñecendo así o seu labor indispensable no desenvolvemento da vida social nos concellos, e a súa condición de eixo fundamental da participación cidadá. Crédito que será destinado á mellora dos locais sociais e o equipamento destas entidades así coma a execución de obras sobre captacións e canalizacións, obras para a mellora dos depósitos, e actuacións de mellora da xestión, medición ou control da calidade da auga. Importe que engádese aos case 22 millóns de euros destinados, durante o período 2016-2024, a través do Plan específico de acción comunitaria, ao apoio, mellora, dinamización e consolidación do tecido asociativo, mediante a convocatoria anual destas axudas facilitando as achegas económicas que lles permiten non so manter a súa actividade senón prestar máis e mellores servizos aos veciños e veciñas de Galicia.

- Tamén se evidenciará a colaboración cos concellos nas medidas de apoio ás policía locais da nosa comunidade, con especial fincapé no reforzo da seguridade cidadá naqueles concellos con elevado incremento poboacional durante a tempada de verán.

Os municipios máis turísticos teñen unha serie de necesidades específicas derivadas do incremento de poboación que experimentan en épocas puntuais. Esta maior afluencia turística

implica a necesidade de reforzar os servizos públicos para que non vexan mermada a súa calidade.

A Policía Local é un destes servizos municipais que precisan ser reforzados nos municipios turísticos, especialmente no verán cando crece exponencialmente a poboación coa chegada masiva de turistas, reforzamento que lles permite desenvolver con normalidade as súas funcións.

Por este motivo, a Xunta de Galicia, a través da Consellería de Presidencia Xustiza e Deportes, aproba anualmente, dende o ano 2012 un Plan específico de axudas a os concellos mais turísticos cun elevado incremento poboacional con achegas para contribuír a cubrir parte dos gastos salariais dos efectivos que reforzan durante o verán o cadro de persoal da Policía Local.

Esta medida, únese a outra liña de axudas xestionada dende a Consellería de Presidencia neste ano 2024, que ten como obxecto a colaboración cos concellos para a contratación de socorristas para o servizo de vixilancia, rescate e salvamento nos espazos acuáticos naturais e instalacións acuáticas descuberta.

Trátase de dúas liñas de axudas de colaboración clave para os concellos no exercicio das súas competencias especificamente relacionadas coa seguridade nas praias e co turismo, co fin de mellorar a calidade dos servizos e conseguir atender as necesidades dos seus residentes e dos turistas.

Así, durante o ano 2024, a Xunta de Galicia destinou 145.000 euros a 11 concellos turísticos co obxecto de contribuír a paliar os custos que supón a contratación de auxiliares de policía local, importe que consolidaremos no orzamento do vindeiro exercicio 2025.

Compre destacar que dende a posta en marcha deste plan en 2012, o Goberno galego leva investidos mais de 1,1 millóns de euros no financiamento da contratación de auxiliares de policía local durante a tempada de verán nos concellos turísticos da comunidade.

Pola súa banda, e tal e como se indicou, a Consellería de Presidencia, Xustiza e Deportes tamén conta con outras medidas para garantir a seguridade nos concellos mais turísticos. Trátase das axudas á contratación de socorristas as que este ano destinamos 1,5 millóns de euros. Este ano 2024 foi a primeira vez que esta orde se convoca desde a Consellería de Presidencia, Xustiza e Deportes, xa que en edicións anteriores instrumentábase desde outros departamentos da Xunta, como a Consellería de Promoción do Emprego, e convocábanse baixo o epígrafe 'contratación de traballadores desempregados para a realización de obras ou servizos de interese xeral'.

A diferenza de convocatorias anteriores nas que se esixía ao persoal estar en situación de desemprego e figurar no Servizo Público de Emprego, nesta ocasión amplíase a cobertura ao persoal propio da entidade local que presta o servizo de vixilancia, rescate e salvamento como á prestación a través dunha empresa externa mediante un contrato de servizos.

Gracias a isto no 2024 subvencionáronse 30 servizos municipais máis que no ano 2023, pasando de 155 entidades beneficiarias a 185, o que representa un incremento do 20% no número de concellos beneficiarios.

Así pois, un total de 185 concellos beneficiáronse do apoio do Goberno galego para contratar a estes profesionais destinado ao servizo de vixilancia, rescate e salvamento nos espazos e instalacións acuáticas. Unha liña que seguirá impulsando esta Consellería no ano 2025.

- A necesidade de que as entidades locais afronten o reto de acadar unha suficiente capacidade organizativa e financeira para prestar os servizos públicos da súa competencia, de maneira axeitada e sostible, subxace nas accións que promoverá a Dirección Xeral de Administración Local en apoio ás fórmulas de colaboración e cooperación intermunicipal, que racionalicen servizos e recursos para ofrecer uns mellores servizos á cidadanía, favorecendo a concesión das axudas ás entidades locais que se acollan a estas fórmulas.

Coa modificación do marco normativo local, a través da nova lei de administración Local de Galicia daremos un paso adiante no fomento dos agrupamentos de concellos para a prestación conxunta de servizos e competencias, como fórmula idónea de eficacia e eficiencia na prestación dos servizos municipais fronte a xestión individual, regulando estes agrupamentos, como áreas funcionais de carácter temporal, entre dous ou máis concellos. Fomentaranse dende a normativa os agrupamentos coma fórmulas de xestión non permanentes limitando a súa actuación a proxectos ou actuacións concretas que non xustifican a constitución dunha entidade local permanente, coma as mancomunidades.

Tamén se lle dará impulso ao asociacionismo municipal das entidades locais mediante iniciativas que premien accións concretas de colaboración na xestión conxunta de servizos entre agrupacións de concellos, mancomunidades de concellos e consorcios locais, no eido das subvencións e do sostemento común dos postos de habilitados no que se fomentará as agrupacións de concellos.

O Goberno galego, xunto coa FEGAMP, continuará liderando o plan coordinado, conxunto e global para toda Galicia de loita contra a vespa velutina, posto en marcha no ano 2020 para dar solución a un problema que se estende por practicamente todo o territorio galego e no que tanto a Xunta coma os concellos levamos anos traballando. Un Plan ao que están adheridos os 313 concellos galegos.

Así, para continuar con este obxectivo, consígnanse en 2025 un total de 1,8 millóns de euros. Deles, 1,2 atópanse residenciais no fondo adicional do Fondo de Cooperación Local e 575.000 euros no orzamento das diferentes consellerías colaboradoras (Medio Rural e Medio Ambiente, Territorio e Vivenda).

- Continuarase apoiando a cooperación municipal, tanto a través de fórmulas de xestión compartida de servizos públicos como mediante o fomento de novos procesos de fusión municipal impulsando activamente unha xestión eficaz e eficiente dos recursos dos concellos co obxecto de garantir a continuidade na prestación de servizos aos cidadáns en condicións de calidade.

Así, a Xunta de Galicia leva anos desenvolvendo unha política de promoción e fomento da cooperación municipal tanto a nivel normativo como orzamentario, co establecemento de vantaxes obxectivas para os concellos fusionados ou que presten servizos públicos de xeito conxunto, como a través do fondo especial para fusións.

Trala realización do estudo sobre a planta municipal xunto coas tres universidades Galegas e a Fundación Juana de Vega, avanza, en colaboración coa FEGAMP, no impulso de novas formas de xestión compartida e propostas de fusión municipal.

- A coordinación das políticas da Xunta e as deputacións provinciais, avanzando na concreción do reparto de competencias entre gobernos e especializando a actividade das deputacións na garantía dos servizos locais nos concellos de menor poboación. Isto atopa a súa mellor expresión no obxectivo de estender os servizos de emerxencias ao 100% do territorio galego. Clarificar o papel das deputacións é fundamental tanto pola súa configuración coma polo impacto das súas competencias na garantía da prestación dos servizos municipais, por isto o Goberno Galego considera inaprazable o desenvolvemento e concreción das funcións, competencias e vías de asistencia destes entes respecto dos concellos do seu ámbito territorial en eidos como a contratación, a administración electrónica e a garantía da prestación dos servizos básicos nos concellos de menos de 20.000 habitantes.
- A relación coas corporacións locais e a elaboración dos programas formativos en materia de Administración Local.
- O fomento da formación nas administracións locais de Galicia, potenciando para iso os medios dos que dispón a Administración autonómica, de xeito que se asegure unha oferta formativa racional e axeitada no conxunto das administracións existentes en Galicia.
- A execución das competencias que, con respecto ao funcionariado con habilitación de carácter nacional, lle corresponden á Comunidade Autónoma de Galicia.

No ano 2025, logo do éxito das convocatorias realizadas nos anos 2018, 2019, 2021, 2022 e 2024. A Dirección Xeral de Administración Local continuará coa xestión das listas de persoal interino para poder ofertar aos concellos de Galicia a posibilidade de provisión dos postos vacantes abertos ás escalas e subescalas da Administración Local con habilitación nacional de maneira máis áxil e con respecto aos principios constitucionais de acceso á función pública.

- O impulso, en estreita relación coas entidades locais, ao desenvolvemento e materialización das accións previstas no Pacto Local, de modo que se poida acadar a implantación e desenvolvemento das previsións contidas nel. Continuarase na senda iniciada no 2017, ano no que a Comisión Galega de Cooperación Local retomou a súa actividade. A Dirección Xeral de Administración Local realiza unha importante labor de seguimento e impulso do cumprimento dos acordos adoptados.
- Os incentivos ás entidades locais que cumpren coa súa obriga anual de rendición de contas. Estas institucións cando son beneficiarias dunha subvención financiada con fondos propios da Comunidade Autónoma non teñen que xustificar o pagamento material das actuacións subvencionadas con carácter previo ao libramento da subvención, é suficiente a acreditación do recoñecemento da obriga, sen prexuízo de ter que acreditar a efectividade do pagamento da actuación no prazo de sesenta días desde a recepción dos fondos públicos.

DIRECCIÓN XERAL DE RELACIÓNS INSTITUCIONAIS E PARLAMENTARIAS

No marco dos principios xerais de actuación de defensa da Constitución Española e de desenrolo e potenciación do ámbito competencial autonómico e tendo como guía o Estatuto de Autonomía, o marco autonómico, e o cumprimento dos acordos parlamentarios e a lealdade nas relacións institucionais cabe reseñar que a Dirección Xeral de Relacións Institucionais e Parlamentarias é o órgano de coordinación e desenvolvemento dos ditos principios no seno do goberno galego. No exercicio das funcións desta dirección, as principais liñas de acción a desenvolver no vindeiro exercicio poden establecerse en relación ás seguintes áreas:

- No eido das relacións parlamentarias, mantéñense como destacadas liñas de traballo:
 - A coordinación e canalización das actividades da Xunta de Galicia na súa relación co Parlamento de Galicia, exercendo como canle de comunicación axeitada entre ambas as dúas institucións.
 - A análise, calificación e distribución das iniciativas parlamentarias de control e impulso ao Goberno para a súa tramitación.
 - O apoio ao Goberno Galego na evacuación da información e documentación interesada, solicitando aos diferentes organismos da Xunta de Galicia e ao Sector Público Autonómico os informes que procedan para dar resposta ás diferentes iniciativas que sexan formuladas no seo da Cámara galega.
 - A xestión da participación e resposta dos diferentes membros do Goberno e autoridades ante os diferentes órganos nos que se organiza o Parlamento de Galicia.
 - O impulso e seguimento do cumprimento dos acordos parlamentarios aprobados en sede parlamentaria.
 - A implementación de melloras no sistema informático de xestión do fluxo do traballo parlamentario.
 - O seguimento da actividade lexislativa no Parlamento de Galicia e, especialmente, do desenvolvemento do programa lexislativo do Goberno galego, que sexa aprobado polo Consello da Xunta de Galicia.
- No eido das relacións institucionais, o labor desta dirección xeral centrarase en optimizar tanto as relacións bilaterais da Xunta de Galicia co Goberno de España así como a cooperación horizontal coas demais comunidades autónomas, na busca dunhas relacións intensas e fluídas en aras da coordinación e colaboración institucional.

Na busca da mellora das relacións coa Administración Xeral do Estado, tanto dende o punto de vista dos resultados como dende o punto de vista de custo económico.

O reforzo da regularidade das reunións do Grupo de Traballo, como órgano permanente para a análise e estudo dos conflitos no seo da Comisión Bilateral de Cooperación Administración Xeral do Estado-Comunidade Autónoma de Galicia, sendo convocadas por videoconferencia, e non presenciais, obtendo así un importante aforro en custos de desprazamentos e una maior axilidade e eficiencia nas comunicacións. Tamén é un claro obxectivo

da Xunta de Galicia manter a liña de colaboración para a resolución das posibles discrepancias que poidan xurdir na produción legislativa autonómica e, en todo caso, dar prioridade a consensuar, entre ambas partes, acordos interpretativos que poñan fin á conflitividade normativa.

Insistir ao Goberno central e facer as xestións precisas para que se convoque a Conferencia de Presidentes. Segundo o Regulamento da mesma (adoptado na XXVI Conferencia de Presidentes celebrada o día 13 de marzo de 2022), esta debe ser convocada polo Presidente do Goberno e débese reunir, polo menos, dúas veces ao ano (a última reunión foi no ano 2022). Trátase do órgano de máximo nivel político de cooperación entre o Estado e as Comunidades Autónomas. Por iso, temas tan relevantes para Galicia como a financiación autonómica, a xestión de fondos europeos, as infraestruturas e comunicacións, as políticas medioambientais ou medidas conxuntas en materia de sanidade que atoparían na Conferencia de Presidentes un espazo no que poderían ser tratados de maneira conxunta.

A regularidade na convocatoria da Comisión de Seguimento e análise das disposicións normativas estatais e doutras comunidades autónomas dende o punto de vista competencial. A finalidade é defender as competencias propias da Comunidade Autónoma de Galicia coa posta en marcha, se procede, dos requirimentos correspondentes nos casos de conflitos de competencias e do procedemento da Comisión Bilateral, como instrumento para xestionar a conflitividade constitucional co fin de conquistar acordos para a resolución das discrepancias que poidan xurdir entre as partes, ben como paso previo a presentación dos posibles recursos de inconstitucionalidade ante o Tribunal Constitucional ou ben coa finalización dun acordo que evite a interposición do recurso de inconstitucionalidade.

A reivindicación da necesaria participación e audiencia da Comunidade Autónoma de Galicia na toma de decisión e na elaboración de disposicións normativas de rango estatal que poidan afectar as súas competencias e á prestación dos seus servizos ou distorsionar a súa planificación económico-orzamentaria.

Seguir afondando no autogoberno, ben mediante a mellora do sistema competencial co reforzamento das capacidades executivas ou ben pola vía do traspaso de competencias. Neste reforzo das relacións co Estado debe mencionarse o traballo que se efectúa en materia de traspasos de competencias coa convocatoria, e seguimento das reunións da Comisión Mixta de Transferencias, nun momento ademais no que se está a tramitar a transferencia de ordenación e xestión do litoral e en proxecto a solicitude de mais competencias ao Estado.

A cooperación horizontal coas demais comunidades autónomas é outro obxectivo prioritario para esta dirección xeral, que continuará na liña de reforzar o seguimento das súas disposicións normativas e tamén potenciar a colaboración a través de convenios e protocolos que permitan compartir servizos e recursos, unificar criterios e aportar eficiencia ao funcionamento do noso modelo territorial e á prestación dos servizos públicos.

É atribución tamén desta dirección xeral a función de recoñecemento de sinaturas e posterior legalización de documentos emitidos por autoridades ou persoal público da administración autonómica, que deban producir efectos no estranxeiro.

Outra das liñas de actuación inclúe a xestión do procedemento completo relativo ás subvencións recollidas no Capítulo III (Subvencións para gastos de funcionamento) da Lei 9/2015, do 7 de agosto, de financiamento das formacións políticas e das fundacións e entidades vinculadas ou dependentes delas (DOG Núm. 165, do 31 de agosto de 2015).

Ademais das funcións en materia de xestión económica que implica o parágrafo anterior, tamén se levará a cabo a xestión económica ordinaria propia da dirección xeral.

No marco do compromiso da Xunta de Galicia colaborarase coa transparencia e as boas prácticas na administración, de conformidade coa Lei 1/2016, de 18 de xaneiro, de transparencia e bo goberno. Neste eido, como unha das ferramentas básicas de transparencia e publicidade das actuacións desta administración pública, xestiónase o mantemento e actualización continua da base de datos do Rexistro de Convenios da Xunta de Galicia, poñéndoa a disposición da cidadanía para a consulta dos convenios asinados pola Xunta de Galicia e polas entidades integrantes do sector público autonómico.

Por último, e como complemento das dúas grandes áreas de actuación expostas, esta dirección xeral asume a coordinación e seguimento, cos órganos competentes dos demais departamentos: a promoción, análise, investigación, asistencia técnica, e desenvolvemento da liberdade relixiosa e de culto, e a colaboración coas institucións e organizacións interesadas no seu estudo e desenvolvemento.

DIRECCIÓN XERAL DE EMERXENCIAS E INTERIOR

A Dirección Xeral de Emerxencias e Interior dirixe as súas actuacións nos seguintes eidos e liñas de actuación:

I. Protección Civil e Emerxencias:

As accións neste campo centranse en tres obxectivos estratéxicos, que a súa vez incluírán medidas operativas para o seu cumprimento:

a) Aplicación e desenvolvemento da Lei 5/2007, do 7 de maio, de emerxencias de Galicia e consolidación do mapa galego de emerxencias:

No ano 2018, a través do Grupo de Traballo de Emerxencias dependente da Comisión Galega de Protección Civil, no que estaban representadas as diferentes administracións, autonómica e locais, acordouse por unanimidade avanzar cara un modelo de atención as emerxencias que supere as fronteiras administrativas e conformado polos parques de bombeiros municipais, os parques dos Consorcios provinciais para a prestación do servizo contra Incendios e Salvamento e os Grupos de Emerxencias Supramunicipais (en diante, GES).

Acordouse, e así se materializou nos anos 2019 a 2024 por medio da renovación dos correspondentes convenios, dar continuidade á figura dos GES, ampliando os existentes para mellorar a cobertura de xeito que practicamente toda a poboación e territorio

de Galicia teñan un servizo dilixente de atención as emerxencias. A estes efectos, recóllense no orzamento da Xunta de Galicia para 2025 as partidas necesarias na parte que corresponde ao Goberno galego para seguir mellorando o mapa de emerxencias ampliando e completando os efectivos dos GES, sempre en colaboración imprescindible coa FEGAMP e, especialmente, coas deputacións provinciais, que terán que implicarse economicamente para a prestación destes servizos cuxa competencia, cómpre non esquecer, correspóndelles a elas en exclusiva.

Pola súa banda, a Xunta de Galicia continuará no ano 2025 dotando aos GES e ás Agrupacións de Voluntarios de Protección Civil (en diante, AVPC) con material necesario para o exercicio das súas funcións, a cuxo efecto mantense a partida dedicada a infraestruturas e equipamento nos servizos de emerxencias e protección civil e a partida destinada a axudas ao funcionamento das AVPC.

Tamén neste ano 2025 potenciaranse os catro consorcios provinciais para a prestación do servizo contra Incendios e Salvamento, a través dun incremento notable das achegas da Xunta de Galicia, para equipamento e para gastos de funcionamento, que garanten á poboación galega, independentemente do seu lugar de residencia, un servizo permanente e profesional de atención e resposta ás emerxencias.

Compre sinalar ao respecto dos consorcios provinciais para a prestación do servizo contra Incendios e Salvamento, que no ano 2024 acadouse un consenso nas catro provincias acerca do réxime do persoal dos consorcios e na regulación das súas condicións laborais, para a mellora destes servizos. Neste senso durante este ano 2024 está prevista a aprobación das catro RPTs destes consorcios provinciais con criterios de valoración de postos similares, para garantir, na medida do posible, unha homoxeneidade nas retribucións de persoal operativo e unha actuación funcional uniforme. Neste marco negociador tamén prevese a aprobación dos correspondentes convenios laborais de cada consorcio para unificar as condicións laborais deste persoal operativo, afondando na necesaria profesionalización deste servizo esencial para a sociedade. Neste senso, esta prevista o incremento dos efectivos de cada consorcio para garantir unha correcta prestación deste servizo.

Todo elo co obxectivo de acadar unha prestación homoxénea e uniforme en todo o territorio de Galicia, co horizonte de dar un servizo áxil e eficaz a todos os galegos e galegas, independentemente do seu lugar de residencia, a través dos servizos profesionais de emerxencias que constitúen tanto os parques de bombeiros como os GES, complementados coas AVPC implementadas en todo o territorio galego.

Paralelamente, a Xunta de Galicia consigna no orzamento de 2025 o presuposto necesario para continuar coas comarcalizacións doutros parques de bombeiros das grandes cidades.

A comarcalización constitúe unha das recomendacións do ditame final da Comisión especial de estudo e análise das reformas da política forestal do Parlamento de Galicia, que a propoñía coa finalidade de reducir os tempos de resposta a emerxencias nas súas áreas metropolitanas. A estes efectos volverase a consignar nos orzamentos, con cargo

ao Fondo de Cooperación Local, unha contía dedicada especialmente á prestación dos servizos de emerxencias con carácter comarcal ou, no seu defecto, supramunicipal, na convicción de que este é o camiño para acadar a mellor cobertura posible no territorio dun servizo profesional de emerxencias.

Este proceso de comarcalización de parques municipais de bombeiros require do acordo e da vontade de distintas administracións; en primeiro lugar, do concello titular do servizo e, de seguido da administración autonómica, da administración provincial e, como non, dos concellos aos que o parque que se comarcaliza deba dar este servizo.

A Xunta de Galicia aposta decididamente por este modelo de comarcalización dos parques de bombeiros das cidades que permitirá optimizar os recursos xa existentes e dar cobertura ás emerxencias que se poidan producir nos seus contornos, defendendo un modelo de colaboración entre tódalas partes afectadas, como xa se ven facendo co parque de Ferrol dende hai varios exercicios.

Neste senso xa se ten acadado un acordo entre Xunta de Galicia, Deputación de Coruña e o concello de Santiago para a comarcalización do parque de bombeiros de Santiago de Compostela. Este acordo, que se pretende asinar neste ano 2024, comprende actuacións dirixidas á construción dun novo parque de bombeiros como o acordo de financiamento do servizo comarcalizado, o que supón unha aportación económica das tres administracións implicadas.

A Xunta de Galicia, tal e como sempre manifestou, aposta por este modelo de prestación de servizos e de apoio e colaboración ás administracións locais á hora de prestar un servizo áxil e eficaz á cidadanía galega.

No ano 2025 continuaremos a traballar e impulsar estes acordos de comarcalización de parques de bombeiros municipais, que xa se teñen producido e aumentarán na provincia da Coruña, para que se poidan estender e materializar no resto do territorio de Galicia, e así se poidan beneficiar todos os galegos e galegas desta, sen dúbida, mellora da atención das emerxencias.

O apoio e o compromiso da Xunta de Galicia co voluntariado de protección civil tense posto de manifesto a través de diversas campañas de promoción, reunións con servizos provinciais de emerxencias e concellos para informar e asesorar na creación de novas AVPC, así como mediante a dotación de material e recursos económicos. No ano 2025, a Xunta continuará impulsando as AVPC a través da colaboración cos concellos, co obxectivo de optimizar o uso dos recursos dispoñibles, tanto humanos como materiais. Ademais, promoverase a incorporación de novos voluntarios nas AVPC existentes e a creación de novas agrupacións, consolidando o seu papel como canles fundamentais para a participación cidadá en accións de voluntariado. A importancia destas agrupacións quedou patente nos numerosos operativos, tanto de carácter preventivo como de apoio loxístico aos servizos de intervención, nos que demostraron ser esenciais na resposta comunitaria ante situacións de crise nas que é necesario adoptar medidas de protección á poboación.

Continuaremos apoiando e pondo en valor o papel das AVPC impulsando a súa participación en programas específicos como son a atención as incidencias que poidan ocorrer nos camiños de Santiago, a seguridade en lugares de pública concorrencia e a implementación de plans de protección civil.

A ampliación da dotación de medios e recursos naqueles concellos con GES ou AVPC e zonas nas que aínda houbese necesidades pendentes. Esta actuación virá a complementar o amplo proceso de renovación e mellora do equipamento que se levou a cabo nos últimos anos e que achegou ás Asociacións equipamento (209 vehículos todoterreo, 206 remolques de emerxencias, 65 furgóns, 98 espaxadores de sal, 70 embarcacións, 143 tendas de campaña, 4 UTV, 43 coitelas quitaneves, 49 kits de material loxístico de seguridade viaria, 21 kits de material para as emerxencias no medio acuático, 49 kits de ferramentas eléctricas para a atención ás emerxencias ou 212 equipos de protección individual contra a vespa velutina, entre outros) por valor de máis de 16 millóns de euros. A impartición de programas de formación homoxéneos para os profesionais das emerxencias de Galicia e potenciación da formación dos voluntarios que complementen de forma coordinada os medios de intervención na nosa comunidade.

Así mesmo e co gallo de potenciar e impulsar a seguridade en lugares públicos implementárase unha liña de colaboración coas administracións locais na prestación do servizo de socorrismo en espazos acuáticos naturais e instalacións acuáticas da Comunidade Galega, mediante a implementación de liñas de axudas para a contratación deste persoal por parte destas administracións.

A sinatura de convenios de colaboración con entidades, organismos e colectivos colaboradoras do sistema integrado de protección civil e emerxencias de Galicia, entre os que cómpre destacar os asinados con entidades para a prestación de atención psicosocial en emerxencias que así o requiran como accidentes de múltiples vítimas ou emerxencias que podan requirir a evacuación das persoas a consecuencia de incendios forestais.

A mellora e potenciación dos sistemas de información para coñecemento do risco, actualizando e incorporando ao Xeoportal Galego de Riscos de Protección Civil datos xeoespaciais relacionados cos riscos naturais e tecnolóxicos en Galicia.

b) Planificación:

A modificación e actualización dos plans existentes para adaptalos á Lei 5/2007, do 7 de maio, e á estrutura prevista dos sistemas de atención ás emerxencias, incluíndo os mapas de riscos correspondentes.

Neste senso no ano 2024 revisouse o Plan especial ante o risco Sísmico (SISMIGAL), actualizando os estudos de análise de risco, ao desenvolver o instituto xeográfico nacional un novo mapa de perigosidade e adaptándoo á nova normativa. No ano 2025 acometerase a súa implantación, destacando a revisión da aplicación SESGAL, Simulador de Escenarios Sísmicos para Galicia, o que permitirá unha primeira avaliación de danos no caso de terremotos de intensidade media ou elevada.

No que atinxe a outros riscos naturais, continuarase coa implantación do Plan especial de protección civil ante o risco de inundacións (INUNGAL) revisado no 2024, a través

da divulgación do plan e o desenvolvemento da formación nesta materia a través da AGASP. Levarase a cabo tamén a análise de riscos de maremotos en Galicia, aliñada co establecido na Directriz Básica de Planificación de Protección Civil. Este estudo permitirá avaliar de maneira exhaustiva os posibles impactos e definir as medidas preventivas necesarias para protexer á poboación e o territorio galego e planificar a resposta coa aprobación do Plan especial de protección civil ante o risco de maremotos.

Respecto dos riscos tecnolóxicos, trala revisión no ano 2024 do Plan especial ante o risco de accidente no transporte de mercadorías perigosas (TRANSGAL), no ano 2025 acometerase a súa implantación así como a revisión e actualización dos Plans de emerxencia exterior da Grela Bens e de Exolum Vigo e a elaboración do Plan especial de protección civil ante o risco radiolóxico.

Así mesmo continuarase coas tarefas de información e divulgación dos diferentes plans de protección civil aos servizos intervinientes en caso de emerxencia, tanto a través da formación como executando exercicios e simulacros para garantir o coñecemento dos plans por parte dos servizos de emerxencia e para avaliar e mellorar os plans, garantindo unha coordinación efectiva entre todas as partes involucradas.

A implantación da normativa autonómica en materia de autoprotección, logo da aprobación no ano 2022 do decreto polo que se actualiza o catálogo de actividades e centros, establecementos e dependencias obrigados a realizar estes plans, establecendo as medidas e medios persoais e materiais necesarios para afrontar situacións de risco, e determinando o contido mínimo dos Plans de autoprotección, en desenvolvemento das previsións contidas no título IV da Lei 5/2007, do 7 de maio, e de acordo coas directrices básicas establecidas na lexislación vixente. O desenvolvemento, actualización e impulso do rexistro dos plans de autoprotección en Galicia, con especial significación na autoprotección escolar, logo de que no ano 2023 se integrase na sede electrónica o procedemento de rexistro de ditos plans.

O apoio á Comisión Galega de Protección Civil para a revisión dos plans de emerxencia, especialmente dos plans de emerxencia municipal (PEMU), así como a convocatoria e coordinación dos grupos de traballo que se creen no seno de dita comisión, con especial dedicación ao Grupo de Traballo para revisar tecnicamente e identificar liñas de traballo das diferentes administracións, para mellorar a atención as emerxencias en Galicia.

A mellora e potenciación do Xeoportal Galego de Riscos de Protección Civil que, desde a súa posta en marcha no ano 2022, se ten convertido nunha ferramenta de consulta para servizos e cidadanía que permite coñecer a previsión dos riscos no territorio. Co obxectivo de garantir o seu funcionamento óptimo e incrementar a súa utilidade actualízanse de xeito continuo os datos xeoespaciais relacionados cos riscos naturais e tecnolóxicos en Galicia, asegurando que a información dispoñible sexa precisa e relevante.

O fomento do voluntariado de protección civil, tanto potenciando a súa formación como realizando campañas de promoción entre a cidadanía, con especial atención á poboación en idade escolar así como a xente maior que pode atopar nas AVPC unha oportunidade para un envellecemento activo participando en actividades da Agrupación

e transmitindo coñecementos, experiencias e valores aos mais novos. O labor altruísta dos voluntarios e voluntarias debe ser recoñecido e potenciado polas Administracións, a cuxos efectos desde o ano 2021 se realizaron actos de entrega de distintivos de permanencia aos voluntarios e voluntarias que levaban mais de 25 anos pertencendo a unha AVPC. No ano 2025 procederase novamente a recoñecer a labor do impulsando o papel das asociacións provinciais de AVPC a través de xornadas de convivencia e captación de novos voluntarios e voluntarias.

Ademais, no ano 2025 continuarase a convocar as axudas para garantir o correcto funcionamento das AVPC, dotándoas de material e realizando formación a través da AGASP.

c) Coordinación e colaboración transfronteiriza en emerxencias: (AXEGA)

O Centro Integrado de Atención ás Emerxencias I12 Galicia (CIAE I12-Galicia), ubicado na Estrada, configúrase como un elemento esencial para a paulatina “integración operativa” dos distintos servizos básicos de atención ás emerxencias (sector seguridade, sector sanitario, sector asistencial, sector contra incendios e salvamento, sector medioambiental e sector protección civil) para así acadar unha xestión e coordinación “integral” (que abarque todos os campos posibles implicados nas emerxencias) e integrada (para que todos os axentes dos servizos de intervención actúen conxuntamente, de xeito coordinado e compartindo información en tempo real).

Ademais, no eido da coordinación, a AXEGA continúa a traballar na realización de simulacros que permitan unha actuación conxunta cada vez máis eficiente dos diferentes servizos. Así, durante o ano 2024 leváronse a cabo diversos simulacros de coordinación destacando os de medios en lumes forestais que se teñen demostrado de vital importancia para a coordinación dos incendios forestais declarados de situación 2, no ano 2025 continuarase coa realización de simulacros no ámbito das empresas SEVESO, aeroportuario, presas, lumes forestais, portuarios, etc, con exercicios presenciais onde se practique a implantación de plans e os seus protocolos de intervención correspondentes.

Coa análise dos resultados obtidos nas anteditas simulacións e cos exercicios prácticos que se continúen a desenvolver na próxima anualidade 2025, seguirase a traballar na liña de implantar sistemas de coordinación de traslado de información que resulten cada vez máis eficaces, así como procurar novas melloras nas comunicacións entre os diversos medios de intervención. No 2025 se levará a cabo a entrega de dispositivos móbiles remotos cunha APP que permita a comunicación e traslado de datos de incidencias entre o CIAE-I12 e os diferentes organismos que participan no sistema galego de Protección Civil. Estes dispositivos permitirán unha navegación ata o punto da incidencia e traslado de imaxes e vídeos en tempo real co cal fará máis eficiente a toma de decisións prioritariamente en grandes emerxencias.

Os traballos de coordinación esténdense a outros territorios de zonas fronteirizas comúns (Portugal, Castela-León, Principado de Asturias). No 2023 deu comezo o desenvolvemento do proxecto ATEMPO (Asistencia Transfronteiriza de emerxencias) que sigue a

liña de traballo do Ariem+ tendo como obxectivos continuar na consolidación da colaboración e cooperación transfronteiriza na atención de emerxencias dentro da franxa fronteiriza entre Galicia, Castela-León e norte de Portugal). tal e como quedou patente nos lumes forestais en 2022 na fronteira en Chaves-Verín, Moncao-Arbo, Barco de Valdeorras, etc.

A Xunta de Galicia como líder do proxecto ATEMPO busca afondar na mellora da capacidade de resposta das unidades de emerxencia transfronteiriza en un tempo efectivo ante eventos adversos relacionados co cambio climático e riscos tecnolóxicos con impacto nos ecosistemas da Eurorexión.

Para elo fará uso de 1) as ferramentas predictivas ofrecidas polos desenvolvementos da Intelixencia Artificial (IA) 2) a mellora da capacitación conxunta de efectivos e a posta en marcha dun marco de habilitación profesional común do persoal de emerxencias 3) o incremento da eficacia na resposta a emerxencias mediante o reforzo da inversión dotacional de equipamentos conxuntos e 4) a mellora da concienciación e a capacitación da poboación para facer fronte a emerxencias derivadas do cambio climático.

Dentro das previsións de colaboración e coordinación mediante proxectos europeos, para o exercicio 2025 continúa a participación da AXEGA en proxectos de colaboración co Instituto Tecnolóxico de Galicia en traballos relacionados con drons con tecnoloxía que permita voar de forma autónoma controlada dende ubicacións remotas como é o proxecto AMU-LED ou ACRE e colaboracións con GAIN no uso de tecnoloxía embarcada en DRONS para a busca de persoas desaparecidas.

2. Interior e Seguridade.

a) Espectáculos Públicos.

No exercicio 2025 continuarase coa aplicación do desenvolvemento normativo da Lei 10/2017, do 27 de decembro, de espectáculos públicos e actividades recreativas de Galicia, favorecendo a formación dos colectivos implicados no sector dos espectáculos públicos e actividades recreativas (controladores de acceso, persoal das administracións con competencias en materia de autorizacións administrativas, funcionarios dos corpos de policía, etc.).

Tamén se impulsará o rexistro de empresas e establecementos de espectáculos públicos e actividades recreativas.

Manterase a colaboración cos diversos sectores afectados e cos concellos, permanecendo aberta a liña de consultas específicas sobre a aplicación da distinta normativa en materia de espectáculos públicos e actividades recreativas e continuando coa difusión da Guía explicativa en materia de espectáculos públicos e actividades recreativas elaborada no seu día pola Subdirección xeral de Xogo e Espectáculos Públicos.

Colaborarase cos concellos na adaptación das ordenanzas e das licenzas municipais ás tipoloxías do novo Catálogo aprobado no ano 2019, fixando criterios de aplicación xeral que faciliten a devandita adaptación, así como a colaboración na aplicación da Orde pola que se determina o horario de apertura e peche dos establecementos abertos ao público e de inicio e finalización dos espectáculos públicos e das actividades recreativas.

Realizaranse periodicamente os procedementos de obtención e renovación da habilitación para o desenvolvemento das funcións do persoal de control de acceso a espectáculos públicos e actividades recreativas, a través da colaboración da AGASP, dirixidos a facilitar o acceso a estes postos de traballo, garantindo a seguridade no acceso a locais de ocio e de xogo na nosa comunidade, circunstancia especialmente valiosa á hora de garantir as condicións de acceso e funcionamento destes establecementos.

b) Coordinación dos Corpos de Policía local:

No ano 2023 realizouse o desenvolvemento normativo derivado da modificación da lei 4/2007, do 20 de abril, de coordinación de policía locais, mediante o Decreto 15/2023, do 12 de xaneiro, recollendo e solucionando todas aquelas cuestións máis conflitivas, favorecendo deste xeito tanto aos concellos como ao persoal policial, garantindo a cobertura efectiva das vacantes e a estabilidade nos postos de traballo de aqueles efectivos que opten aos corpos de policía doutros concellos a través do sistema de provisión de postos por mobilidade. Así mesmo suprimiuse o requisito de estatura mínima tanto para mulleres como para homes para o acceso aos corpos de policía local, aos concellos con vixiantes municipais e para a selección de auxiliares de policía.

No ano 2025, aprobaranse as disposicións normativas pendentes en materia de coordinación de corpos de policía locais, relativas a materias tales como medios técnicos, normativa relativa as probas, méritos e baremos para o acceso e promoción interna dos corpos de policía local, vixilantes e auxiliares, así como para o procedemento de provisión por mobilidade entre corpos de policía local e outras.

Manterase a colaboración cos concellos e o seu persoal policial, permanecendo aberta a liña de consultas específicas sobre a aplicación da distinta normativa en materia de coordinación de policía e continuando coa difusión de as respostas a estas consultas a través da publicación das memorias anuais, do traslado destas respostas e informes as representacións sindicais e á FEGAMP.

Do mesmo xeito potenciarase a coordinación das actuacións dos corpos de policía locais coa convocatoria e reunión periódica de órganos específicos como o Sacop, cara a garantir a efectiva implementación das disposicións normativas e procedementos de actuación policial e de xeito homoxéneo en todo o territorio galego.

Consensuar coa representación da FEGAMP e dos sindicatos, un marco para establecer convenios e protocolos de colaboración intermunicipal en materia de policía local.

Avaliar, no marco do Grupo de Traballo creado na Comisión de Coordinación de Policía Locais, a posibilidade de establecer convenios e protocolos de colaboración intermunicipal en materia de policía local que sirvan de referencia para o apoio na prestación puntual de servizos en concellos con insuficiencia de medios.

Promover a través da FEGAMP a implantación xeneralizada da nova aplicación informática do Rexistro de Policía locais xa rematada, actualizando os datos dos diversos corpos de Policía Locais para dotar a este Rexistro de máis operatividade e funcionalidade, acordes coas necesidades actuais.

c) Unidade de Policía Nacional adscrita (UPA):

- Promover o aumento dos medios humanos da UPA, tendo en conta as competencias que esta Unidade policial ten asumido na actualidade, para o cal será necesario a sinatura dun Convenio de colaboración co Ministerio do Interior.

Este obxectivo reiteradamente reclamado ao goberno do Estado, tanto polo goberno da Xunta de Galicia como en sede Parlamentaria, persegue poder dar un servizo de calidade aos galegos e galegas a través desta unidade policial que tras 30 anos de servizo en Galicia é recoñecida como unha policía propia de todos os galegos e que de forma progresiva foi asumindo cada vez mais competencias.

Algunha das competencias asumidas, como son as referidas a protección dos camiños, as de protección do medio ambiente e de protección do patrimonio cultural, requiren dun esforzo de persoal constante pero que, demandan unha maior atención e implicación pola nosa policía, xa que o número de peregrinos está a incrementarse ano tras ano, polo tanto, as accións vencelladas a este incremento e atención de competencias nas rutas xacobeas tamén serán maiores. Así mesmo este incremento de persoal permitiría poñer en marcha unha nova modalidade de patrullaxe nos camiños con servizos a pé en distintos puntos das rutas xacobeas e que permitirían unha atención máis cercana e accesible aos peregrinos, cunha especial incidencia na protección da muller nas distintas rutas. Todo elo complementado coa adscrición a estes servizos de vehículos híbridos e todo camiño adquiridos especialmente para esta finalidade e que se complementan con equipos DESA para a posible atención in situ dos peregrinos.

- Continuarase coa renovación de vehículos e medios técnicos necesarios para unha mellor prestación do servizo policial e un óptimo desenvolvemento das funcións propias da UPA, especialmente nos eidos da seguridade e protección de persoas, órganos, edificios e establecementos da Comunidade Autónoma de Galicia; a prevención e investigación de incendios; a protección do medio natural e dos recursos mariños; a colaboración en tarefas de rescate e salvamento; e a actuación e colaboración na protección de vítimas de violencia de xénero e nos casos de violencia intrafamiliar e contra menores.
- Fomentar a participación do persoal da UPA na formación específica, dirixida especialmente a aquelas funcións que precisan dunha maior actualización e competencia profesional, respecto de todas as funcións que desenvolve, incidindo de xeito prioritario na formación vencellada aos ámbitos dos camiños xacobeos e atención dos peregrinos en eidos tales como a violencia de xénero, a formación en DESA e protección do patrimonio cultural.
- Manter e ampliar os mecanismos de colaboración e coordinación das actuacións da UPA con outros corpos e forzas de Seguridade que desenvolven as súas tarefas na nosa comunidade, con especial incidencia na colaboración coas policía locais de Galicia, impulsando cando sexa necesario e demandado a implementación de dispositivos coordinados e conxuntos.

Este compromiso coa seguridade, en todos os seus aspectos, require a implicación de todas as administracións.

DIRECCIÓN XERAL DE RELACIÓNS EXTERIORES E COA UNIÓN EUROPEA

O obxectivo prioritario da Dirección Xeral de Relacións Exteriores e coa Unión Europea é a promoción da Acción Exterior de Galicia en xeral, especialmente nas relacións coa Unión Europea, nas relacións con Portugal, prioritariamente coa Rexión do Norte, e o fomento da cooperación para o desenvolvemento de conformidade coas prioridades xeográficas e sectoriais de actuación previstas no V Plan director 2023- 2026, aprobado por unanimidade polos axentes de cooperación representados no Consello Galego de Cooperación para o Desenvolvemento (Congacode) na súa reunión de 14 de febreiro do 2023, polo Consello da Xunta de Galicia o 2 de marzo de 2024 e polo Parlamento de Galicia o 15 de xuño de 2024.

Cara ao futuro, a opción estratéxica por unha Europa plenamente integrada resulta crucial para Galicia. O ceme básico das relacións internacionais de España cara ao exterior mantense con independencia dos cambios de Goberno. É nese ceme no que a acción exterior autonómica ha ter un referente, pero fóra del a autonomía -compatible coa lealdade constitucional- poderá desenvolver as particularidades discrecionais que decidan as institucións públicas galegas. Neste senso, hai que salientar do devandito núcleo:

- A promoción dos dereitos humanos, a democracia, a seguridade, o feminismo e a diversidade como referentes da acción de España no mundo.
- Impulsar a construción no plano global dun novo contrato social e interxeracional, sobre a base da Axenda 2030 e o pleno desenvolvemento dos dereitos políticos, sociais, económicos e ambientais.
- A defensa dun planeta máis sustentable, habitable, resiliente e verde.
- Prestar especial atención ás cuestións da paz, a seguridade e a defensa, desde unha concepción holística e integral da seguridade humana e a dignidade das persoas.
- Impulsar a Política Exterior e de Seguridade Común e a Política Común de Seguridade e Defensa.

Asemade, os Obxectivos de Desenvolvemento Sustentable (ODS) han de informar de todas as iniciativas e actuacións da nosa acción exterior.

Neste contexto, a Lei 10/2021, do 9 de marzo, reguladora da acción exterior e da cooperación para o desenvolvemento de Galicia, aspira a mellorar a proxección de Galicia a través da coordinación da acción exterior galega. Entre outros aspectos regulados pola Lei destacan, incentivar: a participación galega na negociación de tratados internacionais, mellorar a atención

dos galegos no exterior, consolidar a Eurorrexión Galicia-Norte de Portugal e a súa proxección nos países da lusofonía, e dotar a Galicia de maior protagonismo na cooperación para o desenvolvemento.

Esta Lei tamén regula a maneira de negociar e executar en Galicia tratados e acordos internacionais tanto na Unión Europea como fóra do marco xurídico da UE, aspecto este último clave trala materialización da saída do Reino Unido da Unión Europea.

Ademais, regúlanse distintas accións sectoriais no exterior. Así, no ámbito económico, recóllese a posibilidade de que a Administración autonómica examine no primeiro trimestre de cada ano o estudo Doing Business, do Banco Mundial, para avaliar a implantación de medidas coas que mellorar a atracción de capital foráneo. No ámbito educativo, avógase por reforzar o apoio á internacionalización das universidades galegas para captar talentos novos.

Cómpre sinalar en todo caso un dos principais logros acadados no eido da Acción Exterior na lexislatura anterior e que terá continuidade: o peso que ten a cooperación transfronteiriza, tanto na Eurorrexión Galicia-Norte de Portugal, como en xeral, nas relacións entre España e Portugal.

O principal instrumento de financiamento son os Programas Europeos de Cooperación transfronteiriza España – Portugal (POCTEP).

O apoio deste programa é fundamental para a dinamización financeira e investidora na fronteira, así como para a creación de institucións transfronteirizas e o desenvolvemento de infraestruturas de transporte e comunicación. Actualmente o vixente Programa POCTEP 2021-2027 ten catro convocatorias xa en marcha, cun total de 71 proxectos aprobados para toda a Eurorrexión e un gasto total que ascende a máis de 109M€.

As liñas básicas de actuación da dirección xeral son as seguintes:

- Reforzar e mellorar o seguimento, o fluxo de información institucional relevante e a participación na elaboración e aplicación das políticas comunitarias nos distintos eidos de competencia autonómica. Prestaremos especial atención ao posicionamento nos debates sobre o futuro da política de cohesión e a súa configuración no próximo Marco Financeiro, a transición enerxética, a avaliación da Política Común de Pesca, a aplicación da Rede Transeuropea de Transportes, o equilibrio entre a protección da biodiversidade e o desenvolvemento dos sectores produtivos e o desenvolvemento da regulación sobre Intelixencia Artificial.
- Participar no debate sobre o marco financeiro plurianual da UE despois de 2027, en particular sobre o peso da política de cohesión dentro del. O gasto en seguridade e defensa, o reforzo da competitividade, a ampliación e a reconstrución da Ucraína son novos retos que terán un impacto na aplicación das políticas tradicionais como a PAC e Política de Cohesión.
- Afianzar unha Eurorrexión do coñecemento e da proximidade para que os cidadáns que viven a carón da fronteira se beneficien do feito transfronteirizo, así como para aproveitar

as sinerxías que supón o traballo conxunto das dúas rexións, a galega e a portuguesa, nos ámbitos nos que están a traballar conxuntamente. A finais deste ano está previsto que a presidencia da Comunidade de Traballo Galicia – norte de Portugal pase a Galicia, o que servirá para intensificar o impulso desta cooperación.

- Apoiar e seguir potenciando á Agrupación Europea de Cooperación Territorial Galicia - Norte de Portugal, como un instrumento esencial para fomentar as relacións de cooperación con todas as entidades, tanto públicas como privadas, no marco da nosa Eurorexión.
- Executar as competencias da Unidade de Coordinación como Organismo Intermedio para os fondos comunitarios destinados á cooperación transfronteiriza (Programa de Cooperación Transfronteriza Interreg VI España-Portugal (POCTEP) 2021-2027). Entre estas competencias atópanse as de valoración das candidaturas de proxectos presentadas de acordo coas prioridades rexionais, a xestión e o seguimento do Programa no noso ámbito competencial e os controis de primeiro nivel dos gastos cofinanciados con fondos comunitarios FEDER dos socios vinculados coa Xunta de Galicia. A Unidade de Coordinación participa como membro nos Comités de Seguimento e de Xestión do Programa, e co-preside o Comité Territorial.
- Apoiar o desenvolvemento dos obxectivos da Macrorrexión RESOE, que xunto con Galicia, inclúe a Castela e León, Asturias e Cantabria, e as Rexións Norte e Centro de Portugal.
- Seguimento da Estratexia Atlántica e apoio a unha Estratexia Macrorrexional que remate coa creación dunha Macrorrexión Atlántica no seo da UE, a primeira na que estaría presente España.
- Manter o liderado na promoción da colaboración coa lusofonía e os países lusófonos toda vez que España, baixo o impulso de Galicia, ten entrado como Observador Asociado na Comunidade de Países de Lingua Portuguesa (CPLP). Nesa liña, está prevista a posta en marcha do Observatorio da Lusofonía Valentín Paz Andrade.
- Apostar polo crecemento e pola creación de emprego en Galicia, como país con identidade propia, potenciando a súa integración económica, social e territorial co resto de rexións europeas.
- Fomentar a participación de Galicia nos programas europeos, no contexto do Marco Financeiro Plurianual 2021-2027 e do instrumento de recuperación europea Next Generation Europe, mellorando a interlocución institucional e o acceso á información relevante coa finalidade de contribuír a que o financiamento chegue á economía real e a facilitar o acceso ao investimento para as entidades e o tecido industrial galego.
- Consolidar a participación de Galicia nos órganos europeos de participación territorial, prioritariamente no Comité Europeo das Rexións, asegurando a nosa presenza nos comités con competencia nos sectores estratéxicos de Galicia.
- Garantir e reforzar o apoio a todas as consellerías na defensa dos seus intereses no contexto comunitario.
- Defender o firme compromiso de Galicia coa Unión Europea e a pertenza ao Mercado Único Europeo.

- Coordinar actuacións con outros territorios que teñan intereses e obxectivos comúns dentro do marco das organizacións rexionais europeas (CRPM, Comisión Arco Atlántico, ARFE), para permitir a elaboración de estratexias conxuntas e o seu desenvolvemento.
- Apoiar á representación de Galicia nos órganos comunitarios abertos á participación autonómica en materia de consumo durante o segundo semestre de 2025; así como nos comités de Comitoloxía nos que Galicia está presente.
- Participar nos mecanismos de diálogo existentes entre a Administración xeral do Estado e as comunidades autónomas nos asuntos europeos, como son os órganos da Conferencia para Asuntos Relacionados coa Unión Europea (CARUE), avogando por reforzar este órgano para que se converta nun verdadeiro foro de diálogo e coordinación entre o Estado e as comunidades autónomas.
- Apoiar unha resposta coordinada da UE aos retos derivados do cambio demográfico e a súa consideración como cuestión transversal que afecta a distintas políticas sectoriais da UE.
- Potenciar todas aquelas actuacións da Fundación Galicia Europa que contribúan a divulgar as políticas comunitarias en Galicia, e a que as institucións comunitarias coñezan de primeira man as peculiaridades e a casuística da rexión galega.
- Fomentar e reforzar o acercamento das institucións comunitarias a toda a sociedade civil.
- Implementar unha nova Estratexia Galega de Acción Exterior 2024-2028, no caso de ser aprobada, consensuada cos principais actores, atendendo aos seus valores e intereses e que foi informada favorablemente por unanimidade polo CAEX.
- Potenciar e difundir unha imaxe integral de Galicia no exterior, facendo fincapé nunha “especialización intelixente”, e tendo en conta as prioridades da Estratexia Galega de Acción Exterior e os eixos do Plan Estratéxico de Galicia 2022-2030.
- Adoptar as medidas necesarias para permitir unha execución que dea cumprimento ao V Plan director da Cooperación Galega 2023-2026 no que se definen ámbitos estratéxicos de intervención, aliñados coa Axenda 2030 e os ODS das Nacións Unidas, e os países e colectivos prioritarios das actuacións no exterior da Cooperación Galega, definindo, consonte ao modelo de xestión orientada a resultados de desenvolvemento, un marco de resultados con indicadores precisos e suficientes para garantir o seguimento e avaliación no alcance de resultados do Plan director.

Cómpre destacar que o Plan anual 2024 da Cooperación Galega foi executado na súa totalidade, avanzando no cumprimento dos obxectivos previstos no V Plan director da Cooperación Galega. O Plan anual que se elaborará para o 2025, deberá adaptarse aos obxectivos e prioridades que se definirán co V Plan director da Cooperación Galega 2023-2026.

En calquera caso, a política de cooperación da Xunta de Galicia seguirá apostando por:

- Promover o aliñamento coa axenda global do desenvolvemento das Nacións Unidas, contribuíndo a realización dos ODS.
- Consegui- r unha maior eficacia da axuda desembolsada no ámbito da cooperación para o desenvolvemento, así como unha maior especialización nos ámbitos estratéxicos nos que conta con valor engadido ou vantaxes comparativas.
- Garantir a participación da Xunta de Galicia en proxectos de cooperación para o desenvolvemento e de acción humanitaria.
- Seguir apostando polas convocatorias públicas de axudas como principal instrumento para a xestión dos fondos destinados a cooperación, destinando a elas máis dun 80% do orzamento operativo de gastos.
- Apoiar o fortalecemento da profesionalización do sector da cooperación para o desenvolvemento en Galicia.
- Fomentar a Educación para o Desenvolvemento e a Cidadanía Global.
- Promover a complementariedade entre os actores e axentes de cooperación a través do impulso da coordinación, a colaboración e a concertación.
- Consolidar a participación de Galicia nos espazos e iniciativas de coordinación da cooperación española.

DIRECCIÓN XERAL DE MOBILIDADE

O sector do transporte en Galicia ten unha enorme importancia estratéxica, ao afectar transversalmente a todos os sectores produtivos. O sector do transporte e a loxística en Galicia, segundo o Instituto Galego de Estatística (IGE) no seu “Análise do sector do transporte e da loxística” (2017), no ano 2014 achegou o 3,9% do produto interior bruto (PIB) da economía galega, 2.126 millóns de euros. Os postos de traballo que xerou supoñen un 4,5% do emprego total.

A súa importancia vai máis alá dos aspectos meramente económicos xa que o transporte permite aos cidadáns alcanzar aquilo que é importante no seu quefacer cotiá: desprazarse ao traballo, ao centro de formación, a recibir asistencia médica ou simplemente a participar en actividades culturais ou de esparexemento que, especialmente en Galicia, requiren o desprazamento e, con frecuencia, utilizar medios de transporte público. Así mesmo, o transporte é un elemento clave para mellorar a competitividade do noso tecido empresarial no marco dun mercado global, ao permitir o descenso dos custos loxísticos, especialmente importantes en certos produtos. Por outra parte, o transporte permite que os consumidores accedan a unha variedade maior de produtos e de máis calidade.

Deste xeito, en Galicia fórmulanse múltiples retos que requiren do transporte para ser superados, polo que é preciso seguir a manter unha política activa que, aínda dentro das estritas

limitacións orzamentarias, permita mellorar o sector facéndoo máis competitivo, eficiente e sustentable, ademais de resolver as demandas de mobilidade que se producen dende os ámbitos social e produtivo de Galicia.

En resumo, é necesario manter accións dirixidas tanto á mellora da competitividade das empresas de transporte, como a facilitar e mellorar a mobilidade das persoas e mercadorías de maneira sustentable e conectada, para o que é preciso a actuación pública nos servizos de transporte, na súa dixitalización e nas infraestruturas asociadas aos mesmos (estacións intermodais, estación de autobuses, paradas de autobús, aparcadoiros seguros para camións, refuxios,...).

As accións contempladas no programa 512A, Ordenación e Inspección do Transporte, van dirixidas, polo tanto, aos sectores do transporte de persoas e mercadorías, configurados por unhas 16.000 empresas. Igualmente, este programa prevé actuacións encamiñadas ao público en xeral, como usuario do sistema de transporte público.

No eido dirixido ao campo profesional, a administración estima esencial actuar en ámbitos orientados á mellora da competitividade do sector empresarial, tanto de mercadorías como de viaxeiros, fomentando a realización de accións formativas que faciliten o acceso de novos profesionais ao sector (bonificando a obtención do Certificado de Aptitude Profesional (CAP) correspondente), a mellora do tecido empresarial e o cumprimento da normativa sectorial (por exemplo, relativa aos períodos de descanso dos condutores), e proseguindo coa implantación de accións de modernización dos servizos de transportes público de viaxeiros, entre outras actuacións.

A Lei 10/2016, do 19 de xullo, de medidas urxentes para a actualización do sistema de transporte público de Galicia, configura o Plan de Transporte Público de Galicia como o instrumento mediante o cal se establece a ordenación dos servizos de transporte público regular de competencia da Administración Xeral da Comunidade Autónoma, así como a coordinación do conxunto de servizos de transporte público que se desenvolvan na nosa comunidade.

Por outro lado, a Lei 2/2017, do 8 de febreiro, de medidas fiscais, administrativas e de ordenación, dedica o capítulo II do Título III á ordenación e promoción da integración dos servizos dirixidos á atención de diferentes colectivos de persoas usuarias, preferentemente contratados por unha mesma Administración, atribuíndolle á Consellería competente en materia de transporte público as funcións de órgano de contratación do conxunto de servizos de transporte público regular contratados pola Xunta de Galicia, consonte coa programación e as excepcións que, de selo caso, acorde o Consello da Xunta ou estableza o Plan de Transporte Público de Galicia, cuxa aprobación corresponde igualmente ao Consello da Xunta de Galicia.

O Plan de Transporte Público de Galicia foi aprobado, logo de deliberación, polo Consello da Xunta de Galicia, na súa reunión do 29 de novembro de 2018.

Consonte a este plan, o 5 de abril de 2019, a Consellería de Infraestruturas e Mobilidade publicou o anuncio da licitación do expediente de contratación das concesión que conforman

a primeira fase de implantación do Plan de Transporte Público de Galicia (lotes XG-600 a XG-743). Estas 98 concesións foron implantadas con éxito durante o primeiro trimestre de 2020. Posteriormente, o 17 de xaneiro de 2020, a Consellería de Infraestruturas e Mobilidade publicou o anuncio de licitación do expediente de contratación das 29 concesións que conforman a segunda, e derradeira, fase do Plan de Transporte Público de Galicia (claves XG800 a XG891). Destas, 10 concesións xa se implantaron en setembro de 2020 e as 19 restantes en decembro de 2020. Así, no 2021, completouse a implantación das 127 concesións que conforman o Plan de Transporte Público de Galicia, segundo o previsto na Lei 10/2016. Este novos contratos, ademais de supoñer unha reestruturación total e reordenación do transporte público da Comunidade Autónoma, traen consigo a extensión de sistemas de axuda a explotación (SAE) centralizados que serven de base a dixitalización tanto da oferta como da información os usuarios.

Estas actuacións en materia de mobilidade e transporte público refórzanse coa nova organización da Xunta de Galicia e a unificación na Dirección Xeral de Mobilidade das competencias en materia de servizos públicos de transporte, de servizos de transporte público escolar, e do servizo de transporte do Servizo Galego de Apoio á Mobilidade Persoal-065.

Así, á xestión destes contratos sumouse a partir do ano 2024, a xestión dos servizos de transporte público regular de uso especial a través dos que se presta o servizo de transporte escolar nunha parte relevante de centros escolares públicos, así como na do Servizo Galego de Apoio á Mobilidade Persoal, SGAMP-065.

A prestación destes servizos, complementarios e necesarios para o normal desenvolvemento de actividades como as educativas ou laborais, ten un importante peso específico nas políticas públicas e esixe a xestión eficiente e racional dunha cantidade notable de recursos asignados que debe cumprir o principio constitucional de estabilidade orzamentaria.

En canto aos servizos de transporte regular de uso especial, dedicados ao transporte de escolares, no ano 2023 a consellería competente naquel momento sobre eles, procedeu á prórroga dos 57 contratos de xestión dos servizos de transporte escolar de uso especial licitados no ano 2021 que prestan este servizo. A prórroga dos ditos contratos remata no mes de novembro de 2025, polo que a Consellería de Presidencia, Xustiza e Deportes procederá no ano 2025 a licitación destes novos servizos de transporte regular de uso especial.

Pola súa parte, e en canto, á prestación dos servizos de transporte do Servizo Galego de Apoio á Mobilidade Persoal, no ano 2024 iniciouse o procedemento de licitación para a renovación dos contratos de servizos a través dos que se presta este servizo.

Ao mesmo tempo, cómpre continuar impulsando actuacións de mellora da oferta de transporte público en Galicia. Nesta liña de potenciación do sistema de transporte público, e trala implantación das Áreas de Transporte Metropolitano da Coruña, Santiago de Compostela, Ferrol, Lugo e Vigo; continuarase a traballar para estender as vantaxes tarifarias e de métodos de

pago do Plan de Transporte Metropolitano de Galicia, superando as fronteiras das actuais áreas metropolitanas, facendo partícipe de elas a toda Galicia.

Nesta liña, con base no principio de colaboración administrativa e coa firme vontade de afianzar aquelas accións dirixidas á potenciación do uso do transporte público colectivo en toda Galicia, o Consello da Xunta de Galicia do 25 de febreiro de 2021 aprobou o Anexo ao Plan de Transporte Público de Galicia, que viu completar o devandito Plan mediante o establecemento da Área de Transporte de Galicia (en adiante ATG) que abrangue a todo o territorio da Comunidade Autónoma. Os principais obxectivos da ATG é afianzar o conxunto de actuacións de promoción da utilización do transporte público que viñan impulsando as diferentes Administracións e, de xeito singular, a Xunta de Galicia a través do Plan de Transporte Metropolitano de Galicia, así como impulsar a atención prioritaria do ámbito rural e garantir a cobertura do transporte público nas zonas con poboación máis dispersa, contando para iso coa colaboración de todas as administracións locais de Galicia, ás que terán a posibilidade de adherirse á ATG a través da formalización dun convenio de colaboración coa Xunta de Galicia. Posteriormente, a definición de esta área de transporte mellorouse a través da modificación do Anexo do PTPG (DOG nº 155 do 17 de agosto de 2022) acentuando as previsións dirixidas a promover a eficiencia e racionalización na actuación administrativa e facilitando a integración das entidades locais. Así estableceuse un procedemento para a integración directa e sen custe de concellos rurais de reducida poboación.

Nacida no ámbito do Plan de Transporte Metropolitano de Galicia, cómpre destacar de xeito significativo o esforzo orzamentario que supón o mantemento, por parte da Xunta de Galicia da tarifa Xente Nova. Tras a súa publicación no DOG, do pasado 20 de maio de 2021, da resolución pola que se estende ao conxunto da comunidade a gratuidade no transporte público aos menores de 21 anos coa utilización da tarxeta 'Xente Nova'. Esta medida social permite aos mozos e mozas, de entre catro e vinte anos, incluídos, viaxar gratuitamente en todos os servizos de transporte interurbano da Xunta de Galicia co único límite de 60 viaxes ao mes, Medida social moi potente de ampla utilización pola mocidade.

Esta iniciativa social contribúe, por unha parte, a unha importante potenciación da utilización do transporte público, cunha clara orientación á concienciación na súa utilización por parte das persoas que serán usuarios nos vindeiros anos. Mais igualmente, trátase dunha medida dun claro contido social, supoñendo un aforro importantísimo para as familias que se suma ao que xa dispoñan grazas ao propio Plan de Transporte Metropolitano de Galicia e as que no futuro inclúa a Área Única de Transporte de Galicia.

Esta medida está a ser complementada co desenvolvemento tecnolóxico que permitirá dispoñer da "Tarxeta Xente Nova" directamente nos dispositivos móbiles. Este avance permitirá acceder aos beneficios da gratuidade no transporte público mediante a xeración dun código QR dende o teléfono móbil, eliminando a necesidade de contar cunha tarxeta monedero física. Este enfoque busca simplificar e modernizar a experiencia de viaxe, ofrecendo ás persoas usuarias unha forma máis cómoda e áxil de acceder aos servizos públicos de transporte de Galicia.

Ademais, de xeito parello á tarifa “Xente Nova”, no ano 2024 a Xunta de Galicia impulsou unha nova iniciativa social de transporte, a “TARXETA DE TRANSPORTE +65”, que se virá a consolidar xa nesta nova anualidade. Esta iniciativa supón a gratuidade dos servizos de transporte público para as persoas maiores de 65 anos. Así apostamos por facilitar a mobilidade dos nosos maiores no transporte público autonómico. Este enfoque adquire especial relevancia nunha comunidade como a nosa, caracterizada pola súa natureza rural, alta taxa de envellecemento da poboación e dispersión xeográfica, garantindo unha maior accesibilidade e calidade de vida para os nosos maiores.

O aspecto e relevancia social destas actuacións resulta reforzado co mantemento, durante o ano 2024, da colaboración da Xunta de Galicia cos taxistas na implantación de taxis adaptados para persoas con mobilidade reducida, Eurotaxi, e de baixas emisións continuando así unha liña de axudas a estes profesionais aberta no ano 2016. Con esta actuación a Xunta de Galicia contribúe a compensar os incrementos de custe que supón para os taxistas a incorporación deste tipo de vehículos, facilitando a existencia dunha oferta real de vehículos sostibles e accesibles para todos.

Igualmente, continuarase con actuacións e medidas destinadas a acadar a intermodalidade entre diferentes modos de transporte de viaxeiros na procura dunha mobilidade sostible.

E, de xeito paralelo, a Xunta de Galicia continuará a colaborar na precisa adaptación do sector do transporte público, de persoas e de mercadorías, ao conxunto de novas iniciativas promovidas cara a mellora continua destas actividades, mantendo un ambicioso programa de apoio ás asociacións profesionais en diferentes programas de formación que estas desenvolven. De xeito complementario, promoverase, a través de distintos programas, o acceso de novos profesionais ao sector do transporte, bonificando a obtención do Certificado de Aptitude Profesional (CAP) necesario para o exercicio da profesión de condutor.

Por outro lado e de cara a fomentar a utilización do transporte público e mellorar a calidade que perciben os usuarios, e en coordinación coa Estratexia Galega de Mobilidade:

1. É necesario garantir o bo estado da rede galega de estacións de autobuses, para o que se continuarán con actuacións de reparación e mantemento e mellora da eficacia enerxética das estacións de autobuses.
2. Mellorarase a accesibilidade e conectividade das paradas de autobús situadas na Rede Autonómica de Estradas de Galicia, para convertelas en paradas seguras. Mellorarase o equipamento da propia parada, incluíndo a marquesiña, a accesibilidade para persoas con mobilidade reducida, a información e sinalización e a seguridade, dende o punto de vista viario e da perspectiva de xénero, dando unha maior visibilidade, con iluminación, sinalización, etc.
3. Executaranse de sendas peonís e/ou ciclistas na contorna das principais vías de entrada ás cidades de Galicia, que aproximen o cidadán aos servizos de transporte público e ofrezan unha alternativa de mobilidade sustentable atractiva e competitiva, de tal forma que se minimize a necesidade de acceder ás cidades en vehículo privado.

4. Continuarase coa mellora de outras instalacións de transporte, a través do programa de renovación de marquesiñas, co obxectivo é o subministro de novas marquesiñas, preferentemente no rural, que melloren a calidade (tanto funcional como estética) e a accesibilidade destas modestas pero imprescindibles infraestruturas de transporte diseminadas pola xeografía galega. Para elo, continuarase coa liña de colaboración coas administracións locais, como mellores coñecedoras das necesidades reais dos viaxeiros.

Por outra banda, dende esta dirección xeral estase a levar o seguimento proactivo das inversións en infraestruturas de transporte e dos servizos que estas prestan que inda que son de competencia do Goberno do Estado, son de importancia estratéxica para Galicia. Infraestruturas como o AVE ou o Corredor Atlántico de Mercancías.

No que se refire ao desenvolvemento das actuacións de intermodalidade en Galicia, durante o ano 2021, rematáronse as obras e iniciaron a súa explotación a terminal de autobuses nas Estacións Intermodais de Santiago de Compostela, e de Ourense. Durante o ano 2022 rematáronse as obras de Pontevedra e Vigo e iniciouse a execución de terminal de autobuses da Área Intermodal de San Cristobal – A Coruña. Respecto a Estación Intermodal de Lugo, está previsto nos vindeiros días o comezo das obras de execución. Por último, en Ferrol, a Xunta de Galicia continuará adiantando o seu traballo coa redacción do proxecto da nova terminal de autobuses.

Por outra banda, e dentro do ámbito das infraestruturas necesarias para o transporte de mercadorías, a Dirección Xeral de Mobilidade, ao abeiro do “Plan estratéxico para o desenvolvemento dunha rede galega de aparcadoiros seguros para o sector do transporte de mercadorías” ten previsto dúas iniciativas concretas:

- A creación a primeira área de estacionamento seguro “de concentración” no Polígono de San Cibrao das Viñas, en colaboración coa Asociación de Empresarios do Polígono de San Cibrao das Viñas.
- A convocatoria dunha orde de axudas, destinadas a áreas de servizo e establecementos de hostalaría, para o acondicionamento dos aparcadoiros existente converténdoo en aparcadoiros seguros acreditados para camiións. Isto suporá a creación da primeira rede de áreas de estacionamento seguro “de tránsito”.

Finalmente, a actuación da Dirección Xeral de Mobilidade complétase coas actividades de inspección e sanción en materia de transporte por estrada nos ámbitos da súa competencia.

O sector do transporte por estrada, tanto de viaxeiros como de mercadorías, experimentou nos últimos anos unha indubidable transformación a nivel internacional e nacional, marcada polo uso das tecnoloxías da información e a comunicación aplicadas ao transporte, co xurdimento de novos modelos de negocio vinculados a estas tecnoloxías, o crecemento da actividade de intermediación, e a crecente centralización da contratación que estas permiten.

Ademais, na comunidade autónoma de Galicia, a aprobación do Plan de transporte Público de Galicia está a supoñer unha importante transformación tanto no modelo de servizos regulares de uso xeral de viaxeiros, como nas condicións de execución e xestión do seguimento dos mesmos.

Estas transformacións, entre outras, implican riscos novos de infracción da normativa en materia de transportes que afectan a bens xurídicos nela protexidos como a seguridade do transporte e a leal competencia entre os operadores económicos, que requiren unha correlativa adaptación no seu obxecto e nos seus métodos de investigación dos servizos de Inspección de Transporte dependentes da Dirección Xeral de Mobilidade.

Por iso, resulta necesaria a adaptación da planificación e a organización da Inspección do Transporte a estas novas problemáticas, así como o seu reforzo mediante a contratación dun servizo de apoio a Subdirección Xeral de Inspección do Transporte.

Por último, cabe nomear a Xunta Arbitral de Transportes de Galicia (en diante XATG), órgano extraxudicial encargado de resolver conflitos que xorden durante a execución de contratos de transporte de crecente importancia e interese para o sector. A través deste órgano, as partes involucradas poden presentar unha reclamación, desencadeando así un proceso arbitral no que ambas partes presentan as súas posicións e, finalmente, a Xunta Arbitral emite un laudo arbitral, con efectos análogos aos unha sentenza xudicial. A XATG foi creada en 1991 pola Consellería de Ordenación do Territorio e Obras Públicas e, desde entón, opera coa súa secretaría na Dirección Xeral de Mobilidade. Debido ao aumento do número de reclamacións, tanto de persoas usuarias como de empresas, é necesario contar con apoio externo especializado para acelerar a tramitación e resolución destes asuntos.

II.2. DOS ORGANISMOS AUTÓNOMOS

ACADEMIA GALEGA DE SEGURIDADE PÚBLICA (AGASP)

A AGASP, de acordo co establecido na Lei 1/2007, do 15 de xaneiro, orienta a súa actuación á formación, capacitación e especialización do persoal ao servizo da seguridade pública e das emerxencias na nosa comunidade. Neste senso se busca acadar o enriquecemento do capital humano mediante a súa capacitación a través da formación, a innovación e a excelencia co obxectivo de dar un óptimo servizo aos galegos e galegas en todo o territorio da comunidade.

A AGASP é o centro de referencia da formación do persoal da seguridade pública e das emerxencias de Galicia, no eido dos corpos da Policía Local as súas competencias abranguen dende a súa selección coa realización dos procesos selectivos de novo ingreso e promoción interna como a súa formación inicial e preceptiva e a continua e de especialización.

Así mesmo, fórmase na Agasp o resto de corpos e forzas de seguridade pública que operan en Galicia, é dicir Policía Nacional e Garda civil, permitindo deste xeito sinerxías nas actuacións deste colectivos en todo o territorio.

Mención especial merece a unidade de Policía adscrita á Xunta de Galicia que, como policía propia desta comunidade recibe a súa formación de especialización neste centro sendo orientada as funcións e competencias que esta unidade ven asumindo dende a súa creación xa hai tres décadas.

No marco da colaboración da Xunta de Galicia cos concellos galegos aprobouse o Decreto 115/2017, do 17 de novembro, polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de policía local, vixilantes municipais e auxiliares de policía local, publicado no DOG do 22 de novembro de 2017, que posibilitou unha total colaboración cos concellos para realizar a centralización dos procesos selectivos da Policía Local.

Dende a aprobación do mencionado Decreto, modificado polo Decreto 20/2019, do 28 de febreiro, asináronse xa 91 convenios de delegación de competencias; é dicir, mais do 70% dos concellos con corpo de policía local en Galicia, e desenvólvense xa procesos selectivos unificados anualmente para as categorías de policía, oficial, inspector e inspector principal, así como auxiliares de policía local e vixiantes municipais, seleccionado a preto dun millar de persoas a través destes procesos unificados.

Neste sentido, as liñas de actuación previstas para o exercicio 2025 son as que de seguido se relacionan:

I. No ámbito da formación policial:

- Completar as adhesións dos concellos delegantes e a realización na AGASP dos procesos unitarios de selección da policía local e dos auxiliares de policía local de Galicia e levar a cabo os procesos selectivos para todas as categorías das que os concellos remitan as prazas vacantes, en todo caso auxiliares de policía local e categoría de policía. Asemade, durante o ano 2025 realizarase a formación da 17ª promoción de policía local, os cursos selectivos de ascenso as categorías de oficial, inspector e inspector principal e intendente dos corpos da Policía Local.
- Impartir os cursos de formación continua, perfeccionamento e especialización, para todas as categorías ou dos corpos da Policía Local, incidindo na especialización das materias que lle son propias, atendendo as demandas da sociedade no seu conxunto, como o tráfico e seguridade viaria en zona urbana, violencia de xénero, operativa e intervención policial, prevención de conductas delituais.
- Impartir formación para as Forzas e Corpos de Seguridade do Estado, en concreto ao persoal da Garda Civil e á Policía Nacional, en execución da Resolución do 4 de novembro de 2015, BOE de data 16 de novembro de 2015, da Secretaría Xeral Técnica

do Ministerio do Interior, pola que se publica o Convenio coa Xunta de Galicia para a colaboración en materia de formación e actualización do persoal dos Corpos de Seguridade do Estado destinados na Comunidade Autónoma de Galicia.

- Continuar coa potenciación da formación dos membros da unidade de Policía adscrita á Xunta de Galicia, nos seus ámbitos competenciais, tales como furtivismo, medio ambiente, violencia de xénero, menores e protección, entre outros.
 - Impulso de actividades formativas conxuntas para os distintos corpos de seguridade co gallo de fomentar a coordinación e colaboración operativa entre os mesmos.
 - Facilitarlles aos concellos os medios de coñecemento e información precisos para unha mellor execución dos servizos específicos de protección civil das policía locais para a implementación de plans de emerxencia e as actuacións derivadas dos mesmos.
 - Formación do persoal que desempeña as funcións de controlador de acceso nos locais de pública concorrencia da nosa comunidade autónoma para a obtención da preceptiva habilitación profesional, acadando a correspondente acreditación e capacitación para a execución das tarefas derivadas desta actividade.
2. No ámbito da formación de protección civil e emerxencias:
- Impartir os cursos de formación e perfeccionamento dirixidos aos integrantes dos servizos de protección civil e aos membros dos corpos de emerxencia das entidades locais.
 - Impulsar a formación dos integrantes dos grupos de emerxencia supramunicipais, como parte integrante do sistema de resposta ás emerxencias na nosa comunidade.
 - Facilitarlles aos concellos os medios de coñecemento e información precisos para unha mellor execución dos servizos específicos de bombeiros e protección civil, establecéndose os convenios oportunos.
 - Facilitarlles aos concellos os medios de coñecemento e información precisos para unha mellor execución dos servizos específicos dos servizos de protección civil.
3. No ámbito da investigación e divulgación:
- Investigar, estudar e divulgar contidos, técnicas e documentación, na materia de seguridade pública e con especial referencia á realidade galega, sendo visualizados a través da realización de xornadas de interese xeral, coa participación de expertos de distintos eidos.
 - Potenciación das redes sociais e mellora do entorno web da Agasp como medios de comunicación co alumnado, e visualización da súa actividade diaria.
 - Fomentar entre o alumnado da Agasp de cursos selectivos á investigación en temas concretos da súa actividade profesional diaria, facilitándolle os medios técnicos e profesionais para levalo a cabo así como o apoio profesional preciso, e posteriormente publicar os resultados.
 - Promover relacións de intercambio e colaboración coas universidades e institucións de Galicia, así como con outros centros docentes e investigadores de ámbito autonómico, estatal ou internacional.

4. No eido da modernización:

- Continuar a realización de formación na modalidade de teleformación, incluíndo todas as ferramentas de clase en directo, instalando un aula de gravación na sede da Academia e compaxinando coa formación presencial para facilitar o acceso á formación de policía e persoal de emerxencias, independentemente do seu lugar de traballo.
- Instaurar de forma electrónica a bolsa de colaboración de contratación para persoal auxiliar de policía local e os chamamentos da mesma.
- Establecer a notificación de presenza nos cursos de formación presencial a través de dispositivos electrónicos sitos nas aulas.
- Creación dun aula específica de simulación de xulgado para a realización de prácticas reais dos corpos policiais e a construción dunha torre multiusos, para a formación práctica tanto dos servizos de seguridade pública como de emerxencias, así como a construción dun campo de exercicios con obstáculos para a realización de clases físicas fomentando o deporte entre o persoal da seguridade pública e das emerxencias, así como a actualización técnica da galería de tiro coa implementación de melloras á vangarda destes departamentos (simuladores e brancos xiratorios e diferenciais).

5. No ámbito da formación en socorrismo.

Co gallo de seguir potenciando a seguridade nos lugares públicos de baño en Galicia, no ano 2025 continuarase incrementando a formación específica dirixida o persoal socorrista, por unha banda, impartindo os cursos de formación e perfeccionamento dirixidos tanto, as persoas interesadas en exercer a actividade profesional de socorrismo en Galicia, como aquelas persoas xa inscritas no Rexistro Profesional de Socorristas Acuáticos de Galicia que requiren completar a súa formación o reciclarse na actividade de socorrismo, e por outra banda, fíxase unha forte aposta pola realización do curso específico en formación en socorrismo de 120+120 horas lectivas, dirixido a toda persoa que posúa a formación básica obrigatoria que desexa desempeñar a profesión de persoal socorrista na nosa Comunidade.

II.3. DAS AXENCIAS PÚBLICAS AUTONÓMICAS

AXENCIA GALEGA DE EMERXENCIAS

A AXEGA configúrase como unha entidade instrumental da Xunta de Galicia, para o estudo e execución da política autonómica en materia de protección civil e xestión de emerxencias, que mobiliza recursos esenciais en materia de resposta ás emerxencias, protección civil e seguridade pública a través do CIAE I I2 Galicia.

En atención ao exposto, a AXEGA continuará adoptando como criterio básico para a confección dos seus orzamentos, o da optimización dos recursos existentes en aras a garantir o mesmo nivel de eficiencia e eficacia na prestación deses servizos.

I. Optimización dos recursos existentes:

Neste ámbito as liñas de actuación son as seguintes:

- Continuar coa potenciación do Servizo de Xestión do CIAE I I2 Galicia, para adaptalo ás esixencias e necesidades operativas e tecnolóxicas do Centro Integrado de Atención ás Emerxencias I I2 Galicia da Estrada. Dentro deste impulso o longo do 2025 e debido a modificación de convenio colectivo melloraranse as condicións laborais dos traballadores do CIAE I I2, por outro lado introduciranse melloras no aplicativo GEMMA que usa o CIAE-I I2 para a xestión de incidencias así como melloras nas comunicacións cos grupos operativos de emerxencia a través da rede Resgal e a utilización dun aplicativo remoto para dispositivos móbiles compartindo en tempo real a información que as operadoras do I I2 introducen no aplicativo GEMMA das diferentes incidencias que entran en sala. A tecnoloxía avanza a pasos de xigante e por isto, compre neste ano 2025 seguirase a realizar a renovación que comezou no 2024 da infraestrutura tecnolóxica do CIAE-I I2 para evitar problemas de obsolescencia, cambiaranse o longo do ano a plataforma de servidores e almacenamento, a electrónica de rede, os balanceadores de carga así como renovarase o datawarehouse corporativo e a base cartográfica e migraranse as bases de datos entre outra tarefas.
- Neste ano 2025 seguirase reforzando o Grupo de apoio loxístico á intervención (GALI), mediante a posta a disposición dos axentes intervintes de recursos especializados e do Posto de Mando Avanzado así como o reforzo do número de axentes do Grupo. Destacando a actualización en imaxe e tecnolóxica do Posto de Mando Avanzado (PMA) a adquisición dun novo PMA lixeiro, a adquisición de dun robot automatizado de extinción de incendios, adquisición de novos UAVs (Dron Cautivo, Dron subacuático, etc.), adquisición dun sistema de posicionamento de imaxes de Drons en cartografía dixital xeoreferenciada, etc. A realidade actual que reflicten as actuacións do GALI tanto en incendios forestais, como industriais así como nas súas labores preventivas e de auto protección en eventos puxo en evidencia a necesidade de aumentar a infraestrutura adicada ao GALI estando previsto para o 2025 a ampliación da nave onde se albergan as instalacións e material do GALI cuxo proxecto foi licitado e entregado polo adxudicatario no 2023 permitindo desta maneira unha mellor organización que redunde nun mellor servizo a cidadanía.
- Continuación coa implantación do Plan de Comunicacións de emerxencias de Galicia a través da rede Resgal, en coordinación con Amtega e Retegal para a renovación e actualización con tecnoloxía mais moderna de equipamento de servizos operativos que traballan coa rede Resgal.
- Adquisición de novas ferramentas TIC así como a evolución e optimización das existentes.
- Formación e constante especialización do persoal da AXEGA e do CIAE I I2 Galicia.

2. Optimización de procedementos:

Durante o ano 2025 desenvolveranse e daráselle continuidade a diversas liñas de traballo conducentes á continua mellora do servizo prestado polo CIAE I 12 á cidadanía. Entre elas podemos destacar as seguintes:

- Continuar coa implementación dos avisos masivos a poboación integrados na RAN-PWs (Rede de alerta Nacional de Protección Civil) que permite o envío xeneralizado e inmediato de alertas en formato SMS os móbiles de persoas que se atopen en zonas afectadas por emerxencias ou catástrofes inminentes ou en curso.
- Integración de plataformas entre 061 e I 12, coa DGT e coa Policía -Nacional e a Garda Civil, ademais da integración presencial de policía nacional e garda civil na sala do CIAE I 12 en días de aumento de risco previsible.
- Intercambio de información con xestoras de vías de comunicación (AXI e Audasa) dende estado de incidencias ata cartografía GIS actualizada.
- Avanzar na colaboración coas diferentes federacións, responsables autonómicos dos I 12 e representantes do goberno central, na mellora do centro nacional de tele interpretación que centralice un servizo 24 horas 365 días o ano ás persoas algún tipo de discapacidade auditiva ou da fala, así como coa Federación de Asociacións de Persoas Xordas de Galicia (FAXPG).
- Optimizar a aplicación de información y notificación de Plans de Auto protección e Emerxencia así como a información dos datos dos responsables do PMA, así como co deseño, aprobación e evolución de protocolos de intervención de recursos de emerxencias no territorio de Galicia, atendendo a criterios de pronta resposta, de territorialidade e operatividade dos recursos.
- Continuar a colaboración coa Dirección General de Protección Civil y Emergencias na configuración da Rede Nacional de información de Protección Civil. (RENAIN).
- Continuase no 2025 coa participación en proxectos de investigación e innovación, en colaboración con outras administracións ou entidades como é a Universidade de Vigo, Universidade de Coruña e Instituto Tecnolóxico de Galicia, GAIN, etc, co obxectivo de desenvolver ferramentas ou materiais que permitan controlar os riscos e diminuír o número de situacións de emerxencias que se producen.
- Continuar coa colaboración coas entidades locais de Galicia na adquisición de material e equipamento especializado para dar unha mellor resposta a emerxencias dos Grupos de intervención en emerxencias, co fin de acadar un maior grado de seguridade para a cidadanía.
- Continuación de proxectos didácticos, que teñan como obxectivo fomentar entre os menores e o resto da poboación do correcto uso do número de emerxencias, así como impulsar dende o CIAE I 12 o labor preventivo a través da divulgación como ferramenta de prevención a emisión de consellos preventivos a través de redes sociais e medios de comunicación.

- Así mesmo, na liña de I+D+I a AXEGA continuará a traballar no 2025 na busca de solucións tecnolóxicas que permitan solucionar tipoloxías de incidencias crecentes, como é o caso da busca de persoas desaparecidas ou a falla de comunicacións en grandes incidencias a través da tecnoloxía 5G. Na liña de investigación, a Axega tamén participa como organismo colaborador en proxectos de U-Space para aplicativos de coordinación de medios aéreos tripulados e non tripulados en situacións de emerxencia.
 - Seguir cos traballos de adaptación do centro ao Esquema Nacional de Seguridade así como ao RGLPD logo de ser clasificado como Infraestrutura Crítica e Servizo esencial polo Centro Nacional de Protección de Infraestruturas críticas (CNPIC).
3. A colaboración con outros entes xestores de emerxencias no ámbito interrexional e transfronteirizo:

Continuación e potenciación da colaboración na atención das emerxencias producidas en zonas fronteirizas comúns con Portugal, Castela-León e o Principado de Asturias coa implementación de protocolos de colaboración, intercambio de información e optimización de mobilización de recursos nas emerxencias producidas nese ámbito territorial.

Durante o ano 2025 seguirase co desenvolvemento do proxecto ATEMPO dentro do marco transfronteirizo e financiado con fondos Europeos Poctep Interreg España-Portugal; a través do proxecto aprobado con accións de difusión a poboación baseadas en simulacros, vídeos, accións de difusión en prensa escrita, TV, Radio e Internet.

II.4. DOS CONSORCIOS AUTONÓMICOS

A entrada en vigor da Lei 5/2007, do 7 de maio, de emerxencias de Galicia, supuxo o mandato do Parlamento de Galicia para que se acaden importantes obxectivos no ámbito da protección civil e a xestión de emerxencias, sendo un dos máis destacables a necesidade de acadar a maior homoxeneidade posible da prestación do servizo de extinción de incendios e salvamento en toda Galicia do xeito máis eficaz.

Neste senso a Xunta de Galicia, xunto coas deputacións provinciais de Galicia, a pesar de que é un servizo de competencia provincial ou local, participa na xestión e financiamento dos distintos consorcios contra incendios existentes na nosa comunidade.

A figura do consorcio contra incendios foi posta en marcha pola Xunta de Galicia, ao abeiro da lei de Administración local de Galicia, no ano 1999 coa finalidade de prestar este servizo esencial á poboación galega con independencia do seu lugar de residencia, garantindo a protección das súas vidas e patrimonios mediante a implementación de servizos profesionais de atención ás emerxencias as vinte e catro horas do día os 365 días do ano.

Estes consorcios, que inicialmente foron configurados con carácter comarcal, permitiron pasar dos 7 parques existentes na nosa comunidade no ano 1999 (parques municipais das grandes cidades galegas) á existencia neste intre, xa en funcionamento, de 32 parques en Galicia.

A fórmula de xestión destes servizos é a través dos consorcios contra incendios e de salvamento, que permiten unha xestión áxil e eficaz dos recursos, ao mesmo tempo que unha proximidade ao territorio cuberto polos mesmos e ás administracións implicadas no seu ámbito de actuación.

Estes consorcios que xestionan o servizo de extinción de incendios e salvamento, teñen actualmente todos eles, agás o consorcio comarcal Deza/Tabeirós con parque en Silleda, un carácter provincial nas catro provincias galegas, e, sen prexuízo da participación financeira da Xunta de Galicia, adscribíense ás respectivas Deputacións Provinciais de acordo coa Lei 27/2013, do 27 de decembro e a Lei 40/2015, do 1 de outubro.

II.5. DAS FUNDACIÓNS DO SECTOR PÚBLICO AUTONÓMICO

FUNDACIÓN GALICIA EUROPA

As comunidades autónomas en España teñen numerosas competencias directamente afectadas polas decisións da UE, o que levounas a abrir oficinas en Bruxelas e formar alianzas entre elas e con outras rexións europeas para influír no proceso comunitario de toma de decisións. No caso de Galicia, este rol asúmelo, dende 1988, a Fundación Galicia Europa. Ademais, dende os anos 80, tense negociado diferentes instrumentos de cooperación entre o Estado e as comunidades autónomas para participar nos asuntos comunitarios.

A Lei 10/2021 de regulación da acción exterior e da cooperación para o desenvolvemento de Galicia recoñece que a Fundación Galicia Europa (FGE) ten o mandato da administración rexional para exercer a representación rexional de Galicia ante as institucións e órganos da Unión Europea, seguindo as directrices do Goberno autónomo e respectando os principios de unidade da acción exterior do Estado.

A crecente importancia que ten a Unión Europea para abordar desafíos globais complexos é innegable, e isto convirte en crucial para Galicia participar eficazmente no proceso decisorio comunitario. Con este obxectivo a FGE abordará en 2025 diversas accións clave no cadro dunha nova estratexia para impulsar a acción da Xunta de Galicia na UE:

1. Sistematización da participación galega no debate europeo en catro fases: información, análise dende un punto de vista galego, definición dunha posición e actuación estratéxica.
2. Apoio adaptado ás necesidades de cada consellería: a asistencia que a FGE pode prestar a cada consellería ou departamento varía moito dunha a outra, dependendo de factores

como as competencias da UE e da Xunta na materia, os recursos humanos destinados por cada departamento aos asuntos comunitarios ou o interese mediático, cidadán ou sectorial de cada cuestión.

3. Coordinación da acción ante a UE: a coordinación entre consellerías é primordial para definir unha posición única nos debates comunitarios en defensa dos intereses galegos.
4. Participación proactiva en iniciativas europeas: a implicación dos departamentos da Xunta en diferentes iniciativas europeas pode reportar grandes beneficios a longo prazo, como obtención de financiamento, cooperación con outras rexións europeas, maior coñecemento das políticas europeas na elaboración das políticas autonómicas, e traslado da experiencia galega e das súas preocupacións á UE.

A misión da FGE é axudar a comprender e transformar as preocupacións locais en aportacións ao debate europeo construtivas e persuasivas, polo que o seu apoio á Xunta de Galicia é vital para implementar con éxito esta nova estratexia e aportar valor engadido á acción das consellerías no ámbito europeo.

Mais para o éxito da implementación desta estratexia será clave conseguir reforzar o persoal da FGE que realiza o seguimento directo dende Bruxelas dos asuntos comunitarios e contar coa complicidade dos responsables de asuntos europeos das diferentes consellerías.

No ámbito dos seus obxectivos estratéxicos, a FGE prevé desenvolver en 2025 as seguintes actividades:

I. Defensa dos intereses galegos ante a Unión Europea.

Entre os múltiples temas nos que a FGE traballa cos departamentos da Xunta de Galicia para a defensa dos seus intereses na UE, en 2025 destacarán os seguintes:

- O inicio do debate comunitario sobre o marco financeiro plurianual da UE despois de 2027, en particular sobre o peso da política de cohesión dentro del. É de esperar que os novos retos aos que a UE se enfronta (o reforzo da competitividade, da seguridade e da defensa, a ampliación, a reconstrución de Ucraína...) teñan un impacto redutor de fondos nas políticas tradicionais da UE, como a Cohesión e a Agricultura das que tanto se ten beneficiado Galicia. Para contar coas diferentes visións das consellerías da Xunta de Galicia e conseguir os mellores argumentos para unha defensa dos intereses galegos en este complexo debate, a FGE animará un foro de reflexión no seo da Xunta de Galicia sobre o futuro orzamento comunitario, que reúna ás consellerías máis implicadas, especialmente a de Facenda.
- Outros temas de relevancia para Galicia que marcarán a actividade da FGE serán:
 - Seguimento e análise de todas aquelas iniciativas impulsadas no marco da transición verde europea que repercutan en Galicia, como o proceso destinado a establecer un obxectivo climático para 2040 ou os expedientes pendentes de aprobación do paquete lexislativo “Obxectivo 55”.

- Apoio á Consellería de Medio Ambiente e Cambio Climático para garantir o equilibrio entre a protección da biodiversidade e o desenvolvemento dos sectores produtivos. Destacan a contribución ao debate relativo á convivencia das actividades agrarias cos grandes carnívoros, o seguimento da posta en marcha da Lei de Restauración da Natureza ou o fomento da enerxía eólica terrestre.
- Contribución ao debate sobre a transición enerxética no ámbito da pesca e sobre a avaliación da Política Común de Pesca.
- Seguimento da aplicación en Galicia do mapa revisado da Rede Transeuropea de Transportes e do procedemento de infracción iniciado a España sobre a prórroga da concesión da AP9.
- A defensa e apoio á creación dunha Macrorrexión Atlántica.
- Contribución ao debate sobre a necesidade de financiamento suficiente que garanta unha transición xusta das rexións automobilísticas europeas e apoio á Consellería de Economía e Industria na súa participación en diversas iniciativas europeas coas que se fomenta a transformación da industria da automoción.
- Seguimento do debate sobre o futuro da competitividade e do mercado único europeos, prestando especial atención ás posibles modificacións do marco regulador de axudas estatais.
- Apoio á AMTEGA para a súa participación no debate a nivel europeo sobre o desenvolvemento da IA.
- Apoio á Axencia Galega de Innovación no seguimento das prioridades e os programas europeos relacionados coa innovación a nivel europeo.
- A participación na rede de rexións con desafíos demográficos (DCRN), que chama a atención sobre as necesidades especiais destas a escala europea, en particular, no debate sobre o futuro da política de cohesión.
- O seguimento da plataforma STEP para impulsar os investimentos e tecnoloxías críticas na UE.
- A avaliación que o Tribunal Europeo de Contas faga da execución do Mecanismo de Recuperación e Resiliencia.
- Apoio á Consellería de Emprego, Comercio e Inmigración, difusión e coordinación co Comité Europeo das Rexións en relación coas actividades derivadas da obtención do Premio Rexión Emprendedora Europea 2025.
- Posta a disposición da Xunta de Galicia de asesoramento técnico e o apoio para asegurar unha activa participación da comunidade autónoma nos foros europeos de carácter institucional dos que é membro ou nos que está invitada a pronunciarse, como o Comité Europeo das Rexións.
- Apoio á participación da Xunta de Galicia no Consello da UE en materia de Consumo durante o segundo semestre de cara a asegurar unha efectiva coordinación das comunidades autónomas.

- Apoio a participación da Xunta de Galicia naquelas redes de cooperación rexional das que os diferentes departamentos da Xunta son membros: a Conferencia de Rexións Periféricas e Marítimas, ERRIN, Vanguard Initiative, NECSTOUR, etc.
 - Organización de encontros periódicos virtuais entre a Xunta de Galicia e a Comisión Europea co obxectivo de debater sobre distintos temas da axenda comunitaria, así como explicar ante a Comisión Europea o traballo desenvolvido pola Xunta de Galicia.
 - Organización de visitas institucionais a Bruxelas e de reunións virtuais coas institucións comunitarias.
 - Elaboración dun informe semestral para o Consello da Xunta sobre a defensa dos intereses galegos perante a UE.
 - Organización de seminarios e fomento da participación galega na Semana Europea das Rexións e das Cidades.
2. Promover a participación galega en proxectos europeos.
- Organización de novas edición do seu programa de especialización en financiamento comunitario "TecEuropa".
 - Dinamización da rede de especialistas "TecEuropa", formada por profesionais ao servizo de entidades galegas susceptibles de optar a fondos da Unión Europea.
 - Asesoramento aos actores galegos interesados en participar en proxectos europeos.
 - Difusión da Guía de Financiamento Comunitario 2021-2027.
 - Difusión dos proxectos europeos con participación galega.
3. Información e sensibilización sobre a Unión Europea en Galicia.
- Mantemento dun sitio web propio de información europea dende unha perspectiva galega.
 - Difusión de información europea a través de redes sociais.
 - Publicación e envío dun boletín electrónico mensual sobre actualidade comunitaria dende un punto de vista galego, no que tamén se informa sobre a participación galega nos asuntos europeos e se seleccionan as convocatorias máis relevantes de programas de financiamento, as consultas públicas e eventos europeos de interese.
 - Colaboracións mensuais coa revista ECO.
 - Presentación dunha memoria anual das actividades desenvolvidas pola FGE no cadro dos seus obxectivos.
4. Formación en asuntos europeos.
- Convocatoria de bolsas dirixidas a titulados superiores, para a realización de prácticas en asuntos europeos na oficina da FGE en Bruxelas.
 - Acollemento en prácticas de estudantes de graos e mestrados universitarios da Universidade de Santiago de Compostela.

5. Promoción da participación activa da xuventude galega no proceso de construción europeo (EuroXuventude).
 - Actualización da Guía de prácticas e saídas laborais na Unión Europea e organizacións internacionais.
 - Participación da FGE en varios proxectos cofinanciados pola UE e relacionados coa dinamización da xuventude no eido rural.
 - Organización de actos divulgativos sobre as oportunidades que ofrece a UE para a mocidade.
 - Información á mocidade galega sobre as distintas iniciativas e programas europeos deseñados para eles.

FUNDACIÓN SEMANA VERDE DE GALICIA

A Fundación Semana Verde de Galicia manterá a liña de racionalización na xestión, iniciada en anos pasados, que lle permitiu saldar a débeda histórica cos provedores, tras varios anos consecutivos con resultados financeiros positivos, que permitiu adquirir unha solvencia financeira estable e que a media de pago a provedores se manteña a día de hoxe dentro dos parámetros legais.

No tocante á actividade, en clara liña ascendente nos últimos anos, a Fundación Semana Verde de Galicia terá como liñas mestras da súa actividade no ano 2025:

- A dinamización das feiras consolidadas, incluíndo a feira ABANCA SEMANA VERDE, TUREXPO GALICIA e CIMAG GANDAGRO.
- A consolidación das novas feiras e eventos, como a Feira de Caza, Pesca e Natureza, a Feira das Festas de Interese Turístico, a Feira de Transporte de Viaxeiros por Carretera – Expobus, a Feira Internacional de Seguridade, Defensa e Emerxencias – Sedexpo e XGN Internamax.
- A creación de novos eventos feirais e non feirais, incidindo no carácter multisectorial do recinto, con eventos deportivos, musicais ou vinculados á produción audiovisual.
- A organización de eventos da propia Xunta de Galicia ou dos seus organismos, como fixo en anos precedentes con varios eventos da Axencia Galega de Innovación, a Axencia Galega de Industrias Forestais, Sergas e Facenda, a través de encomenda, xa que a Fundación ten carácter de medio propio da Xunta de Galicia e está claramente especializada na organización de eventos, tanto propios como alleos, e tanto no recinto como fóra del.
- Ademais, a Fundación afondará na implantación das estratexias de crecemento: internacionalización, actualización informática, mantemento de infraestruturas, aplicación do principio de autoprovisión no ámbito do sector público e a canalización das políticas públicas, así como a procura de novos membros do padroado ou patronos-patrocinadores, tanto públicos como privados e seguirá co aproveitamento e explotación dos edificios e infraestruturas

agora non utilizados, mediante o pagamento do correspondente canon polas entidades e empresas usuarias.

FUNDACIÓN DEPORTE GALEGO

A misión da Fundación Deporte Galego para o ano 2025 será a promoción da práctica da actividade física principalmente nos ámbitos educativo e sociosanitario, así como o fomento do deporte de alto nivel. Nestes obxectivos, a Fundación seguirá coas súas tres principais liñas de actuación:

- As actuacións de desenvolvemento do Plan Galego para o Fomento da Actividade Física “Galicia Saudable”.
- A Convocatoria de axudas aos Deportistas Galegos de Alto Nivel recoñecidos previamente pola Secretaría Xeral para o Deporte segundo os resultados deportivos obtidos no ano 2024, incluíndo os xogos olímpicos e paralímpicos de París 2024.
- O Plan de patrocinio a entidades de alto nivel, a través de convenios de patrocinios a entidades deportivas que compiten no máximo nivel estatal, cunha liña específica para equipos femininos“.

III. ORZAMENTO DE GASTOS POR PROGRAMA

III.1. PROGRAMAS DE GASTO

III.1.1. PROGRAMA 111E - RELACIÓNS EXTERIORES

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Galicia goza dunha proxección internacional cualificada, sen prexuízo do seu sólido entroncamento en España.

Esa proxección fundaméntase nos xenuínos trazos da súa identidade, cun idioma e unha cultura propios e singulares, entre outras características que lle outorgan trazos específicos, e que nos acreditan como pobo europeo-atlántico e especialmente afín a Portugal, cunha diáspora asentada e integrada en múltiples nacións do planeta.

Desde a nosa adhesión á Unión Europea, Galicia persegue como obxectivo estrutural de primeira orde a súa plena equiparación socioeconómica coa Europa máis desenvolvida. Unha comunidade aberta e homologable cos estándares propios das comunidades máis avanzadas da Unión. O consenso xeralizado do país aposta por unha converxencia real co núcleo da UE, avanzando no ámbito da cohesión económica, social e territorial, pero tamén no da coherencia política coa integración dentro dun modelo de economía social de mercado.

Esta prioridade europea é a base que define os obxectivos e finalidades da Acción Exterior da nosa Comunidade Autónoma, que, non obstante, non se restrinxen á área europea.

Para acadar os obxectivos de proxección exterior, desde a Dirección Xeral de Relacións Exteriores e coa UE desenvolveranse as seguintes actividades:

- Defender e impulsar os intereses de Galicia no ámbito da Unión Europea, e aplicar esta actuación a outras áreas xeográficas nas que Galicia poida estar interesada.
- Reforzar o seguimento dos asuntos de actualidade na Unión Europea nun ano que estará marcado polo comezo dun novo ciclo institucional tralas eleccións ao Parlamento europeo do ano 2024, a renovación da Comisión europea e do Comité das Rexións, prestando atención ás axendas de traballo e prioridades que marcarán as presidencias de Polonia e Dinamarca durante o ano 2025.
- Reforzar e mellorar o seguimento, o fluxo de información institucional relevante e a participación na elaboración e aplicación das políticas comunitarias nos distintos eidos de competencia autonómica. Prestaremos especial atención ao posicionamento nos debates sobre o futuro da política de cohesión e a súa configuración no próximo Marco Financeiro, a transición enerxética, a avaliación da Política Común de Pesca, a aplicación da Rede Transeuropea

de Transportes, o equilibrio entre a protección da biodiversidade e o desenvolvemento dos sectores produtivos, o desenvolvemento da regulación sobre Intelixencia Artificial e o seguimento da plataforma STEP para impulsar os investimentos e tecnoloxías críticas na UE.

- Consolidar a participación de Galicia nos órganos europeos de participación territorial, prioritariamente no Comité das Rexións, para dar a coñecer e defender os intereses galegos no tramado de toma de decisións comunitario e apoiar a representación de Galicia nos órganos comunitarios abertos á participación autonómica, en especial nos comités de Comitoloxía e no Consello da UE, onde Galicia ostentará a representación autonómica en materia de Consumo durante o segundo semestre de 2025 e participar nos mecanismos de diálogo existentes entre a Administración xeral do Estado e as comunidades autónomas nos asuntos europeos, como son os órganos da Conferencia para Asuntos Relacionados coa Unión Europea (CARUE).
- Fomentar a participación de Galicia nos programas europeos, no contexto do Marco Financeiro Plurianual 2021-2027 e do instrumento de recuperación europea Next Generation Europe, mellorando a interlocución institucional e o acceso á información relevante coa finalidade de contribuír a que o financiamento chegue á economía real e a facilitar o acceso ao investimento para as entidades e o tecido industrial galego.
- Participar nos debates previos á negociación do seguinte orzamento comunitario posterior a 2027, onde o gasto en seguridade e defensa, o reforzo da competitividade, a ampliación e a reconstrución da Ucraína son novos retos que terán un impacto na aplicación das políticas tradicionais como a PAC e Política de Cohesión. Así mesmo, prestarase atención á avaliación que o Tribunal Europeo de Contas faga da execución do Mecanismo de Recuperación e Resiliencia.
- Representar á Comunidade Autónoma nos órganos de cooperación e nas institucións europeas e de acción exterior, garantindo a presenza activa de Galicia en institucións e organismos comunitarios así como noutras esferas de actuación.
- Responder as incidencias que, por actuacións da Unión Europea, poidan afectar aos intereses e competencias da Comunidade Autónoma.
- Promover a cooperación institucional e cooperación técnica en relación coas actuacións da Administración Autonómica, naquelas materias relacionadas coas políticas rexionais e sectoriais de interese para a Comunidade Autónoma.
- Executar as relacións exteriores de Galicia como política de acción exterior propia, potenciación da coordinación e das interrelacións cos organismos comunitarios e consolidación e/ou ampliación dos organismos de cooperación interrexional.
- Impulsar a cooperación con rexións da Unión Europea e con rexións doutras áreas xeográficas a través de estruturas de participación bilateral e multilateral. Neste ámbito é necesario destacar a especial cooperación coa Rexión Norte de Portugal, especialmente no marco da Comunidade de Traballo Galicia-Norte de Portugal, e as actuacións dentro da Macrorrexión "RESOE" que, xunto con Galicia, inclúe a Castela e León, Asturias e Cantabria, e as Rexións Norte e Centro de Portugal.

- Apoio á iniciativa de creación dunha Macrorrexión Atlántica. A posibilidade de crear unha Macrorrexión Atlántica, impulsada pola Comisión do Arco Atlántico da Conferencia de Rexións Periféricas Marítimas, recibiu xa o apoio oficial do goberno de España e de Portugal. As rexións atlánticas da UE que compoñerían esta Macrorrexión están situadas en catro Estados membros: España, Francia, Irlanda e Portugal. As sete comunidades autónomas españolas implicadas, Andalucía, Asturias, Canarias, Cantabria, Galicia, Navarra e o País Vasco, expresaron tamén o seu apoio unánime a esta iniciativa que busca a integración nunha futura Macrorrexión Atlántica que permita abordar os retos comúns aos que se enfronta esta zona xeográfica.
- Definir prioridades, conciliar actuacións e canalizar a información que sexa de interese para os departamentos da Xunta de Galicia e para a sociedade galega en xeral, tanto no ámbito da Unión Europea como no ámbito da acción exterior.
- Desempeñar as tarefas inherentes á súa condición de Unidade de Coordinación para a xestión e controis de primeiro nivel dos gastos cofinanciados cos fondos comunitarios FEDER destinados á cooperación transfronteiriza, de conformidade co establecido nos regulamentos comunitarios, nas disposicións de aplicación do programa operativo e no acordo coa autoridade de xestión. No vindeiro ano, continuarase a realizar a xestión e control do programa, e a verificación e validación dos gastos dos socios beneficiarios baixo a súa dependencia. A Unidade de Coordinación participará como membro do Comité de Seguimento e do Comité de Xestión, e co-preside o Comité Territorial.
- Apoiar a divulgación da Eurorrexión Galicia-Norte de Portugal como territorio cada vez máis cohesionado que está a aproveitar as sinerxías entre ambas as dúas rexións.
- A través da AECT da Eurorrexión GNP, facilitar e fomentar a cooperación territorial e institucional para axudar a eliminar as barreiras físicas e burocráticas existentes e mitigar o efecto fronteira, contribuíndo á creación dunha Eurorrexión transfronteiriza efectiva. A AECT é o punto de encontro entre as institucións, empresas e cidadanía dos dous lados da fronteira galaico-portuguesa e un axente dinamizador e de interconexión da Eurorrexión para a promoción de intereses e obxectivos comúns. Dentro deste contexto, realízanse proxectos importantes cara a unha dimensión colaborativa do desenvolvemento transfronteirizo: programas como IACOBUS, NORTEAR, o proxectos como CLUSTERTUR, AEROGANP, HI-Mov, Smart Green Water, Rewater Project, ou a elaboración do Estatuto do Traballador Transfronteirizo son algúns exemplos da súa actividade.
- Reforzar as relacións entre as institucións galegas, especialmente a Xunta de Galicia, e as institucións políticas, económicas e culturais portuguesas.
- Desenvolver unha política de acción exterior propia, tendo en conta os intereses de Galicia e os escenarios políticos internacionais, afirmando a presenza e a imaxe de Galicia, difundindo a súa realidade e especificidade, e impulsando a participación con voz propia nos procedementos e mecanismos da política europea e da política internacional.
- Colaborar no proceso de internacionalización da economía e das empresas, como un dos obxectivos prioritarios da Xunta de Galicia.

- Asegurar un correcto funcionamento administrativo da Dirección Xeral de Relacións Exteriores e coa Unión Europea e da Fundación Galicia Europa.

POBOACIÓN OU COLECTIVO AO QUE SE DIRIXE

Pola propia natureza dos obxectivos deste programa, o colectivo ao que se dirixe non ten límites xeográficos, xa que trata de afirmar a presenza de Galicia no contexto internacional.

Non obstante hai subgrupos específicos que se citan deseguido:

1. Fundación Galicia Europa.
2. A Comunidade de Traballo Galicia-Norte de Portugal e a Agrupación Europea de Cooperación Territorial Galicia-Norte de Portugal.

DETALLE DA SITUACIÓN DE PARTIDA

Os principais obxectivos da acción exterior de Galicia son o apoio á cidadanía galega no exterior e a consolidación da imaxe de Galicia fóra das nosas fronteiras, en especial nos principais mercados, co fin de apoiar a internacionalización da economía e das empresas galegas.

Desde a década dos 90, o foco fundamental da actuación de Galicia mais alá do noso territorio veu dado pola cooperación coa Rexión Norte de Portugal, coa que temos constituída unha Comunidade de Traballo desde hai máis de 25 anos; a mais antiga da fronteira. Ademais, desde 2010, está a traballar a Agrupación Europea de Cooperación Territorial Galicia - Norte de Portugal, que é o instrumento esencial para fomentar as relacións de cooperación con todas as entidades, públicas e privadas, no ámbito da Eurorrexión.

Nas pasadas lexislaturas, a Xunta de Galicia iniciou distintas iniciativas cara ao reforzo da acción exterior de Galicia e a súa presenza alén das nosas fronteiras. Dentro delas cabe salientar o Consello de Acción Exterior, creado para consensuar cos principais actores as liñas básicas da actuación exterior de Galicia; a Macrorrexión “RESOE” como elemento aglutinador das actuacións das rexións do sudoeste europeo. E, por outra banda, no eido eurorrexional, a xa dita Agrupación Europea de Cooperación Territorial Galicia - Norte de Portugal (GNP, AECT) como entidade que executa as políticas que diseña a Comunidade de Traballo Galicia - Norte de Portugal.

Neste mesmo eido é destacable a entrada de España como Observador Asociado da Comunidade de Países de Lingua Portuguesa (CPLP), integración impulsada por Galicia. Nesa liña, está prevista a posta en marcha do Observatorio da Lusofonía Valentín Paz Andrade.

No ámbito da cooperación transfronteiriza, cómpre salientar que a Dirección Xeral de Relacións Exteriores e coa Unión Europea é Unidade de Coordinación do Programa de Cooperación Transfronteiriza Interreg V-A España Portugal 2021-2027, e actúa como organismo intermedio nas tarefas de verificación-validación dos gastos dos beneficiarios vencellados á Xunta de Galicia.

Continuando na contorna europea, lembrar o pulo que Galicia, Norte de Portugal e Castela e León deron á posta en marcha dunha macrorrexión RESOE na que se integraron en 2014 o Principado de Asturias e a Rexión Centro de Portugal e, en 2017, Cantabria. Partindo destes alicerces, Galicia está actualmente a impulsar a creación no seo da UE dunha nova Macrorrexión Atlántica xunto cos catro Estados membros (España, Francia, Irlanda e Portugal), e as sete CCAA españolas implicadas (Andalucía, Asturias, as Illas Canarias, Cantabria, Galicia, Navarra e o País Vasco).

Na procura de consolidar e incrementar a presenza de Galicia nas organizacións rexionais europeas, este programa orzamentario contribúe á unha participación moi activa na Comisión do Arco Atlántico, na Conferencia de Rexións Periféricas e Marítimas de Europa (CRPM) e na Asemblea das Rexións Fronteirizas de Europa (ARFE).

No ámbito da Unión Europea un dos principais obxectivos foi a defensa dos intereses galegos en todos os órganos e institucións comunitarios con participación autonómica, en especial no Comité Europeo das Rexións, no que Galicia participou no debate de diferentes ditames de grande interese para a Comunidade autónoma (Futuro da política de cohesión post 2027, a cooperación transfronteiriza, a protección da biodiversidade e a coexistencia cos grandes carnívoros, as novas técnicas xenómicas e materiais de reprodución vexetal ou a mobilidade das competencias e o talento).

Levou-se a cabo o seguimento das políticas comunitarias de maior incidencia para Galicia, como son a política de cohesión, a política medioambiental, as políticas agraria común (PAC), industrial e da pesca (FEMP). Neste eido, Galicia liderou no Comité das Rexións o ditame A política pesqueira común sobre o terreo: cara a comunidades costeiras sostíbeis e resilientes na UE, como reacción ao paquete de medidas para mellorar a sustentabilidade e a resiliencia do sector da pesca e a acuicultura na UE proposto pola Comisión Europea en febreiro de 2023.

Galicia deu continuidade aos mecanismos de coordinación existentes entre a Administración Xeral do Estado (AXE) e as Comunidades Autónomas (CCAA) nos asuntos europeos mediante o seguimento e a participación activa nos distintos órganos de cooperación sectoriais no seno da Conferencia para Asuntos Relacionados coa Unión Europea (CARUE), coordinada polo Ministerio de Política Territorial e Función Pública, así como nos Comités da Comisión Europea e nos Consellos da Unión Europea.

Durante os pasados anos Galicia exerceu a representación das comunidades autónomas en varias formacións do Consello de Ministros da Unión Europea (Agricultura e pesca, xogo, emprego e política social, sanidade, medio ambiente e xuventude).

DEFINICIÓN DO MARCO NO QUE SE DESENVOLVE O PROGRAMA

O programa está encadrado no marco legal seguinte:

- Lei 10/2021, do 9 de marzo, reguladora da acción exterior e da cooperación para o desenvolvemento de Galicia.
- Decreto 42/2024, do 14 de abril, polo que se establece a estrutura orgánica da Xunta de Galicia.
- Decreto 49/2024, do 14 de abril, polo que se e se fixa a estrutura orgánica das consellerías da Xunta de Galicia.
- Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes.
- Decreto 44/2024, do 14 de abril, polo que se nomean os titulares das consellerías da Xunta de Galicia.
- Decreto 368/2009 do 30 de xullo, polo que se crea e se regula o Consello de Acción Exterior.
- Decreto 178/2015, do 26 de novembro, polo que se regula a acción exterior da Comunidade Autónoma de Galicia.
- Acordo constitutivo da Comunidade de Traballo Galicia-Norte de Portugal, realizado en Santiago de Compostela o 24 de febreiro de 2006.
- Convenio de cooperación territorial europea entre a Xunta de Galicia e a Comisión de Coordinación e Desenvolvemento Rexional do Norte de Portugal, polo que se crea a Agrupación Europea de Cooperación Territorial Galicia-Norte de Portugal (GNP, AECT), realizado en Santiago de Compostela, o 22 de setembro de 2008.
- Programa Interreg VI-A España-Portugal (POCTEP) 2021-2027, aprobado pola Comisión Europea o 22 de agosto de 2022, financiado polo Fondo Europeo de desenvolvemento rexional (FEDER).

FINALIDADE E ESTRATEXIA DO PROGRAMA

O desenvolvemento do proceso de integración europea trala saída do Reino Unido, a situación económica derivada da guerra de Ucraína e a realidade que debuxa a crise da COVID-19 obrigarán ao Goberno galego a desenvolver unha acción exterior orientada a estes cambios.

A Lei 10/2021 de Acción Exterior e Cooperación de Galicia, permitirá a Galicia, a través da cooperación leal co Estado, participar activamente na negociación de tratados internacionais; defender os intereses galegos nos tribunais europeos; desenvolver a promoción comercial e cultural galegas; fomentar a atracción de universitarios e novos residentes; e construír novas redes cos galegos do exterior e coas empresas galegas que operen no estranxeiro.

As actuacións deste programa teñen por finalidade reforzar a presenza exterior de Galicia e dar visibilidade a súa participación naqueles foros nos que se poida mellorar a posición galega. Así mesmo, estas accións diríxense a prestar apoio e asesoramento aos distintos departamentos da Xunta de Galicia sobre as políticas comunitarias de especial incidencia e interese para a Comunidade Autónoma, como a prolongación do Corredor Atlántico, á Política de Cohesión máis alá do 2020, o Marco Financeiro Plurianual 2021-2027 ou as medidas postas en marcha pola UE para facer fronte a crise derivada da Covid-19 e a situación económica consecuencia da guerra de Ucraína.

Co obxecto de acadar mellores posicións no ámbito internacional e coa idea de maximizar a rendibilidade do esforzo para este fin, estanse a manter sinerxías con outras rexións con obxectivos concorrentes cos galegos. De maneira singular, colaborouse con todas as administracións implicadas, tanto nacionais como rexionais, españolas e portuguesas, na definición do futuro marco de actuación en materia de cooperación transfronteiriza, e todo elo co fin de continuar coa consolidación da Eurorexión Galicia-Norte de Portugal mediante o desenvolvemento do Programa europeo Interreg no período de programación 2021-2027.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	X
Programa destinado exclusivamente a actividades administrativas de xestión	X

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	
Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	X
Igualdade no acceso ao emprego, na formación e na promoción profesionais e nas condicións de traballo	X
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	X
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	
Outros (especificar)	

C. ÓRGANOS ENCARGADOS DA SÚA XESTIÓN

Dirección Xeral de Relacións Exteriores e coa Unión Europea

Fundación Galicia Europa

III.1.2. PROGRAMA 121A - DIRECCIÓN E SERVIZOS XERAIS DE ADMINISTRACIÓN XERAL

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Este programa de gasto, asignado á Secretaría Xeral Técnica, atende as tarefas de dirección, coordinación e soporte básico dos servizos comúns e daqueles departamentos que, por non ter orzamento singularizado para o desenvolvemento da totalidade das súas funcións, precisan do apoio técnico, administrativo e orzamentario da Secretaría Xeral Técnica.

Dentro do ámbito das competencias da consellería, céntranse no apoio e na coordinación das actividades do resto dos órganos que a integran nos seguintes eidos:

- a) Elaboración de estudos e propostas de actuación sobre aspectos relativos á estrutura-
ción, planificación, organización, métodos de traballo e de mellora da xestión.
- b) Seguimento dos expedientes de contratación, dos convenios e protocolos de colabora-
ción, así como dos expedientes de subvencións.
- c) Obras e proxectos.
- d) Seguimento e control dos expedientes de subvencións.

Estes últimos anos viñéronse adoptando un conxunto de medidas que, agrupadas, posibilitan acadar unha administración máis eficiente no uso dos recursos públicos e máis aberta, entendible e simplificada dende o punto de vista da relación coa cidadanía e tamén das empresas. O contexto de crise sanitaria exixiu afondar na eficiencia no uso dos recursos públicos e continuar na realización de investimentos en infraestruturas que presten servizos básicos á cidadanía cara a unha economía dixital e verde.

No marco da estratexia de mellora das infraestruturas administrativas, a Xunta de Galicia vén asignando importantes recursos económicos para poder contar cuns espazos de traballo e servizo público modernos e en óptimas condicións de utilización. Así, nos últimos anos, xa se puxeron en marcha distintos proxectos, tanto para a mellora das infraestruturas administrativas como para diminuír o consumo enerxético asociado á utilización dos edificios, xa que dentro dos obxectivos prioritarios do goberno galego atópase a mellora da eficiencia enerxética no ámbito da Administración Autonómica.

Neste sentido, a Xunta de Galicia ven impulsando desde o ano 2014 actuacións de mellora enerxética co fin de converter as infraestruturas administrativas e xudiciais en infraestruturas saudables e eficientes, reducindo así, de forma significativa as emisións de CO₂, tal e como establece a Estratexia Galega de Cambio Climático e Enerxía 2050, cara a converxencia dunha economía limpa, que cumpra os máis rigorosos estándares.

As obras realizadas desde a Consellería de Presidencia, Xustiza e Deportes, supuxeron un investimento de máis de 25,8 millóns de euros, 18,9 millóns en edificios administrativos e de 6,9 millóns en edificios xudiciais, e están a producir grandes beneficios, tanto operativos, isto é, ligados á mellora das infraestruturas, dos servizos públicos e das condicións das persoas traballadoras públicas; coma outros conexos coa eficiencia enerxética, e que supoñen na actualidade unha redución de 3.442 Tm/ano de emisións de CO₂ e uns aforros anuais nos consumos de 16.954.686 Kwh/ano.

Cómpre salientar, dentro dos investimentos efectuados neste período, a Instalación dunha caldeira de biomasa no edificio administrativo de San Caetano, a mellora da eficiencia enerxética na Academia Galega de Seguridade Pública, a mellora da envolvente térmica en cinco dos principais edificios do Complexo Administrativo de San Caetano, a rehabilitación do Edificio Administrativo da Rúa Benito Corbal de Pontevedra, as obras de mellora enerxética na EGAP e no edificio que alberga a Dirección Xeral de Emerxencias e Interior ou nos edificios administrativos da Xunta de Galicia en Ourense, Lugo, Vigo, A Coruña e Ferrol, así coma no Pazo de Raxoi, entre outras.

Para o ano 2025 continuase apostando pola mellora da eficiencia enerxética nos edificios administrativos, levando a cabo investimentos co obxectivo principal de mellorar as condicións de todo o persoal ao servizo da administración autonómica e dos cidadáns que acoden a estes edificios a realizar algún tipo de xestión e que suporán unha nova redución do consumo enerxético asociado á utilización destes edificios co conseguinte aforro económico, así como unha mellora ambiental, xa que continuarán a reducirse as emisións de gases contaminantes á atmosfera.

A importancia de levar a cabo esta liña de actuacións viuse incrementada coa situación económica dos últimos anos, co incremento xeneralizado dos custos da enerxía, que teñen impacto nos gastos consignados para o funcionamento dos edificios administrativos no orzamento.

No ano 2025 está previsto acometer obras de eficiencia enerxética en diferentes sedes da Administración Autonómica, así como nas instalacións da Fundación Semana Verde en Silleda.

No ámbito das infraestruturas administrativas, desde o 2015 véñense asignando tamén importantes recursos económicos ao mantemento e mellora continua dos edificios administrativos xestionados por esta Administración. Neste ámbito de actuación, nos últimos anos, puxéronse en marcha distintos proxectos de mellora das infraestruturas administrativas que acadan uns investimentos de máis de 20,8 millóns de euros.

Continuando nesta liña, en 2023 iniciáronse as obras para acondicionar novos espazos no edificio administrativo de Ferrol que rematarán no segundo semestre de 2024, destinando para esta actuación un total de 822.712,06 euros.

Asemade, despois do concurso de ideas convocado para un novo edificio administrativo na cidade de Ourense, consígnanse a cantidade de 2.000.000 de euros, coa previsión de empezar a execución das obras da nova delegación no ano 2025. A construción do novo edificio adminis-

trativo de Ourense permitirá liberar os inmobles que actualmente ocupan as distintas dependencias administrativas na dita localidade e aforrar naqueles que están en aluguer.

Coa actuación prevista no edificio situado na Rúa Lalín en Vigo para poder albergar locais dedicados a asociacións, seguirase na senda de rehabilitación e recuperación do patrimonio e de establecemento de liñas de colaboración cos actores sociais e outras administracións e entidades públicas, coa finalidade de reverter o seu uso á cidadanía. Esta obra iniciárase previsiblemente a finais do 2024.

Trátase dunha iniciativa xa probada con éxito en concellos como Pontevedra e A Coruña onde un número importante de asociacións dispoñen xa dun espazo propio. Os locais da Rúa Lalín paliarían o déficit existente no Concello de Vigo para que os colectivos municipais desenvolvan a súa actividade en boas condicións.

Todos estes investimentos tradúcense en beneficios reais para a cidadanía e para os empregados públicos, ao dispoñer de mellores infraestruturas, máis eficientes e menos espalladas e de medios que garanten unha mobilidade sostible e segura.

No exercicio 2025 continuaremos mellorando e reforzando a prestación dos servizos transversais.

Ao tempo, seguiremos recollendo nos pregos que rexen as contratacións públicas cláusulas de carácter social, relativas ao emprego das persoas traballadoras asignadas á realización dos servizos.

A título de exemplo, continuarán fixándose condicións especiais de execución que exixan o cumprimento das disposicións vixentes en materia laboral, de seguridade e saúde no traballo e de integración laboral, en particular, a obriga da empresa adxudicataria de:

- a) garantir ás persoas traballadoras adscritas á execución deste contrato a aplicación estrita das condicións laborais que estableza o convenio colectivo que lles resulte de aplicación.
- b) adoptar as medidas de seguridade e hixiene no traballo que sexan obrigatorias ou necesarias para prever de xeito rigoroso os riscos que poidan afectar a vida, integridade e saúde dos traballadores e traballadoras. Debe cumprir, así mesmo, as obrigas en materia de prevención de riscos laborais establecidas na normativa vixente, e acreditar o cumprimento das obrigas seguintes:
 - Cumprimento do plan de seguridade e saúde no traballo.
 - A formación e información para o desempeño das tarefas que realicen en materia preventiva as persoas traballadoras que utilizará na execución do contrato.
 - O xustificante da entrega de equipamentos de protección individuais que, de ser o caso, sexan precisos.
 - A garantía da vixilancia periódica da saúde dos traballadores en función dos riscos inherentes ao traballo.

- c) Se a empresa subcontrata parte da prestación, ten que exixir ás empresas subcontratistas os xustificantes das obrigas anteriores e entregalos á Administración contratante.

Así mesmo, de conformidade co disposto no artigo 202.3 da Lei 9/2017, do 8 de novembro, de contratos do sector público, os pregos que rexen as contratacións públicas establecen que o incumprimento destas condicións especiais de execución terá carácter de infracción grave prevíndose a imposición de penalidades para o suposto de incumprimento das mesmas.

Por outra banda, nas oficinas de rexistro e información á cidadanía, que son as unidades que están en primeira liña na atención e a información ao público, está a seguirse unha liña de actualización e innovación permanentes, tanto no eido da formación do persoal como no da innovación tecnolóxica.

Respecto ao primeiro, hai que destacar a impartición dun curso específico sobre as funcións que desenvolven as oficinas de rexistro e atención á cidadanía. Trátase, por unha parte, de actualizar os coñecementos do persoal das diferentes oficinas e, pola outra, de formar a persoal empregado público con interese en acceder a postos de traballo nas 165 oficinas existentes. Igualmente seguen a realizarse reunións telemáticas cos xestores das restantes oficinas da Xunta de Galicia e das Administracións do Estado e demais comunidades autónomas, co obxecto de ter enfoques comúns e abordar solucións para tódalas cuestións que xorden no día a día.

Con respecto á innovación tecnolóxica, cabería destacar tres actuacións efectuadas no último ano:

- En primeiro lugar, a implantación do Escritorio 360, que reúne nunha única icona o acceso a tódalas aplicacións a través das que se xestionan todas as funcións que desenvolven estas oficinas, permitindo un mais rápido acceso e unha significativa mellora na xestión e na atención á cidadanía. Este elemento aporta unha redución significativa do tempo de resposta ás diferentes demandas de prestación de servizos que recibe o persoal empregado público.
- En segundo lugar, a implantación dunha aplicación para a recepción de notificacións dirixidas á Xunta de Galicia. As Administracións públicas, ademais dos envíos a través do Sistema de Interconexión de Rexistro (SIR), remiten documentos no formato de notificacións, para isto utilizan plataforma da Administración do estado DEHU; o acceso a esta aplicación ás veces é complexo e demora un tempo acceder a tódalas notificacións; a nova aplicación facilita a entrada na plataforma e o envío ás unidades ás que van dirixidas a través de REXEL. Isto permite unha actualización permanente e estar ao día de tódolos envíos recibidos polo sistema de notificacións, ao tempo que permite unha distribución mais segura ás unidades ás que van dirixidas.
- Por último, tamén cabe destacar modificacións de mellora da aplicación do Rexistro Electrónico de Apoderamentos de Galicia (REAG), que fai mais accesible o acceso ás consultas e a inscrición neste Rexistro. A progresión de inscricións é moi significativa, neste momento e dende a súa entrada en funcionamento hai 13.279 inscricións en total.

No que vai do ano 2024 os números son os seguintes: inscricións tipo A, apoderamentos para tódalas Administración públicas do estado español, 1.479; inscricións tipo B, apoderamentos para actuacións ante a Xunta de Galicia e órganos dela dependentes, 1.222; inscricións tipo C, para procedementos concretos, 1.610.

Todas estas medidas están a conseguir unha relación mais áxil e mais segura entre a Administración galega e a cidadanía, aportando tamén unha mellor interrelación coas demais unidades xestoras.

En definitiva, en 2025 continuaremos afondando nese esforzo xeral conxunto de modernización e optimización do funcionamento da administración autonómica, impulsando iniciativas e adoptando medidas que redunden tanto no beneficio xeral da cidadanía como na mellora das condicións de traballo dos empregados públicos.

POBOACIÓN OU COLECTIVO AO QUE SE DIRIXE

As actuacións recollidas no programa están dirixidas a atender as necesidades de funcionamento dos servizos administrativos, o que redunda nun servizo público máis eficaz que ten como destinataria directa á cidadanía da Comunidade Autónoma de Galicia, o que determina o carácter universal do colectivo ao que van dirixidas as ditas actuacións.

DETALLE DA SITUACIÓN DE PARTIDA

Tralas medidas adoptadas nas pasadas lexislaturas, unha vez reordenados os créditos e axustados ás necesidades reais de prestación dos servizos comúns de xestión ordinaria, continuaremos avanzando na adopción de medidas que garantan a prestación de servizos de calidade.

DEFINICIÓN DO MARCO NO QUE SE DESENVOLVE O PROGRAMA

O programa encádrase no marco do Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, así como no resto da normativa aplicable ás diferentes actividades incluídas no programa.

FINALIDADE E ESTRATEXIA DO PROGRAMA

Finalmente, cómpre sinalar que a finalidade deste programa está orientada a proporcionar unha Administración de calidade, eficiente e próxima á cidadanía.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	X
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	X
Programa destinado exclusivamente a actividades administrativas de xestión	X

BREVE DESCRICIÓN DO PROGRAMA DENDE A PERSPECTIVA DE XÉNERO

O programa ten por obxecto a mellora da organización e funcionamento da administración, dotando aos centros directivos dos medios materiais e económicos necesarios para que desenvolvan a súa actividade de xeito eficaz e eficiente.

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	X
Transmisión dunha imaxe igualitaria, plural e non estereotipada de mulleres e homes na sociedade	
Igualdade no acceso ao emprego, na formación e na promoción profesionais e nas condicións de traballo	
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	

Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

Coa aprobación da Lei de racionalización do sector público autonómico, no ano 2013, Galicia dotouse por primeira vez dunha norma legal que establece que os poderes adxudicadores da administración autonómica deben ter en conta criterios sociais na elaboración dos seus pregos de contratación.

Posteriormente, no ano 2015 coa aprobación Lei de garantía da calidade dos servizos públicos e da boa administración volveuse incidir neste eido, incorporando previsións como a de considerar incumprimento grave que xustifica a resolución dun contrato a vulneración dos dereitos laborais dos traballadores e traballadoras (en especial os permisos de paternidade e maternidade), xa sexa directamente ou mediante coaccións.

En cumprimento das obrigas legais, a Asesoría Xurídica da Xunta elaborou unha Guía para unha contratación pública socialmente responsable no sector público autonómico galego, aprobada polo Consello da Xunta o 17/09/2015, para que os órganos de contratación dispoñan de pautas para concretar esa obriga legal. A elaboración desta guía enmárcase nunha serie de decisións adoptadas nos últimos anos para desenvolver o Plan de Mellora da Contratación Pública.

A estas accións únense as cláusulas para o fomento da corresponsabilidade e a conciliación impulsadas polo II Plan Galego de Benestar Laboral, Conciliación e Corresponsabilidade 2022-2025, aprobado polo Consello da Xunta do 27 de abril de 2023.

No ano 2021, no ámbito concreto da igualdade de oportunidades entre mulleres e homes, o Goberno galego, a través da Lei 5/2021, do 2 de febreiro, de impulso demográfico de Galicia, blindou o establecemento de cláusulas de igualdade na contratación pública da Comunidade Autónoma. Este texto legal dispón que a Administración xeral da Comunidade Autónoma de Galicia e as entidades instrumentais do sector público autonómico, cando utilicen unha pluralidade de criterios para a adxudicación dun contrato, deben incluír entre eles, sempre que estivese vinculado ao obxecto do contrato, un criterio referido ás políticas empresariais en materia de conciliación da vida persoal, familiar e laboral e corresponsabilidade que se apliquen á execución do contrato. En cumprimento desta previsión legal recóllense nos pregos que rexen as contratacións públicas criterios de adxudicación referidos ás políticas empresariais en materia de conciliación da vida persoal, familiar e laboral e corresponsabilidade que se apliquen á execución do contrato cunha valoración dun 10% da puntuación máxima que poida atribuírse ás ofertas, outorgándolle ademais o carácter de condición especial de execución do contrato e obriga esencial do contrato prevendo para o suposto do seu incumprimento, ademais das consecuencias previstas polo ordenamento xurídico, a imposición das penalidades que a tal efecto se conteñan nos pregos ou a resolución do contrato, de conformidade co sinalado no artigo 211 f) da Lei 9/2017, do 8 de novembro, de contratos do sector público.

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES

As distintas actividades levadas a cabo con base a este Programa, así como do resto dos programas desta consellería, contribúen, de forma xeral, a garantir a igualdade de oportunidades entre mulleres e homes.

C. ÓRGANOS ENCARGADOS DA SÚA XESTIÓN

Secretaría Xeral Técnica

III.1.3. PROGRAMA 121C - RELACIÓNS INSTITUCIONAIS

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Este programa de gasto está configurado para atender o exercicio das funcións que ten asignadas a Dirección Xeral de Relacións Institucionais e Parlamentarias en execución do previsto no vixente decreto de estrutura orgánica da Consellería de Presidencia, Xustiza e Deportes.

A actividade da Dirección Xeral de Relacións Parlamentarias articulase en torno a dúas liñas de acción que vertebran toda a actividade: as relacións parlamentarias, as relacións institucionais e por último para completar as dúas áreas de actuación está a necesaria coordinación co resto de departamentos da Xunta.

Nas Relacións Parlamentarias a actividade céntrase na coordinación e canalización das actividades da Xunta en relación coas iniciativas de control e impulso do Parlamento de Galicia, exercendo como canle de comunicación axeitada entre a Xunta de Galicia e o Parlamento respecto á tramitación de calquera tipo de iniciativa parlamentaria e solicitando das distintas consellerías ou órganos da Xunta os informes procedentes para a resposta e tramitación das iniciativas que derivan da función de control e impulso ao Goberno e a elaboración das respostas ás preguntas escritas.

Dentro de esta grande área tamén se incardinan o seguimento dos acordos parlamentarios e, especialmente, o desenvolvemento do programa legislativo aprobado polo Consello da Xunta.

Nas Relacións Institucionais, a dirección xeral centrarase tamén en optimizar as relacións bilaterais da Xunta de Galicia co Goberno de España, tanto dende o punto de vista de resultados, como dende o de custo económico.

Así, búscase o fomento e mellora das relacións coa Administración Xeral do Estado, reforzando a regularidade das reunións da Comisión Bilateral de Cooperación do Estado e da Comunidade Autónoma.

Tamén se xestionará a conflitividade constitucional, intentando solucionar mediante a negociación os conflitos de competencias que poidan xurdir entre as partes. E reivindicarase a necesaria participación e audiencia de Galicia na toma de decisións e na elaboración de disposicións normativas de rango estatal que poidan afectar as súas competencias e á prestación dos seus servizos ou distorsionar a súa planificación económico-orzamentaria.

Nesta área tamén se reforzarán as iniciativas no autogoberno, ben mediante a mellora do sistema competencial co reforzamento das capacidades executivas ou ben pola vía do traspaso de competencias, impulsando e participando na Comisión Mixta de Transferencias para insistir na transferencia de novas competencias naquelas materias nas que a nosa Comunidade ten un

especial interese, coidando sempre de que veñan acompañadas da suficiente dotación económica para exercelas axeitadamente.

A cooperación horizontal coas demais comunidades autónomas é outro obxectivo prioritario para a Dirección Xeral, que buscará reforzar o seguimento das súas disposicións normativas e tamén potenciar a colaboración a través de convenios e protocolos que permitan compartir servizos e recursos, unificar criterios e aportar eficiencia ao funcionamento do noso modelo territorial e á prestación dos servizos públicos.

No marco do compromiso da Xunta de Galicia colaborárase coa transparencia e as boas prácticas na administración, de conformidade coa Lei 1/2016, do 18 de xaneiro, de transparencia e bo goberno.

Por último, e como complemento das dúas grandes áreas de actuación, esta dirección xeral asumirá a coordinación e seguimento, cos órganos competentes dos demais departamentos: a promoción, análise, investigación, asistencia técnica, e desenvolvemento da liberdade relixiosa e de culto, e a colaboración coas institucións e organizacións interesadas no seu estudo e desenvolvemento.

POBOACIÓN OU COLECTIVO AO QUE SE DIRIXE

O programa dirixese a axentes públicos e entidades xestoras autonómicas e nacionais.

O cumprimento destas funcións implica a interacción con órganos autonómicos, tanto administrativos como co Parlamento, así como a coordinación e exercicio de funcións interactuando con órganos estatais a través das referidas comisións bilaterais.

En xeral podería concluírse que as actuacións repercuten en toda a cidadanía.

DETALLE DA SITUACIÓN DE PARTIDA

A dinámica administrativa e parlamentaria española complicouse nos últimos anos dende un punto de vista cualitativo, xa que a cambiante dinámica socioeconómica do Estado e a influencia da produción normativa europea motivan, xunto a outros factores, a complexidade crecente da normativa española, abarcando habitualmente co mesmo produto normativo funcións pluridisciplinares e multisectoriais. Isto tradúcese nunha normativa máis elaborada cunha visión máis transversal dos temas e máis multidisciplinar e que implica o exercicio de competencias que atinxen a distintas administracións públicas, o que dificulta o encaixe da devandita actuación nos parámetros de competencia constitucional contidos no artigo 148 e seguintes da Constitución Española.

A efectos prácticos isto implica unha maior carga de traballo e unha maior complexidade do seu desempeño.

As medidas levadas a cabo pasaron pola implementación de novas aplicacións informáticas, que permiten axilizar e mellorar o traballo a realizar, tanto polo persoal da dirección xeral como polas persoas encargadas das relacións parlamentarias, así como un reforzo no desenvolvemento das Comisións Bilaterais co Estado para articular o xogo competencial, implicando a creación de grupos de traballo con soporte informático.

DEFINICIÓ DO MARCO NO QUE SE DESENVOLVE O PROGRAMA

O marco legal que comprende as actuacións do programa é o seguinte:

- Lei orgánica 1/1981, do 6 de abril, pola que se aproba o Estatuto de Autonomía para Galicia.
- Lei 1/2016, do 18 de xaneiro, de transparencia e bo goberno.
- Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes.
- Decreto 126/2006, do 20 de xullo, polo que se regula o Rexistro de Convenios da Xunta de Galicia.
- Decreto 351/2009, do 9 de xullo, polo que se regula a legalización de documentos da Administración da Comunidade Autónoma de Galicia que deban producir efectos no estranxeiro.
- Orde do 12 de marzo de 2003 pola que se dispón a publicación do acordo de aprobación das normas de organización e funcionamento da Comisión Bilateral de Cooperación Administración Xeral do Estado- Comunidade Autónoma de Galicia.
- Decreto 379/2009, do 27 de agosto, polo que se crea a Comisión de seguimento de disposicións normativas estatais e doutras comunidades autónomas.

FINALIDADE E ESTRATEXIA DO PROGRAMA

Os beneficios que se pretenden acadar son: mellorar a canle de comunicación entre a Xunta de Galicia e o Parlamento galego, salvagardar as competencias da Comunidade Autónoma de Galicia e garantir o coñecemento e acceso da cidadanía aos convenios que sexan autorizados polo Consello da Xunta de Galicia e os que outorguen os departamentos da Xunta, organismos autónomos e entes de dereito público da Administración autonómica.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	X
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

Entre outras cousas, esta dirección xeral débese asegurar de que os proxectos de lei que se remiten ao Parlamento de Galicia vaian acompañados do correspondente informe de impacto de xénero, segundo o esixido pola Lei 7/2023, do 30 de novembro, para a igualdade efectiva de mulleres e homes de Galicia.

Ademais, dunha maneira tanxencial, as alteracións no sistema competencial poden incidir directamente sobre a igualdade de xénero.

Tamén, a participación e colaboración con determinados órganos supón a oportunidade de promover a representación paritaria nos mesmos.

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓNS CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
--	---

Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	X
Igualdade no acceso ao emprego, na formación e na promoción profesionais e nas condicións de traballo	
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	X
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

Nesta dirección faise a revisión de leis, remisión das proxectos ao Parlamento, así como presentación de alegacións aos distintos anteproxectos doutros departamentos nos que se observa e procura que exista sempre a promoción da igualdade. Así como a supervisión de que todos os proxectos legislativos que se remiten ao parlamento, vaian acompañados do seu Informe de Impacto de Xénero.

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES

A promoción da composición paritaria dos órganos colexiados inflúe directamente no empoderamento das mulleres, do conformidade co disposto nos artigos 14 e 15 da Lei 7/2023, do 30 de novembro, para a igualdade efectiva de mulleres e homes de Galicia.

Ademais do anterior, asegurarse da esixencia de que os proxectos de lei presentados ante o parlamento leven consigo o oportuno informe de impacto de xénero é unha medida de importancia fundamental á hora de impulsar a transversalidade da dimensión de xénero.

SINALAR OS PRINCIPAIS RESULTADOS DO PROGRAMA, DENDE O PUNTO DE VISTA DO XÉNERO

Fundamentalmente, espérase contribuír ao empoderamento das mulleres e á integración da dimensión da igualdade de trato e de oportunidades na elaboración, na execución e no seguimento de todas as políticas e de todas as accións desenvolvidas no exercicio das competencias asumidas de acordo coa Lei orgánica 1/1981, do 6 de abril, do Estatuto de autonomía para Galicia.

INDICAR SE SE TEÑEN IMPLANTADO NOVAS ESTRATEXIAS PARA UNHA MELLOR INCORPORACIÓN DA PERSPECTIVA DE XÉNERO NA XESTIÓN, DESENVOLVEMENTO E AVALIACIÓN DAS ACCIÓNS QUE FINANCIA O PROGRAMA DE GASTO. EN CASO AFIRMATIVO, FACER UNHA BREVE DESCRICIÓN. EN CASO NEGATIVO INDICAR AS DIFICULTADES ATOPADAS PARA LEVALO A CABO

As intervencións en perspectiva de xénero son de supervisión non de implantación de programas específicos.

C. ÓRGANOS ENCARGADOS DA SÚA XESTIÓN

Dirección Xeral de Relacións Institucionais e Parlamentarias

III.1.4. PROGRAMA 123A - ACCIÓN SOCIAL EN FAVOR DO PERSOAL DA ADMINISTRACIÓN

A. DESCRICIÓN DO PROGRAMA

O programa está orientado a contribuír a financiar os gastos de alimentación do colectivo de traballadores da Xunta de Galicia.

NECESIDADE QUE TRATA DE ATENDER O PROGRAMA

Subvencionar os gastos de alimentación do persoal da Xunta de Galicia mediante a entrega de bonos de comedor aos traballadores/as que prestan os seus servizos en Santiago de Compostela, que así o soliciten.

POBOACIÓN OU COLECTIVO AO QUE SE DIRIXE

Colectivo de traballadores da Xunta de Galicia con destino en Santiago de Compostela.

DETALLE DA SITUACIÓN DE PARTIDA

En relación coa partida orzamentaria destinada a subvencionar os bonos de comedor aos traballadores da Xunta de Galicia coa finalidade de financiar o custo do menú no servizo de cafetería e comedor, debido ao actual contrato de xestión e explotación da cafetería do Complexo Administrativo de San Caetano, formalizado en setembro de 2024, experimenta un crecemento, co obxecto de permitir acadar unha mellora tanto na calidade do servizo prestado como no emprego de produtos de proximidade, ecolóxicos e con redución do uso de plásticos.

FINALIDADE E ESTRATEXIA DO PROGRAMA

Contribuír a financiar os custos de alimentación dos traballadores da Xunta de Galicia.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	X

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓNS CONTEMPLADAS NESTE PROGRAMA

Incorporación da transversalidade de xénero na actuación xeral do departamento	
Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	
Igualdade no acceso ao emprego, na formación e na promoción profesionais e nas condicións de traballo	
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	X
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	

Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	
Outros (especificar)	

C. ÓRGANOS ENCARGADOS DA SÚA XESTIÓN

Secretaría Xeral Técnica

III.1.5. PROGRAMA 131A - ADMINISTRACION DE XUSTIZA

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

As principais liñas de actuación da Consellería de Presidencia, Xustiza e Deportes en materia de Administración de xustiza e no marco do programa de gasto 131 “Administración de xustiza”, baséanse en continuar co proceso de modernización da Administración de xustiza, tanto dende o punto de vista dos seus medios materiais como da optimización dos seus recursos humanos.

POBOACIÓN OU COLECTIVO AO QUE SE DIRIXE

O programa de gasto ten carácter sectorial, dirixido directamente ao sostemento dos gastos xerados polos operadores da Administración de xustiza en Galicia, e de modo amplo, dirixido ao sostemento da Xustiza como servizo público fundamental para os cidadáns e cidadás.

DETALLE DA SITUACIÓN DE PARTIDA

Na actualidade este programa de gasto contribúe á mellora da xestión realizada pola Administración autonómica, fundamentalmente en dúas vertentes: por un lado os gastos de funcionamento dos órganos e servizos xudiciais en Galicia, e por outra banda os gastos de mantemento do servizo de Asistencia Xurídica Gratuíta.

En materia de infraestruturas, para o ano 2025 está prevista a realización das obras de remodelación do Edificio Xudicial de Vilagarcía de Arousa co obxectivo de mellorar a súa distribución espacial, habitabilidade e confortabilidade. Igualmente procederase á adecuación dos edificios

xudiciais ao concepto de accesibilidade universal e á arquitectura da vítima. A finalidade é, por unha banda, mellorar a accesibilidade e usabilidade dos servizos da Administración de Xustiza garantindo que todos os espazos e servizos sexan accesibles para todas as persoas e, por outra banda, optimizar a asistencia, benestar, intimidade e seguridade das vítimas.

No 2025 continuarase coa execución das obras do novo edificio do IMELGA en Santiago e rematarase o edificio xudicial da Estrada xunto coa remodelación do antigo edificio xudicial da Parda en Pontevedra.

Estas obras seguen a senda iniciada no ano 2009 e con elas, a Xunta non só cumpriu os seus compromisos, senón que foi máis aló deles e aínda segue a mellorar as sedes xudiciais tanto con obras menores como con proxectos de eficiencia enerxética.

En coherencia coas actuacións incluídas no Programa Operativo FEDER Galicia 2021-2027, destinadas ao aforro e eficiencia enerxética na Administración Pública Autonómica, a Consellería de Presidencia, Xustiza e Deportes ten previsto investir máis de 5.000.000 de euros para continuar coas obras de optimización enerxética nunha serie de edificios xudiciais en que aínda non se realizaron actuacións de eficiencia enerxética, co fin de reducir o seu consumo enerxético asociado á súa utilización e o gasto económico, e de minimizar a emisión de gases de efecto invernadoiro por parte do Sector Público Autonómico de Galicia.

Os proxectos de eficiencia enerxética afectarán a un número importante de xulgados e abordarán catro ámbitos fundamentais:

- Mellora da envolvente dos edificios, fundamentalmente actuando sobre o illamento das cubertas e das fachadas, así como mellorando o illamento de fiestras, etc.
- Instalación de sistemas de calefacción e climatización máis eficientes, substituíndo caldeiras que empregan combustibles fósiles por outras que empreguen biomasa, mellora enerxética dos sistemas de climatización, etc.
- Mellora da iluminación das oficinas, instalando lámpadas de baixo consumo enerxético e automatizándoa.
- Instalación de paneis fotovoltaicos.

Durante o ano 2025 continuarase coa execución do plan plurianual de renovación do equipamento mobiliario dos arquivos e oficinas xudiciais, no que xa foron executados máis de 6 millóns de euros. Para afondar nesta liña de investimento, no orzamento para 2025 consignaranse 2.056.298 €, medrando así as previsións iniciais dos investimentos do Plan.

En materia tecnolóxica, no 2025, avanza na sede xudicial electrónica, nas medidas de dixitalización e catalogación de arquivos xudiciais e de expurgo.

Igualmente, segue a ser unha liña fundamental de actuación o apoio á prestación do servizo da xustiza gratuíta: para o ano 2025 incrementase esta partida para atender ás novas cantidades

do baremo de compensación económica que poidan resultar da negociación dos novos baremos, que entrarían en vigor no cuarto trimestre do ano 2025. Así, a cantidade consignada nos orzamentos do 2025 é de 15.446.069 €, o que supón un incremento do 8,60 %.

Outras liñas de actuación serían a promoción dos métodos adecuados de solución de controversias, e a continuidade das actuacións amparadas polo Pacto de Estado Contra a Violencia de Xénero, que inclúen o funcionamento do persoal de Traballo Social das Oficina de Atencións ás Vítimas dos delitos e a formación especializada nesta materia dirixida aos operadores xurídicos.

Finalmente, a Xunta de Galicia abordou no 2020 a implantación dun sistema de carreira profesional para o persoal ao servizo da Administración de xustiza que continuará a desenvolver, permitindo aplicar un recoñecemento da súa traxectoria profesional. Así, a falta dun sistema de carreira profesional que tal e como establece a Lei orgánica do poder xudicial, debe ser aprobada por Real decreto, configurouse un sistema transitorio que permita retribuír ao persoal ao servizo da Administración de xustiza en condicións similares ás dos empregados públicos da Xunta de Galicia.

Cabe salientar que desde o ano 2009 o cadro do persoal incrementouse en máis dun 20%. Así, tras a aprobación de 15 novas prazas no ano 2024, para o ano 2025, está previsto incrementar o cadro de persoal para dar servizo ás novas unidades xudiciais que o Ministerio de Xustiza autorice para Galicia, tras a proposta remitida pola Comisión Mixta Tribunal Superior de Xustiza-Xunta de Galicia de creación priorizada de 15 novas unidades xudiciais, entre as que se atopa un xulgado exclusivo de violencia sobre a muller en Santiago de Compostela.

DEFINICIÓN DO MARCO NO QUE SE DESENVOLVE O PROGRAMA

O marco normativo no que se encadra este programa ten a súa orixe no artigo 20 do Estatuto de Autonomía de Galicia (Lei orgánica 1/1981, do 6 de abril), que recolle unha chamada cláusula subrogatoria ou residual que fai relación ao exercicio pola nosa Comunidade Autónoma de todas as facultades que as leis orgánicas do Poder Xudicial e do Consello Xeral do Poder Xudicial atribúen ao Goberno do Estado en relación coa Administración de xustiza, materia esta que a sentenza do Tribunal Constitucional 56/1990, do 29 de marzo, denominou “administración da Administración de xustiza”.

Concretamente en base a este artigo do Estatuto de Autonomía aprobouse o Real Decreto 2166/1994, do 4 de novembro, sobre traspaso de funcións en materia de provisión de medios materiais e económicos para o funcionamento da Administración de xustiza, que foron asumidas a través do Decreto 394/1994, do 29 de decembro. Do mesmo xeito aprobouse o Real decreto 2397/1996, do 22 de novembro, sobre traspaso de funcións e servizos en materia de medios persoais ao servizo da Administración de xustiza (funcións asumidas a través do Decreto 438/1996, do 20 de decembro), e o Real Decreto 233/1998, do 16 de febreiro sobre amplia-

ción do traspaso das competencias equivalentes relativas ás fiscalías de Galicia e os institutos de medicina legal (funcións asumidas a través do Decreto 82/1998, do 5 de marzo).

Desde xeito quedou completado o proceso de transferencias de medios materiais e persoais en materia de xustiza á Comunidade Autónoma de Galicia.

O marco das competencias da Comunidade Autónoma nesta materia resultan da relación das anteditas normas coas previsións da Lei orgánica 19/2003, do 23 de decembro, pola que se modifica a Lei orgánica 6/1985 do Poder Xudicial.

Así mesmo, e en virtude do disposto na Lei orgánica 4/2014, do 11 de xullo, complementaria da Lei de racionalización do sector público e outras medidas de reforma administrativa, pola que se modifica a Lei orgánica 6/1985, do 1 de xullo, do poder xudicial, transfírese á Comunidade Autónoma a xestión da xubilación do persoal ao servizo da Administración de Xustiza con destino en Galicia, competencia reservada ata agora ao Ministerio de Xustiza.

FINALIDADE E ESTRATEXIA DO PROGRAMA

Como antes se dicía, a finalidade xeral que persegue o programa é dar soporte á Administración de xustiza en Galicia, incidindo especialmente na posta en marcha de actuacións tendentes ao seu mellor funcionamento e modernización. Para conseguilo, é preciso artellar unha serie de políticas instrumentais coa finalidade de dotar os medios de soporte da Administración de xustiza, incluíndo os recursos humanos auxiliares, concretamente aqueles medios económicos para o pagamento das valoracións e peritaxes, as locomocións e indemnizacións por razóns de servizo, así como o fornecemento dos medios materiais relativos ás infraestruturas inmobiliarias, o equipamento mobiliario e instrumental e outros subministros dos xulgados, tribunais, fiscalías, rexistros civís, instituto de medicina legal e demais servizos da Administración de xustiza en Galicia.

Así mesmo dentro deste mesmo programa artículase a xestión do sistema de asistencia xurídica gratuíta, no relativo á regulamentación administrativa, recoñecemento das prestacións aos cidadáns beneficiarios e correlativa indemnización económica á avogacía e á procura polos servizos profesionais.

Outros obxectivos fundamentais que persegue o programa son o deseño do modelo da nova organización da Administración de xustiza a través da implantación progresiva dos servizos procesuais comúns da Oficina Xudicial.

O esforzo económico deste programa está en relación á mellora da estrutura da Administración de xustiza en Galicia, que vén experimentando un continuo crecemento desde a asunción de competencias, co correspondente incremento no número de postos.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	X
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

O Programa ten por obxecto a mellora da organización e funcionamento da administración de xustiza, dotando aos órganos e aos servizos xudiciais en Galicia dos medios materiais e económicos necesarios para que desenvolvan a súa actividade de xeito eficaz e eficiente.

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	X
Transmisión dunha imaxe igualitaria, plural e non estereotipada de mulleres e homes na sociedade	X
Igualdade no acceso ao emprego, na formación e na promoción profesionais e nas condicións de traballo	
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	

Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	X
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

Para o desenvolvemento das actividades que se financian con este programa de gasto aplícase fundamentalmente o establecido na Lei 9/2017, do 8 de novembro, de contratos do sector público, polo que debe velarse porque se cumpra o establecido no artigo 71.1.b) do indicado texto, en canto ás prohibicións de contratar e que establece "Haber sido sancionadas con carácter firme por infracción grave en materia profesional que ponga en entredicho su integridad, de disciplina de mercado, de falsedad de la competencia, de integración laboral y de igualdad de oportunidades ...".

Tamén se inclúe en todos os pregos, entre os criterios de desempate no caso de igualdade de proposicións, a acreditación da implantación dun plan de igualdade ou a obtención da Marca Galega de Excelencia en Igualdade, de acordo co establecido nos artigos 65 e 72 do Decreto Lexislativo 2/2015, de 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade.

Por outra parte, nos pregos de cláusulas administrativas particulares que rexen as licitacións establécense condicións especiais de execución dos contratos e consideracións de tipo social que perseguen eliminar as desigualdades entre mulleres e homes no mercado laboral (artigos 201 e 202 da Lei 9/2017, do 8 de novembro, de Contratos do Sector Público).

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES.

Cando se recollan nos pregos de cláusulas administrativas condicións especiais de execución, pode contribuírse á redución das diferenzas laborais entre mulleres e homes.

SINALAR OS PRINCIPAIS RESULTADOS DO PROGRAMA, DENDE O PUNTO DE VISTA DO XÉNERO

Coa sinatura dos Convenio de colaboración entre a Consellería de Presidencia, Xustiza e Deportes, a Consellería de Política Social e Igualdade e os consellos galegos da avogacía e procuradoría, para o desenvolvemento de accións de formación especializada a profesionais da avogacía e procuradoría sobre atención a mulleres e menores que sofren violencia de xénero no marco do pacto de estado contra a violencia de xénero, continúaase coa liña de formación e especialización das persoas profesionais nesta materia.

C. ÓRGANOS ENCARGADOS DA SÚA XESTIÓN

Dirección Xeral de Xustiza

Secretaría Xeral Técnica

III.1.6. PROGRAMA 141A - ADMINISTRACIÓN LOCAL

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A Dirección Xeral de Administración Local, no marco e execución das súas competencias, como centro directivo encargado da colaboración coas entidades locais galegas, segue como obxectivos prioritarios:

- A optimización e mellora da xestión na prestación de servizos á cidadanía.
- O logro de melloras progresivas na cooperación coas entidades locais.
- O avance en dotacións e servizos prestados aos administrados.

- O fomento e o impulso da incorporación das novas tecnoloxías e da e-Administración ou administración electrónica nas entidades locais, en colaboración coa Axencia para a Modernización Tecnolóxica de Galicia.

A colaboración entre a Dirección Xeral de Simplificación Administrativa e do Patrimonio, a Axencia para a Modernización Tecnolóxica de Galicia e a Dirección Xeral de Administración Local permitiu a posta a disposición dos concellos de Galicia do Portal de Transparencia e a Guía de Transparencia Local de Galicia que se configuran coma unha ferramenta para que os concellos podan dar información a cidadanía e o mesmo tempo serve de vía de comunicación permanente a través da rede entre tódolos concellos e a Administración Autonómica e por suposto facilítalles o cumprimento das obrigas derivadas da Lei 19/2013, do 9 de decembro, de transparencia, acceso a información pública e bo goberno do Estado. Durante o exercicio 2025 manteranse permanentemente actualizados ambos instrumentos incorporando as novas obrigas derivadas da lexislación sectorial.

- O establecemento, dentro do marco básico estatal, dun réxime normativo propio para a administración local galega, efectuando as adaptacións e propostas, tanto a nivel lexislativo como regulamentario, que reflectan as particularidades e características propias, tanto da nosa Comunidade Autónoma, como das nosas entidades locais.

Un dos grandes retos deste centro directivo é o impulso dunha nova xestión pública local e a modernización das entidades locais de Galicia. Con este fin, a Xunta de Galicia, a través da Dirección Xeral de Administración Local, para a consecución deste obxectivo, estanse executando distintos proxectos que terán continuidade ao longo do ano 2025, entre estas actuacións destacamos:

a) A nova Lei de Administración Local de Galicia.

Un dos retos desta norma é a articulación efectiva dun sistema de reparto de competencias que sexa claro e preciso así como o reforzo e concreción das competencias provinciais como garantía da apropiada prestación de servizos básicos a toda a poboación en condicións de equidade, tendo en conta que os concellos son o nivel de proximidade por excelencia e, por tanto o máis sensible ás necesidades dos noso veciños.

A Lei reguladora da Administración Local de Galicia, conta con máis de 25 anos, neste tempo, a realidade das entidades locais galegas ten mudado de xeito radical. As entidades locais galegas precisan dun novo marco normativo autonómico adaptado ás súas necesidades e as da veciñanza.

Neste ámbito, nos últimos 4 anos a Xunta de Galicia, a través da Dirección Xeral de Administración Local colaborou na realización de diversos estudos e traballos sobre o marco xurídico local:

- En 2020 a Vicepresidencia primeira asinou coa Universidade de Santiago de Compostela un convenio para o desenvolvemento dun estudo sobre a delimitación competencial no ámbito da Administración Local de Galicia.
- En 2021 colaborou coa Fundación Juana de Vega na realización dun estudo sobre a planta local galega e o impulso dos novos procesos de fusión.

- En 2022 asinouse un convenio coa Universidade de Vigo para o desenvolvemento do proceso de revisión, mellora e actualización do marco lexislativo en materia de Administración Local.
- En abril de 2023 constitúese a Comisión técnica de delimitación competencial integrada por representantes da Xunta de Galicia e da Federación Galega de Municipios e Provincias (FEGAMP) co obxectivo de avaliar os estudos de ambas entidades e avanzar na clarificación das competencias das administracións autonómica e local.

Neste ano 2025, seguiremos afondando no proxecto da nova Lei para que sexa aprobada neste mesma lexislatura. Esta norma, adaptará o marco normativo local a nova realidade social, económica e tecnolóxica, modernizará o seu réxime xurídico e potenciará autonomía local e a potestade de autoorganización.

Será unha norma adaptada á realidade demográfica galega actual que proporcionará aos municipios de menor poboación en risco de despoboación, ferramentas que garantan a calidade da prestación dos servizos municipais.

Esta norma incorporará aspectos de nova xestión administrativa actual, baseada no funcionamento electrónico e a necesaria adaptación organizativa de tal xeito que a prestación de servizos a cidadanía redunden na mellora da calidade de vida dos galegos e galegas.

E recollerá un sistema de reparto de competencias claro e preciso no que se reforzarán e concretarán as competencias de colaboración provinciais como garantía da apropiada prestación de servizos básicos a toda a poboación en condicións de equidade.

A delimitación competencial é un das cuestións máis controvertidas das relacións entre as administracións territoriais. A complexa tarefa de delimitar, en certas materias, as competencias entre a administración local e autonómica foi o obxecto do estudo sobre a delimitación competencial da Administración Local de Galicia, elaborado en colaboración coa Universidade de Santiago de Compostela, que estase confrontando cos traballos realizados pola Fegamp no marco da Comisión técnica de delimitación competencial, constituída o 17 de abril de 2023.

No ano 2025 esta comisión continuará analizando os distintos ámbitos materiais nos que se proxectan as competencias dos concellos, co fin de acadar o consenso necesario nesta crucial tarefa para finalmente incorporar na nova regulación autonómica unha relación de competencias clara e sen incongruencias que poda ser coñecida e aplicada polos operadores xurídicos sen dificultades.

- b) Co aval dos bos resultados acadados co traballo desenvolvido pola Cátedra institucional de Bo Goberno Local, o éxito do Congreso celebrado no ano 2024 “ A reforma inconclusa das competencias locais” e o interese suscitado polas investigacións, publicacións e informes elaborados no marco da mesma, durante o ano 2025 o Goberno Galego continuará apoiando o traballo desta Cátedra coma marco de debate público sobre o mundo local e mecanismo para procurar a solución dos problemas do mundo local no momento no que se detectan.

- O fomento das liñas de colaboración coas entidades locais galegas no referente á convocatoria e execución de liñas de subvención destinadas a elas, con especial énfase no apoio aos concellos na prestación dos servizos que lles son propios, apoiando a creación e a mellora das infraestruturas, dotacións, instalacións e equipamentos vinculados á prestación de servizos municipais para que os concellos poidan contar con espazos dignos e adecuados para a prestación dos servizos que teñen encomendados.

Compre destacar que no ano 2024 a Xunta de Galicia volve a reforzar o apoio aos concellos con cifras históricas. Así este ano a Xunta de Galicia puxo a disposición dos concellos máis de 602 millóns de euros, 38 millóns máis que o ano pasado.

Nesta contía inclúense os 152 millóns de euros que recibiron os concellos galegos a través do Fondo de Cooperación Local (un 6,17% máis que o ano 23) dos que:

- 112 millóns de euros corresponden ao fondo base.
- e 39,3 millóns ao fondo adicional. En efecto, tras a suba histórica aplicada no ano 2023, o fondo adicional seguiu medrando ata chegar 2024 aos 39,3 millóns de euros. Esta nova suba representa un 30 % máis de orzamento para os servizos que máis demanda a cidadanía.

No ano 2025 a través do fondo adicional ao Fondo de Cooperación Local a Xunta reforzará a cooperación cos concellos cunha dotación de 168 millóns de euros, 10 M€ máis que no ano 2024, incrementándose este importe nun 6,3€ por riba da suba media do Orzamento.

No ano 2025 a Xunta acolle a demanda da Fegamp de incrementar o fondo base ao Fondo de Cooperación Local, en concreto en 5,4 millóns de euros, que se repartirán entre os concellos de menos de 15.000 habitantes, que son os que teñen menos ingresos, os que máis dependen das transferencias doutras administración e os que teñen menos capacidade de aforo.

A Orde de infraestruturas de uso público, dotada con 3,5 millóns de euros permitiu neste ano 2024 a 107 entidades locais mellorar as súas instalacións para a prestación de servizos básicos, de lecer infantil e familiar, deportivos ou culturais.

A orde de infraestruturas municipais, que constitúe unha das principais liñas de colaboración cos concellos cas que conta a Dirección Xeral de Administración Local ten coma obxectivo mellorar a cobertura do benestar da poboación rural, favorecer o reequilibrio territorial e facilitar a realización de actividades que poidan xerar emprego e fixar poboación.

Con relación a este último aspecto, cómpre subliñar que esta convocatoria se configura como un instrumento adecuado para fomentar os proxectos de cubrición de parques infantís xa existentes ou ben a construción de novos parques cubertos, contribuíndo cos concellos no desenvolvemento desta tipoloxía de proxectos de innegable repercusión nunha área tan sensible para a cidadanía como é o lecer infantil e a creación de ámbitos de convivencia e relación social na infancia.

No período 2009-2024 a Dirección Xeral de Administración Local destinou máis de 51 millóns de euros ao financiamento desta liña de axudas cos que se financiaron un total de 1.691 proxectos.

Pola súa banda, o Fondo de Compensación Ambiental facilitou, no ano 2024, cun investimento superior aos 8,6 millóns de euros, actuacións de mellora da contorna natural en 121 concellos ao abeiro da liña competitiva e en 109 ao da liña non competitiva, dirixida a concellos nos que hai parques eólicos.

A xestión do Fondo de Compensación Ambiental que tamén se empregará como ferramenta de reequilibrio territorial e de impulso ao funcionamento dos servizos e á dotación de infraestruturas e realización de investimentos produtivos e xeradores de emprego no ámbito local e no financiamento do gasto corrente ou de funcionamento das entidades locais en materia ambiental.

Para 2025, a orde reguladora do Fondo de Compensación Ambiental recollerá, igual que o fixera nas convocatorias dos últimos anos, un catálogo de actuacións subvencionables, agrupadas por categorías que se orientan ao fin sinalado pola Lei 8/2009, do 22 de decembro e ao cumprimento dos obxectivos marcados pola Unión Europea, é dicir, a redución das emisións de gases de efecto invernadoiro, o impulso e incremento da participación de enerxía procedente de fontes renovables e a mellora e o incremento da eficiencia enerxética.

Nesta orde recóllese un catálogo de proxectos subvencionables, agrupándoos en varias categorías, sen esquecer que se trata dunha enumeración non pechada susceptible de ampliación mediante as achegas que as propias entidades locais fagan no momento de materializar a súa solicitude.

A través do desenvolvemento de proxectos para a optimización enerxética dos edificios, instalacións e vehículos das entidades locais e para a implantación de tecnoloxías máis eficientes e respectuosas co ambiente e de menor consumo enerxético pode conseguirse unha redución das emisións de gases de efecto invernadoiro á atmosfera e asemade unha redución da factura enerxética das entidades locais. A isto engádese o efecto exemplarizante dos proxectos na medida en que contribúen a concienciar a veciñanza da repercusión sobre o ambiente das medidas de eficiencia enerxética e impulso da sustentabilidade ambiental no sector público local.

Dende o ano 2020, ao abeiro desta orde fináncianse proxectos novidosos entre os que se destacan:

- As campañas divulgativas municipais para a sensibilización sobre a importancia das medidas de protección ambiental e de eficiencia enerxética: boas prácticas ambientais, divulgación de medidas de aforro e eficiencia enerxética.
- A elaboración e difusión de material divulgativo e recursos didácticos sobre valores ambientais ou espazos naturais concretos no ámbito municipal.
- Plans e estratexias de mellora ambiental nos edificios municipais: auditorías enerxéticas, certificación enerxética de edificios municipais ou plans para a implantación de estratexias enerxéticas municipais.
- Plans sustentables de mobilidade que fagan compatibles as necesidades do transporte local e a sustentabilidade ambiental.

- As actuacións nos núcleos rurais que permitan unha mellor integración paisaxística no contorno, particularmente o soterramento dos tendidos aéreos de cableado e a construción de pavimentos interiores de pedra.
- Adquisición de equipamento de alta eficiencia enerxética: equipos de climatización, ofimáticos e de alumeado interior.
- Renovación sustentable das flotas municipais mediante a adquisición de vehículos con distintivo ambiental Cero emisións ou Eco.

Xunto a isto cabe salientar tamén a maior definición dos proxectos destinados a mellorar a eficiencia enerxética das instalacións e edificios municipais, establecendo diferentes niveis de actuación: mellora da eficiencia enerxética da envolvente do edificio, mellora de iluminación interior, instalación de sistemas eficientes de climatización, sistemas de aforro de auga, ascensores eficientes, e introdución de enerxías renovables para calefacción e auga quente sanitaria, con referencia expresa por primeira vez á instalación de paneis solares térmicos en edificios municipais.

Durante o período 2010-2024 a través das liñas competitiva e non competitiva do Fondo de Compensación Ambiental xestionadas pola Dirección Xeral de Administración Local, destináronse máis de 133 millóns de euros a actuacións de conservación, reposición e restauración do ambiente e ao reequilibrio territorial. No ano 2025 este fondo terá un papel moi importante na recuperación sostible dos nosos concellos.

Nos anos 2021 e 2022, no eido da Estratexia galega de cambio climático e enerxía 2050, aprobaronse dúas novas liñas de subvencións que teñen coma obxectivo a redución do incremento das emisións de gases con efecto invernadoiro (GEI) ca que se pretende a renovación en verde do parque de vehículos dos corpos de Policía Local de Galicia, contribuíndose a mudanza cara a un modelo de mobilidade e transporte facilitador de vida en condicións saudables, compatible coa sustentabilidade ambiental e conciliable coa promoción do desenvolvemento económico.

Estas ordes incardínase no Fondo de Compensación Ambiental dentro das actuacións globais destinadas á conservación, reposición e restauración do ambiente e do reequilibrio territorial, nas que se inclúen as actuacións que teñen por obxecto a prevención, extinción e xestión de situacións de sinistro ou risco.

Por medio destas ordes, financiada co Fondo de Compensación Ambiental e dirixida aos concellos de Galicia de menos de 50.000 habitantes, estanse a financiar a subministración de vehículos eléctricos ou híbridos enchufables ou non enchufables que reúnan as condicións para obter o distintivo ambiental Cero emisións ou Eco, mediante o sistema de renting, con destino aos corpos de Policía Local para o exercicio das súas funcións.

Neste momento a Dirección Xeral de Administración Local está xestionando dúas convocatorias da orde de renting de vehículos da Policía Local, a primeira, convocada no ano 2021 abrangue o período 2021-2025, a segunda, convocada no ano 2022, abrangue o período 2022-2026, estas convocatorias están dotadas cun crédito de 1.675.200 euros destinados ao pagamento das cotas mensuais que deba aboar o concello beneficiario polo renting do vehículo durante un máximo de 48 meses.

No ano 2024, con cargo ao programa Galicia- Feder 2021-2027 convocouse unha nova liña de financiamento destinada a realización de obras de eficiencia enerxética en edificios e infraestruturas vinculados coa prestación de servizos municipais, concretamente esta orde plurianual, financia tres tipos de actuacións: obras de mellora da envolvente térmica dos edificios e infraestruturas municipais, obras de instalación de sistemas de iluminación eficiente no interior dos edificios e infraestruturas municipais e obras de mellora dos sistemas de climatización e calefacción nos edificios e infraestruturas municipais, a esta orde destínanse 5,3 millóns de euros distribuídos entre as anualidades 2024 e 2025.

O obxectivo a longo prazo e a consecución de concellos climaticamente neutros mediante a modernización das infraestruturas municipais, a descarbonización e a búsqueda de alternativas as enerxías fósiles.

Mellorar o medio ambiente, promover o uso das enerxías renovables e fomentar a eficiencia enerxética deben ser os puntos crave de calquera xestión pública medio ambiental. Dentro da responsabilidade das institucións pola optimización do uso da enerxía e polo establecemento dun marco de sustentabilidade eficiente, xoga un papel moi relevante a eficiencia enerxética nas dependencias municipais e na iluminación pública. Para acadar os fitos establecidos por Europa, é necesario incorporar nas estratexias municipais un plan de acción sobre eficiencia enerxética.

Esta nova liña de axudas da Xunta de Galicia mellorará a eficiencia e o aforro enerxético, diminuírá o impacto ambiental e as emisións de CO₂ dos inmobles e infraestruturas municipais.

Non cabe dúbida de que a redución das emisións pasa tamén pola concienciación en materia de eficiencia enerxética e polo fomento de accións que impliquen unha diminución da demanda de enerxía. Así, a aplicación de criterios de sustentabilidade asociados á construción de edificacións novas e á rehabilitación dos edificios son aspectos nos que se debe fundamentar a redución de emisións.

Finalmente, no eido da cooperación económica cos concellos e especificamente na mellora da eficiencia enerxética e como xa ocorreu no ano 2023, o fondo adicional ao Fondo de Cooperación Local no ano 2024 reforzou especialmente a atención ás necesidades dos concellos de menor poboación, os concellos de menos de quince mil habitantes, aos que especificamente se destinaron 5 millóns de euros para a mellora da eficiencia enerxética dos edificios de titularidade municipal, priorizándose as instalacións deportivas, achegas das que foron beneficiarios 93 concellos.

O obxectivo é claro, avanzar na igualdade de oportunidades contribuído á fixación de poboación e a prestación de servizos de calidade aumentado a capacidade de desenvolvemento dos territorios rurais.

- Outra das principais novidades do orzamento deste centro directivo para o ano 2025, tendo en conta a importante demanda, que incrementase ano a ano, e os resultados acadados polas convocatorias de axudas específicas destinadas as asociacións veciñais, asociacións de mulleres rurais e comunicades de usuarios de augas de Galicia nos exercicios anteriores,

é o incremento en máis dun 33,33% da aplicación orzamentaria destinada á colaboración, fomento e dinamización do asociacionismo veciñal.

Efectivamente, tratase dunha liña de axudas que incrementa a súa demanda ano tras ano. Concretamente, na convocatoria do ano 2024, foron recibidas un total de 955 solicitudes, das que resultaron 341 concesións nas dúas liñas de axudas que recolle esta orde, tanto para obras como para equipamento.

A vista destes datos non cabe dubida de que o reforzo destas liñas de axuda é fundamental para que estes colectivos poidan seguir mantendo a súa actividade como motor dinamizador da vida local. Polo que é importante incrementar o seu orzamento.

Concretamente, para o ano 2025, incrementarase nun millón de euros a aplicación orzamentaria destinada á colaboración, fomento e dinamización das asociacións veciñais, asociacións de mulleres rurais e comunicades de usuarios de augas de Galicia a que se destinarán 4 millóns de euros, recoñecendo así o seu labor indispensable no desenvolvemento da vida social nos concellos, e a súa condición de eixo fundamental da participación cidadá. Crédito que será destinado á mellora dos locais socias e o equipamento destas entidades así coma a execución de obras sobre captacións e canalizacións, obras para a mellora dos depósitos, e actuacións de mellora da xestión, medición ou control da calidade da auga. Importe que engádese aos case 22 millóns de euros destinados, durante o período 2016-2024, a través do Plan específico de acción comunitaria, ao apoio, mellora, dinamización e consolidación do tecido asociativo, mediante a convocatoria anual destas axudas facilitando as achegas económicas que lles permiten non so manter a súa actividade senón prestar máis e mellores servizos aos veciños e veciñas de Galicia.

Tamén se evidenciará a colaboración cos concellos nas medidas de apoio ás policía locais da nosa comunidade, con especial fincapé no reforzo da seguridade cidadá naqueles concellos con elevado incremento poboacional durante a tempada de verán.

Os municipios mais turísticos teñen unha serie de necesidades específicas derivadas do incremento de poboación que experimentan en épocas puntuais. Esta maior afluencia turística implica a necesidade de reforzar os servizos públicos para que non vexan mermada a súa calidade.

A Policía Local é un destes servizos municipais que precisan ser reforzados nos municipios turísticos, especialmente no verán cando crece exponencialmente a poboación coa chegada masiva de turistas, reforzamento que lles permite desenvolver con normalidade as súas funcións.

Por este motivo, a Xunta de Galicia, a través da Consellería de Presidencia Xustiza e Deportes, aproba anualmente, dende o ano 2012 un Plan específico de axudas a os concellos mais turísticos cun elevado incremento poboacional con achegas para contribuír a cubrir parte dos gastos salariais dos efectivos que reforzan durante o verán o cadro de persoal da Policía Local.

Esta medida, únese a outra liña de axudas xestionada dende a Consellería de Presidencia neste ano 2024, que ten como obxecto a colaboración cos concellos para a contratación de

socorristas para o servizo de vixilancia, rescate e salvamento nos espazos acuáticos naturais e instalacións acuáticas descuberta.

Trátase de dúas liñas de axudas de colaboración clave para os concellos no exercicio das súas competencias especificamente relacionadas coa seguridade nas praias e co turismo, co fin de mellorar a calidade dos servizos e conseguir atender as necesidades dos seus residentes e dos turistas.

Así, durante o ano 2024, a Xunta de Galicia destinou 145.000 euros a 11 concellos turísticos co obxecto de contribuír a paliar os custos que supón a contratación de auxiliares de policía local, importe que consolidaremos no orzamento do vindeiro exercicio 2025.

Compre destacar que dende a posta en marcha deste plan en 2012, o Goberno galego leva investidos máis de 1,1 millóns de euros no financiamento da contratación de auxiliares de policía local durante a tempada de verán nos concellos turísticos da comunidade.

Pola súa banda, e tal e como se indicou, a Consellería de Presidencia, Xustiza e Deportes tamén conta con outras medidas para garantir a seguridade nos concellos máis turísticos. Trátase das axudas á contratación de socorristas as que este ano destinamos 1,5 millóns de euros. Este ano 2024 foi a primeira vez que esta orde se convoca desde a Consellería de Presidencia, Xustiza e Deportes, xa que en edicións anteriores instrumentábase desde outros departamentos da Xunta, como a Consellería de Promoción do Emprego, e convocábanse baixo o epígrafe 'contratación de traballadores desempregados para a realización de obras ou servizos de interese xeral'.

A diferenza de convocatorias anteriores nas que se esixía ao persoal estar en situación de desemprego e figurar no Servizo Público de Emprego, nesta ocasión amplíase a cobertura ao persoal propio da entidade local que presta o servizo de vixilancia, rescate e salvamento como á prestación a través dunha empresa externa mediante un contrato de servizos.

Gracias a isto no 2024 subvencionáronse 30 servizos municipais máis que no ano 2023, pasando de 155 entidades beneficiarias a 185, o que representa un incremento do 20% no número de concellos beneficiarios.

Así pois, un total de 185 concellos beneficiáronse do apoio do Goberno galego para contratar a estes profesionais destinado ao servizo de servizo de vixilancia, rescate e salvamento nos espazos e instalacións acuáticas. Unha liña que seguirá impulsando esta Consellería no ano 2025.

A necesidade de que as entidades locais afronten o reto de acadar unha suficiente capacidade organizativa e financeira para prestar os servizos públicos da súa competencia, de maneira axeitada e sostible, subxace nas accións que promoverá a Dirección Xeral de Administración Local en apoio ás fórmulas de colaboración e cooperación intermunicipal, que racionalicen servizos e recursos para ofrecer uns mellores servizos á cidadanía, favorecendo a concesión das axudas ás entidades locais que se acollan a estas fórmulas.

Ca modificación do marco normativo local, a través da nova lei de administración Local de Galicia daremos un paso adiante no fomento dos agrupamentos de concellos para a prestación conxunta de servizos e competencias, como fórmula idónea de eficacia e eficiencia na prestación dos servizos municipais fronte a xestión individual, regulando estes agrupamentos,

como áreas funcionais de carácter temporal, entre dous ou máis concellos. Fomentaranse dende a normativa os agrupamentos coma fórmulas de xestión non permanentes limitando a súa actuación a proxectos ou actuacións concretas que non xustifiquen a constitución dunha entidade local permanente, coma as mancomunidades.

Tamén se lle dará impulso ao asociacionismo municipal das entidades locais mediante iniciativas que premien accións concretas de colaboración na xestión conxunta de servizos entre agrupacións de concellos, mancomunidades de concellos e consorcios locais, no eido das subvencións e do sostemento común dos postos de habilitados no que se fomentará as agrupacións de concellos.

O Goberno galego, xunto coa FEGAMP, continuará liderando o plan coordinado, conxunto e global para toda Galicia de loita contra a vespa velutina, posto en marcha no ano 2020 para dar solución a un problema que se estende por practicamente todo o territorio galego e no que tanto a Xunta coma os concellos levamos anos traballando. Un Plan ao que están adheridos os 313 concellos galegos.

Así, para continuar con este obxectivo, consígnanse en 2025 un total de 1,8 millóns de euros. Deles, 1,2 atópanse residenciados no fondo adicional do Fondo de Cooperación Local e 575.000 euros no orzamento das diferentes consellerías colaboradoras (Medio Rural e Medio Ambiente, Territorio e Vivenda).

- Continuarase apoiando a cooperación municipal, tanto a través de fórmulas de xestión compartida de servizos públicos como mediante o fomento de novos procesos de fusión municipal impulsando activamente unha xestión eficaz e eficiente dos recursos dos concellos co obxecto de garantir a continuidade na prestación de servizos aos cidadáns en condicións de calidade.

Así, a Xunta de Galicia leva anos desenvolvendo unha política de promoción e fomento da cooperación municipal tanto a nivel normativo como orzamentario, co establecemento de vantaxes obxectivas para os concellos fusionados ou que presten servizos públicos de xeito conxunto, como a través do fondo especial para fusións.

Trala realización do estudo sobre a planta municipal xunto coas tres universidades Galegas e a Fundación Juana de Vega, avanza, en colaboración coa FEGAMP, no impulso de novas formas de xestión compartida e propostas de fusión municipal.

- A coordinación das políticas da Xunta e as deputacións provinciais, avanzando na concreción do reparto de competencias entre gobernos e especializando a actividade das deputacións na garantía dos servizos locais nos concellos de menor poboación. Isto atopa a súa mellor expresión no obxectivo de estender os servizos de emerxencias ao 100% do territorio galego.

Clarificar o papel das deputacións é fundamental tanto pola súa configuración coma polo impacto das súas competencias na garantía da prestación dos servizos municipais, por isto o Goberno Galego considera inaprazable o desenvolvemento e concreción das funcións, competencias e vías de asistencia destes entes respecto dos concellos do seu ámbito territorial en eidos como a contratación, a administración electrónica e a garantía da prestación dos servizos básicos nos concellos de menos de 20.000 habitantes.

- A relación coas corporacións locais e a elaboración dos programas formativos en materia de Administración Local.
- O fomento da formación nas administracións locais de Galicia, potenciando para iso os medios dos que dispón a Administración autonómica, de xeito que se asegure unha oferta formativa racional e axeitada no conxunto das administracións existentes en Galicia.
- A execución das competencias que, con respecto ao funcionariado con habilitación de carácter nacional, lle corresponden á Comunidade Autónoma de Galicia.

No ano 2025, logo do éxito das convocatorias realizadas nos anos 2018, 2019, 2021, 2022 e 2024, a Dirección Xeral de Administración Local continuará coa xestión das listas de persoal interino para poder ofertar aos concellos de Galicia a posibilidade de provisión dos postos vacantes abertos ás escalas e subescalas da Administración Local con habilitación nacional de maneira máis áxil e con respecto aos principios constitucionais de acceso á función pública.

- O impulso, en estreita relación coas entidades locais, ao desenvolvemento e materialización das accións previstas no Pacto Local, de modo que se poida acadar a implantación e desenvolvemento das previsións contidas nel. Continuarase na senda iniciada no 2017, ano no que a Comisión Galega de Cooperación Local retomou a súa actividade. A Dirección Xeral de Administración Local realiza unha importante labor de seguimento e impulso do cumprimento dos acordos adoptados.
- Os incentivos ás entidades locais que cumpren coa súa obriga anual de rendición de contas. Estas institucións cando son beneficiarias dunha subvención financiada con fondos propios da Comunidade Autónoma non teñen que xustificar o pagamento material das actuacións subvencionadas con carácter previo ao libramento da subvención, é suficiente a acreditación do recoñecemento da obriga, sen prexuízo de ter que acreditar a efectividade do pagamento da actuación no prazo de sesenta días desde a recepción dos fondos públicos.

POBOACIÓN OU COLECTIVO AO QUE SE DIRIXE

O programa ten carácter universal ao ter como destinatarios últimos o conxunto da cidadanía, sendo os concellos os suxeitos relevantes na implantación das actuacións previstas.

DETALLE DA SITUACIÓN DE PARTIDA

A normativa xeral, constituída fundamentalmente pola Lei 5/1997, do 22 de xullo, de Administración local de Galicia, establece o punto de partida para o deseño das propostas a través das cales acadar os obxectivos orzamentarios.

No tocante aos concellos, cómpre indicar que o concello constitúe o nivel básico e esencial da organización territorial de Galicia. A crise do COVID-19 e as consecuencias da crise económica derivada da guerra de Ucraína afectaron tamén as facendas locais, singularmente aos

pequenos municipios, con escasa poboación e insuficientes medios económicos, que se encontran con importantes dificultades para atender a prestación dos servizos públicos e a satisfacción das novas prioridades e necesidades. É por iso que, nun escenario, de crise económica e social é mais necesario que nunca buscar fórmulas e recursos técnicos e organizativos adecuados que garantan un nivel óptimo de prestación de servizos ou contribúan á mellora da súa calidade, na acción de fomento individual ou mediante fórmulas de xestión compartida: convenios de colaboración, subvencións para infraestruturas, dotacións, instalacións e equipamentos vinculados á prestación de servizos municipais, para actuacións destinadas á conservación, reposición e restauración do ambiente e reequilibrio territorial que inclúan o financiamento do gasto corrente ou de funcionamento das entidades locais en materia medioambiental, axudas para actuacións de reforzo das policía locais, así como o impulso do Portal Eido Local ou o estímulo definitivo á modernización da administración local da Comunidade Autónoma de Galicia mediante a implantación, en colaboración coa Axencia para a Modernización Tecnolóxica de Galicia, da e-Administración nos concellos de Galicia, constitúen importantes ferramentas para acadar unha prestación homoxénea dos servizos á vez que elevan o seu nivel de calidade e para camiñar na senda da recuperación e transformación dos nosos concellos trala crise sanitaria sen precedentes a que nos enfrontamos.

Por outra banda, o fomento do asociacionismo municipal, a través das mancomunidades de concellos ou os consorcios locais, e a implantación de instrumentos e procedementos que permitan a xestión compartida de servizos municipais na acción de fomento, compoñen fórmulas de xestión que optimizan recursos a menor custo e maior efectividade, especialmente no caso dos pequenos concellos e lles permiten prestar servizos públicos de maneira adecuada e sustentable. Un campo especialmente propicio para a agrupación de pequenos concellos é o do sostemento en común dos postos reservados aos habilitados nacionais, medida que será impulsada dende a Dirección Xeral de Administración Local.

Finalmente, non se pode esquecer a existencia das asociacións veciñais. Por mandato da Lei de Administración local de Galicia, desde a Xunta de Galicia deberá favorecerse o desenvolvemento das asociacións que se constitúan para a defensa dos intereses xerais ou sectoriais dos veciños dos concellos de Galicia. As asociacións que se constitúen con esta finalidade teñen a consideración de entidades de participación cidadá e, xa que logo, eríxense nun dos elementos clave de vertebración da política e da vida local dos concellos galegos. Por este motivo o asociacionismo veciñal é outro dos escenarios en que se desenvolve a acción subvencional da Consellería de Presidencia, Xustiza e Deportes, respaldando o seu labor mediante o financiamento de novos investimentos e equipamentos das asociacións de veciños, confederacións, federacións ou unións de asociacións de veciños, comunidades de augas e asociacións de mulleres rurais coa finalidade de mellorar a prestación dos servizos de interese local.

Outros ámbitos de actuación salientables serán as colaboracións cos colexios territoriais de Secretarios, Interventores e Tesoureiros de Galicia. A Consellería de Presidencia, Xustiza e Deportes ten atribuídas as competencias de elaboración, proposta e execución da política do Goberno galego en materia de Administración local. Dentro desta materia, ten atribuída a execu-

ción das competencias que, con respecto aos funcionarios con habilitación de carácter nacional, lle correspondan á Comunidade Autónoma de Galicia. Entre as funcións dos colexios atópase o impulso, a través dos medios que procedan, do estudo do dereito e técnicas de administración que afecten aos profesionais colexiados, así como cantas outras funcións redunden en beneficio dos intereses profesionais dos colexiados, como pode ser a implantación da e-Administración. Para facilitar a consecución dos seus intereses comúns, cómpre establecer un marco de colaboración que permita xuntar esforzos con estas asociacións de carácter profesional, que agrupan o persoal funcionario con habilitación de carácter nacional, e que deben xogar un papel central no proceso de modernización e racionalización da Administración local.

O fomento da cooperación local centrará a actuación deste centro directivo mediante o impulso da actuación da Comisión Galega de Cooperación Local que retomou a súa actividade no 2017.

A cooperación coas administracións locais estreitarase, como non pode ser doutro xeito, no ano 2025 co fin de chegar a aqueles concellos cuxa situación económica e social máis o requira.

DEFINICIÓN DO MARCO NO QUE SE DESENVOLVE O PROGRAMA

O marco legal e regulamentario que comprende as actuacións do programa vén constituído por:

- Lei 7/1985, do 2 de abril, de bases do Réxime Local.
- Lei 5/1997, do 22 de xullo, de Administración local de Galicia.
- Lei 8/2009, do 22 de decembro, pola que se regula o aproveitamento eólico en Galicia e se crea o canon eólico o e Fondo de Compensación Ambiental.
- Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración local.

FINALIDADE E ESTRATEXIA DO PROGRAMA

A finalidade do programa 141A. Administración Local concrétese por unha banda, na optimización e mellora da xestión na prestación de servizos á cidadanía a través da convocatoria e execución de liñas de subvencións para a prestación de servizos municipais, o apoio ás policía locais, o impulso do asociacionismo entre concellos e as actuacións de seguimento do Pacto Local. Por outra banda o obxectivo do programa é contribuír á mellora da xestión administrativa local en si mesma, mediante a incorporación de novas tecnoloxías, fomento da formación do persoal, apoio á cobertura de postos de habilitación nacional por persoal interino.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	X
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

Entre os obxectivos deste programa de gasto están a de contribuír ao financiamento de equipamentos e infraestruturas nas entidades locais para a prestación de servizos á cidadanía e a realización de investimentos produtivos que xeren emprego no ámbito local, así como o impulso da Administración electrónica para posibilitar unha mellor relación entre a Administración autonómica e os concellos e entre estes e a cidadanía.

Polo que se refire á dotación de equipamentos e infraestruturas, analizado dende o punto de vista da perspectiva de xénero hai que considerar que, a pesar da súa aparente neutralidade e do suposto carácter universal, as necesidades de mulleres e homes en canto a equipamentos públicos non son iguais, derivadas da situación que se recolle en numerosos estudos e estatísticas de que as mulleres utilizan máis o espazo público para tarefas de xestión doméstica e de coidado das persoas que dependen delas (maiores ou menores) e de que seguen a existir diferenzas en canto á mobilidade.

Por este motivo, a programación das infraestruturas e dos equipamentos públicos debe realizarse tendo en conta que mulleres e homes teñen diferentes, oportunidades e necesidades. Dende o punto de vista do xénero será diferente o impacto que pode ter o financiamento para a construción dunha escola infantil ou dun centro de atención a persoas maiores, que a construción dun campo de fútbol. Así, polas características dos investimentos que se financian (parques para a infancia, obras e equipamentos para a protección do ambiente e do medio natural e para

o coñecemento e utilización recreativa e didáctica dos recursos naturais), hai que considerar que este programa de gasto vai ter un impacto positivo dende o punto de vista do xénero.

Polo que se refire ao fomento da e-Administración para facilitar a relación entre as entidades locais e a cidadanía, hai que considerar a existencia dunha fenda dixital de xénero que afecta non só ao acceso aos ordenadores e a internet, senón tamén á intensidade xa que as mulleres son usuarias menos intensivas, conectándose con menos frecuencia e durante menos tempo.

En canto ao número de mulleres e homes que potencialmente poden beneficiarse do programa de gasto, debemos considerar ao total da poboación galega, xa que desde este programa de gasto se desenvolven actuacións dirixidas á Administración local galega co fin de promover a realización de obras e equipamentos para a prestación de servizos públicos. A diversidade de servizos que se pretende dotar ou mellorar, dentro dun amplo catálogo que vai desde as infraestruturas de uso público ata a realización de obras, equipamentos e subministracións para a prestación dos servizos públicos relacionados no artigo 81 da Lei 5/1997, do 22 de xullo, de Administración local de Galicia, permite identificar como poboación potencialmente beneficiaria por igual á poboación masculina como á feminina.

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	
Igualdade no acceso ao emprego, na formación e na promoción profesionais e nas condicións de traballo	X
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	X
Promoción do reparto equitativo dos tempos entre mulleres e homes que facilite a conciliación e a corresponsabilidade	X
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	

Accións dirixidas á prevención e á loita contra a violencia de xénero	X
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS.

Ademais das actuacións directas que se financian e que como xa se indicou poden ter un impacto positivo na promoción da igualdade entre mulleres e homes, no punto seguinte relaciónanse os obxectivos e as medidas concretas para a incorporación da perspectiva de xénero e a identificación dos indicadores de seguimento.

OBXECTIVOS	Actividades	Destinatarios
Integrar a perspectiva de xénero na actuación xeral do departamento	Procedementos de contratación promovidos pola Dirección Xeral de Administración Local	Empresas
	Convocatorias de subvencións promovidas pola Dirección Xeral de Administración Local	Entidades locais
	Subscrición de convenios promovidos pola Dirección Xeral de Administración Local	Entidades locais, entidades sen ánimo de lucro no ámbito do asociacionismo veciñal
Promover o uso da linguaxe inclusiva en toda a documentación producida pola Dirección Xeral de Administración Local (convenios de colaboración, convocatorias de subvencións, contratos, ...)	Redacción de convocatorias de subvencións, contratos e convenios	Persoal ao servizo da Dirección Xeral de Administración Local
		Entidades locais, entidades sen ánimo de lucro no ámbito da Administración local

OBXECTIVOS	Actividades	Destinatarios
Promover a actividade empresarial e laboral das mulleres introducindo medidas que faciliten o acceso das mulleres a todos os sectores da actividade profesional sobre os que se actúa	Execución de obras e adquisición de equipamentos para a prestación de servizos públicos	Entidades locais, entidades sen ánimo de lucro no ámbito da Administración local
	Procedementos de contratación promovidos pola Dirección Xeral de Administración Local	Empresas
Potenciar o desenvolvemento e adecuación dos proxectos en materia de obras e equipamentos para a prestación de servizos públicos que facilitan a conciliación	Subvencións a entidades locais para a execución de proxectos de obras e para a adquisición de equipamentos para a prestación de servizos públicos	Entidades locais

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES.

Cumprimento dos obxectivos e das medidas propostas en materia de incorporación da perspectiva de xénero:

OBXECTIVOS	MEDIDAS	INDICADORES
Integrar a perspectiva de xénero na actuación xeral do departamento	Introdución da perspectiva de xénero nos procedementos administrativos promovidos pola Dirección Xeral de Administración Local	Porcentaxe de procedementos de contratación que incorporan cláusulas con perspectiva de xénero
		Porcentaxe de convocatorias de axudas que incorporan criterios de igualdade de xénero
		Porcentaxe de convenios asinados que incorporan criterios de igualdade de xénero

OBXECTIVOS	MEDIDAS	INDICADORES
Promover o uso da linguaxe inclusiva en toda a documentación producida pola Dirección Xeral de Administración Local (convenios de colaboración, convocatorias de subvencións, contratos, ...)	Desenvolvemento de pautas de supervisión e orientación para facilitar e estimular un mellor uso dunha linguaxe inclusiva na documentación producida pola actividade administrativa da Dirección Xeral de Administración Local	Número de accións realizadas por tipoloxía (convocatorias de subvencións, contratos, convenios)
		Número de textos de convocatorias de subvención, contratos e convenios revisados e validados
Promover a actividade empresarial e laboral das mulleres introducindo medidas que faciliten o acceso das mulleres a todos os sectores da actividade profesional sobre os que se actúa	Incorporación de criterios de valoración que, desde a perspectiva de xénero, incentiven a contratación de mulleres na execución dos proxectos que se desenvolvan baixo o impulso da Dirección Xeral de Administración Local, a través de convenios de colaboración e convocatorias de subvencións	Porcentaxe de mulleres contratadas sobre o total de persoas contratadas
	Incorporación de cláusulas nos pregos de contratación que promovan a integración da perspectiva de xénero nos contratos xestionados pola Dirección Xeral de Administración Local	Porcentaxe de mulleres contratadas sobre o total de persoas contratadas

OBXECTIVOS	MEDIDAS	INDICADORES
Potenciar o desenvolvemento e adecuación dos proxectos en materia de obras e equipamentos para a prestación de servizos públicos que facilitan a conciliación	Integración da perspectiva de xénero nos proxectos de obras e equipamentos para a prestación dos servizos públicos	Número de proxectos que actúan sobre os servizos públicos que facilitan a conciliación
		Número de proxectos e obras que teñen en conta a dimensión de xénero
		Poboación potencialmente destinataria desagregada por sexo

C. ÓRGANOS ENCARGADOS DA SÚA XESTIÓN

Dirección Xeral de Administración Local

III.1.7. PROGRAMA 212A - PROTECCIÓN CIVIL E SEGURIDADE DA COMUNIDADE AUTÓNOMA

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O papel da Xunta de Galicia na atención de emerxencias céntrase en tres funcións fundamentais: a superior dirección e coordinación da protección civil, a xestión dos servizos que se considere necesario prestar de forma unitaria para todo o territorio galego, e a xestión das emerxencias que superen os medios de resposta de que dispoñen as entidades locais; ademais á Xunta de Galicia correspóndelle a implementación das competencias propias de seguridade pública da Comunidade Autónoma a través do exercicio das funcións da Unidade de Policía Nacional Adscrita á Xunta de Galicia.

Os obxectivos deste programa na área de protección civil e emerxencias consisten na definición e a posterior posta en funcionamento dun sistema que garanta a protección da cidadanía fronte as situacións de grave risco, catástrofe ou calamidade pública, e que por extensión poda utilizarse dun xeito efectivo para a xestión das situacións de urxencia ou emerxencia que de xeito cotián ocorren á poboación da comunidade autónoma.

Na área de seguridade consisten en soportar o funcionamento do sistema de seguridade público galego, desde a aplicación, ordenación e calidade do servizo público para garantir unha prestación máis eficaz e eficiente, tanto na consecución dos resultados desexables como no uso racional e sostible dos recursos públicos dispoñibles, tendo en conta que estamos ante unha materia moi sensible e transcendente, ao constituírse como un ben público que vai unido ao benestar social e a calidade de vida da sociedade galega.

As prioridades de actuación do programa orzamentario 212A a través da Dirección Xeral de Emerxencias e Interior, da Axencia Galega de Emerxencias (en diante, AXEGA) e da Academia Galega de Seguridade Pública (en diante, AGASP), atendendo a problemática observada ata o momento actual, tanto nas emerxencias producidas na comunidade, como tendo en conta a dispersión poboacional e a poboación sobre a que se leva a cabo o obxectivo estratéxico do programa, son, fundamentalmente as seguintes:

I. En materia de protección civil e atención ás emerxencias:

- Planificación axeitada e actualizada en materia de protección civil, coa implantación dos plans recentemente elaborados e actualizados. No ano 2024 revisouse o Plan especial ante o risco Sísmico (SISMIGAL), actualizando os estudos de análise de risco, ao desenvolver o instituto xeográfico nacional un novo mapa de perigosidade e adaptándoo á nova normativa. No ano 2025 acometerase a súa implantación, destacando a revisión da aplicación SESGAL, Simulador de Escenarios Sísmicos para Galicia, o que permitirá unha primeira avaliación de danos no caso de terremotos de intensidade media ou elevada.
- No que atinxe a outros riscos naturais, continuarase coa implantación do Plan especial de protección civil ante o risco de inundacións (INUNGAL) revisado no 2024, a través da divulgación do plan e o desenvolvemento da formación nesta materia a través da AGASP. Levarase a cabo tamén a análise de riscos de maremotos en Galicia, aliñada co establecido na Directriz Básica de Planificación de Protección Civil. Este estudo permitirá avaliar de maneira exhaustiva os posibles impactos e definir as medidas preventivas necesarias para protexer á poboación e o territorio galego e planificar a resposta coa aprobación do Plan especial de protección civil ante o risco de maremotos.
- Respecto dos riscos tecnolóxicos, trala revisión no ano 2024 do Plan especial ante o risco de accidente no transporte de mercadorías perigosas (TRANSGAL), no ano 2025 acometerase a súa implantación así como a revisión e actualización dos Plans de emerxencia exterior da Grela Bens e de Exolum Vigo e a elaboración do Plan especial de protección civil ante o risco radiolóxico.
- Así mesmo continuarase coas tarefas de información e divulgación dos diferentes plans de protección civil aos servizos intervinientes en caso de emerxencia, tanto a través da formación como executando exercicios e simulacros para garantir o coñecemento dos plans por parte dos servizos de emerxencia e para avaliar e mellorar os plans, garantindo unha coordinación efectiva entre todas as partes involucradas.

No ano 2025, continuarase mellorando o Xeoportal Galego de Riscos de Protección Civil que, desde a súa posta en marcha no ano 2022, se ten convertido nunha ferramen-

ta de consulta para servizos e cidadanía que permite coñecer a previsión dos riscos no territorio. Co obxectivo de garantir o seu funcionamento óptimo e incrementar a súa utilidade actualízanse de xeito continuo os datos xeoespaciais relacionados cos riscos naturais e tecnolóxicos en Galicia, asegurando que a información dispoñible sexa precisa e relevante.

- Equipamento dos servizos profesionais e organizacións de voluntariado que forman parte do sistema integrado de protección civil e emerxencias de Galicia para garantir unha adecuada atención a cidadanía.
- Aplicación e desenvolvemento da lei 5/2007, do 7 de maio, de emerxencias de Galicia, coa implantación do decreto de autoprotección aprobado no ano 2022, no que, ademais de actualizar o catálogo de actividades, centros, establecementos, espazos, instalacións ou dependencias dos que os titulares teñen a obriga de elaborar e rexistrar un plan de autoprotección, se estableceron novos limiares para determinadas actividades ou centros.
- No ano 2025 continuaránse impulsando medidas de prevención e defensa corporativa, incidindo na prevención, como un dos cernes fundamentais da protección civil, e mellorando o acceso dos servizos do sistema integrado de protección civil e emerxencias de Galicia á información de riscos.
- Colaboración coas administracións locais competentes, concellos e deputacións, para seguir mellorando o mapa de emerxencias de Galicia, dando continuidade aos Grupos de Emerxencia Supramunicipal (en diante, GES) como complemento dos servizos de extinción de incendios e salvamento e apoiando aos concellos na prestación dos servizos de protección civil e emerxencias.
- Colaboración coas administracións locais na prestación do servizo de socorrismo en espazos acuáticos naturais e instalacións acuáticas da Comunidade Galega, mediante a implementación de líñas de axudas para a contratación deste persoal por parte destas administracións.
- Modernización e potenciación do sistema de atención ás emerxencias en Galicia a través do Centro Integrado de Atención de Emerxencias I I 2 Galicia (en diante, CIAE- I I 2 Galicia), dando unha resposta máis áxil e eficaz á cidadanía galega a través do uso de novas tecnoloxías para comunicación a poboación e servizos de emerxencia e protección civil.

Para elo, se desenvolverá unha aplicación de xestión de emerxencias que permitirá ao persoal técnico o envío dos avisos dun xeito áxil, así como o seguimento das alertas e do impacto das mesmas, facilitando a recompilación de datos, a emisión de informes e a información á poboación en caso de emerxencia de protección civil.

- Consolidación e potenciación do Grupo de Apoio Loxístico nas súas funcións de intervención nas emerxencias así como en operativos preventivos, poñendo a disposición dos distintos colectivos operativos os seus recursos especializados e o Posto de Mando Avanzado, como punto de referencia para forzas e corpos de seguridade e equipos de emerxencia.

- Coordinación e colaboración transfronteiriza en emerxencias. Xerando melloras técnicas e dotacionais nos grupos operativos e formativos e informativos que aumenten a resiliencia da poboación nestas zonas e a integración de equipos operativos e de resposta de ámbolos dous lados da fronteira.
2. En materia de Interior, seguridade e formación.
- Garantir o correcto desenvolvemento dos espectáculos públicos e actividades recreativas mediante as pertinentes autorizacións que corresponden a esta Comunidade Autónoma e aos concellos, segundo os casos.
 - A consecuencia da aprobación no ano 2023 do Decreto 15/2023, do 12 de xaneiro, polo que se desenvolve a Lei 4/2007, do 20 de abril, de coordinación das policía locais, durante o ano 2025 modificaranse varias disposicións normativas para adaptarse ás previsións contidas nese decreto, en concreto mediante a aprobación da normativa reguladora das probas de selección, baremos e méritos para o ingreso e promoción interna e para o procedemento de provisión por mobilidade, así como outras normas específicas en materias tales como a de medios técnicos dos corpos de policía local e do persoal auxiliar e vixiantes municipais e de distincións e recompensas.
 - A aposta pola mellora continua en medios humanos, vehículos e medios técnicos destinados á Unidade do Corpo Nacional de Policía Adscrita á Comunidade Autónoma de Galicia (en diante, UPA).
 - O asinamento co Ministerio de Interior do correspondente convenio de colaboración para garantir a cobertura da totalidade das prazas previstas no catálogo de postos desta unidade da policía autonómica.
 - A potenciación da formación de carácter permanente na AGASP para:
 - i. os funcionarios da UPA en todas as funcións que lle son propias e, en especial, para os grupos de investigación especializada en medio ambiente e incendios, menores, violencia de xénero, xogo, etc;
 - ii. para os voluntarios de protección civil, persoal de protección civil e emerxencias e resto de axentes que interveñen nas emerxencias.

Este programa 212A, desenvólvese a través de tres centros directivos: a Dirección Xeral de Emerxencias e Interior, a AGASP e a AXEGA, que dirixen as súas actividades nos ámbitos de protección civil, interior e seguridade pública, de acordo cos seguintes parámetros:

Na área de protección civil, elabóranse e implántanse plans de emerxencia por mor de riscos naturais e de aqueles ocasionados pola actividade humana, aténdese a xestión de emerxencias derivadas dos avisos ao CIAE- I I2 Galicia e da activación dos devanditos plans; préstase apoio os concellos e agrupacións de voluntarios de protección civil, como parte fundamental do sistema, e dáse apoio técnico á Comisión Galega de Protección Civil, como órgano colexiado da Administración da Comunidade Autónoma, que ten como finalidade a coordinación e colaboración interadministrativa en materia de protección civil.

Nesta área as accións materialízanse mediante os servizos contra incendios e salvamento, a través dos catro consorcios provinciais e un comarcal nos que participa a Xunta de Galicia xunto coas Deputación provinciais, así como polos GES onde tamén participa a Xunta de Galicia coas administracións locais, que son as competentes nesta materia, complementados polas agrupacións de voluntarios de protección civil (en diante, AVPC). Estas funcións son acometidas prioritariamente, por persoal profesional e voluntariado que responden ás incidencias derivadas de incendios urbanos, industriais e forestais de afectación a vivendas, explosións, fugas, inundacións, rescates, derrubamentos e outras actividades de salvamento que foran precisas.

Así mesmo e neste ámbito, a AXEGA, desenvolve as súas funcións dirixidas a definición e a aplicación dun criterio integral e integrado de coordinación, cooperación e colaboración, entre os distintos axentes que interveñen nas emerxencias, que permita dar unha resposta completa no eido da xestión das emerxencias e, no seu caso, na posterior rehabilitación da situación o seu estado anterior. Ademais a AXEGA intenta resolver as necesidades dotacionais dos diferentes servizos operativos de emerxencia de Galicia por orde prioritario, e mellorar o sistema de comunicación e traslado de datos entre o CIAE-112 Galicia e os diferentes grupos operativos e responsables do sistema de protección civil galego a través das comunicacións vía radio da rede RESGAL (Rede pública dixital de comunicacións de Emerxencias) e unha aplicación embarcado en dispositivo móbil tipo tablet.

Na área de Interior, e na materia de espectáculos públicos pola súa vinculación coa seguridade que afecta á diferentes sectores da sociedade, coa implicación de distintas administracións e territorios, a establecer e aplicar o marco normativo e de control para o correcto desenvolvemento dos espectáculos públicos e actividades recreativas que se realizan na nosa comunidade autónoma.

Na área de seguridade pública competencia desta administración, as intervencións do persoal policial da UPA, diríxense a complementar as actuacións das distintas consellerías da Xunta de Galicia que poidan precisar de prevención, reforzo ou investigación desde a perspectiva da seguridade: protección, incendios forestais, medio natural, furtivismo e marisqueo ilegal, patrimonio cultural, protección de vítimas de violencia de xénero, de menores e familia, e as inspeccións en materia de urbanismo.

Así mesmo mantéñense os correspondentes canais e mecanismos para garantir a correcta coordinación dos corpos de policía locais de Galicia, Policía Nacional e Garda Civil, garantes todos eles da seguridade no noso territorio.

Neste ámbito da seguridade pública galega, a través da AGASP aténdese á formación do persoal do sistema integrado de protección civil, de emerxencias, de seguridade pública e o de control de acceso aos espectáculos públicos, así como o desenvolvemento do Decreto 115/2017, do 17 de novembro, polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de policía local, vixilantes municipais e auxiliares de policía continuando coas adhesións dos concellos

delegantes e a realización da centralización na AGASP dos procesos unitarios de selección da policía local e dos auxiliares de policía local de Galicia.

POBOACIÓN OU COLECTIVO AO QUE SE DIRIXE

Polo que respecta ao colectivo ao que se dirixen as actuacións do programa, tanto nas áreas de protección civil e de emerxencias como na de interior e seguridade, ao estaren despregados os efectivos destes colectivos por toda a xeografía galega, as súas intervencións abarcan toda a poboación da Comunidade Autónoma de Galicia e, nalgunha ocasión, en función dos pactos de axuda mutua e os convenios de colaboración en emerxencias entre comunidades limítrofes, á poboación da zona de fronteira do Norte de Portugal, Asturias e Castela e León. Estas actuacións realízanse en colaboración e coordinación cos corpos de emerxencias, voluntarios e profesionais de protección civil, seguridade e bombeiros dependentes dos concellos, así como tamén cos corpos de seguridade dependentes da Administración estatal.

Na área da formación, as actividades están dirixidas á policía Local de Galicia, á UPA, ás agrupacións de protección civil, aos bombeiros, aos axentes forestais e ás forzas e corpos de seguridade do Estado e ao persoal que controla o acceso aos espectáculos públicos, así como a outros colectivos vencellados a estas áreas de actuación.

DETALLE DA SITUACIÓN DE PARTIDA

En relación a actividade da Dirección Xeral de Emerxencias e Interior:

I. Na área de protección civil.

I.1 Situación de partida:

- No marco das actuacións de actualización, revisión e implementación dos plans e programas de emerxencias, tendo en conta que os riscos non son constantes no tempo, se teñen aprobado nos derradeiros exercicios varias revisións de planeamentos e procedementos para garantir a súa operatividade e mellorar a súa implantación.
- O rexistro de voluntarios de protección civil é soportado por unha aplicación informática desenvolta ao longo do ano 2021, que permite implementar novas funcionalidades para responder ás necesidades das agrupacións e da administración e mellorar o seu funcionamento, en orde a acadar unha óptima mobilización dos recursos dispoñibles. No ano 2024 desenvolveuse SIPROC incorporando novos módulos para permitir a carga de operativos preventivos por parte das AVPC e para integrala coa aplicación de xestión de emerxencias do CIAE-I 12 Galicia, incrementando así a capacidade de atención telefónica ante chamadas de emerxencia da cidadanía.

- Neste ámbito de protección civil téñense actualizadas e entraron en vigor diferentes normativas que determinan a necesidade de afrontar novas actuacións, destacando as seguintes:
 - O decreto 37/2019, do 21 de marzo, polo que se determinan os órganos competentes e outras medidas para o control dos riscos inherentes aos accidentes graves nos cales interveñan substancias perigosas.
 - O decreto 172/2022, do 6 de outubro, polo que se aproba o Catálogo de actividades que deben adoptar medidas de autoprotección e polo que se fixa o contido desas medidas.
 - O Real Decreto 524/2023, do 20 de xuño, polo que se aproba a norma básica de protección civil.

1.2 Actuacións novas:

Ademais de atender ás emerxencias ordinarias (incendios, inundacións, accidentes,...) e á tramitación de expedientes de subvencións, convenios, etc. está previsto:

- Renovación dos plans de emerxencia exterior da Grela Bens, Exolum Vigo, o depósito de lodos vermellos en Xove, e o Complexo industrial Alúmina-Aluminio en Cervo.
- Desenvolvemento de ferramentas para mellorar a operatividade do Plan Especial de Protección ante o risco de terremotos: aplicación SESGAL.
- Elaboración do Plan especial de protección civil ante o risco de maremotos e do Plan especial de protección civil ante o risco radiolóxico.
- Implantación dos plans especiais de Protección Civil ante o risco de accidentes no transporte de mercadorías perigosas e de inundacións.
- Revisión e implantación dos plans vixentes: estanse a implantar novas aplicacións informáticas para facilitar a operatividade dos plans (procedementos de activación e desactivación e actuacións necesarias segundo o nivel de activación) e está previsto a realización de exercicios e simulacros. Estes procedementos integraranse nunha aplicación de xestión de emerxencias o que vai permitir a transmisión das alertas en menor tempo e a mellora na toma de decisións en canto aos riscos que contan con plans de protección civil.
- Desenvolvemento de campañas de información á poboación no entorno dos establecementos que contan con Plans de emerxencia exterior.
- Participación en proxectos europeos na área de protección civil e xestión de riscos.
- Impulso das AVPC mediante asociacións de concellos que optimicen o aproveitamento e utilización dos recursos dispoñibles, tanto humanos como materiais, e impulsando a incorporación de novos voluntarios ás AVPC, fomentando o carácter destas agrupacións como entes vehiculares de canalización da participación dos galegos en accións de voluntariado. Continuaremos apoiando e pondo en valor o papel das agrupacións de voluntarios de protección civil impulsando xomadas provinciais así como a súa participación en programas específicos como son a atención as incidencias que poidan

ocorrer nos camiños de Santiago, a seguridade en lugares de pública concorrencia e a implementación de plans de protección civil.

- Ampliación da dotación de medios e recursos naquelas AVPC e zonas nas que aínda houberse necesidades pendentes, a través dos fondos do programa operativo FEDER 2021-2027. Esta actuación virá a complementar o amplo proceso de renovación e mellora do equipamento que se levou a cabo nos últimos anos e que achegou ás AVPC equipamento (209 vehículos todoterreo, 206 remolques de emerxencias, 65 furgóns, 98 espaxadores de sal, 70 embarcacións, 143 tendas de campaña, 4 UTV, 43 coitelas quitaneves, 49 kits de material loxístico de seguridade viaria, 21 kits de material para as emerxencias no medio acuático, 49 kits de ferramentas eléctricas para a atención ás emerxencias ou 212 equipos de protección individual contra a vespa velutina, entre outros) por valor de máis de 16 millóns de euros.
- A impartición de programas de formación homoxéneos para os profesionais das emerxencias de Galicia e potenciación da formación dos voluntarios que complementen de forma coordinada os medios de intervención na nosa comunidade.
- A sinatura de convenios de colaboración con entidades, organismos e colaboradoras do sistema integrado de protección civil e emerxencias de Galicia, entre os que cómpre destacar os asinados con entidades para a prestación de atención psicosocial en emerxencias que así o requiran como accidentes de múltiples vítimas ou emerxencias que podan requirir a evacuación das persoas.
- O impulso na busca de solucións tecnolóxicas que permitan darlle resposta a tipoloxías de incidencias crecentes, como é o caso da busca de persoas desaparecidas ou a comunicación en grandes incidencias a través da tecnoloxía 5G.
- A mellora e potenciación dos sistemas de información para coñecemento do risco, actualizando e incorporando ao Xeoportal Galego de Riscos de Protección Civil datos xeoespaciais relacionados cos riscos naturais e tecnolóxicos en Galicia.
- Impulsar e potenciar a seguridade de espazos acuáticos naturais e instalacións acuáticas en Galicia mediante o apoio a entidades locais na contratación de persoal de socorismo.

2. Na área de medios operativos de emerxencias.

2.1 Situación de partida:

A Xunta de Galicia está a participar no financiamento e operatividade dos consorcios provinciais da Coruña (con 10 parques comarcais de bombeiros), de Lugo (con 6 parques comarcais de bombeiros), de Pontevedra (con 4 parques comarcais de bombeiros) e no de Ourense (4 parques comarcais de bombeiros), ademais do parque do Consorcio de Bombeiros das Comarcas Deza/Tabeirós e Terra de Montes, con sede en Silleda.

No ámbito da organización da prestación do servizo, cómpre sinalar que todos os Consorcios Provinciais e o consorcio Comarcal citado, realizan a xestión directa da prestación do servizo de atención ás emerxencias.

Ademais, a Xunta de Galicia consigna no orzamento de 2025 o orzamento para acometer a comarcalización doutros parques de bombeiros das grandes cidades, unha vez comarcalizado o parque de bombeiros de Ferrol, (actualmente pendente da sinatura do correspondente convenio), e o avanzado estado na tramitación da comarcalización do parque de bombeiros de Santiago de Compostela.

A comarcalización constitúe unha das recomendacións do ditame final da Comisión especial de estudo e análise das reformas da política forestal do Parlamento de Galicia, que a propoñía coa finalidade de reducir os tempos de resposta ás emerxencias nas súas áreas metropolitanas. A estes efectos volverase consignar nos orzamentos, con cargo ao Fondo de Cooperación Local, unha contía dedicada especialmente á prestación dos servizos de emerxencias con carácter comarcal ou, no seu defecto, supramunicipal, na convicción de que este é o camiño para acadar a mellor cobertura posible no territorio dun servizo profesional de emerxencias.

Este proceso de comarcalización de parques municipais de bombeiros require do acordo e da vontade de distintas administracións; en primeiro lugar, o concello titular do servizo e, de seguido da administración autonómica, da administración provincial e, como non, dos concellos aos que o parque que se comarcaliza deba dar este servizo.

A Xunta de Galicia, a pesar de que as competencias corresponden ás administracións locais, e co gallo de colaborar con estas e dar un servizo de garantías a todos os galegos e galegas, aposta decididamente por este modelo de comarcalización dos parques de bombeiros das cidades que permitirá optimizar os recursos xa existentes e dar cobertura ás emerxencias que se poidan producir nos seus contornos, defendendo un modelo de colaboración entre tódalas partes afectadas, como xa se ven facendo co parque de Ferrol dende hai varios exercicios.

2.2 Actuacións novas:

Durante o ano 2024, dende os catro consorcios provinciais estanse negociando cos representantes sindicais do seu persoal, o establecemento dunhas condicións de traballo homoxéneas en toda Galicia, coa finalidade de adaptar a súa situación á súa condición de persoal subrogado nunha entidade adscrita á unha administración pública, neste caso, á correspondente deputación provincial. En concreto, estanse establecendo condicións similares tanto desde o punto de vista funcional como económico, mediante a elaboración dunhas RPT que compartan os mesmos ou similares criterios de valoración dos postos, así como a sinatura de novos convenios colectivos, a partir dun convenio marco ou de referencia, diferente dos convenios que se tiñan coas empresas concesionarias durante vixencia do modelo de xestión indirecta. Esta negociación contempla a incorporación de novos efectivos por cada consorcio, coa gallo de acadar o persoal necesario para a prestación dun servizo de calidade.

Todo elo co obxectivo de acadar unha prestación homoxénea e uniforme en todo o territorio de Galicia, co horizonte de dar un servizo áxil e eficaz a todos os galegos e galegas, independentemente do seu lugar de residencia, a través dos servizos profesionais de emerxencias que constitúen tanto os parques de bombeiros como os grupos de emerxencia supramunicipal.

Para o ano 2025 continúaase coa mesma actuación, por parte da Xunta de Galicia e das deputacións provinciais, que seguirán participando nos orzamentos dos Consorcios provinciais de bombeiros, estando prevista ao efecto unha achega da Xunta de Galicia de aproximadamente de 16 millóns de euros, que se verán incrementados de seguro por procesos pendentes de comarcalización dos parques municipais das grandes cidades.

Así mesmo, a Xunta de Galicia xunto coas deputacións provinciais, que son os organismos locais responsables da dotación de recursos para facer fronte as emerxencias, seguirá participando nos orzamentos que permitan consolidar os GES, achegando o 52,5% dos gastos de funcionamento e dotándoos de material, co gallo de complementar aos servizos contra incendios e dar unha cobertura integral das emerxencias en todo o territorio de Galicia.

Finalmente, e con respecto a servizos profesionais de atención ás emerxencias, no ano 2025 continuaremos a traballar e impulsar acordos de comarcalización de parques de bombeiros municipais, que xa se teñen producido na provincia da Coruña, se poidan estender e materializar no resto do territorio de Galicia, e así se poidan beneficiar todos os galegos e galegas desta, sen dúbida, mellora da atención das emerxencias e completar o obxectivo de acadar un mapa de atención ás emerxencias que cubra de forma integral a todo o territorio de Galicia cuns tempos de reposta aínda menores dos acadados neste momento.

Pola súa banda e para completar á atención á poboación galega nas súas necesidades neste ámbito, continuaremos potenciando as AVPC de Galicia mediante a dotación de equipamento, apoiando o seu funcionamento e garantindo unha formación inicial e continua de todos os seus compoñentes, e fomentando a creación de novas agrupacións en lugares onde as mesmas non existan ou non estean operativas.

3. Na área do servizo de atención ás emerxencias a través da AXEGA.

3.1 Situación de partida:

Na actualidade o sistema de atención de emerxencias de Galicia está baseado nunha estrutura multidisciplinar, que dependendo de distintas administracións e con sistemas organizativos moi diversos, que son mobilizados a través do CIAE- I I2 Galicia, unha vez que a emerxencia se produce.

O sistema de protección civil da Comunidade Autónoma diferencia entre dúas tipoloxías de emerxencias, as ordinarias, que cos medios asignados a nivel local pódense resolver ou, as extraordinarias, onde a capacidade dos medios asignados localmente non son suficientes, e téñense que activar diferentes plans segundo a tipoloxía da emerxencia onde se amplía a información e a intervención a medios operativos e responsables de protección civil en ámbitos superiores ao local.

3.2 Actuacións novas:

- Durante o ano 2025 rematarase o proceso de elaboración da RPT necesaria para axustar a AXEGA á Lei 16/2010, do 17 de decembro, de organización e funcionamento da Administración Xeral e do Sector Público autonómico de Galicia, tendo en conta o cadro de persoal aprobado para a Axencia en función das necesidades actuais.

Actualizaranse do mesmo xeito os estatutos da Axencia co obxectivo de xerar unha Axencia que integre a tódolos servizos e organismos da Xunta de Galicia que teñan unha relación máis directa coa protección civil e as emerxencias, dotando á administración galega dun organismo coordinador e eficiente na planificación, prevención e intervención en materia de protección civil e emerxencias.

- Potenciar o servizo do Grupo de Apoio Loxístico (GALI) da AXEGA, que ano a ano incrementa o número e a calidade e variedade de intervencións. Así, neste ano 2025 seguirase reforzando o equipamento operativo especializado de apoio loxístico en emerxencias complexas ou de gran magnitude na Comunidade Autónoma de Galicia, mediante a posta a disposición dos axentes intervintes de recursos especializados e do Posto de Mando Avanzado, así como o reforzo do número de axentes do Grupo. Destacando a actualización en imaxe e tecnolóxica do Posto de Mando Avanzado (PMA), a adquisición dun novo PMA lixeiro, a adquisición de dun robot automatizado de extinción de incendios, adquisición de novos UAVs (Dron Cautivo, Dron subacuático, etc.), adquisición dun sistema de posicionamento de imaxes de Drons en cartografía dixital xeoreferenciada, etc.

O GALI constitúe un grupo de traballo capaz de mobilizar os recursos á súa disposición a calquera punto no que se requira o seu apoio, cando a entidade da incidencia así o aconselle, dentro duns parámetros de tempo curtos e axeitados á urxencia que a situación requira.

- Relacionado coa implantación do Plan de Comunicacions de emerxencias de Galicia a través da rede Resgal detectouse o comezo da obsolescencia do equipamento utilizado polos servizos operativos, debido a isto, no ano 2025 e en coordinación con Amtega e Retegal, comezase a valoración da renovación e actualización con tecnoloxía máis moderna de equipamento de servizos operativos que traballan coa rede Resgal.
- Consolidación da súa estrutura organizativa con criterios de tecnificación e especialización na atención das emerxencias.
- Adquisición de novas ferramentas TIC así como a evolución e optimización das existentes.
- Continuar coa potenciación do Servizo de Xestión do CIAE-I 12 Galicia, para adaptalo ás esixencias e necesidades operativas e tecnolóxicas do Centro Integrado de Atención ás Emerxencias I 12 Galicia da Estrada. Dentro deste impulso o longo do 2025 debido a modificación de convenio colectivo melloraranse as condicións laborais dos traballadores do CIAE-I 12 Galicia, por outro lado, introduciranse melloras no aplicativo GEMMA que usa o CIAE-I 12 Galicia para a xestión de incidencias e a utilización dun aplicativo remoto para dispositivos móbiles compartindo en tempo real a información que as operadoras do I 12 introducen no aplicativo GEMMA das diferentes incidencias que entran en sala.
- A tecnoloxía avanza a pasos de xigante e por isto, compre neste ano 2025 seguir realizando a renovación que comezou no 2024 da infraestrutura tecnolóxica do CIAE-I 12 Galicia para evitar problemas de obsolescencia, cambiaranse o longo do ano a platafor-

ma de servidores e almacenamento, a electrónica de rede, os balanceadores de carga, así como renovarase o datawarehouse corporativo e a base cartográfica e migraranse as bases de datos entre outra tarefas.

- Durante o ano 2025 desenvolveranse e daráselle continuidade a diversas liñas de traballo conducentes á continua mellora do servizo prestado polo CIAE I I2 Galicia á cidadanía. Entre elas podemos destacar as seguintes:
 - Continuar coa implementación dos avisos masivos a poboación integrados na RAN-PWs (Rede de alerta Nacional de Protección Civil) que permite o envío xeneralizado e inmediato de alertas en formato SMS os móbiles de persoas que se atopen en zonas afectadas por emerxencias ou catástrofes inminentes ou en curso.
 - Continuar a colaboración coa Dirección General de Protección Civil y Emergencias na configuración da Rede Nacional de información de Protección Civil (RENAIN).
- Peche de traballos de integración de plataformas entre 06I e I I2
- Peche da posta en produción da Integración telemática coa DGT e en proceso coa Policía -Nacional e a Garda Civil.
- Intercambio de información con xestoras de vías de comunicación (AXI e Audasa) dende estado de incidencias ata cartografía GIS actualizada.
- Séguese avanzando no traballo coas diferentes federacións, responsables autonómicos dos I I2 e representantes do goberno central, na mellora do centro nacional de teleinterpretación que centralice un servizo 24 horas 365 días o ano, ás persoas algún tipo de discapacidade auditiva ou da fala. En Galicia, no marco do proxecto "I-I-2 accesible".
- Colaboración con outras Administracións en materia de intercambio de información, así como diversas melloras tecnolóxicas e técnicas no centro con esta mesma finalidade.
- No ano 2025 seguiremos avanzando na accesibilidade do I I2 coa Federación de Asociacións de Persoas Xordas de Galicia (FAXPG) para editar vídeos de consellos preventivos en linguaxe de signos.
- Seguir cos traballos de adaptación do centro ao Esquema Nacional de Seguridade así como ao RGLPD logo de ser clasificado como Infraestrutura Crítica e Servizo esencial polo Centro Nacional de Protección de Infraestruturas críticas (CNPIC).
- Continuase no 2025 coa participación en proxectos de investigación e innovación, en colaboración con outras administracións ou entidades como é a Universidade de Vigo, Universidade de Coruña e Instituto Tecnolóxico de Galicia, GAIN, etc, co obxectivo de desenvolver ferramentas ou materiais que permitan controlar os riscos e diminuír o número de situacións de emerxencias que se producen.
- O mantemento da cooperación interrexional en materia de emerxencias con Portugal, Castela-León e o Principado de Asturias en zonas fronteirizas comúns, promovendo iniciativas que melloren a resiliencia dos servizos operativos e da cidadanía que vive ou desenrola a súa actividade laboral ou de ocio na zona transfronteriza.
- Continuar coa adquisición de material e equipamento especializado necesario para dar unha mellor resposta a emerxencias por parte dos Grupos de intervención en labores

de salvamento e contra incendios, co fin de acadar un maior grado de seguridade para a cidadanía.

- Continuación de proxectos didácticos, que teñan como obxectivo fomentar entre os menores o correcto uso do número de emerxencias. Realizaranse neste ámbito proxectos co mesmo obxectivo enfocado a xente nova e maiores utilizando unidades didácticas, redes sociais e medios de comunicación facendo do 1-1-2, tal como ditamina a lexislación, o número único de emerxencias Europeo.
- Continuar no ano 2025 co impulso no CIAE I I2 Galicia do labor preventivo a través da divulgación que se ten levado a cabo durante este 2024. A tal fin, continuarase a traballar nunha dobre liña: por unha banda, proseguirase coas visitas para dar a coñecer o centro e concienciar á poboación no uso responsable do número de emerxencias (visitas de diversos colectivos: escolares, colectivos profesionais, asociacións, etc) e, por outra banda, seguirase a utilizar como ferramenta de prevención a emisión de consellos preventivos a través de redes sociais e medios de comunicación (consellos para poboación en xeral, para colectivos específicos como é o caso dos peregrinos, etc).
- Durante o ano 2025 seguirase co desenrolo do proxecto ATEMPO dentro do marco transfronterizo e financiado con fondos Europeos Poctep Interreg España-Portugal.

4. Na área de interior e seguridade.

4.1 Situación de partida:

No ámbito de interior e referido aos espectáculos públicos, a Xunta de Galicia ten establecido o marco normativo de referencia para o desenvolvemento dos espectáculos públicos e actividades recreativas con normalidade, a través da Lei 10/2017, do 27 decembro, e da súa normativa de desenvolvemento aprobada durante os anos 2019 a 2022.

No ámbito da seguridade, hai que sinalar que a súa creación no ano 1991, a UPA ven ampliando notablemente a prestación dos seus servizos, para dar resposta á asunción paulatina de novas funcións e competencias. Actualmente, o labor da UPA abrangue eidos importantes para a vida cotiá dos cidadáns, en materia de menores, xogo, a loita contra o furtivismo e incendios forestais, a ordenación do territorio ou a intervención fronte aos casos de violencia de xénero.

Tamén se ten establecido o marco normativo fundamental para o desenvolvemento das funcións de coordinación dos corpos de policía locais de Galicia.

4.2 Actuacións novas:

- Favorecer a formación dos colectivos implicados no sector dos espectáculos públicos e actividades recreativas (controladores de acceso, persoal das administracións con competencias en materia de autorizacións administrativas, funcionarios dos corpos de policía, etc.).
- Impulsar o rexistro de empresas e establecementos de espectáculos públicos e actividades recreativas.

- Promover o aumento dos medios humanos da UPA, tendo en conta as competencias que esta Unidade policial ten asumido na actualidade, para o cal será necesario a sinatura dun Convenio de colaboración co Ministerio do Interior.

Este derradeiro obxectivo reiteradamente reclamado ao goberno do Estado, tanto polo goberno da Xunta de Galicia como en sede Parlamentaria, persegue poder dar un servizo de calidade aos galegos e galegas a través desta unidade policial que tras 30 anos de servizo en Galicia é recoñecida como unha policía propia de todos os galegos e que de forma progresiva foi asumindo cada vez máis competencias.

Algunha das competencias asumidas, como son as referidas a protección dos camiños, as de protección do medio ambiente e de protección do patrimonio cultural, requiren dun esforzo de persoal constante pero que, demandan unha maior atención e implicación pola nosa policía, xa que o número de peregrinos está a incrementarse ano tras ano, polo tanto, as accións vencelladas a este incremento e atención de competencias nas rutas xacobeas tamén serán maiores. Así mesmo este incremento de persoal permitiría poñer en marcha unha nova modalidade de patrullaxe nos camiños con servizos a pé en distintos puntos das rutas xacobeas e que permitirían unha atención máis cercana e accesible aos peregrinos, cunha especial incidencia na protección da muller nas distintas rutas. Todo elo complementado coa adscrición a estes servizos de vehículos híbridos e todo camiño adquiridos especialmente para esta finalidade e que se complementan con equipos DESA para a posible atención in situ dos peregrinos.

- Continuar coa renovación de vehículos e medios técnicos necesarios (vestiario, informática, transmisións e outros) para unha mellor prestación do servizo policial e un óptimo desenvolvemento das funcións propias da UPA, especialmente nos eidos da seguridade e protección de persoas, órganos, edificios e establecementos da Comunidade Autónoma de Galicia; a prevención e investigación de incendios; a protección do medio natural e dos recursos mariños; a colaboración en tarefas de rescate e salvamento; e a actuación e colaboración na protección de vítimas de violencia de xénero e nos casos de violencia intrafamiliar e contra menores.
- Fomentar a participación do persoal da UPA na formación específica, dirixida especialmente a aquelas funcións que precisan dunha maior actualización e competencia profesional, respecto de todas as funcións que desenvolve, incidindo de xeito prioritario na formación vencellada aos ámbitos dos camiños xacobeos e atención dos peregrinos en eidos tales como a violencia de xénero, a formación en DESA e protección do patrimonio cultural.
- Manter e ampliar os mecanismos de colaboración e coordinación das actuacións da UPA con outros corpos e forzas de Seguridade que desenvolven as súas tarefas na nosa comunidade, con especial incidencia na colaboración coas policía locais de Galicia, impulsando cando sexa necesario e demandado a implementación de dispositivos coordinados e conxuntos.
- Aprobar as disposicións normativas pendentes en materia de coordinación de corpos de policía locais, relativas a materias tales como medios técnicos, normativa relativa as

probas, méritos e baremos para o acceso e promoción interna dos corpos de policía local, vixilantes e auxiliares, así como para o procedemento de provisión por mobilidade entre corpos de policía local e outras.

5. A través da AGASP.

5.1 Situación de partida:

A AGASP, organismo autónomo administrativo, ten como finalidade a formación, actualización e especialización no eido das emerxencias e da seguridade pública, incluíndo ao persoal de protección civil, emerxencias, GES, bombeiros, Policía local, UPA, Policía Nacional e Garda Civil, así como outros colectivos vencellado a estes ámbitos, como son a seguridade privada e socorristas.

Neste senso a AGASP forma ás policía locais de Galicia nos procesos de ingreso, promoción e de especialización.

Tamén dende este organismo se realiza a formación dos membros da UPA e dos corpos e forzas de seguridade do Estado que operan na nosa comunidade, potenciando a súa actualización e especialización en distintos eidos co gallo de mellorar a operatividade destes corpos e o servizo que prestan á cidadanía, fomentando a coordinación e interacción de todos estes colectivos.

Asemade o desenvolvemento do Decreto 115/2017, do 17 de novembro, modificado polo Decreto 20/2019, do 28 de febreiro polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de policía local, vixilantes municipais e auxiliares de policía local, a AGASP xa consolidou a realización de procesos selectivos unitarios para a selección do persoal dos corpos das policía locais de Galicia.

5.2 Actuacións novas:

Durante o ano 2025 realizará a formación da 17 promoción de policía local e das promocións de oficiais, inspector, inspector principal e intendente, así como dos auxiliares de policía Local.

- Continuar a impulsar a delegación por parte dos concellos con corpo de policía local da competencia na selección do persoal da policía local en relación ao desenvolvemento do Decreto 115/2017, do 17 de novembro, polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de policía local, vixilantes municipais e auxiliares de policía local.
- Impulsar a formación de UPA, Garda Civil e Policía Nacional co gallo de potenciar a coordinación das actuacións destes corpos na nosa comunidade.
- Colaborar co Ministerio do Interior na formación dos colectivos de seguridade privada na Comunidade Autónoma.
- Continuar coa formación para a obtención da habilitación do persoal de control de acceso a espectáculos públicos e actividades recreativas, de xeito que mensualmente haxa oferta formativa para que calquera persoa interesada e sen custe, poida obter esta habilitación.

- Consolidar a formación dual (teleformación para as materias mais teóricas acompañada dos avances tecnolóxicos mais actuais e formación presencial para as materias e contidos prácticos)
- Impartir os cursos de formación e perfeccionamento dirixidos tanto, as persoas interesadas en exercer a actividade profesional de socorrismo en Galicia, como aquelas persoas xa inscritas no Rexistro Profesional de Socorristas Acuáticos de Galicia que requiren completar a súa formación o reciclarse na actividade de socorrismo.
- Implementación de accións formativas dirixidas a corpos e forzas de seguridade e a outros colectivos en materia de xogo con motivo da entrada en vigor da nova lei de xogo de Galicia.
- Realizar actividades de formación e divulgación en materia de espectáculos públicos e autoprotección dirixida a persoal de concellos e colectivos de seguridade e emerxencias, en orde a garantir a seguridade en grandes eventos de pública concurrencia.
- Impulsar o papel da AGASP como centro de referencia da formación en seguridade pública na nosa comunidade, realizando actividades formativas conxuntas para distintos colectivos que permitan intercambiar experiencias e lograr interaccións entre os mesmos en situacións reais.
- Potenciar a formación dos colectivos de emerxencias da nosa comunidade mediante:
 - Realización de cursos de ingreso para os novos integrantes dos GES.
 - Realización de formación especializada para os corpos de bombeiros da comunidade, integrando nos mesmos tanto ós bombeiros dos parques das cidades, como os integrantes dos consorcios provinciais.
 - Continuar coa formación inicial e de especialización dos voluntarios de protección civil, tanto de carácter centralizado como descentralizado, permitindo deste xeito unha maior participación deste voluntarios.
 - Impulsar accións formativas que integren a corpos de seguridade e emerxencias co gallo de mellorar a coordinación operativa de colectivos que en moitas situación actúan conxuntamente.

DEFINICIÓN DO MARCO NO QUE SE DESENVOLVE O PROGRAMA

Polo que respecta ao marco legal no que se desenvolve o programa, este está integrado polas seguintes disposicións legais:

- Lei 17/2015, do 9 de xullo, do sistema nacional de protección civil.
- Real decreto, 407/1992, do 24 de abril, polo que se aproba a norma básica de protección civil.
- Real decreto 393/2007, do 23 de marzo, polo que se aproba a norma básica de autoprotección.

- Lei 5/2007, do 7 de maio, de emerxencias de Galicia.
- Decreto 171/2010, do 1 de outubro, sobre plans de autoprotección na Comunidade Autónoma de Galicia.
- Real decreto 1196/2003, do 19 de setembro, polo que se aproba a directriz básica de protección civil para o control e planificación ante o risco de accidentes graves nos que interveñen substancias perigosas.
- Decreto 56/2000, do 3 de marzo, polo que se regula a planificación, as medidas de coordinación e a actuación dos voluntarios e entidades colaboradoras en materia de protección civil.
- Decreto 123/2014, do 18 de setembro, polo que se regula a acreditación, a uniformidade e os distintivos do persoal voluntario das agrupacións de voluntarios de protección civil, a imaxe corporativa destas agrupacións e os equipos de mobilidade necesarios para o desenvolvemento das funcións de protección civil e emerxencias.
- Decreto 101/2016, do 21 de xullo, polo que se regulan os órganos de coordinación, cooperación administrativa e asesoramento en materia de protección civil e emerxencias.
- Decreto 19/2019, do 21 de febreiro, polo que se regulan as medallas ao mérito de protección civil de Galicia e outras condecoracións.
- Resolución do 2 de agosto de 2010, da Consellería de Presidencia, Administracións Públicas de Galicia, polo que se publica o Plan Territorial de Emerxencias e Protección Civil de Galicia.
- Orde do 8 de xuño de 2021 pola que se modifica a Orde do 27 de febreiro de 2012 pola que se crea o Rexistro electrónico de plans de autoprotección na Comunidade Autónoma de Galicia e se regula o seu procedemento (código de procedemento PR485A).
- Lei 7/1985, do 2 de abril, reguladora das bases do réxime local.
- Lei 5/1997, do 22 de xullo, da Administración local de Galicia.
- Lei orgánica 2/1986, do 13 de marzo, de corpos e forzas de seguridade.
- Lei 4/2007, do 20 de abril de coordinación de policía locais.
- Decreto 15/2023, do 12 de xaneiro, de desenvolvemento da Lei 4/2007, do 20 de abril, de coordinación de policía locais.
- Orde do 29 de xaneiro de 2009, referida aos méritos, probas e temarios para os distintos procesos selectivos referidos aos corpos de Policía Local, vixilantes municipais e auxiliares de tempada.
- Decreto 59/2012, do 19 de xaneiro, do procedemento de homologacións da AGASP de cursos realizados por outras entidades.
- Real decreto 221/1991, do 22 de febreiro, de regulación das unidades adscritas.
- Real decreto 1089/2000, do 19 de xuño, que modifica ao anterior.
- Orde do 19 de xuño de 1991, do Ministerio do Interior, de creación da Unidade do Corpo Nacional de Policía adscrita á Comunidade Autónoma de Galicia.

- Decreto 223/2007, do 5 de decembro, polo que se aproba o estatuto da AXEGA.
- Real decreto 903/1997, do 16 de xuño, do Ministerio de Fomento sobre transposición da normativa europea referente ó número único de emerxencias 112.
- Acordo do Consello da Xunta do 1 de outubro de 1997, en virtude do cal se constitúe a Xunta de Galicia en entidade prestataria do servizo de atención de chamadas de urxencia 112.
- Lei 1/2007, do 15 de xaneiro, da Academia Galega de Seguridade Pública.
- Lei 8/2007, do 13 de xuño, de policía de Galicia.
- Decreto 115/2017, do 17 de novembro, polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de policía local, vixilantes municipais e auxiliares de policía local.
- Lei 10/2017, do 27 de decembro, de espectáculos públicos e actividades recreativas de Galicia.

FINALIDADE E ESTRATEXIA DO PROGRAMA

Con este programa preténdese:

- Mellorar e renovar a implantación de plans de protección civil.
- Reforzar e mellorar dos grupos operativos de emerxencias.
- Apoiar aos diferentes organismos da Xunta de Galicia en necesidades relativas a protección, investigación, vixilancia e garantía da seguridade das persoas e do medio.
- Asemade perséguese o estudo e a execución da política autonómica en materia de protección civil e emerxencias.
- Garantir a atención a poboación galega en todo tipo de situacións de emerxencias.
- Garantir a formación e actualización de actuacións dos corpos de seguridade na nosa comunidade.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	X

Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

O programa desenvólvese a través de tres centros directivos: Dirección Xeral de Emerxencias e Interior, AXEGA e AGASP, e entre as actividades afectadas atópanse a implantación de plans de emerxencia e protección civil e a súa activación, actividades de prevención, reforzo e investigación dende a área da seguridade e formación do persoal do sistema integrado de protección civil, emerxencias e seguridade pública.

Entre as súas finalidades está a de favorecer a incorporación da muller ás forzas e corpos de seguridade, así como aos servizos de emerxencias, e promover as condicións para que, mellorando a súa formación e capacitación, adquira una maior participación. Neste senso no Decreto 15/2023, do 12 de xaneiro, suprimiuse o requisito de esixencia de estatura mínima para as mulleres e os homes no acceso á categoría de policía dos corpos de policía local, para os vixiantes municipais e para a selección dos auxiliares de policía.

Por outra banda, na UPA tense creado un grupo específico para desenvolver tarefas en materia de violencia de xénero e protección das vítimas, conformado con persoal especializado, ao que se deu formación na materia, e prácticas nas comisarías do Corpo Nacional de Policía, incorporándose en xullo de 2016 a estas novas funcións.

A AXEGA na súa actividade ordinaria de xestión, segundo o disposto na Lei 5/2007, do 7 de maio, de emerxencias de Galicia, incorpora a perspectiva de xénero coma un dos principios reitores na súa política de xestión e contratación pública.

Sendo unha das súas funcións principais a da dirección do CIAE-I 12 Galicia, tal principio se plasma nos pregos dos contratos de servizos licitados para a xestión do mesmo, tanto no que atinxe estritamente ao servizo de teleoperación como o de xestión dos sistemas informáticos e de telecomunicacións.

Así, hoxe pódese afirmar que das 110 persoas contempladas no contrato de xestión operativa e soporte tecnolóxico do número de emerxencias I 12, 92 son mulleres o que representa que o 83% do total de persoas que traballan no Centro de Atención de Emerxencias son mulleres.

Dende a AGASP outorgáselle prioridade as mulleres para o acceso á formación, así como establece prioridade no suposto de empate nos procesos selectivos de policía local e auxiliar de policía local, ademais de fomentar a formación en materia de Violencia de xénero (VIOXEN).

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	X
Igualdade no acceso ao emprego, na formación e na promoción profesionais e nas condicións de traballo	
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	X
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

As actividades previstas para o 2025 consisten en afondar na capacitación a través de cursos de especialización e actividades formativas organizadas pola AGASP. Nos cursos de formación policial obrigatorios (novo ingreso e promoción) e nos cursos básicos en materia de protección civil existirán módulos sobre a igualdade entre homes e mulleres.

Logo da creación na UPA en xullo de 2016 dun grupo específico en materia de violencia de xénero, as actuacións van dirixidas a perfeccionar e mellorar as actuacións na protección das mulleres vítimas fronte aos seus maltratadores, favorecendo a presentación das correspondentes denuncias e poñendo en marcha o máis amplo abano de actuacións asistenciais e de protección, ao fin de evitar o desamparo.

Así mesmo, polo que se refire ás actividades desenvolvidas no CIAE I I 2 Galicia dependente da AXEGA, respecto das políticas activas de igualdade, é necesario ter presente que a maioría do persoal son mulleres, polo que neste ámbito a AXEGA cumpre os obxectivos previstos coa política de promoción da igualdade entre mulleres e homes non sendo necesario unha especial acción de fomento de contratación feminina (as mulleres representan o 83% do persoal que presta servizos no CIAE I I 2 Galicia).

Dende a AXEGA e o CIAE I I 2 Galicia se colabora a través das redes sociais na información e formación a través de campañas para loitar contra a violencia machista en grandes eventos e xerar espazos seguros para as mulleres.

En definitiva, na AXEGA e no CIAE I I 2 Galicia, a muller é considerada como un factor clave no desenvolvemento de tan esencial servizo.

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES.

Maior e mellor coñecemento en materia de análise de xénero e de políticas de igualdade.

Potenciar as unidades dedicadas especificamente a loita contra a violencia de xénero e a atención a este tipo de vítimas. Neste sentido, ademais da creación do grupo específico da UPA

para a loita contra a violencia de xénero e a protección das vítimas, se mantén un protocolo de colaboración coa Xefatura Superior de Policía de Galicia, para a colaboración e coordinación do persoal de ambos corpos dedicados a estas tarefas, de xeito que se acaden mellores cotas de eficacia e cooperación.

Realizar un esforzo en materia de formación co obxecto de aumentar os cursos específicos en materia de xénero, en especial os dirixidos as forzas e corpos de seguridade.

Continuar coa prioridade as mulleres para o acceso á formación así como no suposto de empate nos procesos selectivos de policía local e auxiliar de policía local, ademais de fomentar a formación en materia de VIOGEN.

Eliminación de barreiras cara a igualdade das mulleres, mediante a supresión de requisitos non equitativos, como por exemplo, a supresión do requisito de estatura para o acceso aos corpos de policía local de Galicia, auxiliares de policía e persoal vixilante.

Revisión das probas físicas establecidas para o acceso aos corpos de policía local de Galicia, favorecendo a equidade na igualdade de oportunidades.

Continuar nas políticas activas, para afondar nos plans de favorecemento á muller, nos que xa participa a AXEGA, tales como o Plan Dike (programa para a inserción laboral das vítimas de violencia doméstica); Proxecto Perla (entre Administración pública, empresas e asociacións sen ánimo de lucro que unen esforzos para potenciar a igualdade de oportunidades e a conciliación); Red Madre (fundación creada no 2008 co propósito de activar unha rede solidaria de apoio á muller para superar calquera conflito xurdido ante embarazos imprevistos).

C. ÓRGANOS ENCARGADOS DA SÚA XESTIÓN

Dirección Xeral de Emerxencias e Interior.

Academia Galega de Seguridade.

Axencia Galega de Emerxencias.

III.1.8. PROGRAMA 324B - MELLORAS DOS SITEMAS DE SAÚDE E SEGUIRIDADE NO TRABALLO

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Este programa de gasto, asignado á Secretaría Xeral Técnica, serve de instrumento para dar cobertura ás funcións que o Servizo de Prevención de Riscos Laborais ten atribuídas polo Decreto 204/1997, do 24 de xullo, polo que se crea o Servizo de Prevención de Riscos Laborais para o persoal da Administración da Xunta de Galicia, así como polo disposto no artigo 31.3 da Lei 31/1995, do 8 de novembro, de Prevención de Riscos Laborais.

Desta forma, a Secretaría Xeral Técnica está a cumprir as seguintes funcións:

- A avaliación dos factores de risco que poidan afectar á seguridade e á saúde dos traballadores.
- A planificación da actividade preventiva e a determinación das prioridades na adopción das medidas preventivas adecuadas e a vixilancia da súa eficacia.
- A información e formación dos traballadores e traballadoras en materia de prevención de riscos laborais, vixilancia da súa saúde e adopción das medidas de evacuación.
- A prestación dos primeiros auxilios e plans de emerxencia.
- A vixilancia da saúde mediante os recoñecementos médicos dos traballadores e traballadoras en relación cos riscos inherentes ao seu traballo.

POBOACIÓN OU COLECTIVO AO QUE SE DIRIXE

As actuacións recollidas no programa están dirixidas a dar cumprimento á normativa de prevención de riscos laborais referida ao persoal empregado público da Administración Xeral da Comunidade Autónoma que non desenvolvan o seu posto de traballo nun centro educativo ou sanitario.

DETALLE DA SITUACIÓN DE PARTIDA

Continúase consolidando o gasto neste programa, logrando que sen incrementar a dotación económica do mesmo, se manteñan as condicións óptimas na vixilancia da saúde, na formación ao persoal empregado público e en tódalas accións referidas á prevención de riscos laborais que se financian dende este programa.

DEFINICIÓN DO MARCO NO QUE SE DESENVOLVE O PROGRAMA

O programa encádrase no marco legal seguinte:

- Decreto 134/2024, do 20 de maio, polo que se establece a estrutura orgánica da Concellería de Presidencia, Xustiza e Deportes.
- Decreto 204/1997, do 24 de xullo, polo que se crea o Servizo de Prevención de Riscos Laborais para o persoal da Administración da Xunta de Galicia.
- Lei 31/1995, do 8 de novembro, de Prevención de Riscos Laborais.
- Real decreto 39/1997, do 17 de xaneiro, polo que se aproba o Regulamento dos Servizos de Prevención.
- Real decreto 843/2011, do 17 de xuño, polo que se establecen os criterios básicos sobre a organización de recursos para desenvolver a actividade sanitaria dos servizos de prevención.

FINALIDADE E ESTRATEXIA DO PROGRAMA

O presente programa ten como finalidade garantir o cumprimento da normativa de prevención de riscos laborais no ámbito da Xunta de Galicia.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	X
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

O programa ten por obxecto o cumprimento das condicións de seguridade e saúde laboral dos empregados públicos, debendo terse en conta a perspectiva de xénero á hora de realizar as súas actividades.

Deste xeito, os estudos de seguridade e saúde laboral nalgunha das súas conclusións son específicos para colectivos femininos, tales como: embarazadas, parto recente, nais en lactación natural ou a vixilancia da saúde de xeito diferenciado por razón de sexo.

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	X
Igualdade no acceso ao emprego, na formación e na promoción profesionais e nas condicións de traballo	X
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	X
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

Coa aprobación da Lei de Racionalización do sector público, no ano 2013, Galicia dotouse por primeira vez dunha norma legal que establece que os poderes adxudicadores da administración autonómica deben ter en conta criterios sociais na elaboración dos seus pregos de contratación.

Posteriormente, no ano 2015 coa aprobación Lei de garantía da calidade dos servizos públicos e da boa administración volveuse incidir neste eido, incorporando previsións como a de considerar incumprimento grave que xustifica a resolución dun contrato a vulneración dos dereitos laborais dos traballadores e traballadoras (en especial os permisos de paternidade e maternidade), xa sexa directamente ou mediante coaccións.

En cumprimento desas obrigas legais, a Asesoría Xurídica da Xunta elaborou unha Guía para unha contratación pública socialmente responsable no sector público autonómico galego, aprobada polo Consello da Xunta o 17/09/2015, para que os órganos de contratación dispoñan de pautas para concretar esa obriga legal. A elaboración desta guía enmárcase nunha serie de decisións adoptadas nos últimos anos para desenvolver o Plan de Mellora da Contratación Pública.

Exemplos de aplicación desta normativa e das recomendacións das guías en licitacións xa realizadas pódense consultar na Plataforma de Contratos Públicos de Galicia.

A estas accións únense as cláusulas para o fomento da corresponsabilidade e a conciliación impulsadas polo Plan Galego de conciliación e corresponsabilidade aprobado polo Consello da Xunta en 2018.

No ámbito concreto da igualdade de oportunidades entre mulleres e homes, o Goberno galego, a través da Lei 5/2021, do 2 de febreiro, de impulso demográfico de Galicia, blindou o establecemento de cláusulas de igualdade na contratación pública da Comunidade Autónoma. As previsións contidas na lei concretáronse en guías, instrucións internas e medidas de fomento ás empresas contratistas.

Así mesmo, a nova Lei de impulso demográfico habilita á Administración autonómica para exercer a acción popular nos procedementos penais por delitos de discriminación derivada ou por razón da situación familiar consecuencia da maternidade ou paternidade.

Finalmente, cómpre sinalar que a actuación da Inspección de Traballo e Seguridade Social abarca a investigación de calquera denuncia de incumprimento da lexislación en materia laboral, seguridade e saúde laboral, incluso por quen non estea afectado directamente pola suposta infracción, ademais de desenvolver un Plan Anual para velar polo cumprimento das condicións laborais das persoas traballadoras galegas que se consensúa cos interlocutores sociais.

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES

As distintas actividades levadas a cabo con base a este Programa, contribúen, de forma xeral, a garantir a igualdade de oportunidades entre mulleres e homes.

SINALAR OS PRINCIPAIS RESULTADOS DO PROGRAMA, DENDE O PUNTO DE VISTA DO XÉNERO

Como se sinalou, moitas das actividades amparadas neste programa teñen en conta o sexo dos empregados públicos (por exemplo, avaliacións de riscos con previsión expresas para embarazadas ou nais en lactación). No ano 2023 realizáronse os seguintes recoñecementos médicos específicos desagregados por sexos:

- Recoñecementos médicos: 8.765
 - Homes: 3.055
 - Mulleres: 5.710
- Recoñecementos xinecolóxicos (so para mulleres): 4.859
- Proba do PSA (so para homes a partir dos 50 anos): 2.059

C. ÓRGANOS ENCARGADOS DA SÚA XESTIÓN

Secretaría Xeral Técnica

III.1.9. PROGRAMA 331A - COOPERACIÓN EXTERIOR E AO DESENVOLVEMENTO

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

Execución da política da Xunta de Galicia na materia de cooperación para o desenvolvemento e a acción humanitaria.

Mediante a política pública de cooperación para o desenvolvemento, a Xunta de Galicia contribúe ao logro dos Obxectivos de Desenvolvemento Sustentable (ODS) co fin de erradicar a pobreza nas súas múltiples dimensións, construír a resiliencia de persoas e comunidades, reducir as desigualdades, promover a realización efectiva dos dereitos humanos e as liberdades fundamentais, e favorecer modelos de produción e de consumo sostibles para a conservación do planeta.

As accións da cooperación galega orientaranse á promoción de cambios positivos e sostibles e a longo prazo nas condicións de vida das persoas para a realización do dereito ao desenvolvemento humano integral e sostible dos países e comunidades cos que se asocia a cooperación galega, e contribuirán á construción dunha cidadanía global concienciada, comprometida e participativa que apoia as políticas e accións de solidariedade a nivel local e global.

POBOACIÓN OU COLECTIVO AO QUE SE DIRIXE

No actual período de vixencia do V Plan Director da Cooperación Galega 2023-2026 coma no anterior, tómase de referencia a Axenda 2030 de Desenvolvemento sostible, que ten entre os seus principios fundamentais o de Non Deixar a Ninguén Atrás e garantir os Dereitos Humanos para todas as persoas.

Non Deixar a Ninguén Atrás non só implica chegar aos máis pobres, senón que tamén require combater a discriminación e as crecentes desigualdades dentro e entre os países, e as súas causas fundamentais. Unha causa importante de que as persoas queden atrás son as formas persistentes de discriminación, incluída a discriminación de xénero, que deixa a individuos, familias e comunidades enteiras marxinadas e excluídas.

Traballar neste sentido require un enfoque integral cunha serie de pasos, incluída a identificación de quen queda atrás e por que; identificar medidas efectivas para abordar as causas profundas; monitorizar e medir o progreso; e garantir a responsabilidade de Non Deixar a Ninguén Atrás. Garantir a participación libre, activa e significativa de todas as partes interesadas, en particular as máis vulnerables e tradicionalmente invisibilizadas, é unha compoñente clave de todos os pasos e fases da política, a planificación e a programación da Cooperación Galega.

DETALLE DA SITUACIÓN DE PARTIDA

Trala execución do IV Plan director da Cooperación Galega 2018-2021, que foi prorrogado durante o ano 2022 pola vixencia da Estratexia de resposta á Covid 19 da Cooperación Galega, no ano 2023 iniciouse a execución do V Plan director galega 2023-2026, que se continuou en 2024, que foi elaborado mediante un proceso participativo dos axentes de cooperación, convidando a participar aos partidos políticos con representación no Parlamento de Galicia para que realizasen as súas achegas.

Consonte aos criterios internacionais de eficacia do desenvolvemento de especialización sectorial e concentración xeográfica e o principio de coherencia de políticas para o desenvolvemento sustentable, o novo Plan director define os ámbitos estratéxicos de intervención, aliñados coa Axenda 2030 e os ODS das Nacións Unidas, e establece os países e colectivos prioritarios das actuacións no exterior da Cooperación Galega. Por outra banda, consonte ao modelo de xestión orientada a resultados de desenvolvemento, define un marco de resultados con indicadores precisos e suficientes para garantir o seguimento e avaliación do alcance de resultados do Plan director.

Dito Plan director foi aprobado por unanimidade dos axentes de cooperación representados no Consello Galego de Cooperación para o Desenvolvemento (Congacode) na súa reunión de 14 de febreiro do 2023, polo Consello da Xunta de Galicia o 2 de marzo de 2024 e polo Parlamento de Galicia o 15 de xuño de 2024.

O programa orzamentario de cooperación para o desenvolvemento permitirá desenvolver un Plan anual da cooperación galega 2024 no que se incluírán actuacións en todas as áreas (cooperación no exterior, acción humanitaria, educación para o desenvolvemento e a cidadanía global, investigación para o desenvolvemento, etc., fortalecemento dos axentes de cooperación, avaliacións, etc) e permitirá publicar as convocatorias tradicionais da cooperación galega, de acordo co que se estableza no V Plan Director 2023-2026. Ao conxunto das convocatorias destinarase ao redor dun 80% do orzamento operativo de gastos.

DEFINICIÓN DO MARCO NO QUE SE DESENVOLVE O PROGRAMA

- Decreto 42/2024, do 14 de abril, polo que se establece a estrutura orgánica da Xunta de Galicia.
- Decreto 49/2024, do 14 de abril, polo que se se e se fixa a estrutura orgánica das consellerías da Xunta de Galicia.
- Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes.
- Decreto 44/2024, de 14 de abril, polo que se nomean os titulares das consellerías da Xunta de Galicia.

- Decreto 29/2017, do 9 de marzo, de cooperación para o desenvolvemento.
- Lei 10/2021, do 9 de marzo, reguladora da acción exterior e da cooperación para o desenvolvemento de Galicia.
- V Plan director da Cooperación Galega 2023-2026.
- Plan Anual 2025 da Cooperación Galega.

FINALIDADE E ESTRATEXIA DO PROGRAMA

Contribución á consecución dun mundo mais próspero, xusto e sustentable colaborando para o cumprimento da Axenda 2030 e a consecución dos seus Obxectivos de Desenvolvemento Sostible (ODS), así como potenciar a educación para o desenvolvemento e a cidadanía global nas súas catro dimensións: sensibilización, formación, investigación e mobilización, xerando conciencia crítica e solidaria na cidadanía galega.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	X
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

A través deste programa finánciase a execución da política da Xunta de Galicia na materia de cooperación para o desenvolvemento e acción humanitaria, que ten entre os seus ámbitos estratéxicos de acción "Impulsar a igualdade de xénero cun enfoque feminista, interseccional e de diversidade, o apoderamento e o exercicio de dereitos das nenas, adolescentes e mulleres e o fortalecemento das súas organizacións" e como transversal a igualdade de xénero.

O programa vincúlase directamente co establecido no artigo 32 da Lei orgánica 3/2007, do 22 de marzo, para a igualdade efectiva de mulleres e homes que dispón que todas as políticas e a planificación estratéxica en materia de cooperación ao desenvolvemento incluírán o principio de igualdade entre mulleres e homes como elemento esencial na súa axenda de prioridades e recibirán un tratamento de prioridade transversal e específica nos seus contidos.

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	X
Transmisión dunha imaxe igualitaria, plural e non estereotipada de mulleres e homes na sociedade	X
Igualdade no acceso ao emprego, na formación e na promoción profesionais e nas condicións de traballo	
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	X
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

O V Plan Director da Cooperación Galega establece entre as súas prioridades transversais, a Igualdade de xénero, e deberá estar presente en todas as intervencións financiadas pola cooperación galega.

En todas as convocatorias xestionadas pola Dirección Xeral de Relacións Exteriores e coa Unión Europea insírese a perspectiva de xénero a través do establecemento nas bases de cada unha delas, de requisitos e criterios de valoración específicos para garantir que, tanto as entidades solicitantes como os proxectos subvencionados, contén cun bo tratamento e impacto en temas de xénero. A modo de exemplo, requírese e valórase o seguinte:

- Que a entidade solicitante conte cunha estratexia de xénero e persoal formado na materia, así como con diagnósticos de xénero nos territorios e sectores de intervención.
- Que o proxecto se deseñe tendo en conta as diferentes necesidades e situacións de mulleres e homes.
- Dependendo da temática do proxecto, que se potencie o empoderamento das mulleres para a súa participación na toma de decisións.
- A existencia dun orzamento con perspectiva de xénero.

Estes mesmos criterios de valoración aplícanse tamén no caso dos convenios de colaboración e cando se contratan servizos externos requírese das persoas contratadas formación específica en materia de xénero.

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES

Moitos dos proxectos que se desenvolven e financian no ámbito da cooperación ao desenvolvemento están encamiñados a mellorar a situación das mulleres en termos de redución da pobreza e da violencia de xénero, o seu acceso e permanencia no sistema educativo, garantir os seus dereitos sexuais e reprodutivos, mellorar a súa situación económica e laboral e a súa participación social e política.

C. ÓRGANOS ENCARGADOS DA SÚA XESTIÓN

Dirección Xeral de Relacións Exteriores e coa Unión Europea

III.1.10. PROGRAMA 441A - PROMOCIÓN DA ACTIVIDADE DEPORTIVA

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A actuación da Secretaría Xeral para o Deporte diríxese ao fomento da práctica do deporte e da actividade física na Comunidade Autónoma en atención á súa importancia para o fomento da saúde e do benestar, o desenvolvemento, a educación e a inclusión social, ou a propia economía e o emprego, xunto á vertente competitiva deportiva.

A explotación das funcionalidades do deporte, a xeneralización e accesibilidade da práctica do deporte e da actividade física mediante a súa incorporación á vida cotiá da cidadanía; a mellora e dotación de equipamentos e infraestruturas; o apoio aos axentes deportivos na promoción e crecemento do deporte ou o perfeccionamento nas áreas de docencia, formación e tecnificación do deporte son, entre outros, obxectivos prioritarios deste programa.

Os beneficios que se esperan acadar na execución deste programa atópanse ligados ás necesidades existentes no actual ámbito deportivo galego: o aproveitamento das funcionalidades do feito deportivo, a mellora da calidade de vida da cidadanía e o crecemento deportivo de Galicia, mediante o apoio ao tecido deportivo galego e a mellora da dotación de equipamentos e infraestruturas deportivas.

POBOACIÓN OU COLECTIVO AO QUE SE DIRIXE

O colectivo afectado pola actividade da Secretaría Xeral para o Deporte, e máis en concreto por este programa, é a sociedade galega globalmente considerada (principalmente en canto ao obxectivo prioritario da xeneralización da práctica da actividade física) e o tecido deportivo galego (no tocante á práctica deportiva e ao deporte de competición) sen esquecer, entre outros, ás entidades locais principalmente no referido a infraestruturas deportivas.

DETALLE DA SITUACIÓN DE PARTIDA

Segundo a última enquisa de hábitos deportivos dos españois (CSD 2022) practican deporte na nosa comunidade poboación, xa sexa de forma periódica ou ocasional, un 50,2% da (ascende ao 57,3% no conxunto do Estado). Por outra banda, atendendo tamén a última Enquisa Nacional de Saúde -2017-, o 59,75% dos galegos e galegas de 18 e mais anos teñen sobrepeso ou obesidade (fronte ao 54,5% da media nacional), e o 23,29% dos galegos e galegas de entre 2 e 17 anos teñen sobrepeso ou obesidade (fronte ao 28,56% da media nacional).

No ano 2013 realizouse en Galicia a enquisa sobre “Hábitos de actividade física e deportiva da poboación galega” elaborada en colaboración coa Universidade de Santiago de Compostela (USC). Segundo os seus resultados, sete de cada dez galegos maiores de 18 anos practica exercicio habitualmente, nunha porcentaxe case 16 puntos superior á do 2007, ano no que se fixera un estudo de equivalentes características. A porcentaxe de práctica de exercicio físico é bastante similar entre as catro provincias galegas, mentres que se continúa a apreciar unha certa diferenza entre sexos. Así, hai unha maior porcentaxe de homes (74%) que de mulleres (68%) que realiza actividade física, pero esa distancia acurtouse en case dous puntos desde 2007. Desde entón, aumentou nun 14,8% a porcentaxe de homes que fai exercicio e nun 16,8% a de mulleres.

Débese tamén significar que a actividade deportiva ten como elementos básicos para unha axeitada evolución aos clubs e federacións. Na actual conxuntura considérase esencial manter o apoio a través de liñas de subvención para a actividade tanto dende a perspectiva das persoas xurídicas como dende a perspectiva do deportista persoa física.

As actuacións anteriores complementáanse coa implantación de equipamentos e infraestruturas deportivas.

DEFINICIÓN DO MARCO NO QUE SE DESENVOLVE O PROGRAMA

A norma pola que se regula a actividade deportiva en Galicia é a Lei 3/2012, do 2 de abril, do deporte de Galicia, que foi modificada pola Lei 13/2015, do 24 de decembro, de medidas fiscais e administrativas (modificacións dos artigos 22, 60, 116 e da disposición adicional terceira, e se engadiu unha nova disposición adicional -a cuarta-), a Lei 2/2017, do 8 febreiro (modificación do artigo 116), a Lei 3/2018, do 26 de decembro (modificación dos artigos 21, 46, 64, 116, 117, 130 e 133), a Lei 7/2019, de 23 de decembro (modifica os artigos 5.1, 51.5, 56.4 e 130.2, e suprime os artigos 134 a 146) e a Lei 4/2021, do 28 de xaneiro (modifica os artigos 5, 47, 57, 61, 93 e 117).

Complementando as previsións legais, atópase o Decreto 52/2022, do 28 de abril, polo que se crea e regula o Rexistro de Instalacións Deportivas de Galicia, a Orde do 23 de xuño de 2021 pola que se establecen os criterios técnico-deportivos para a obtención das condicións de persoa deportista de alto nivel, alto rendemento deportivo e rendemento deportivo de base, e

os criterios deportivos para o recoñecemento dos núcleos de adestramento deportivo especializado, o Decreto 165/2020, do 17 de setembro, polo que se regula o deporte de alto nivel, de alto rendemento e de rendemento deportivo de base de Galicia, o Decreto 78/2018, do 26 de xullo, polo que se regula a composición e funcionamento da Comisión Galega de Prevención e Represión da Dopaxe, o Decreto 63/2018, do 31 de maio, polo que se regula a composición e funcionamento da Comisión Galega de Control da Violencia e o procedemento sancionador na materia, o Decreto 16/2018, do 15 de febreiro, polo que se establecen as bases e os criterios para a elaboración dos regulamentos electorais que deben rexer a realización dos procesos electorais nas federacións deportivas galegas -modificado por Decreto 171/2021, do 23 de decembro-, o Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia, e o Decreto 120/2013, do 24 de xullo, polo que se aproba o Regulamento do Comité Galego de Xustiza Deportiva.

Por último, cómpre indicar o Plan Galego de Fomento da Actividade Física “Galicia Saudable”.

FINALIDADE E ESTRATEXIA DO PROGRAMA

Para conseguir os obxectivos perseguidos con este programa, actuarase nos seguintes grandes aspectos:

- En primeiro lugar, na execución do Plan Galego de Fomento da Actividade Física “Galicia Saudable”, continuarase o iniciado en exercicios precedentes, desenvolvendo actuacións que dinamicen a práctica da actividade física entre toda a poboación galega, en especial a actividade deportiva na idade escolar. Ademais, fomentarse a actividade física dende un punto de vista sanitario, como elemento preventivo nas enfermidades non transmisibles facilitando a práctica a toda a cidadanía, consolidando as ferramentas TIC.
- En segundo lugar, no apoio ao tecido deportivo galego e aos deportistas, estableceranse os correspondentes plans de axudas económicas e colaboracións cos axentes deportivos, nomeadamente coas federacións deportivas, os clubs e outras entidades deportivas, traballarase en medidas de apoio aos deportistas, na promoción do deporte en idade escolar e no impulso dos programas de tecnificación deportiva. Asemade, potenciarse outras funcionalidades do feito deportivo galego, como o seu aporte á economía e o emprego, a súa vinculación ao turismo ou a vertente sanitaria e de saúde pública.
- En terceiro lugar, na mellora do mapa de equipamentos e infraestruturas deportivas, continuarase a optimización da rede actual e investirase, de ser o caso, na construción de novas dotacións.
- Por último, seguirase traballando na adecuación da normativa actual á realidade do deporte galego, avanzando no desenvolvemento regulamentario da Lei do deporte de Galicia, así como na adecuación do marco normativo á realidade do sector.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	X
Programa non especificamente orientado á igualdade aínda que provoca un impacto diferenciado en homes e mulleres	X
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	X
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

Con incidencia no campo da práctica de actividade física e do deporte federado (e de alto nivel), os programas de Galicia Saudable, ou do deporte escolar (XOGADE), os convenios de patrocinio aos clubs de alto nivel, as actuacións de aproveitamento das funcionalidades do feito deportivo, ou as axudas aos deportistas galegos de alto nivel, serven, dende unha perspectiva e deseño mixto, para crecer en igualdade.

Así o amosan os indicadores, especialmente significativos nos convenios de patrocinio e nas axudas a deportistas de alto nivel. Desta forma, pódense apuntar distintos indicadores que amosan unha positiva evolución no ámbito do deporte feminino: máis licenzas femininas (o ano 2023 cerrouse con 77.660, fronte ás 42.090 licenzas do 2009), máis equipos de alto nivel patrocinados (114 femininos e 14 mixtos) ou o número de mulleres deportistas de alto nivel recoñecidas pola Secretaría Xeral para o Deporte segundo o Decreto 165/2020, do 17 de setembro, polo que se regula o deporte de alto nivel, de alto rendemento e de rendemento deportivo de base de Galicia (491 mulleres segundo o último recoñecemento publicado á presente data).

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	X
Transmisión dunha imaxe igualitaria, plural e non estereotipada de mulleres e homes na sociedade	X
Igualdade no acceso ao emprego, na formación e na promoción profesionais e nas condicións de traballo	X
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	X
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	X
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	X
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

Entre outras actuacións, a Secretaría Xeral para o Deporte e a Fundación Deporte Galego realizan dúas actividades que provocan un importante impacto no deporte desenvolvido polas mulleres:

- Os convenios de patrocinio aos equipos galegos de alta competición, que seguirán a ser unha das actividades prioritarias deste departamento e da fundación no 2025. Na

presente tempada 2023-2024, dos 250 equipos totais do plan xeral, 114 son femininos e 14 mixtos.

- Nas políticas de fomento do deporte de alto nivel e de axuda aos deportistas, o último recoñecemento de deportistas galegos de alto nivel, publicado recolle un total de 1029 recoñecementos, dos que 639 corresponden a homes e os restantes 390 a mulleres.

Ambas actuacións fomentan a participación activa das mulleres no deporte, fortalecendo a súa imaxe na sociedade.

No ámbito das subvencións a clubs deportivos, valórase a adhesión das entidades deportivas ao Manifesto pola Igualdade e pola Erradicación da Violencia de Xénero no Deporte da Secretaría Xeral de Igualdade e da Secretaría Xeral para o Deporte, o número de licencias femininas e o número de mulleres en postos directivos da entidade.

Pola súa parte os convenios de colaboración que a Secretaría Xeral para o Deporte asina anualmente coas federacións deportivas da Comunidade Autónoma continuarán contemplando actuacións directamente dirixidas á promoción da igualdade: adhesión ao Manifesto pola igualdade no deporte asinado entre a Secretaría Xeral para o Deporte e a Secretaría Xeral de Igualdade, evolución das licenzas femininas, subvención directa de programas de promoción da igualdade no deporte (onde, entre outros extremos, valórase número de mulleres en postos directivos da federación deportiva), a non discriminación retributiva entre homes e mulleres, ou igualdade nas axudas federativas outorgadas a deportistas homes e mulleres nos mesmos niveis deportivos.

No ámbito do deporte en idade escolar, o programa Xogade, dirixido á poboación de entre 6-16 anos e cun custo aproximado anual de 3,5 M€, deséñase e execútase baixo un enfoque inclusivo, de forma que se manteñen a normativa e as actividades onde prevalece unha participación mixta dos equipos nas primeiras idades, dirixido a igualar a participación feminina e masculina no programa. En termos xerais isto supón que, no conxunto de mutualizados, a participación sexa aproximadamente do 40% de rapazas e 60% rapaces. O curso escolar 2024-2025 manterá a gratuidade do seguro de accidentes deportivos para os nenos e nenas entre 6 e 16 anos – acción que é un dos piares esenciais da actuación da política deportiva para o fomento da actividade física e deportiva entre a poboación – que será sufragado directamente pola Secretaría Xeral para o Deporte. Seguen tamén as Actuacións de actividade deportiva escolar, a Actividade deportiva federada – seguro deportivo 6-16, Coñece o meu club, os Xogos tradicionais e populares, Xogando coa auga e co vento, e Actividades de Promoción. Xogade segue sendo unha ferramenta para os Proxectos de Vida Activa e Deportiva – PVAD encadrado no Plan Proxecta da Consellería de Educación, Ciencia, Universidades e Formación Profesional.

PREVISIÓN E VALORACIÓN DOS POSIBLES EFECTOS DO PROGRAMA SOBRE UN E OUTRO SEXO E SOBRE A IGUALDADE DE OPORTUNIDADES ENTRE MULLERES E HOMES

No exercicio 2025, prevese seguir incrementando o número de beneficiarias nos programas antes referidos o que, en todo caso, virá supeditado á consecución dos parámetros e resultados obxectivos, de marcas deportivas acadadas. Neste incremento espérase seguir obtendo unha positiva evolución do deporte feminino.

SINALAR OS PRINCIPAIS RESULTADOS DO PROGRAMA, DENDE O PUNTO DE VISTA DO XÉNERO.

Entre outros, compre destacar os parámetros do número de licencias femininas, que cezrou o ano 2023 con 77.660, e dos equipos de alta competición patrocinados que, na tempada 2023/24, ascenderon a 114 femininos e 14 mixtos.

C. ÓRGANOS ENCARGADOS DA SÚA XESTIÓN

Secretaría Xeral para o Deporte

Fundación Deporte Galego

III.1.11. PROGRAMA 423A - SERVIZOS E AXUDAS COMPLEMENTARIAS DA ENSINANZA

A. DESCRICIÓN DO PROGRAMA NECESIDADE QUE TRATA DE ATENDER O PROGRAMA

O obxectivo do programa é prestar o servizo de transporte público gratuíto aos escolares con dereito ao mesmo, no ámbito territorial da comunidade autónoma.

POBOACIÓN OU COLECTIVO AO QUE SE DIRIXE

Escolares con dereito a transporte público gratuíto.

DETALLE DA SITUACIÓN DE PARTIDA

A Lei 10/2016, do 19 de xullo, de medidas urxentes para a actualización do sistema de transporte público de Galicia, configura o Plan de Transporte Público de Galicia como o instrumento mediante o cal se establece a ordenación dos servizos de transporte público regular de competencia da Administración Xeral da Comunidade Autónoma, así como a coordinación do conxunto de servizos de transporte público que se desenvolvan na nosa comunidade.

Esgotada a vixencia dos contratos de xestión de servizos de transporte público regular de uso xeral, logo de que por sentenza do Tribunal Supremo do 14 de marzo de 2016 viñese imposta a súa resolución previa, a Lei 10/2016 facilitou, ademais, a continuidade dos servizos de transporte público nas condicións que se viñan prestando ata ese momento, agás renuncia expresa da empresa contratista á dita continuidade.

Por outro lado, a Lei 2/2017, do 8 de febreiro, de medidas fiscais, administrativas e de ordenación, dedica o capítulo II do título III á ordenación e promoción da integración dos servizos dirixidos á atención de diferentes colectivos de persoas usuarias, preferentemente contratados por unha mesma Administración, atribuíndolle á consellería competente en materia de transporte público as funcións de órgano de contratación do conxunto de servizos de transporte público regular contratados pola Xunta de Galicia, consonte coa programación e as excepcións que, de selo caso, acorde o Consello da Xunta ou estableza o Plan de Transporte Público de Galicia, cuxa aprobación corresponde igualmente ao Consello da Xunta de Galicia.

Consonte co anterior, a consellería competente en materia de transportes levou a cabo no ano 2017 unha planificación preliminar do sistema de transporte público de Galicia na que se puxeron en marcha dúas novas modalidades de transporte público: os servizos integrados e o transporte baixo a demanda.

No marco destas actuacións preliminares, a efectividade da integración de servizos de transporte e, por tanto, a atención do dereito ao transporte público gratuíto a través do sistema de transporte público regular de viaxeiros por estrada de uso xeral, acadouse coa adxudicación de 41 contratos de transporte público regular de viaxeiros por estrada de uso xeral e a súa implantación efectiva no mes de agosto de 2017. Posteriormente, en xaneiro de 2018, adxudicáronse 2 contratos máis.

Posteriormente, o documento base do Plan de Transporte Público de Galicia foi sometido a información pública por un prazo de 20 días hábiles, e logo da análise e resposta das alegacións recibidas e da incorporación dos cambios derivados daquelas alegacións que foron estimadas, foi sometido ao informe do Consello Galego de Transportes, segundo o establecido no apartado 3 do artigo 2 da Lei 10/2016, do 19 de xullo, de medidas urxentes para a actualización do sistema de transporte público de Galicia. O Plan de Transporte Público de Galicia tamén foi sometido ao informe da Dirección Xeral de Orzamentos e Planificación da Consellería de Facenda, ao abeiro

do establecido no apartado 3 do artigo 12 da Lei 15/2010, do 28 de decembro, de medidas fiscais e administrativas.

Finalmente, segundo o indicado no apartado 3 do artigo 2 da Lei 10/2016, do 19 de xullo, de medidas urxentes para a actualización do sistema de transporte público de Galicia, o Plan de Transporte Público de Galicia foi aprobado, logo de deliberación, polo Consello da Xunta de Galicia, na súa reunión do 29 de novembro de 2018.

Consonte a este plan, o 5 de abril de 2019, a consellería competente en materia de transportes publicou o anuncio da licitación do expediente de contratación das concesións que conforman a primeira fase de implantación do Plan de Transporte Público de Galicia (lotes XG-600 a XG-743). Estas 98 concesións foron implantadas con éxito durante o primeiro trimestre de 2020. Posteriormente, o 17 de xaneiro de 2020, a consellería competente en materia de transportes publicou o anuncio de licitación do expediente de contratación das 29 concesións que conforman a segunda, e derradeira, fase do Plan de Transporte Público de Galicia (claves XG800 a XG891). Destas, 10 concesións xa se implantaron en setembro de 2020 e as 19 restantes en decembro de 2020. Así, no 2021, completouse a implantación das 127 concesións que conforman o Plan de Transporte Público de Galicia, segundo o previsto na Lei 10/2016.

Así, no 2025, continuarase prestando o conxunto de concesión do Plan de Transporte Público de Galicia, segundo o previsto na Lei 10/2016.

DEFINICIÓN DO MARCO NO QUE SE DESENVOLVE O PROGRAMA

- Lei 10/2016, do 19 de xullo, de medidas urxentes para a actualización do sistema de transporte público de Galicia.
- Lei 2/2017, do 8 de febreiro, de medidas fiscais, administrativas e de ordenación.

FINALIDADE E ESTRATEXIA DO PROGRAMA

A finalidade deste programa é facilitar a mobilidade das persoas, procurando solucións máis eficientes e sostibles, para o que é preciso a actuación pública nos servizos de transporte.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	x

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	
Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	
Igualdade no acceso ao emprego, na formación e na promoción profesionais e nas condicións de traballo	
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	

Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	X
Outros (especificar)	

C. ÓRGANOS ENCARGADOS DA SÚA XESTIÓN

Dirección Xeral de Mobilidade

III.1.12. PROGRAMA 512A - ORDENACIÓN E INSPECCIÓN DO TRANSPORTE

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O obxectivo do programa é facilitar e mellorar a mobilidade das persoas e mercadorías de maneira sustentable para que Galicia sexa máis accesible, aberta e integrada nos fluxos comerciais e económicos globais.

POBOACIÓN OU COLECTIVO AO QUE SE DIRIXE

Os destinatarios destas medidas son tanto a cidadanía e o tecido produtivo de Galicia en xeral, demandante dos servizos que presta o sector do transporte, como en particular as empresas e os traballadores que desenvolven estes servizos.

DETALLE DA SITUACIÓN DE PARTIDA

O sector do transporte en Galicia ten unha enorme importancia estratéxica, ao afectar transversalmente a todos os sectores produtivos. O sector do transporte e a loxística en Galicia, segundo o Instituto Galego de Estatística (IGE) no seu "Análise do sector do transporte e da loxística" (2017), no ano 2014 achegou o 3,9% do produto interior bruto (PIB) da economía galega, 2.126 millóns de euros. Os postos de traballo que xerou supoñen un 4,5% do emprego total.

A súa importancia vai máis alá dos aspectos meramente económicos xa que o transporte permite aos cidadáns alcanzar aquilo que é importante no seu quefacer cotiá: desprazarse ao

traballo, ao centro de formación, a recibir asistencia médica ou simplemente a participar en actividades culturais ou de esparexemento que, especialmente en Galicia, requiren o desprazamento e, con frecuencia, utilizar medios de transporte público. Así mesmo, o transporte é un elemento clave para mellorar a competitividade do noso tecido empresarial no marco dun mercado global, ao permitir o descenso dos custos loxísticos, especialmente importantes en certos produtos. Por outra parte, o transporte permite que os consumidores accedan a unha variedade maior de produtos e de máis calidade.

Deste xeito, en Galicia formúlanse múltiples retos que requiren do transporte para ser superados, polo que é preciso seguir a manter unha política activa que, aínda dentro das estritas limitacións orzamentarias, permita mellorar o sector facéndoo máis competitivo, eficiente e sustentable, ademais de resolver as demandas de mobilidade que se producen dende os ámbitos social e produtivo de Galicia.

En resumo, é necesario manter accións dirixidas tanto á mellora da competitividade das empresas de transporte, como a facilitar e mellorar a mobilidade das persoas e mercadorías de maneira sustentable, para o que é preciso a actuación pública nos servizos de transporte e nas infraestruturas asociadas ao mesmo (estacións intermodais, estación de autobuses, refuxios,...).

As accións contempladas no programa 512A, Ordenación e Inspección do Transporte, van dirixidas, polo tanto, aos sectores do transporte de persoas e mercadorías, configurados por unhas 16.000 empresas. Igualmente, este programa prevé actuacións encamiñadas ao público en xeral, como usuario do sistema de transporte público.

No eido dirixido ao campo profesional, a administración estima esencial actuar en ámbitos orientados á mellora da competitividade do sector empresarial, tanto de mercadorías como de viaxeiros, fomentando a realización de accións formativas que faciliten a mellora do tecido empresarial e o cumprimento da normativa sectorial (por exemplo, relativa aos períodos de descanso dos condutores), e proseguindo coa implantación de accións de modernización dos servizos de transportes público de viaxeiros, entre outras actuacións.

Ao mesmo tempo, cómpre continuar impulsando actuacións de mellora da oferta de transporte público en Galicia. Nesta liña de potenciación do sistema de transporte público, e trala implantación das Áreas de Transporte Metropolitano da Coruña, Santiago de Compostela, Ferrol, Lugo e Vigo; no exercicio 2025 prevese avanzar na implantación dunha nova Área de Transportes de Galicia que, abarcando o conxunto da Comunidade Autónoma, permitirá estender vantaxes tarifarias e de métodos de pagamento análogos aos Plan de Transporte Metropolitano de Galicia, superando as fronteiras das actuais áreas metropolitanas, facendo participe delas a toda Galicia.

Nesta liña, con base no principio de colaboración administrativa e coa firme vontade de afianzar aquelas accións dirixidas á potenciación do uso do transporte público colectivo en toda Galicia, o Consello da Xunta de Galicia do 25 de febreiro de 2021 aprobou o Anexo ao Plan

de Transporte Público de Galicia, que viu completar o devandito Plan mediante o establecemento da Área de Transporte de Galicia (en adiante ATG) que abrangue a todo o territorio da Comunidade Autónoma. Os principais obxectivos da ATG é afianzar o conxunto de actuacións de promoción da utilización do transporte público que viñan impulsando as diferentes Administracións e, de xeito singular, a Xunta de Galicia a través do Plan de Transporte Metropolitano de Galicia, así como impulsar a atención prioritaria do ámbito rural e garantir a cobertura do transporte público nas zonas con poboación máis dispersa, contando para iso coa colaboración de todas as administracións locais de Galicia, ás que terán a posibilidade de adherirse á ATG a través da formalización dun convenio de colaboración coa Xunta de Galicia. Posteriormente, a definición de esta área de transporte mellorouse a través da modificación do Anexo do PTPG (DOG nº 155 do 17 de agosto de 2022) acentuando as previsións dirixidas a promover a eficiencia e racionalización na actuación administrativa e facilitando a integración das entidades locais. Así estableceuse un procedemento para a integración directa e sen custe de concellos rurais de reducida poboación.

Nacida no ámbito do Plan de Transporte Metropolitano de Galicia, cómpre destacar de xeito significativo o esforzo orzamentario que supón o mantemento, por parte da Xunta de Galicia da tarifa Xente Nova. Tras a súa publicación no DOG, do pasado 20 de maio de 2021, da resolución pola que se estende ao conxunto da comunidade a gratuidade no transporte público aos menores de 21 anos coa utilización da tarxeta 'Xente Nova'. Esta tarifa permite aos mozos e mozas, de entre catro e vinte anos, incluídos, viaxar gratuitamente en todos os servizos de transporte interurbano da Xunta de Galicia co único límite de 60 viaxes ao mes, medida social moi potente de ampla utilización pola mocidade.

Esta iniciativa contribúe, por unha parte, a unha importante potenciación da utilización do transporte público, cunha clara orientación á concienciación na súa utilización por parte das persoas que serán usuarios nos vindeiros anos. Mais igualmente, trátase dunha medida dun claro contido social, supoñendo un aforro importantísimo para as familias que se suma ao que xa dispuñan grazas ao propio Plan de Transporte Metropolitano de Galicia e as que no futuro inclúa a Área Única de Transporte de Galicia.

Esta medida está a ser complementada co desenvolvemento tecnolóxico que permitirá dispoñer da "Tarxeta Xente Nova" directamente nos dispositivos móbiles. Este avance permitirá acceder aos beneficios da gratuidade no transporte público mediante a xeración dun código QR dende o teléfono móbil, eliminando a necesidade de contar cunha tarxeta monedero física. Este enfoque busca simplificar e modernizar a experiencia de viaxe, ofrecendo ás persoas usuarias unha forma máis cómoda e áxil de acceder aos servizos públicos de transporte de Galicia.

Ademais, de xeito parello á tarifa "Xente Nova", no ano 2024 a Xunta de Galicia impulsou unha nova iniciativa social de transporte, a "TARXETA DE TRANSPORTE +65", que se virá a consolidar xa nesta nova anualidade. Esta iniciativa supón a gratuidade dos servizos de transporte público para as persoas maiores de 65 anos. Así apostamos por facilitar a mobilidade dos nosos maiores no transporte público autonómico. Este enfoque adquire especial relevancia nunha

comunidade como a nosa, caracterizada pola súa natureza rural, alta taxa de envellecemento da poboación e dispersión xeográfica, garantindo unha maior accesibilidade e calidade de vida para os nosos maiores.

O aspecto e relevancia social destas actuacións resulta reforzado co mantemento, durante o ano 2024, da colaboración da Xunta de Galicia cos taxistas na implantación de taxis adaptados para persoas con mobilidade reducida, Eurotaxi, e de baixas emisións continuando así unha liña de axudas a estes profesionais aberta no ano 2016. Con esta actuación a Xunta de Galicia contribúe a compensar os incrementos de custe que supón para os taxistas a incorporación deste tipo de vehículos, facilitando a existencia dunha oferta real de vehículos sostibles e accesibles para todos.

Igualmente, continuarase con actuacións e medidas destinadas a acadar a intermodalidade entre diferentes modos de transporte de viaxeiros na procura dunha mobilidade sostible.

E, de xeito paralelo, a Xunta de Galicia continuará a colaborar na precisa adaptación do sector do transporte público, de persoas e de mercadorías, ao conxunto de novas iniciativas promovidas cara a mellora continua destas actividades, mantendo un ambicioso programa de apoio ás asociacións profesionais en diferentes programas de formación que estas desenvolven. De xeito complementario, promoverase, a través de distintos programas, o acceso de novos profesionais ao sector do transporte, bonificando a obtención o Certificado de Aptitude Profesional (CAP) necesario para o exercicio da profesión de condutor.

Por outro lado e de cara a fomentar a utilización do transporte público e mellorar a calidade que perciben os usuarios, e en coordinación coa Estratexia Galega de Mobilidade:

1. É necesario garantir o bo estado da rede galega de estacións de autobuses, para o que se continuarán con actuacións de reparación e mantemento e mellora da eficacia enerxética das estacións de autobuses.
2. Mellorarase a accesibilidade e conectividade das paradas de autobús situadas na Rede Autonómica de Estradas de Galicia, para convertelas en paradas seguras. Mellorarase o equipamento da propia parada, incluíndo a marquesiña, a accesibilidade para persoas con mobilidade reducida, a información e sinalización e a seguridade, dende o punto de vista viario e da perspectiva de xénero, dando unha maior visibilidade, con iluminación, sinalización, etc.
3. Executaranse de sendas peonís e/ou ciclistas na contorna das principais vías de entrada ás cidades de Galicia, que aproximen o cidadán aos servizos de transporte público e ofrezan unha alternativa de mobilidade sustentable atractiva e competitiva, de tal forma que se minimize a necesidade de acceder ás cidades en vehículo privado.
4. Continuarase coa mellora de outras instalacións de transporte, a través do programa de renovación de marquesiñas, co obxectivo é o subministro de novas marquesiñas, preferentemente no rural, que melloren a calidade (tanto funcional como estética) e a accesibilidade destas modestas pero imprescindibles infraestruturas de transporte diseminadas pola xeo-

grafía galega. Para elo, continuarase coa liña de colaboración coas administración locais, como mellores coñecedoras das necesidades reais dos viaxeiros.

Por outra banda, dende esta dirección xeral estase a levar o seguimento proactivo das inversións en infraestruturas de transporte e dos servizos que estas prestan que inda que son de competencia do Goberno do Estado, son de importancia estratéxica para Galicia. Infraestruturas como o AVE ou o Corredor Atlántico de Mercancías.

No que se refire ao desenvolvemento das actuacións de intermodalidade en Galicia, durante o ano 2021, rematáronse as obras e iniciaron a súa explotación a terminal de autobuses nas Estacións Intermodais de Santiago de Compostela, e de Ourense. Durante o ano 2022 rematáronse as obras de Pontevedra e Vigo e iniciouse a execución de terminal de autobuses da Área Intermodal de San Cristobal – A Coruña. Respecto a Estación Intermodal de Lugo, esta previsto nos vindeiros días o comezo das obras de execución. Por último, en Ferrol, a Xunta de Galicia continuará adiantando o seu traballo coa redacción do proxecto da nova terminal de autobuses.

Por outra banda, e dentro do ámbito das infraestruturas necesarias para o transporte de mercadorías, a Dirección Xeral de Mobilidade, o “Plan Estratéxico para Contar cunha Rede Galega de Aparcamientos Seguros para o Sector de Mercadorías a Curto Prazo” ten previsto dúas iniciativas concretas:

- A creación a primeira área de estacionamento seguro “de concentración” no Polígono de San Cibrao das Viñas, en colaboración coa Asociación de Empresarios do Polígono de San Cibrao das Viñas.
- A convocatoria dun orde de axudas, destinadas a áreas de servizo e establecementos de hostalaría, para o acondicionamento dos aparcadoiros existente converténdoo en aparcadoiros seguros acreditados para camións. Isto suporá a creación da primeira rede de áreas de estacionamento seguro “de tránsito”.

Finalmente, a actuación da Dirección Xeral de Mobilidade complétase coas actividades de inspección e sanción en materia de transporte por estrada nos ámbitos da súa competencia.

O sector do transporte por estrada, tanto de viaxeiros como de mercadorías, experimentou nos últimos anos unha indubidable transformación a nivel internacional e nacional, marcada polo uso das tecnoloxías da información e a comunicación aplicadas ao transporte, co xurdimento de novos modelos de negocio vinculados a estas tecnoloxías, o crecemento da actividade de intermediación, e a crecente centralización da contratación que estas permiten.

Ademais, na comunidade autónoma de Galicia, a aprobación do Plan de transporte Público de Galicia está a supoñer unha importante transformación tanto no modelo de servizos regulares de uso xeral de viaxeiros, como nas condicións de execución e xestión do seguimento dos mesmos.

Estas transformacións, entre outras, implican riscos novos de infracción da normativa en materia de transportes que afectan a bens xurídicos nela protexidos como a seguridade do transporte e a leal competencia entre os operadores económicos, que requiren unha correlativa adaptación no seu obxecto e nos seus métodos de investigación dos servizos de Inspección de Transporte dependentes da Dirección Xeral de Mobilidade.

Por iso, resulta necesaria a adaptación da planificación e a organización da Inspección do Transporte a estas novas problemáticas, así como o seu reforzo mediante a contratación dun servizo de apoio a Subdirección Xeral de Inspección do Transporte.

Por último, cabe nomear a Xunta Arbitral de Transportes de Galicia (en diante XATG), órgano extraxudicial encargado de resolver conflitos que xorden durante a execución de contratos de transporte de crecente importancia e interese para o sector. A través deste órgano, as partes involucradas poden presentar unha reclamación, desencadeando así un proceso arbitral no que ambas partes presentan as súas posicións e, finalmente, a Xunta Arbitral emite un laudo arbitral, con efectos análogos aos dunha sentenza xudicial. A XATG foi creada en 1991 pola Consellería de Ordenación do Territorio e Obras Públicas e, desde entón, opera coa súa secretaría na Dirección Xeral de Mobilidade da Consellería de Infraestruturas e Mobilidade. Debido ao aumento do número de reclamacións, tanto de usuarios como de empresas, é necesario contar con apoio externo especializado para acelerar a tramitación e resolución destes asuntos.

DEFINICIÓN DO MARCO NO QUE SE DESENVOLVE O PROGRAMA

O Marco normativo dentro do que se desenvolve o programa está constituído por:

- Lei 2/2017, do 8 de febreiro, de medidas fiscais, administrativas e de ordenación.
- Lei 10/2016, do 19 de xullo, de medidas urxentes para a actualización do sistema de transporte público de Galicia.
- Lei 3/2016, do 1 de marzo, de medidas en materia de proxectos públicos de urxencia ou de excepcional interese.
- Lei 14/2013, do 26 de decembro, de racionalización do sector público autonómico.
- Lei 4/2013, do 30 de maio, de transporte público de persoas en vehículos de turismo de Galicia.
- Lei 5/2009, do 26 de novembro, de medidas urxentes para a modernización do sector do transporte público de Galicia.
- Lei 2/2008, do 6 de marzo, polo que se desenvolve a libre prestación de servizos de transporte marítimo de persoas en augas interiores de Galicia.
- Lei 6/1996, do 9 de xullo, de coordinación de servizos de transporte urbanos e interurbanos por estrada de Galicia.
- Lei 16/1987, do 30 de xullo, de ordenación de transportes terrestres.

FINALIDADE E ESTRATEXIA DO PROGRAMA

A finalidade deste programa é facilitar a mobilidade das persoas e mercadorías, procurando solucións máis eficientes e sostibles, para o que é preciso a actuación pública nos servizos de transporte, así como mellorar a competitividade das empresas de transporte. Ámbalas dúas liñas de acción contribuirán a reforzar a competitividade do sector do transporte.

Contémplanse, entre outras, as seguintes actuacións:

- Avanzar na implantación do Plan de Transporte Público de Galicia, con solucións de integración do transporte baixo demanda en Galicia, e na xestión dos servizos de transporte público.
- Desenvolvemento, xestión e reforzamento das medidas de fomento do transporte público previstas no Plan de Transporte Metropolitano de Galicia, estendendo a súa área xeográfica.
- Actuacións e medidas destinadas a acadar a intermodalidade entre diferentes modos de transporte de viaxeiros.
- Actuacións encamiñadas a mellorar a comodidade do viaxeiro, o fomento do transporte público, e ao avance na súa accesibilidade universal, tanto en transportes colectivos como nos servizos de transporte público en taxi.
- Actuación encamiñadas á creación dunha rede de aparcadoiros seguros para vehículos pesados.
- Fomentar a formación no sector do transporte.
- Fomentar a incorporación de novos profesionais ao sector do transporte.
- Optimización do funcionamento da Xunta Arbitral do Transporte de Galicia.
- Reforzo da actividade da Inspección do Transporte.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	

Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	x

C. ÓRGANOS ENCARGADOS DA SÚA XESTIÓN

Dirección Xeral de Mobilidade

III.1.13. PROGRAMA 312E - PROMOCIÓN DA AUTONOMÍA PERSOAL E PREVENCIÓN DA DEPENDENCIA PARA PERSOAS CON DISCAPACIDADE E AS PERSOAS MAIORES

A. DESCRICIÓN DO PROGRAMA

NECESIDADE QUE TRATA DE ATENDER O PROGRAMA

O obxectivo do programa é a prestación do servizo de transporte adaptado do Servizo Galego de Apoio á Mobilidade Persoal (SGAMP) para persoas con discapacidade e/ou persoas en situación de dependencia que teñan recoñecida a imposibilidade de utilización de transporte público colectivo.

POBOACIÓN OU COLECTIVO AO QUE SE DIRIXE

Colectivos integrados polas persoas con discapacidade e/ou persoas en situación de dependencia que reúnan os seguintes requisitos:

- Ter recoñecida a imposibilidade de utilización de transporte colectivo, motivada pola súa situación de dependencia ou discapacidade.
- Ter recoñecida a situación de dependencia en calquera dos seus graos conforme á normativa que sexa de aplicación ou ter recoñecido, conforme á normativa aplicable, un grao de discapacidade igual ou superior ao 75 %.

DETALLE DA SITUACIÓN DE PARTIDA

Mellora da calidade de vida de toda a poboación, e especialmente das persoas con mobilidade reducida ou calquera outra limitación, así como a salvagarda dos dereitos das citadas persoas, son pilares básicos da actuación pública co obxectivo de favorecer e avanzar na autonomía persoal desinstitucionalizada e garantir a non discriminación nunha sociedade plenamente inclusiva.

A Comunidade Autónoma, en virtude da competencia exclusiva que en materia de asistencia social lle atribúe o artigo 27.23 do Estatuto de autonomía, aprobou a Lei 13/2008, do 3 de decembro, de servizos sociais de Galicia, que ten por obxecto estruturar e regular, como servizo público, os servizos sociais en Galicia para a construción do sistema galego de servizos sociais.

A citada lei establece no seu artigo 3, como un dos obxectivos do sistema galego de servizos sociais, garantir a vida independente e a autonomía persoal das persoas en situación de dependencia integrando, no seu artigo 4, como un dos principios xerais dos servizos sociais, os de autonomía persoal e a vida independente.

Neste contexto, e mediante o Decreto 99/2014, do 24 de xullo, regulouse o Servizo Galego de Apoio a Mobilidade Persoal para persoas con discapacidade e/ou persoas en situación de dependencia, prevendo a prestación dun servizo de transporte específico e orientado a este conxunto de poboación, axeitado ás súas circunstancias específicas, diferenciado dos servizos públicos de transporte regular de uso xeral dos que a dita poboación non pode facer uso.

O Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes atribuíu á Dirección Xeral de Mobilidade o exercicio das competencias en relación co Servizo Galego de Apoio á Mobilidade Persoal.

Ante o vencemento dos contratos de servizos adxudicados en 2019 pola consellería competente naquel momento sobre este servizo de transporte, a Dirección Xeral de Mobilidade renovará no 2025 os contratos de prestación deste servizo, actualizándoos a ratios actuais.

DEFINICIÓN DO MARCO NO QUE SE DESENVOLVE O PROGRAMA

- Decreto 99/2014, do 24 de xullo, polo que se regula o Servizo galego de Apoio á Mobilidade Persoal para persoas con discapacidade e/ou en situación de dependencia.
- Lei 10/2014, do 3 de decembro, de accesibilidade de Galicia.
- Decreto 35/2020, do 28 de xaneiro, polo que se aproba o Regulamento de desenvolvemento e execución da Lei de accesibilidade e supresión de barreiras nas Comunidade Autónoma de Galicia.
- Lei 16/1987, do 30 de xullo, de ordenación dos transportes terrestres.

FINALIDADE E ESTRATEXIA DO PROGRAMA

A través do programa 312E, a Dirección Xeral de Mobilidade pretende facilitar ás persoas dependentes ou con discapacidade que, polas súas circunstancias específicas non poden acceder ao sistema público de transporte regular de uso xeral, unha modalidade alternativa de transporte público que atenda as súas necesidades de desprazamento.

B. ANÁLISE E EXPLICACIÓN DO IMPACTO QUE NA IGUALDADE ENTRE MULLERES E HOMES SE PREVÉ PRODUCIR COMO CONSECUCENCIA DAS ACTUACIÓNS QUE SE VAN DESENVOLVER

CLASIFICACIÓN DO PROGRAMA

Programa que ten por finalidade a igualdade entre mulleres e homes e/ou incide directa e fundamentalmente sobre as mulleres	
Programa non especificamente orientado á igualdade aínda que provoca un impacto diferenciado en homes e mulleres	X
Programa mixto, con actividades que teñen por finalidade a igualdade entre mulleres e homes e/ou inciden directa e fundamentalmente sobre as mulleres e actividades que teñen un impacto diferenciado en homes e mulleres	X
Programa con actividades non dirixidas especificamente ás persoas, aínda que teñen impacto sobre elas como beneficiarias indirectas das accións (programas que actúan sobre o territorio, o medioambiente, a sociedade no seu conxunto, etc)	
Programa destinado exclusivamente a actividades administrativas de xestión	

BREVE DESCRICIÓN DO PROGRAMA DENDE A PERSPECTIVA DE XÉNERO

No ámbito das persoas con discapacidade, a maioría da poboación de máis de 65 anos que presenta algunha discapacidade é feminina, cunha porcentaxe do 57,22% fronte ao 42,77% da poboación masculina, de acordo co informe do censo de persoas con discapacidade do ano 2022.

Neste programa encadrase o servizo de apoio á mobilidade para persoas con discapacidade e/ou en situación de dependencia.

Para medir a actuación realizada empregaranse indicadores sobre o número de persoas desagregado por sexo que participan no servizo de apoio á mobilidade para persoas con discapacidade/ou en situación de dependencia. Estímase que serán un 44% serán homes fronte a un 56% que serán mulleres.

IDENTIFICACIÓN DUN OU VARIOS OBXECTIVOS EN MATERIA DE IGUALDADE PRESENTES NA NORMATIVA E PLANS VIXENTES E QUE SON DE APLICACIÓN NO DESENVOLVEMENTO DAS ACCIÓN CONTEMPLADAS NESTE PROGRAMA

Incorporación da transversalidade de xénero na actuación xeral do departamento	X
Información, sensibilización e educación para a igualdade de mulleres e homes	
Transmisión dunha imaxe igualitaria, plural e non estereotipada de mulleres e homes na sociedade	
Igualdade no acceso ao emprego, na formación e na promoción profesionais e nas condicións de traballo	X
Fomento, directa ou indirectamente, da iniciativa empresarial das mulleres	
Promoción da plena incorporación das mulleres á Sociedade da Información	
Incorporación do principio de igualdade nas políticas urbanas, de ordenación territorial e vivenda	
Promoción do reparto equitativo dos tempos entre mulleres e homes que facilite a conciliación e a corresponsabilidade	
Promoción da igualdade e da participación activa das mulleres en todos os ámbitos da sociedade (cultura, educación, política, economía, deporte, saúde, etc.)	
Participación das mulleres no desenvolvemento rural	
Accións dirixidas á integración de mulleres en risco ou en situación de pobreza ou exclusión social	
Accións dirixidas á prevención e á loita contra a violencia de xénero	
Outros (especificar)	

IDENTIFICACIÓN DAS ACTIVIDADES PREVISTAS DIRECTAMENTE RELACIONADAS COA PROMOCIÓN DA IGUALDADE ENTRE MULLERES E HOMES, INDICANDO PARA CADA UNHA, AS PERSOAS ÁS QUE ESTÁ DIRIXIDA. INDICAR, NO CASO DE DISPOR DESTES DATOS, AS PRINCIPAIS CARACTERÍSTICAS DAS ORGANIZACIÓNS (TIPO, ÁMBITO TERRITORIAL, ETC.) OU PERSOAS (IDADE, NIVEL EDUCATIVO, ETC.), DESTINATARIAS DAS ACCIÓNS

Neste programa encádrase o servizo de apoio á mobilidade persoal para as persoas con discapacidade e/ou dependentes que ten como finalidade propiciar unha integración social efectiva destas persoas poñendo a disposición das mesmas os medios axeitados para facilitar a súa mobilidade e favorecendo así a súa comunicación e participación no seu entorno habitual. Cómpre destacar que na contratación do servizo de transporte do Servicio Galego de Apoio á Mobilidade Persoal valórase como criterio de desempate a maior porcentaxe de mulleres empregadas no cadro de persoal de cada unha das empresas.

C. ÓRGANOS ENCARGADOS DA SÚA XESTIÓN

Dirección Xeral de Mobilidade

IV. CADROS DE OBXECTIVOS POR PROGRAMA

OBXECTIVOS DE PROGRAMA

Programa: 111E RELACIÓNS EXTERIORES	
Eixe: E5 - Eixe 5. Gobernanza	
Prioridade de Actuación: PA03 - Reforzo do autogoberno e coordinación interadministrativa Obxectivo Extratético /Obxectivo Instrumental: E01 - Fortalecer a colaboración, cooperación e coordinación das diferentes administracións públicas en busca da eficiencia na xestión do gasto público e da mellora dos servizos á cidadanía, en especial dos maiores e dos que viven en zonas de maior illamento	
Obxectivo Operativo/Obxectivo Instrumental	
OI01 - Actuacións de soporte e apoio (gastos de funcionamento) 0003 - Accións para a promoción, impulso e fortalecemento da acción exterior de Galicia e apoio á presenza efectiva da Xunta naqueles foros de ámbito comunitario abertos á participación autonómica. 0007 - Xestión, seguimento, avaliación e control dos fondos comunitarios	
Programa: 121A DIRECCIÓN E SERVIZOS XERAIS DE ADMON XERAL E PERIFERICA DA XUNTA DE GALICIA	
Eixe: E2 - Eixe 2. Galicia verde e sostible	
Prioridade de Actuación: PA01 - Fomento dunha economía baixa en carbono baseada en fontes de enerxía máis limpas e menos agresivas co medio ambiente, dando prioridade as fontes de enerxía renovables. Potenciar a eficiencia enerxética en todos os sectores: público, industrial e doméstico Obxectivo Extratético /Obxectivo Instrumental: E01 - Mellorar a eficiencia enerxética na edificación, nas infraestruturas e servizos públicos. Avanzar na avaliación e mellora da eficiencia enerxética das empresas, incidindo no que atinxe á intensidade enerxética	
Obxectivo Operativo/Obxectivo Instrumental	
0001 - Promoción de proxectos de aforro e eficiencia enerxética nas empresas, administración e particulares. Apoio á realización de auditorías enerxéticas e a implementación de equipos de medida e monitorización de consumos enerxéticos que contribúan a unha mellor diagnose e unha mellor da xestión da enerxía nos distintos ámbitos de consumo.	
Indicador	Valor Previsto
P00028 - Actuacións de mellora, rehabilitación e/ou construción.	4
Prioridade de Actuación: PA02 - Garantir unha mobilidade sustentable Obxectivo Extratético /Obxectivo Instrumental: E01 - Fomentar a mobilidade sustentable e alternativa, promovendo a utilización do transporte público colectivo e o emprego de medios de transporte menos contaminantes. Garantir a intermodalidade e a conexión entre diferentes modos de transporte e a conexión urbana-rural. Promover a eficiencia no transporte tanto de viaxeiros como de mercadorías. Incrementar a resiliencia climática da rede de transporte e comunicacións de Galicia	
Obxectivo Operativo/Obxectivo Instrumental	
0003 - Desenvolver actuacións e medidas destinadas a acadar unha mobilidade sostible (urbana e interurbana) así coma a intermodalidade entre o transporte de viaxeiros en ferrocarril e en autobús interurbano e metropolitano. 0007 - Fomentar e incentivar a incorporación de medios de transporte menos contaminantes (vehículos híbridos, eléctricos, gas, bicicletas eléctricas, etc.). Favorecer a autonomía dos vehículos incentivando a investigación no ámbito das baterías e promover a creación dunha rede de estacións de recarga.	
Indicador	Valor Previsto
P01090 - Vehículos de transporte eficiente adquiridos	192
Eixe: E5 - Eixe 5. Gobernanza	
Prioridade de Actuación: PA01 - Unha boa administración, que avance na prestación de servizos e xeración de valor engadido á cidadanía, baseada na planificación e a avaliación das políticas públicas. Empregando procedementos sinxelos, accesibles e áxiles que redunden nunha atención eficiente e de calidade Obxectivo Extratético /Obxectivo Instrumental: E02 - Xestión orientada a resultados, transparencia e rendición de contas. Unha administración centrada na cidadanía, próxima, áxil e eficaz, que xera confianza baseada na transparencia e rendición de contas	
Obxectivo Operativo/Obxectivo Instrumental	
0003 - Modernización, adaptación e mellora das infraestruturas sobre as que se prestan os servizos públicos (incluídas novas instalacións e equipamentos) Obxectivo Extratético /Obxectivo Instrumental: E03 - Organizacións públicas integras. Unha administración lexitimada e respectada diante da cidadanía pola súa integridade e boa xestión	
Obxectivo Operativo/Obxectivo Instrumental	
OI01 - Actuacións de soporte e apoio (gastos de funcionamento) 0001 - . 0010 - Implantación dun novo modelo de rexistro e sistema de información ao cidadán a través dunha nova aplicación informática cun único Rexistro Xeral, e a incorporación da dixitalización dos documentos que se presenten nas oficinas de rexistro	

OBXECTIVOS DE PROGRAMA

0099 - Outras actuacións que contribúen ao obxectivo específico
Programa: 121C RELACIÓNS INSTITUCIONAIS
Eixe: E5 - Eixe 5. Gobernanza
Prioridade de Actuación: PA03 - Reforzo do autogoberno e coordinación interadministrativa
Obxectivo Extratético /Obxectivo Instrumental: E01 - Fortalecer a colaboración, cooperación e coordinación das diferentes administracións públicas en busca da eficiencia na xestión do gasto público e da mellora dos servizos á cidadanía, en especial dos maiores e dos que viven en zonas de maior illamento
Obxectivo Operativo/Obxectivo Instrumental
0101 - Actuacións de soporte e apoio (gastos de funcionamento)
0002 - Accións de mellora e axilización da tramitación parlamentaria das diferentes iniciativas gubernamentais
Programa: 123A ACCIÓN SOCIAL EN FAVOR DO PERSOAL DA ADMINISTRACIÓN
Eixe: E5 - Eixe 5. Gobernanza
Prioridade de Actuación: PA01 - Unha boa administración, que avance na prestación de servizos e xeración de valor engadido á cidadanía, baseada na planificación e a avaliación das políticas públicas. Empregando procedementos sinxelos, accesibles e áxiles que redunden nunha atención eficiente e de calidade
Obxectivo Extratético /Obxectivo Instrumental: E01 - Optimización dos recursos humanos. Unha administración que xestiona o seu persoal apostando pola innovación, o talento, a formación continua e adaptada estruturalmente aos novos retos
Obxectivo Operativo/Obxectivo Instrumental
0101 - Actuacións de soporte e apoio (gastos de funcionamento)
Programa: 131A ADMINISTRACIÓN DE XUSTIZA
Eixe: E2 - Eixe 2. Galicia verde e sostible
Prioridade de Actuación: PA01 - Fomento dunha economía baixa en carbono baseada en fontes de enerxía máis limpas e menos agresivas co medio ambiente, dando prioridade as fontes de enerxía renovables. Potenciar a eficiencia enerxética en todos os sectores: público, industrial e doméstico
Obxectivo Extratético /Obxectivo Instrumental: E01 - Mellorar a eficiencia enerxética na edificación, nas infraestruturas e servizos públicos. Avanzar na avaliación e mellora da eficiencia enerxética das empresas, incidindo no que atinxe á intensidade enerxética
Obxectivo Operativo/Obxectivo Instrumental
0001 - Promoción de proxectos de aforro e eficiencia enerxética nas empresas, administración e particulares. Apoio á realización de auditorías enerxéticas e a implementación de equipos de medida e monitorización de consumos enerxéticos que contribúan a unha mellor diagnose e unha mellor da xestión da enerxía nos distintos ámbitos de consumo.
Indicador
P00028 - Actuacións de mellora, rehabilitación e/ou construción.
Valor Previsto
10
Eixe: E3 - Eixe 3. Competitividade e crecemento
Prioridade de Actuación: PA02 - Impulsar unha transformación dixital inclusiva e sostible
Obxectivo Extratético /Obxectivo Instrumental: E01 - Impulsar e desenvolver un goberno e administración intelixente e accesible que ofrezca máis e mellores servizos á cidadanía, respondendo proactivamente as súas necesidades e facilitando a súa participación
Obxectivo Operativo/Obxectivo Instrumental
0005 - Dixitalización no eido xudicial: consolidación do Expediente Xudicial Electrónico, aumento da dixitalización dos procedementos xudiciais e os medios dixitais para os profesionais, desenvolvemento de novos servizos para a cidadanía e garantía da interoperabilidade con outros territorios e administracións.
Eixe: E4 - Eixe 4. Cohesión social e territorial
Prioridade de Actuación: PA02 - Facer que o crecemento chegue a toda a cidadanía, en particular ás persoas máis desfavorecidas e apoiar a integración socioeconómica da poboación retornada e inmigrante
Obxectivo Extratético /Obxectivo Instrumental: E06 - Erradicar a violencia de xénero en calquera das súas modalidades e consecuencias articulando unha resposta global e coordinada
Obxectivo Operativo/Obxectivo Instrumental
0011 - Actuacións no marco do Pacto de Estado contra a violencia de xénero.
Eixe: E5 - Eixe 5. Gobernanza
Prioridade de Actuación: PA01 - Unha boa administración, que avance na prestación de servizos e xeración de valor engadido á cidadanía, baseada na planificación e a avaliación das políticas públicas. Empregando procedementos sinxelos, accesibles e áxiles que redunden nunha atención eficiente e de calidade
Obxectivo Extratético /Obxectivo Instrumental: E02 - Xestión orientada a resultados, transparencia e rendición de contas. Unha administración centrada na cidadanía, próxima, áxil e eficaz, que xera confianza baseada na transparencia e rendición de contas
Obxectivo Operativo/Obxectivo Instrumental

OBXECTIVOS DE PROGRAMA

OI01 - Actuacións de soporte e apoio (gastos de funcionamento) 0003 - Modernización, adaptación e mellora das infraestruturas sobre as que se prestan os servizos públicos (incluídas novas instalacións e equipamentos) 0006 - Medidas para a modernización e achegamento á cidadanía da Administración de Xustiza 0099 - Outras actuacións que contribúen ao obxectivo específico	
Indicador	Valor Previsto
P00141 - Infraestruturas xudiciais construídas ou rehabilitadas	47
P1022H - Persoas usuarias da asistencia xurídica gratuíta. Homes	30.000
P1022M - Persoas usuarias da asistencia xurídica gratuíta. Mulleres	13
Programa: 141A ADMINISTRACIÓN LOCAL	
Eixe: E4 - Eixe 4. Cohesión social e territorial	
Prioridade de Actuación: PA04 - Impulsar a cohesión territorial e desenvolver os servizos no territorio baixo o concepto de cidade única Obxectivo Extratético /Obxectivo Instrumental: E01 - Impulsar a cohesión territorial e a ordenación urbanística do territorio galego respectando a paisaxe de Galicia e potenciando os valores naturais da mesma. Vertebración dixital e mellora da conectividade do territorio. Fomentar a accesibilidade do solo industrial	
Obxectivo Operativo/Obxectivo Instrumental	
OI01 - Actuacións de soporte e apoio (gastos de funcionamento) 0002 - Contribuír con actuacións ambientais á conservación da natureza, ordenación do territorio e da paisaxe 0005 - Admistración Local en materia de ordenación do territorio: servizos locais básicos, asociacionismo veciñal, etc.	
Indicador	Valor Previsto
P0076E - Entidades locais beneficiadas en actuacións globais destinadas á conservación, reposición e restauración do medio ambiente	241
P0076F - Entidades locais beneficiadas en actuacións de creación, mellora e ampliación servizos locais básicos	115
Programa: 161A ELECCIÓNS E PARTIDOS POLÍTICOS	
Eixe: E5 - Eixe 5. Gobernanza	
Prioridade de Actuación: PA01 - Unha boa administración, que avance na prestación de servizos e xeración de valor engadido á cidadanía, baseada na planificación e a avaliación das políticas públicas. Empregando procedementos sinxelos, accesibles e áxiles que redunden nunha atención eficiente e de calidade Obxectivo Extratético /Obxectivo Instrumental: E03 - Organizacións públicas integras. Unha administración lexitimada e respectada diante da cidadanía pola súa integridade e boa xestión	
Obxectivo Operativo/Obxectivo Instrumental	
0011 - Eleccións e partidos políticos	
Programa: 212A PROTECCIÓN CIVIL E SEGURIDADE DA COMUNIDADE AUTÓNOMA	
Eixe: E2 - Eixe 2. Galicia verde e sostible	
Prioridade de Actuación: PA03 - Garantir unha resposta integral ás necesidades da cidadanía en materia de emerxencias, incluídos os efectos do cambio climático, e aumentar a resiliencia fronte aos riscos relacionados co clima e os desastres naturais Obxectivo Extratético /Obxectivo Instrumental: E01 - Fortalecer unha resposta integral ás necesidades da cidadanía en materia de emerxencias, protección civil e seguridade pública, así como a resiliencia fronte aos riscos relacionados co clima e os desastres naturais	
Obxectivo Operativo/Obxectivo Instrumental	
OI01 - Actuacións de soporte e apoio (gastos de funcionamento) 0001 - Dimensionamento dos teléfonos de información á cidadanía existentes e implantación dun novo mapa de atención ás emerxencias coa modernización e mellora da atención á poboación. 0002 - Mellora da dotación, equipamento e profesionalización dos servizos de emerxencia 0099 - Outras actuacións que contribúen ao obxectivo específico	
Indicador	Valor Previsto
DOE005 - Poboación beneficiada pola actuación e que diminúe o seu risco	2.690.464
P00280 - Profesionais de intervención ante as urxencias	593
P01023 - Chamadas atendidas polos servizos de emerxencias	854.813
P01024 - Medios técnicos adquiridos para o sistema de emerxencias e de protección civil	116
P227.H - Participantes en accións de formación. Homes	9
P227.M - Participantes en accións de formación. Mulleres	2
Programa: 312E PROMOCIÓN DA AUTONOMÍA PERSOAL E PREVENCIÓN DA DEPENDENCIA PARA PERSOAS CON DISCAPACIDADE E AS PERSOAS MAIORES	
Eixe: E4 - Eixe 4. Cohesión social e territorial	

OBXECTIVOS DE PROGRAMA

Prioridade de Actuación: PA02 - Facer que o crecemento chegue a toda a cidadanía, en particular ás persoas máis desfavorecidas e apoiar a integración socioeconómica da poboación retornada e inmigrante Obxectivo Extratético /Obxectivo Instrumental: E04 - Mellorar a atención social e a calidade de vida das persoas con discapacidade e das persoas maiores, garantindo a accesibilidade universal e fomentando a eliminación de calquera tipo de barreira que impida a súa participación en termos de igualdade, así como prever as situacións de dependencia Obxectivo Operativo/Obxectivo Instrumental		
0006 - Investimentos en equipamento e infraestruturas para a atención de persoas maiores e en situación de discapacidade		
	Indicador	Valor Previsto
	DOE036 - Poboación beneficiada pola actuación de infraestrutura (ou equipamento) social	100
Programa: 324B MELLORA DOS SISTEMAS DE SAÚDE E SEGURIDADE NO TRABALLO		
Eixe: E1 - Eixe 1. O reto demográfico		
Prioridade de Actuación: PA01 - Acadar un nivel de emprego elevado e de calidade, que garanta o equilibrio entre a vida profesional e a privada Obxectivo Extratético /Obxectivo Instrumental: E04 - Consolidar un marco de relacións laborais moderno que facilite unhas condicións de traballo saudables e seguras e favorecer a conciliación da vida laboral, familiar e persoal Obxectivo Operativo/Obxectivo Instrumental		
0014 - Recoñecementos médicos do persoal empregado na Xunta de Galicia		
	Indicador	Valor Previsto
	P00325 - Accións de formación e información desenvoltas en materia de prevención de riscos laborais	107
Programa: 331A COOPERACIÓN EXTERIOR E AO DESENVOLVEMENTO		
Eixe: E3 - Eixe 3. Competitividade e crecemento		
Prioridade de Actuación: PA01 - Mellorar as capacidades de investigación e innovación e a adopción de tecnoloxías avanzadas Obxectivo Extratético /Obxectivo Instrumental: E01 - Fomentar o investimento en I+D+i no sector empresarial, dinamizar a transferencia de coñecemento ao mercado reforzando a colaboración entre os axentes do ecosistema de I+D+i, avanzar na especialización a través da priorización en ámbitos estratéxicos para Galicia, impulsando o liderado empresarial, especialmente das PEMEs, na transformación das ideas innovadoras en produtos e servizos de alto valor engadido, xeradores de crecemento, emprego e benestar. Apoiar o talento emprendedor en todos os ei Obxectivo Operativo/Obxectivo Instrumental		
0001 - Continuar a potenciar as actividades de I+d+i e avanzar no proceso de especialización establecido pola RIS3 de Galicia		
Eixe: E5 - Eixe 5. Gobernanza		
Prioridade de Actuación: PA03 - Reforzo do autogoberno e coordinación interadministrativa Obxectivo Extratético /Obxectivo Instrumental: E01 - Fortalecer a colaboración, cooperación e coordinación das diferentes administracións públicas en busca da eficiencia na xestión do gasto público e da mellora dos servizos á cidadanía, en especial dos maiores e dos que viven en zonas de maior illamento Obxectivo Operativo/Obxectivo Instrumental		
OI01 - Actuacións de soporte e apoio (gastos de funcionamento)		
0001 - Accións de cooperación no exterior.		
0006 - Programas para o fomento da cooperación e o desenvolvemento.		
	Indicador	Valor Previsto
	P0045L - Axudas concedidas para a cooperación exterior e ao desenvolvemento	78
Programa: 423A SERVIZOS E AXUDAS COMPLEMENTARIAS DA ENSINANZA		
Eixe: E4 - Eixe 4. Cohesión social e territorial		
Prioridade de Actuación: PA01 - Promover unha educación inclusiva e de calidade Obxectivo Extratético /Obxectivo Instrumental: E08 - Promover unha educación accesible e inclusiva eliminando os obstáculos de acceso do alumnado ao sistema educativo e reforzar a función que desempeña a educación, xunto coas familias, na plena realización dos dereitos humanos, a paz, o exercicio responsable da cidadanía local e global, a igualdade de xénero, o desenvolvemento sustentable e a saúde Obxectivo Operativo/Obxectivo Instrumental		
0001 - Accións de posta a disposición do alumnado que requira recursos educativos complementarios necesarios.		
	Indicador	Valor Previsto
	P01038 - Alumnado con dereito a reserva de praza no sistema de transporte público regular de uso xeral	39.000
	P034.H - Alumnado beneficiario do transporte escolar. Homes	1

OBXECTIVOS DE PROGRAMA

P034.M - Alumnado beneficiario do transporte escolar. Mulleres	1
Programa: 441A PROMOCIÓN DA ACTIVIDADE DEPORTIVA	
Eixe: E1 - Eixe 1. O reto demográfico	
Prioridade de Actuación: PA04 - Fortalecer unha asistencia sanitaria accesible e de calidade	
Obxectivo Extratético /Obxectivo Instrumental: E07 - Impulsar o deporte dende a etapa escolar e como práctica integradora e inclusiva que conduza á súa xeneralización entre a poboación galega, fortalecendo o deporte feminino e atendendo aos deportistas de alto nivel durante e despois da súa dedicación deportiva, así como a procurando as condicións máis adecuadas que coaduxen aos clubs e deportistas nas súas respectivas competicións deportivas dentro e fóra de Galicia	
Obxectivo Operativo/Obxectivo Instrumental	
OI01 - Actuacións de soporte e apoio (gastos de funcionamento)	
0001 - Apostar por medidas de fomento da actividade física con carácter xeral e en toda a poboación (fóra do ámbito educativo).	
0002 - Actuacións de dinamización deportiva mediante a construción ou mellora das infraestruturas deportivas.	
0006 - Fomento do deporte a través de convenios, axudas e patrocinios a entidades deportivas.	
0008 - Axuda á docencia deportiva e promoción activa da investigación no deporte a través de axudas á Facultade de Ciencias do Deporte.	
Indicador	Valor Previsto
P0076C - Entidades deportivas beneficiadas	1.400
P01011 - Actuacións en infraestruturas e equipamentos	368
P080.H - Participantes en idade escolar en programas de promoción deportiva. Homes	100.000
P080.M - Participantes en idade escolar en programas de promoción deportiva. Mulleres	55.000
P1009H - Número de licenzas federativas. Homes	215.000
P1009M - Número de licenzas federativas. Mulleres	80.000
Programa: 512A ORDENACIÓN E INSPECCIÓN DO TRANSPORTE	
Eixe: E1 - Eixe 1. O reto demográfico	
Prioridade de Actuación: PA01 - Acadar un nivel de emprego elevado e de calidade, que garanta o equilibrio entre a vida profesional e a privada	
Obxectivo Extratético /Obxectivo Instrumental: E03 - Aumentar as competencias emprendedoras, impulsar a creación de empresas e iniciativas de traballo por conta propia sustentables e fomentar un mercado de traballo inclusivo	
Obxectivo Operativo/Obxectivo Instrumental	
0002 - Programas de promoción do emprendemento e apoio ao emprego autónomo.	
Eixe: E2 - Eixe 2. Galicia verde e sostible	
Prioridade de Actuación: PA02 - Garantir unha mobilidade sustentable	
Obxectivo Extratético /Obxectivo Instrumental: E01 - Fomentar a mobilidade sustentable e alternativa, promovendo a utilización do transporte público colectivo e o emprego de medios de transporte menos contaminantes. Garantir a intermodalidade e a conexión entre diferentes modos de transporte e a conexión urbana-rural. Promover a eficiencia no transporte tanto de viaxeiros como de mercadorías. Incrementar a resiliencia climática da rede de transporte e comunicacións de Galicia	
Obxectivo Operativo/Obxectivo Instrumental	
OI01 - Actuacións de soporte e apoio (gastos de funcionamento)	
0001 - Desenvolver e xestionar o Plan de Transporte Metropolitano e a Área de Transporte de Galicia e , así mesmo, Plans de Mobilidade en tódalas cidades de Galicia, con participación de tódolos axentes implicados.	
0002 - Implantar un sistema de transporte intelixente no transporte público metropolitano e interurbano de viaxeiros por estrada.	
0003 - Desenvolver actuacións e medidas destinadas a acadar unha mobilidade sostible (urbana e interurbana) así coma a intermodalidade entre o transporte de viaxeiros en ferrocarril e en autobús interurbano e metropolitano.	
0004 - Modernización do transporte, incluídas as infraestruturas, sobre todo nas zonas de confluencias de distintos servizos urbanos (entradas e saídas de estacións...).	
0007 - Fomentar e incentivar a incorporación de medios de transporte menos contaminantes (vehículos híbridos, eléctricos, gas, bicicletas eléctricas, etc.). Favorecer a autonomía dos vehículos incentivando a investigación no ámbito das baterías e promover a creación dunha rede de estacións de recarga.	
0099 - Outras actuacións que contribúen ao obxectivo específico	
Indicador	Valor Previsto
D0C001 - Número de empresas que reciben axudas	700
P00029 - Actuacións e medidas de intermodalidade executadas.	3
P00222 - Número de viaxes realizadas en transporte metropolitano	16.567.136

OBXECTIVOS DE PROGRAMA

P01040 - Paradas dos servizos de transporte público regular de uso xeral do Plan de Transporte Público de Galicia	378
P01048 - Novas marquesiñas instaladas	124
P01122 - Bicicletas eléctricas	1.500

Eixe: E3 - Eixe 3. Competitividade e crecemento

Prioridade de Actuación: PA04 - Promover as infraestruturas produtivas e as de rede

Obxectivo Extratéxico /Obxectivo Instrumental: E01 - Asegurar que unha alta porcentaxe da poboación se sitúe a 15 minutos ou menos do acceso á rede de Vías de Altas Prestacións. Mellorar a calidade da rede viaria para aumentar a súa funcionalidade e seguridade viaria e adaptala á evolución da mobilidade e da tecnoloxía. Modernizar e mellorar as infraestruturas produtivas e de rede así coma a produtividade e desenvolvemento sostible dos portos de Galicia.

Obxectivo Operativo/Obxectivo Instrumental

OI01 - Actuacións de soporte e apoio (gastos de funcionamento)

0001 - Garantir unha rede de infraestruturas viarias funcional, competitiva, segura, acorde coa política territorial e accesible dende os distintos territorios, para contribuír na loita contra o despoboamento no rural.

V. CADROS NUMÉRICOS

Orzamento consolidado. Distribución dos créditos por programas e servizos

Programas	Servizos					
	01	02	03	04	05	06
121A-Dirección e servizos xerais de Administración xeral	71.508					
121C-Relacións institucionais					971	
123A-Acción social en favor do persoal da Administración	300					
131A-Administración de xustiza			183.751			
141A-Administración local				22.692		
161A-Eleccións e partidos políticos					2.000	
212A-Protección civil e seguridade da comunidade autónoma						26.245
324B-Mellora dos sistemas de saúde e seguridade de no traballo	756					
441A-Promoción da actividade deportiva		39.145				
Total	72.564	39.145	183.751	22.692	2.971	26.245

(Orzamento axustado)(Miles de Euros)

Orzamento consolidado. Distribución dos créditos por programas e servizos (continuación)

Programas	Servizos				
	07	08	81	A1	Total
111E-Relacións exteriores	2.184				2.184
121A-Dirección e servizos xerais de Administración xeral					71.508
121C-Relacións institucionais					971
123A-Acción social en favor do persoal da Administración					300
131A-Administración de xustiza					183.751
141A-Administración local					22.692
161A-Eleccións e partidos políticos					2.000
212A-Protección civil e seguridade da comunidade autónoma			3.668	10.363	40.277
312E-Programa da autonomía persoal e prevención da dependencia para persoas con discapacidade e as persoas maiores		6.437			6.437
324B-Mellora dos sistemas de saúde e seguridade de no traballo					756
331A-Cooperación exterior e ao desenvolvemento	9.864				9.864
423A-Servizos e axudas complementarias da ensinanza		122.591			122.591
441A-Promoción da actividade deportiva					39.145
512A-Ordenación e inspección do transporte		87.096			87.096
Total	12.048	216.125	3.668	10.363	589.572

(Orzamento axustado)(Miles de Euros)

Orzamento consolidado. Distribución dos créditos por programas e capítulos

Programas	Capítulos							
	I	II	III	IV	VI	VII	VIII	Total
111E-Relacións exteriores	1.047	212	1	908	16			2.184
121A-Dirección e servizos xerais de Administración xeral	24.508	27.694	5	121	17.850	1.290	40	71.508
121C-Relacións institucionais	785	149			37			971
123A-Acción social en favor do persoal da Administración		300						300
131A-Administración de xustiza	129.408	19.538		17.926	16.879			183.751
141A-Administración local	1.069	104		5.325	162	16.033		22.692
161A-Eleccións e partidos políticos				2.000				2.000
212A-Protección civil e seguridade da comunidade autónoma	5.921	3.619		19.307	10.229	1.200		40.277
312E-Programa da autonomía persoal e prevención da dependencia para persoas con discapacidade e as persoas maiores		6.437						6.437
324B-Mellora dos sistemas de saúde e seguridade no traballo		523			232			756
331A-Cooperación exterior e ao desenvolvemento	708			6.821	77	2.259		9.864
423A-Servizos e axudas complementarias da ensinanza		122.591						122.591
441A-Promoción da actividade deportiva	4.304	5.906		14.532	8.608	5.795		39.145
512A-Ordenación e inspección do transporte	6.156	742		29.054	45.520	5.624		87.096
Total	173.907	187.815	6	95.994	99.610	32.201	40	589.572

(Orzamento axustado)(Miles de Euros)

DISTRIBUCIÓN ORGÁNICA

01 SECRETARÍA XERAL TÉCNICA	2024	2025	% Var.
Cap. I - Gastos de persoal	23.503	24.508	4,3
Cap. II - Gastos en bens correntes e servizos	27.888	28.517	2,3
Cap. III - Gastos financeiros	256	5	-98,0
Cap. IV - Transferencias correntes	121	121	0,0
Cap. VI - Investimentos reais	16.253	18.082	11,3
Cap. VII - Transferencias de capital	1.290	1.290	0,0
Cap. VIII - Activos financeiros	40	40	0,0
Total	69.352	72.564	4,6

(Orzamento homoxeneizado e axustado 2024) (Miles de Euros)

02 SECRETARÍA XERAL PARA O DEPORTE	2024	2025	% Var.
Cap. I - Gastos de persoal	4.155	4.304	3,6
Cap. II - Gastos en bens correntes e servizos	5.082	5.906	16,2
Cap. IV - Transferencias correntes	29.410	14.532	-50,6
Cap. VI - Investimentos reais	11.804	8.608	-27,1
Cap. VII - Transferencias de capital	5.795	5.795	0,0
Total	56.246	39.145	-30,4

(Orzamento homoxeneizado e axustado 2024) (Miles de Euros)

03 DIRECCIÓN XERAL DE XUSTIZA	2024	2025	% Var.
Cap. I - Gastos de persoal	124.524	129.408	3,9
Cap. II - Gastos en bens correntes e servizos	19.538	19.538	0,0
Cap. IV - Transferencias correntes	17.003	17.926	5,4
Cap. VI - Investimentos reais	10.929	16.879	54,4
Total	171.993	183.751	6,8

(Orzamento homoxeneizado e axustado 2024) (Miles de Euros)

04 DIRECCIÓN XERAL DE ADMINISTRACIÓN LOCAL	2024	2025	% Var.
Cap. I - Gastos de persoal	1.034	1.069	3,4
Cap. II - Gastos en bens correntes e servizos	104	104	0,0
Cap. IV - Transferencias correntes	5.100	5.325	4,4
Cap. VI - Investimentos reais	162	162	0,0
Cap. VII - Transferencias de capital	13.699	16.033	17,0
Total	20.099	22.692	12,9

(Orzamento homoxeneizado e axustado 2024) (Miles de Euros)

05 DIRECCIÓN XERAL DE RELACIÓNS INSTITUCIONAIS E PARLAMENTARIAS	2024	2025	% Var.
Cap. I - Gastos de persoal	758	785	3,5
Cap. II - Gastos en bens correntes e servizos	149	149	0,0
Cap. IV - Transferencias correntes	2.000	2.000	0,0
Cap. VI - Investimentos reais	37	37	0,0
Total	2.944	2.971	0,9

(Orzamento homoxeneizado e axustado 2024) (Miles de Euros)

06 DIRECCIÓN XERAL DE EMERXENCIAS E INTERIOR	2024	2025	% Var.
Cap. I - Gastos de persoal	4.191	4.217	0,6
Cap. II - Gastos en bens correntes e servizos	1.142	1.167	2,2
Cap. IV - Transferencias correntes	11.046	19.245	74,2
Cap. VI - Investimentos reais	847	417	-50,8
Cap. VII - Transferencias de capital	0	1.200	0,0
Total	17.225	26.245	52,4

(Orzamento homoxeneizado e axustado 2024) (Miles de Euros)

07 DIRECCIÓN XERAL DE RELACIÓNS EXTERIORES E COA UNIÓN EUROPEA	2024	2025	% Var.
Cap. I - Gastos de persoal	1.695	1.755	3,5
Cap. II - Gastos en bens correntes e servizos	212	212	0,0
Cap. III - Gastos financeiros	1	1	0,0
Cap. IV - Transferencias correntes	7.052	7.729	9,6
Cap. VI - Investimentos reais	93	93	0,0
Cap. VII - Transferencias de capital	2.035	2.259	11,0
Total	11.087	12.048	8,7

(Orzamento homoxeneizado e axustado 2024) (Miles de Euros)

08 DIRECCIÓN XERAL DE MOBILIDADE	2024	2025	% Var.
Cap. I - Gastos de persoal	5.998	6.156	2,6
Cap. II - Gastos en bens correntes e servizos	127.959	129.771	1,4
Cap. IV - Transferencias correntes	24.354	29.054	19,3
Cap. VI - Investimentos reais	52.321	45.520	-13,0
Cap. VII - Transferencias de capital	5.474	5.624	2,7
Total	216.107	216.125	0,0

(Orzamento homoxeneizado e axustado 2024) (Miles de Euros)

81 ACADEMIA GALEGA DE SEGURIDADE PÚBLICA	2024	2025	% Var.
Cap. I - Gastos de persoal	1.103	1.140	3,4
Cap. II - Gastos en bens correntes e servizos	2.300	2.300	0,0
Cap. VI - Investimentos reais	228	228	0,0
Total	3.631	3.668	1,0

(Orzamento homoxeneizado e axustado 2024) (Miles de Euros)

A1 AXENCIA GALEGA DE EMERXENCIAS	2024	2025	% Var.
Cap. I - Gastos de persoal	548	564	2,9
Cap. II - Gastos en bens correntes e servizos	153	153	0,0
Cap. IV - Transferencias correntes	62	62	0,0
Cap. VI - Investimentos reais	7.906	9.584	21,2
Total	8.669	10.363	19,5

(Orzamento homoxeneizado e axustado 2024) (Miles de Euros)

SERVIZOS	2024	2025	% Var.
01 SECRETARÍA XERAL TÉCNICA	69.352	72.564	4,6
02 SECRETARÍA XERAL PARA O DEPORTE	56.246	39.145	-30,4
03 DIRECCIÓN XERAL DE XUSTIZA	171.993	183.751	6,8
04 DIRECCIÓN XERAL DE ADMINISTRACIÓN LOCAL	20.099	22.692	12,9
05 DIRECCIÓN XERAL DE RELACIÓNS INSTITUCIONAIS E PARLAMENTARIAS	2.944	2.971	0,9
06 DIRECCIÓN XERAL DE EMERXENCIAS E INTERIOR	17.225	26.245	52,4
07 DIRECCIÓN XERAL DE RELACIÓNS EXTERIORES E COA UNIÓN EUROPEA	11.087	12.048	8,7
08 DIRECCIÓN XERAL DE MOBILIDADE	216.107	216.125	0,0
81 ACADEMIA GALEGA DE SEGURIDADE PÚBLICA	3.631	3.668	1,0
A1 AXENCIA GALEGA DE EMERXENCIAS	8.669	10.363	19,5
Total	577.353	589.572	2,1

(Orzamento homoxeneizado e axustado 2024) (Miles de Euros)

Consellería, Organismos Autónomos, Entidades públicas instrumentais de consulta ou asesoramento e Axencias Públicas Autonómicas

	Consellería		00.AA , EE.CC.AA. e Axencias		Trans. Internas		Consolidado	
	2024	2025	2024	2025	2024	2025	2024	2025
Cap. I - Gastos de persoal	165.859	172.202	0	1.704	0	0	0	173.907
Cap. II - Gastos en bens correntes e servizos	182.073	185.362	0	2.453	0	0	0	187.815
Cap. III - Gastos financeiros	257	6	0	0	0	0	0	6
Cap. IV - Transferencias correntes	100.164	100.028	0	62	0	4.096	0	95.994
OPERACIÓNS CORRENTES	448.353	457.599	0	4.219	0	4.096	0	457.722
Cap. VI - Investimentos reais	92.446	89.798	0	9.812	0	0	0	99.610
Cap. VII - Transferencias de capital	36.427	42.013	0	0	0	9.812	0	32.201
Cap. VIII - Activos financeiros	40	40	0	0	0	0	0	40
OPERACIÓNS DE CAPITAL	128.914	131.851	0	9.812	0	9.812	0	131.851
Total	577.267	589.450	0	14.031	0	13.908	0	589.572

(Orzamento homoxeneizado e axustado 2024) (Miles de Euros)

Medios Persoais

Cons. Presidencia, Xustiza e Deportes	2025
Altos Cargos	9
Persoal Funcionario	3.614
Subgrupo A1	256
Subgrupo A2	990
Subgrupo C1	1.490
Subgrupo C2	785
Agrupacións profesionais	93
Persoal Laboral	375
Grupo I	14
Grupo II	9
Grupo III	156
Grupo IV	94
Grupo V	102
TOTAL	3.998

Medios Persoais

Academia Galega de Seguridade Pública	2025
Persoal Funcionario	21
Subgrupo A1	7
Subgrupo A2	4
Subgrupo C1	1
Subgrupo C2	7
Agrupacións profesionais	2
Persoal Laboral	2
Grupo II	1
Grupo III	1
TOTAL	23

Medios Persoais

A. G. de Emerxencias	2025
Persoal Funcionario	3
Subgrupo A1	3
Persoal Laboral	4
Grupo III	3
Grupo IV	1
TOTAL	7

**Entidades Públicas Empresariais, Consorcios, Sociedades Mercantís e Funda-
cións do Sector Público Autonómico**

Consorcios autonómicos	Explotación	Capital
Cons. Local dos Peares	74	2
Fundacións do sector público autonómico	Explotación	Capital
Fundación Galicia Europa	925	5
Fundación Semana Verde de Galicia	3.761	
Fundación Deporte Galego	5.044	10
Total	9.805	17

(Miles de Euros)